



BIBLIOTECA NAZ.
Vittorio Emanuele III

XVI

C

20

NAPOLI





INSTITUTIONES JURIS CANONICI

IN TRES PARTES,
AC IN SEX TOMOS DISTRIBUTAE

*Quibus vetus & nova Ecclesiae disciplina
& mutationum causae enarrantur*


A

DOMINICO CAVALLARIO.

JURIS CANONICI ET CIVILIS PROFESSORE
CONSCRIPTAE

*In hac nova Panormitana Editione
accessit*

JUS SICULUM ECCLESIASTICUM



SINGULIS QUIBUSQUE JURIS CANONICI
TRACTATIBUS ADCOMMODATUM.

TOMUS VI.




PANORMI, TYPIS REGIIS, MDCCXCI.

~ *~* *~* *~* *~* *~*

CUM APPROBAT.

SUMPTIBUS ROSARII ABBATE.



I N D E X

CAPITUM & DOCTRINARUM

TERTIAE PARTIS .

De judiciis, & poenis ecclesiasticis .

CAP. I. **D**E jurisdictione ecclesiae propria . pag. I.*Notio jurisdictionis ecclesiasticae .**Ecclesiae propria jurisdictio .**Circa quae versatur ecclesiae potestas .**Confutatur doctrina haereticorum de ecclesiae potestate .**Notura potestatis ecclesiasticae .**Claves a Christo ecclesiae datae .**Usus vero est penes ecclesiae ministros :**Omnes christiani subiecti spirituali ecclesiae potestati .**Potestas civilis directe nihil potest in spiritualia .**De pontificatu maximo Christianorum imperatorum .**Opponitur, Constantinum directe de rebus sacris cognovisse .**Satisfit objectioni .**Principum est religionem & ecclesiam tueri .*

CAP. II. De jurisdictione ecclesiastica in
caussis civilibus laicorum. pag. 17.

Jurisdictionis civilis extrinsecus sacerdotio
accessit.

Christiana doctrina de litibus fugiendis
Consilii potius & perfectionis, quam
praecepti videtur esse.

Doctrina apostoli ut fideles apud fra-
tres lites deferant.

Christianos a magistratuum jurisdic-
 tione non exemit.

Episcopi ad componendas lites a liti-
gantibus assumti.

Qui episcopi lites decidebant.

Arbitria episcoporum a christianis im-
peratoribus confirmata.

Lex Constantini M. ad Ablavium ex-
ploditur.

Varia civilia negotia curae episcoporum
commissa.

Arbitria episcoporum in veram jurisdic-
tionem abeunt.

Causae civiles laicorum obtentu pecca-
ti ad episcopum delatae.

Additio Juris Siculi.

Item obtentu jurisjurandi.

Causae ex matrimonio pendentes epi-
scopalis cognitionis.

Additio Juris Siculi.

Item causae de testamentis.

Causae miserabilium ad forum eccle-
siaasticum translatae.

Episcopi suppleant magistratuum negli-
gentiam. Epi-

Episcopi quaestionum juris sibi tribuunt definitionem .

Causae omnes laicorum civiles ad episcopos devolutae .

Ecclesiastica jurisdictio de causis civilibus laicorum desit .

CAP. III. De jurisdictione ecclesiastica in causis civilibus clericorum . pag. 41.

Clerici perfecti a litibus alieni .

Ecclesia vult , ut clerici judicio ecclesiastico litigent .

*Clerici a jurisdictione magistratuum olim non ex-
mti .*

In civilibus fori privilegium clericis datum .

Ratio privilegii fori in re civili clericis concessi .

*Fori privilegium confirmatur & auge-
tur .*

*Spuria monumenta de foro civili cleri-
corum .*

Fori privilegium in re civili multis locis deminutum .

Jure regni nostri qua forma constitutum .

Additio Juris Siculi .

CAP. IV. De jurisdictione criminali ecclesiastica .

56.

Civilis potestatis est crimina punire .

Quicumque demum sit , qui delinquit .

Ecclesia punit delicta in foro interno .

*Crimina Clericorum communia & ec-
clesiastica .*

Cle.

✠ VI ✠

Clerici in delictis ecclesiasticis a potestate civili exempti .

*Idque ex regulis christianae religionis .
Quia Justinianus delicta civilia clericorum puniri voluit .*

Clerici nunquam subtracti a suprema imperii potestate .

Clerici in omnibus criminibus imperio magistratus exempti .

Idque initio politicae non adversum .

Corrupta monumenta de privilegio fori in re criminali .

Privilegium fori in re criminali deminuitur .

Qua forma in Gallia & alibi obtinet .

Leges regni de foro criminali clericorum .

Additio Juris Siculi .

CAP. V. *Qui clerici & monachi fori privilegio utantur , & utrum illud possint ejurare .* pag. 76.

Clerici omnes , & monachi olim fori privilegio aucti .

Fori privilegium olim datum ob ecclesiae ministerium .

Additio Juris Siculi .

Inde datum reputari coepit ob ordinis characterem .

*Canon Tridentinus de fori privilegio .
De fori privilegio , quo utuntur clerici conjugati .*

An novitii , oblato , & tertiarii gaudent fori privilegio .

Cle-

Clerici silvatici non habent fori privilegium .

Familia clericorum & episcopi an habeat fori privilegium .

Clerici minores qui amittunt fori privilegium .

An abjectus clericatus iterum suscipi potest .

Poena in violatores fori clericalis .

Fori privilegio amisso an reliqua privilegia amittuntur .

Clericis olim in judicem laicum licebat consentire .

Jure decretalium vetitum clericis fori privilegio renuntiare .

Quod Cujacius extra juris rationem statutum contendit .

Judicium de vetita fori renuntiatione .

CAP. VI. De foro competenti . pag. 97.

Definitur forum competens .

An ecclesia in re civili forum habuit ?

Ecclesia in rebus spiritualibus forum proprium habet .

Locus ecclesiasticorum judiciorum .

Forum ecclesiasticorum olim unum fuit .

Causae de sacramentis sunt fori ecclesiastici .

Cujus fori sunt causae matrimoniales .

Additio Juris Seculi .

Causae beneficiariae episcopalis fori sunt .

Quis judex in causis juris patronatus .

In regno nostro cujus fori sunt causae

ju.

jurispatronatus .

Additio Juris Siculi .

Causae funerariae sunt fori ecclesiastici .

Additio Juris Siculi .

Quaestiones de decimis jure decretalium sunt fori ecclesiastici .

Cujus judicis est possessorium in causis Ecclesiasticis .

Quis iudex in causa decimarum in regno Apuliae .

Additio Juris Siculi .

Distinctio criminum in ecclesiastica , civilia , & mista .

Forum competens in criminibus ecclesiasticis .

Additio Juris Siculi .

Forum competens in criminibus mistis & civilibus .

Additio Juris Siculi .

Regula juris actor sequitur forum rei :

Forum competens ex causa domicilii .

Domicilium commune .

Forum competens ex causa contractus .

Forum competens ex causa rei sitae .

Forum competens ex causa criminis .

Forum competens ex partium consensu .

Quo casu obtinet jure decretalium .

Forum proprium ex continentia causae .

Forum fit competens privilegio .

Additio Juris Siculi .

CAP. VII. *Quibus in causis clerici apud
iudicem laicum conveniunt .*

pag. 136.
Caus-

Causae feudales contra clericos agitantur in foro laico.

Item causae de haereditatibus & fideicommissis.

Et causae ubi clerici auctores denuntiati sunt.

Clerici in causa retractus in foro laico conveniuntur.

Item in causis nuntiationis novi operis. Clerici diffamantes in foro laico conveniuntur.

Item si post citationem rem controversam adquirant.

Quis iudex clericorum in causa publici officii.

Citatus si inde fiat clericus caret fori privilegio.

Clerici in foro laico recte reconveniuntur. Clerici rei majestatis fori privilegium non habent.

Item in assassinii crimine.

Quis iudex in criminibus atrocioribus episcoporum.

De iudice in causa dubii clericatus.

CAP. VIII. *De causis majoribus.* pag. 153

In causis majoribus celebriores episcopi consulti.

Praecipue vero consultus summus pontifex.

Causas majores Leo M. sibi reservat.

Reservatio causarum majorum in falsis decretalibus proposita.

Reservatio causarum majorum qui recepta.

b

Quae



- Quae sint causae majores :*
Episcopi olim in quaestionibus fidei judicabant .
Quod inde summo pontifici reservatum est .
Causae contra episcopos in synodo provinciali tractatae .
Canones Sardicenses de judiciis contra episcopos .
Qua ratione olim pontifices deponebant episcopos .
Causae metropolitaram patriarchis reservantur .
Praerogativa throni CP. in causis metropolitaram .
Pontifices sibi reservant causas de metropolitans .
Doctrina falsarum decretalium in causis episcoporum .
Causae contra episcopos pontifici reservantur .
Distinctio inter causas episcoporum majores & minores .
Episcopi olim Sanctos canoni inferebant .
Populus novos sibi Sanctos saepe fecit .
Canonizatio summo pontifici reservatur .
Canonizatio solius pontificis judicio innixa creditur .
An miracula ad canonizationem requirantur ?
Eximiae virtutes ad canonizationem necessariae .
Ritus in canonizatione adhibiti .

Di-

❧ XI ❧

Distinctio inter Canonizationem ; & beatificationem .

An canonizatio errori obnoxia .

CAP. IX. *De conciliis generatim .* pag. 184:

Species conciliorum .

Synodi perpetuae .

Concilia regia seu mista .

Concilia sunt divinae institutionis .

Confutatur sententia Boëhmeri de origine conciliorum .

Episcopi primigenii conciliorum iudices .

An presbyteri suffragium in synodis habeant .

Officia diaconorum & notariorum in conciliis .

Qui ex monachis iudices in conciliis sedent .

Fideles laici conciliis praesentes .

Laici jure suffragii numquam usi :

Boëhmerus laicos de disciplina in conciliis judicasse docet .

Systema Boëhmeri confutatur .

Negotia in synodis tractanda .

Locus habendis conciliis .

Ordo & forma confessus in synodis :

Negotia quomodo in synodis tractanda & finienda .

Conciliorum actiones , acta & qui data suffragia .

Subscriptiones conciliorum :

Synodi non omnes sunt ejusdem auctoritatis .

CAP. X. *De synodis episcopalibus .* pag. 210:

*Synodus episcopi distat a presbyterio .
Qui synodum episcopalem possunt habere
Qui clerici synodo episcopali debent in-
teresse .*

*Exempti quando synodo episcopali adesse
debent .*

*Quoties synodus episcopalis celebranda .
Quae tractanda in synodo episcopali .*

*Testes synodales in synodis creantur .
Examinatores synodales in episcopi sy-
nodo eliduntur .*

*Judices synodales in synodis creantur .
Publicatio synodi episcopalis .*

*Qui decretis synodi episcopalis obligan-
tur .*

De synodatico , seu cathedratico .

Synodi archidiaconorum , & decanorū .

CAP. XI. De conciliis provincialibus . 224.

*Metropolitanus synodum provinciae co-
git , eique praest .*

*Episcopi provinciae synodo debent in-
teresse .*

*Intersunt etiam alii , sive jure , sive con-
suetudine .*

*Obligatio frequentandae synodi pendet
ab ordinatione .*

*Alienae provinciae episcopi quando ad
synodum accedunt .*

*Synodus provinciae bis , aut semel in
anno celebratur .*

Synodi provinciales fere desuetae .

Quae tractanda in synodo provinciali :

*Synodus provincialis pro jure suo cano-
nes condit .*

Et

Et sine auctoritate pontificis recte celebratur.

Origo doctrinae de synodis sine pontifice non habendis.

Synodica de fide decreta ad pontificem missa.

Synodus provincialis non eget pontificis confirmatione.

Qui obligantur decretis synodi provincialis.

CAP. XII. De conciliis dioecesanis. 240.

Quae sint synodi dioecesanae.

Earum origo ex divisione imperii in dioeceses.

Forma synodorum dioecesanarum in Oriente.

Doctrina Gothofredi de antiquitate synodi dioecesanae.

Qui conveniunt in synodum dioecesis.

Synodi dioecesis a quo indictae.

In Occidente saepe habitae auctore pontifice.

Quoties synodus dioecesis habenda.

Quae in synodo dioecesana tractanda.

Synodus patriarchalis Romani pontificis.

Per totum Occidentem non extendebatur.

Plenarium Occidentis vel Orientis concilium.

Synodi dioecesanae celebrari desierunt.

CAP. XIII. De conciliis generalibus. 256.

Concilia generalia olim ex imperio Ro-

mano coacta .

*Iude ex solis Occidentis episcopis coacta .
Non omnes episcopi concilio generali
debent interesse .*

*Auctoritas pontificis synodo generali ne-
cessaria .*

*Imperatores olim concilia generalia in-
dicebant .*

*In nova disciplina pontifices indicunt
concilia generalia .*

*Richerius jus indicendae synodi gene-
ralis imperatori vindicat .*

*Contra plerique catholici id tribuunt
pontifici .*

*Launojas ad disciplinam pertinere docet .
Summus pontifex conciliis generalibus
praest .*

*Cum relationis & suffragii praerogativa .
Litterae pontificis in synodis expensae .
Quo nomine edita conciliorum genera-
lium decreta .*

*Causae habendarum synodorum gene-
ralium .*

*De tempore celebrandae synodi genera-
lis .*

*Synodus generalis universam ecclesiam
repraesentat .*

*Atque adeo in rebus fidei errare non po-
test .*

*Canones de disciplina etiam generales
mutabiles sunt .*

*Receptio ecclesiarum an decretis synodi-
cis necessaria .*

Va-

*Variae sententiae de supremo ecclesiae
auditorio .*

*Summi pontifices olim in conciliis gene-
ralibus iudicati .*

*Synodi tres concilium generale supra
pontificem extollunt .*

*Exceptiones contra proposita concilio-
rum decreta .*

*Sententia , quae fert , synodos genera-
les vi propria consistere .*

*Contra docent alii , indigere pontificis
confirmatione .*

Hujus sententiae rationes quae dilui solent

CAP. XIV. De regia in synodos potestate. 287.

*Consensus principis synodis habendis ne-
cessarius .*

*Concilia ab apostolis habita ex legum
concessione .*

*Primis saeculis habita concilia ex prin-
cipum tolerantia .*

*Principes indicunt concilia extraordina-
ria .*

*Principes synodis extraordinariis prae-
sident .*

*Sed tamquam exterioris ordinis & disci-
plinæ vindices .*

*Principes synodis rerum tractandarum
ordinem dicunt .*

*Acta contra ordinem imperio principis
rescissa .*

*Magistratus ex delegatione principis
synodis praesident .*

*Magistratus judiciis canonicis non in-
terfunt .*

Prin-

Principes suspendunt conciliorum decreta.

Principes decreta conciliorum confirmant.

Sed previa causae cognitione.

Principes disciplinae exterioris canones limitant.

Confirmatione principis vis civilis conciliis accedit.

Quo jure potestas principum in synodos nititur.

Quo sensu imperatores dicti pontifices. Regia potestas in synodos decrevit.

Hodiernus usus regiae potestatis in synodos.

Additio juris Siculi.

CAP. XV. De iudicibus ordinariis. 231.

Judex generaliter definitur.

Quis iudex ordinarius.

Olim ipsi episcopi in presbyterio judicabant.

Archidiaconi & decani evadunt iudices ordinarii.

Archidiaconi & decani ferme desueta jurisdictio.

CAP. XVI. De vicario generali. 318.

Episcopi vicarius generalis describitur.

Vicarii generales in nova disciplina instituti.

Institutio vicariorum viris bonis displicuit.

Vicarius generalis praestit ordinariae episcopi jurisdictioni.

Licet episcopo plures vicarios creare .

Quae denegantur vicario sine speciali mandato .

Vicarius aliquam dignitatem videtur habere .

Jurisdictio vicarii ordinaria censetur .

Qui in vicarios assumendi .

Quibus modis finitur vicarii officium .

De vicariis foraneis .

CAP. XVII. De iudicibus delegatis .

329.

Descriptio iudicis delegati .

Judices dati & mandatarii jurisdictionis differunt .

Qui jurisdictionem mandare possunt .

Pontificii delegati in causas particulares quando coeperunt .

Delegati pontificis plenam habent jurisdictionem .

Eamque sive totam sive pro parte possunt subdelegare .

Quibus a pontifice causae delegandae .

Quibus in locis constituendi pontificii delegati .

An causae a pontifice necessario extracuriam delegandae .

Unus aut plures in unam causam delegati .

Delegatus mandati fines servare tenetur

Delegati iudicis recusatio .

Quis appellatur a iudicibus delegatis .

Quibus modis finitur iudicis delegati officium .

De delegatione vi canonis competente .

Olim

Olim principes dabant iudices in causis ecclesiasticis .

Quae delegatio etiam ab ecclesia probata .

Qui exortae principum in causis ecclesiasticis delegationes .

CAP. XVIII. De fidei inquisitoribus . 350.

Episcopi primigenii fidei inquisitores .

Pontificii inquisitores quando instituti .

Fridericus II. fidei inquisitiones promovit .

Dominicani inquisitores jurisdictione aucti .

Perpetua & stabilis inquisitio instituitur .
Potestas episcoporum post institutam inquisitionem .

Jurisdictio inquisitionis .

Inquisitio fidei multis ministris instructa .

Ordo judicarius ab inquisitione usurpatus .

Poenae ab inquisitione irrogari solitae .

Sollemnitates actus fidei

Traditio reorum ad mortem an irregularis faciat inquisitores .

Inquisitio fidei parum congruit christianae mansuetudini .

Et ignorantiam & hypocrisin promovet : Multis in locis sanctum Officium receptum est .

Romana inquisitio seu congregatio sancti officii .

Neapolitana fidei inquisitio sub Svevis & Andegavensibus .

Nea-

Neapolitani sanctam inquisitionem rej-
iciunt.

Romana inquisitio in Neapolitanos exer-
cet jurisdictionem.

Neapoli sanctum Officium omnino abo-
letur.

Unde Neapolitanorum adversus inquisi-
tionem odium.

Additio Juris Siculi.

CAP. XIX. De arbitris.

377.

Arbitri qui, & quot eorum species.

Compromissum quomodo fiat.

Qui possunt compromittere.

Qui possunt in arbitros eligi.

Pluribus electis arbitris arbitrium quo-
modo expeditur.

Quae causae arbitros non admittunt.

Arbiter sponte receptum arbitrium cogi-
tur implere.

Arbitri compromissarii jurisdictionem
non habent.

Notio arbitri ex compromisso pendet.

Compromittentes arbitrio stare cogun-
tur.

Appellatio non datur ab arbitri senten-
tia.

Quibus modis solvitur compromissum.

Arbitrorum juris exempla.

Arbitri juris veri judices sunt.

Explicatur disciplina ecclesiae Africanae
de judicibus electis,



INSTITUTIONES JURIS CANONICI.

P A R S III.

De judiciis & poenis ecclesiasticis.

C A P U T I.

De jurisdictione ecclesiae propria.

Notio jurisdictionis ecclesiasticae.

§. I. **V**OX *jurisdictio* in veteribus monumentis ad significandam ecclesiasticam potestatem vix occurrit, ejusque loco veteres patres potius usurpant *ministerium*, *cathedrae*, *potestatis* & *auctoritatis* vocabula. Jurisdictio potius civile imperium, a quo ecclesia abhorrebat, complecti videbatur. Primus, qui ab jure civili vocem jurisdictionis in ecclesiam intulit, Gregorius M. videtur fuisse (a): inde sensim ea vox in jure canonico recepta est, praesertim ubi restituto legum Romanorum studio, clerici illis addiscendis operam navarunt. Sed amplior est in jure pontificio, quam in legibus Romanis ejus vocabuli notio. Etenim jure Romano nomine jurisdictionis stricte sic dictae venit causas civiles cognoscendi & dirimendi & rem judi-

Inst. jur. can. T. VI. A ca-

(a) *Gregor. M. lib. XIV. ep. 8.*

catam exsequendi facultas, ut & judicis dandi licentia (a): quamvis alias ampliori sensu eo nomine etiam imperium, seu potestas gladii ad animadvertendum in facinorosos homines, contineatur, quod Gerardus Noodt pluribus adseruit (b). At jure pontificio latissime patet jurisdictio; omnis enim potestas, qua episcopi alique ecclesiae ministri pollent, sive sacra administrent, sive doctrinam fidei doceant, sive novos ritus & caerimonias instituunt, sive causas audiant, sive decernant, sive judicem dent, sive a peccatis solvant, sive ligent, sive in facinorosos poenas irrogent, *jurisdictionis* nomine continetur.

Ecclesiae propria jurisdictio.

§. II. Jurisdictio autem & potestas ecclesiastica aut sacerdotio cohaeret, eique propria & intrinseca est, aut ei saeculorum curae extrinsecus accessit. Et quidem esse in ecclesia propriam quamdam potestatem, qua religio exercetur, in compertis est. Sane Christus docendi & baptizandi (c), seu sacramenta administrandi, suis apostolis eorumque successoribus potestatem dedit. Idem quoque apostolis suis claves regni coelorum tradidit (d), hoc est ecclesiae regendae & peccatores contumaces foras expellendi potestatem. Nimirum claves stilo scripturarum
sum-

(a) L. III. D. de jurisd. (b) Gerard. Noodt de jurisd. & imp. lib. I. cap. 2. (c) Matth. XXVIII. 18. seq. (d) Matth. XVIII. 18., Joan. XX. 23.

summam quamdam auctoritatem domestica, omnia administrandi significant: qui enim domus claves habet, omnia, quae in domo sunt, discernit & moderatur, & pro jure suo quoslibet excludit, vel admittit. Summa autem potestas in clavibus designata in domo patris Christo data est (a); eamque reversurus ad patrem, apostolis commendavit. Porro apertis constat apostoli verbis; jure divino ecclesiae regimen episcopis fuisse demandatum (b); regimen autem cognitione, & omni potestate destitutum certe oblanguet, & nullius usus esse potest. Ecclesia quoque, ex Christi promissione ad consummationem usque saeculi stare debet (c): non ergo potestate & regimine destituitur; haec est enim societatum natura, ut sine certo ordine & regimine diu stare non possint.

Circa quae versatur ecclesiae potestas.

§. III. Quae quum ita sint, potestas ecclesiae propria & sacerdotio intrinseca versatur circa spiritualia; atque adeo sacerdotii est, christianam fidem & morum regulas docere, sacramenta administrare, quaestiones doctrinae seu fidem, seu mores spectent, definire; canones condere, quibus fides & morum regulae confirmantur, & in dubiis explicantur; ritus sacramentales aliasque sacras caerimonias instituere; canones juris humani ecclesiastici ex justa causa relaxare; & si sa-

A 2

lus

(a) *Matth. XXVIII. 18.* (b) *Actor. XX. 28.*

(c) *Matth. XXVIII. 20.*

lus ecclesiae postulet, abrogare; pastores & ministros instituire ad perficiendum opus domini ad saeculi finem, & ad spiritualem potestatem exercendam; eosdemque, si indigni evadant, munere suo deicere; christianos peccatores admonere, iisdemque poenitentiam irrogare, & a peccatis solvere; eosdemque contumaces & immedicabiles, qui ceteros inficere possunt, ab ecclesiae communione expellere. Item sacerdotii est ecclesias & altaria consecrare, abbates benedicere, sacras virgines velare, inter coelites seu sanctos referre, beneficia conferre, ecclesias unire, aut dissociare, ecclesias vacantes commendare, & hujus generis alia, quae ad hominum spirituales salutem spectant.

Consutatur doctrina haereticorum de ecclesiae potestate.

§. IV. Tam late patet spiritualis potestas, quae Christi ecclesiae cohaeret, eique intrinseca est: at contra multi ex posterioribus haereticis, praesertim Pfaßius & Böehmerus, eam summo opere extenuant, & tantum non ad nihilum reducunt (a). Afferunt, ecclesias origine sua esse societates aequales, omni sacro imperio destitutas: atque adeo episcoporum & presbyterorum potestatem tribus absolvi, facultate nempe christianam doctrinam docendi, coetus dirigendi, & inspiciendi, ut omnia recto ordine fiant; nec eorum aliquod judicariam.

po-

(a) *Pfaf. orig. jur. eccles. cap. 11. art. 2. Böehm. jur. eccles. lib. I. tit. 31. §. 29.*

potestatem & jus proprium circa sacra involvere. Nam qui docet, non imperat, sed dogmata exponit, & suadendo inculcat. Qui inspectionem habet in collegio aequali, itidem amica reprehensione errantes in viam reducere sine ullo imperio debet. Et qui dirigit coetum aequalem, tantum suffragii praeerogativa utitur in rebus communi consensu peragendis, & praefecturam quandam ex ipsius collegii delegatione sine imperio in singulos exercet. Sed quotquot ita sentiunt, manifeste evangelio vim inferunt, constat enim ab ipso Christo institutos esse, qui ecclesiam colligerent, regerent, gubernarent (a), de fontibus judicarent, peccata dimitterent (b), poenitentias irrogarent, & contumaces ab ecclesia tamquam ethnicos & publicanos ejicerent (c).

Natura potestatis ecclesiasticae.

§. V. Illud tamen verum est, potestatem ecclesiasticam longe diversam esse a civili, nec quidquam cum imperio & civili societate habere commune. Instituta enim est ad exercitium religionis, quae natura sua omnem vim & coactionem respuit. *Id lex nostra*, inquit Gregorius Nazianzenus (d), & legislator noster sanxit, ut grex non coacte, sed sponte ac libenti animo pascatur. Inde observat Hieronymus, hoc inter reges & episcopos discrimen esse, quod illi nolentibus, hi volentibus, imperent (e). Et si contem.

(a) *Matth. XXVIII. 18. seq., act. XX. 28.*

(b) *Joan. XX. 22. seq.* (c) *Matth. XVIII. 15. seq.* (d) *Gregor. Naziaz. apol.* (e) *Hieron. ep. III. ad Nepot.*

temnatur episcopus, inquit idem Hieronymus, *non oportet ultiones ingerere, sed tota ultio est plorare & ingemiscere* (a). Et ante omnes apostolorum princeps Petrus presbyteris edixit, ne dominantur in cleris, sed potius gregem Dei non coacte, sed sponte pascere (b). Hinc potestas ecclesiastica potius ministerii, quam coactionis naturam involvit, sacrorumque ministeriorum est suadere, hortari, docere, & in consentientes sacram potestatem exercere, & poenas spirituales, seu poenitentias infligere. Quod si christiani sponte sua ecclesiam advocantem, non exaudiant & rebelles perleverent, illa poenitentiam per vim non irrogabat, sed tantum eos excommunicatione mortali plectebat, hoc est tamquam ethnicos & publicanos ejiciebat.

Claves a Christo ecclesiae datae.

§. VI. Potestas autem spiritualis, quae clavium nomine designatur, potius toti ecclesiae, quam ejus ministris origine sua competit, quae est recepta apud veteres doctrina, eamque Launoïus, Dupinus, N. Alexander aliique theologi adstruunt (c). Et quidem tum demum fratrem admonitum & contumacem tanquam ethnicum & publicanum Christus haberi voluit, *si ecclesiam non audierit* (d), manifesto indicio clavium potestatem potius universitati, quam anti-

(a) *Id. in ep. ad Hebr. hom. ult. & in ep. ad Tit.*

(b) *1. Petr. V. 2. 3.* (c) *Launoïus ep. V. ad Hadr. Vallant. tom. 1., Dupin. diff. VI. de antiq. eccles. discipl. §. 1., N. Alexand. diff. VIII. in saec. XV. & XVI. art. 3. n. 53.* (d) *Matth. XVIII. 17.*

antistitibus tributam. Deinde conceptissima sunt veterum patrum dicta, quibus claves regni caelorum ipsi fidelium societati datae adseruntur. *Memento*, inquit Tertullianus (a), *claves hic dominum Petro, & per eum ecclesiae reliquisse*. Et Augustinus, *Christus claves dedit ecclesiae suae, ut quae solveret in terris, soluta essent in caelo*, quae ligaret in terra, ligata essent in caelo (b): quam doctrinam centies alibi proponit (c). Et ut alia multa mittam, synodus Melensis anno 1555 ita fatetur, ut *clavibus ecclesiae datis aditus ad vitam claudi debeat, aut referari*. Inde primis saeculis non soli episcopi, sed cum eis presbyteri accedente etiam laicorum consensu saepe negotia ecclesiastica pertractarunt. Nec alia est antiquorum scholasticorum doctrina, qui post Magistrum sententiarum & B. Thomam claves ecclesiae semper appellant, non claves S. Petri, quia origine sua ecclesiae traditae sunt. Et quamvis Christus ecclesiae suae claves Petro promiserit, patres tamen id factum tradunt ad ecclesiae unitatem demonstrandam, & quod Petrus universitatis personam referebat (d).

Usus vero est penes ecclesiae ministros.

§. VII. Verum enimvero quamvis potestas clavium in ecclesia tamquam in proximo & immediato subiecto, resideat, ut cum Parisiensibus theologis loquar; tamen earum exercitium ecclesiae patto, ribus demandatum est. Recte observat Toftatus

len.

(a) *Tertull. Scorp. cap. X.* (b) *August. lib. I de doct. christ. cap. 8.* (c) *Conf. N. Alexand. loc. cit.* (d) *August. serm. CVIII. de divers.*

Abulensis (a), jurisdictionem quidem inesse posse multitudini; at ejus exercitium & usum vix per multitudinem, praesertim si numerosior fuerit, posse explicari. Hinc Christus ecclesiae suae consulens, pastores instituit, qui potestatem spirituales tamquam ex ecclesiae delegatione in usum deducerent. Misit nempe apostolos suos & eorum successores cum ampla potestate ad ecclesiam regendam & gubernandam. Hinc ecclesiae praepositi jure divino aucti sunt exercitio spiritualis potestatis; nec aliquid de divina eorum institutione minuitur, quod claves regni caelorum universitati proxime commissas, ipsi tantum in usum deducant. Et quoniam antistites nomine ecclesiae agere intelliguntur, hinc tamquam ejus ministri semper habiti sunt. Paucis haec omnia ita Abulensis proponit (b): *ecclesia suscepit claves a Christo, & apostoli tamquam ministri ecclesiae; & nunc ecclesia illas habet & praelati etiam, sed aliter ecclesia, quam praelati; nam ecclesia illas habet secundum originem & virtutem, praelati autem habent secundum usum eorum.*

Omnes christiani subjeti spirituali ecclesiae potestati.

§. VIII. Jam ecclesiae spiritualis potestas, qua doctrinam docet, sacramenta administrat & poenas spirituales irrogat, generalis est, eaque reguntur christiani omnes, etiam urbibus & provinciis praefecti, qui in spiritualibus eccle-

(a) *Tostot. in cap. XV. Numer. q. XLVIII.*

(b) *Tostat. loc. cit. quaest. XLIX.*

clesiae ejusque ministris subiiciuntur : Christiani omnes in rebus religionis audire debent eos , quibus Christus ecclesiae suae regimen demandavit : Et sane provinciarum praesides litteras communicatorias ab ecclesiae suae episcopo accipere debebant , quas ad episcopum ejus loci , quo cum imperio mittebantur , deferrent , ut ita constaret , eos esse in ecclesiae communione ; in loco autem imperii agentes ejus episcopo suberant , & si aliquid contra publicam disciplinam attentarent , a communione excluderentur , quae est regula in concilio Arelatensi I proposita (a). Hanc quoque regulam Chrysostomus clericis suggerit proponitque , ne quem crudelem , immisericordem , impurum , aut alium quemcumque insignis improbitatis hominem ad eucharistiam admittant . *Si dux quispiam* , inquit (b) , *si consul ipse , si qui diademate ornatur* , indigne adeat , cohibe ac coërce. majorem tu illo habes potestatem . Ambrosius quoque aperte significavit Valentiniano imperatori , ejus munera ecclesiam non accepturam , nec episcopos quietos stare , si aram Victorio iterum aedificari pateretur , quod Symmachus ethnicus urbis Romae gubernator ab eo postulaverat (c). Quin ipsum Theodosium M. , quod tot hominum millia , nullo facto infantium & reorum discrimine , Thessalonicae occidi jussisset , eucharistica communione. *Inst. jur. can. T. VI.* B *ex.*

(a) *Conc. Arelat. I. can. VII.* (b) *Chrysost. hom. LXXXII. in Matth.* (c) *Ambros. ep. XXX. ad Valentin. jubier,*

exclufit; & publicae poenitentiae fubjecit (a). Quamvis non femper & in omnibus cafibus e re ecclefiae erit uti gladio fpiritali contra eos, qui cum imperio praefunt, qua de re inferius pluribus differemus.

Potestas civilis directe nihil poteft in fpiritualia.

§. IX. Potestas de rebus religionis adeo ftrictè cohaeret chriftiano facerdotio, ut de iis aliquid directe ftatuere chriftianis principibus non concedatur. Et quamquam apud gentes follemnè fuerit religionis & reipublicae adminiftrationem in unam perfonam coalefcere; tamen apud chriftianos ea duo inter fe diftincta funt, & religio antiftitibus, respublica vero principibus commiffa eft. Sane Chriftus ipfe, qui ecclefiam fuam divina auctoritate inftituit, tantum facerdotes ejus regendae potestate auxit, nihilque habet, quo de potestate principum in res fpirituales confiet. A rebus temporalibus omnino alienos effe voluit, qui ecclefiam adminiftrarent, ut faeculi curis expediti, unice ad animarum falutem incumbere. Conceptiffima in hanc fententiam funt veterum patrum testimonia, quae Petrus de Marca collegit (b); in primis vero memoranda funt Oſii Cordubenſis verba, quibus Conſtantinum adloquitur (c): *Tibi Deus imperium commiſit; nobis quae funt ecclefiae, concedidit. Et quemadmodum qui tuum imperium malignis oculis carpit, contradicit ordinationi divinae; ita & tu cave, ne quae funt ecc.*

(a) Theodoret. lib. V. cap. 18. (b) Petr. de Marca de C. S. & I. lib. II. cap. 1. & 6. (c) Ap. Athanaſ. ep. ad ſolit.

*clesiae, ad te trahens, magno crimini obnoxius
 fias. Et Ambrosius (a), quando audisti, cle-
 mentissime imperator, in causâ fidei laicos de
 episcopis judicasse...? Si docendus est episcopus
 a laico, quid sequetur? Latcûs ergo disputet, &
 episcopus audiat: episcopus discat a laico? Ipse
 quoque christiani principes in primis Valenti-
 nianus senior, Marcianus & Justinianus aperte
 professi sunt, spiritualia ad sacerdotes pertine-
 re. Hinc non jure principes quaestiones de fide
 definirent, sacramenta administrarent, ab ec-
 clesiae communione contumaces tanquam ethni-
 cos & publicanos eicerent, aut ritus & caerim-
 onias, quae spectant sacramenta aut res spiri-
 tuales, statuerent. Hinc foedae & demissae hu-
 militatis rei sunt Graeci posteriores, qui etiam
 docendi officium, quod episcopis tam severe vin-
 dicat Ambrosius, propter unctionis sacrae vim
 & potestatem imperatoribus tribuerunt (b).*

*De pontificatu maximo christianorum
 imperatorum.*

§. X. Nec quemquam movere debeat ponti-
 ficatus Maximus, quem exemplo Julii Caesaris,
 Augusti & successorum principum christiani ipsi
 imperatores adsumere consueverunt ad Gratia-
 num usque, qui ad imperium assumptus sacrum
 amictum, seu stolam pontificiam repudiavit,
 teste Zosimo (c); quasi sacerdotium illud om-
 nem circa sacra christianorum potestatem impe-
 ratoribus conciliarit. Etenim christiani impera-

(a) *Ambros. ep. XXXV.* (b) *Balsamon in
 meditat. de patriarch.* (c) *Zosim. hist. lib. IV.*

tores pontificatum maximum suscipiebant, non ut de jure sacro christianorum judices federent; sed ne vis imperii, manente adhuc idololatria, frangeretur, & sibi aliquod grave periculum crearent. Nimirum per summum sacerdotium ethnici imperatores in suum arbitrium & potestatem redigebant religionem, qua aucti potestate facilius civilia & militaria negotia expediebant; religio enim est, qua populi maxime moventur & aguntur. Religionem vero christianam amplexi imperatores, initio necessarium esse viderunt pontificatum adsumere, nam eo repudiato omne jus sacrorum & auspiorum, si-
ve civilium, siue militarium, quibus populus & milites in fide continebantur, amisissent; etsi alioquin extrinsecus potius, quam animo munus illud imperatores retinuisse videantur, quatenus eis sacerdotii illius auctoritas erat necessaria (a). Ceterum pontificatus hic ethnicus nullam in christianam religionem poterat principibus communicare potestatem, quae ex Christi mandato antistitibus demandata est. Id agnovērunt ipsi imperatores aucti summo illo sacerdotio, in primis Valentinianus, qui ita ad Mediolanenses scribit, *talem in pontificali sede constitutere procuretis, cui & nos, qui gubernamus imperium, sincere nostra capita submittamus, & ejus monita, quum tamquam homines deliquerimus, suscipiamus necessaria veluti medicamenta curantis.*

Op.

(a) Gravina de R. m. imper. cap. VII.

*Opponitur, Constantinum directe de rebus
sacris cognovisse.*

§. XI. At hic permolesta occurrit difficul-
tas; nam christiani imperatores, etiam de rebus
sacris directe videntur cognovisse. Certe, ut
alios mittam, Constantinus M. in causa inter
Donatistas & Caecilianum iudices dedit Mel-
chiadem summum pontificem aliosque tum Gal-
los, tum Italos episcopos, qui Romae habita sy-
nodo causam tractarent & finirent (a): inde
Donatistis ad imperiale tribunal appellantibus,
synodum Arelatensem indixit (b): & porro rur-
sus haereticis ad ejus majestatem appellantibus
post synodum Arelatensem, ultimum ipse in hac
causa tulit iudicium (c). Quin idem imperator
Aeliano Africae proconsuli mandavit, ut de
criminibus Felicis Aptungitani publice quaere-
ret & judicaret (d). Causa ista erat mere eccle-
siastica: schisma in Africa ortum erat ob ordi-
nationem Caeciliani, quam illegitimam Dona-
tistae asserabant, tum ob propria Caeciliani ip-
sius crimina, quod scilicet martyribus in carce-
re detentis victum subtraxisset, & sacras scriptu-
ras persecutoribus tradidisset: tum ob scelera
Felicis Aptungitani, a quo fuerat ordinatus, &
quem etiam sacrorum codicum traditorem fuisse
criminabantur. Hinc Valesius dissimulare non
po-

(a) *Optat. lib. I. advers. Parmen., August. ep. LXII.* (b) *August. ep. LXVIII.* (c) *August. cit. ep. LXVIII. & CLXII.* (d) *Optat. M. levit. loc. cit., August. lib. post. collat. contra Donatistas cap. XXXII.*

potuit, *aliquanto plus* (Constantinum) *sibi in negotiis ecclesiasticis vindicasse, quam laico principi conveniret* (a).

Satisfit obiectioni.

§. XII. Verum si res ex ejus aetatis disciplina expendatur, apparebit, in causa Caecilianiani omnia pro jure suo Constantinum egisse, ea enim veteres patres rata habuerunt; improbaturi profecto si princeps jurā sacerdotum usurpasset. Tantum Donatistae, qui primi causam ad principem detulerunt, de judiciorum iniquitate conquesti sunt: *quid christianis cum regibus? quid episcopis cum palatio?* Nimirum tum temporis causae ecclesiasticae in provinciis ultimo judicio fiebantur, nec dabatur appellatio, nisi divalibus rescriptis imperator extraordinariam synodum concessisset, quod Petrus de Marca pluribus probat (b). In synodo septuaginta episcoporum Donatistae Caecilianum damnaverant, nec tamen damnatio illa causam finierat, quod Caecilianus pluribus ecclesiis & praesertim Romanae communione conjunctus erat. Ergo Donatistae rem ad Constantinum deferunt, qui schisma, quo Africana agitabatur ecclesia, compositurus duo episcopalia judicia unum post aliud concessit; judicio enim Romanae synodi Donatistae non adquieverant, sed imperatorem iterum interpellarunt, quasi Melchhiades & collegae causa non audita & clanculum

(a) *Vales. in Euseb. lib. III. de vita Constanti cap. 51.* (b) *Petr. de Marca de C. S. & I. lib. VII. cap. 2.*

lum judicassent, Haec duo judicia pro jure suo dedit Constantinus, sive quod ea aetate extraor-
dinariae synodi sine concessione principis non haberentur, sive quod ad ejus curam pertineret excitos in ecclesia motus, qui rempublicam etiam perturbabant, componere. Porro cognitio de Felice Aptungitano proconsuli commissa potius facti, quam juris quaestionem spectavit, *ut remotis necessitatibus publicis de vita Felicis Aptungitani publice quaereretur*, ut habet principis delegatio (a): & hinc Augustinus ad curam principis eam cognitionem asseruit pertinuisse (b). Ultimum vero judicium in causa Donatistarum imperator coactus & pro bono pacis suscepit, ne illi ulterius clamarent contra iudices ecclesiasticos & ordinem judiciorum; ea de re ab episcopis veniam postea petiturus; quae est Augustini doctrina, *eis ipse cessit, ut de illa causa post episcopos judicaret, a sanctis antistitibus veniam postea petiturus, dum tamen illi, quid ulterius dicerent, non haberent* (c).

Principum est religionem & ecclesiam tueri.

§. XIII. Quamvis autem saeculi principes directe in res spirituales & religionem nihil possint; tamen ad eos spectat pro jure imperii ecclesiam & religionem tueri: qua in re principes Deo serviunt, & simul civitatis commoda promovere; vulgatum est enim, primum civilis societatis fulcrum esse religionem, Praeclare Augustinus.

(a) *Ap. Opat. lib. I. advers. Parmenian.*

(b) *August. ep. CLII. & CLXII.* (c) *Aug. cit. ep. CLXII.*

gustinus (a) in hoc reges, sicut eis divinitus praecipitur, Deo servant, in quantum rege sunt, si in suo regno bona jubeant, mala prohibeant, non solum quae pertinent ad humanam societatem, verum etiam, quae ad div. nam religionem. Et Leo M. (b), debes incunctanter advertere, regiam potestatem tibi non solum ad mundi regimen, sed etiam maxime ad ecclesiae praesidium esse collatam ut ausus nefarios comprimendo ea, quae bene statuta sunt, defendas, & veram pacem iis, quae sunt turbata, restituas. Hinc manavit doctrina illa Isidori, principes saeculi debere rationem Deo reddere propter ecclesiam, quam a Christo tuendam suscipiunt (c). Nec boni principes huic officio umquam defuerunt; passim enim apud omnes christiani nominis gentes exstant leges, quibus christianam fidem & disciplinam ab ecclesia confirmatam & statutam principes confirmarunt, poenis temporalibus subinde adjunctis. Item principes ex consilio sacerdotum saepe synodos ad fidei confirmationem indixerunt, aut iis consenserunt, aut habendis locum dederunt: ecclesiae petenti auxilium & vim contra contumaces & rebelles christianos non denegarunt, & turbas ab haereticis excitas coercuerunt. Hujus vero tuitionis adeo studiosus fuit Constantinus M., ut velut communis omnium episcopus a Deo constitutus videretur, quod Eusebius testatur (d): quamvis episcopatus ille Constan-

(a) August. lib. III. contra Crescon. cap. 51.
 (b) Leo M. lib. II. ep. 61. (c) Can. XX. C. 23. q. 5. (d) Euseb. lib. I. de vit. Constantia. cap. 44.

stantini, quo ipse dixit, se episcopum extra ecclesiam esse constitutum (a), ad imperii & reipublicae rectam administrationem pertinuisse videatur. Quod tuitionis jus adeo late ab imperatoribus christianis explicabatur, ut ex illo tempore, quo christiani esse coeperunt imperatores, ecclesiae negotia ex eorum nutu pendere visafint, quod Socrates testatur (b).

CAPUT II.

*De jurisdictione ecclesiastica in causis
civilibus laicorum.*

Jurisdictio civilis extrinsecus sacerdotio accessit.

§. I. **I**urisdictio quae Christi sacerdotio extrinsecus accessit, in duobus praesertim consistit, in decidendis nimirum causis civilibus sive laicorum, sive clericorum, & in puniendis in foro externo civilibus clericorum delictis. Et ad causas civiles quod spectat, in compertis est, eo non extendi spirituales ecclesiae potestatem. Certe Christus aperte professus est, *regnum suum non esse de hoc mundo* (c), hoc est temporale non esse, ut ex patrum sententia Calmetus eum locum interpretatur. Hinc quum quis Christi arbitrium super familiae erescunda interpellasset, arbitrium ipse suscipere noluit, *quis*
Inst. jur. can. T. VI. C me

(a) Euseb. lib. IV. cod. cap. 24. (b) Socrat. lib. V. hist. in proem. (c) Joan. XVIII. 36.

me constituit judicem, aut divisorem super vos (a). Nec unquam Herodis, aut Romanorum potestati quidquam denegavit, quin potius sibi datam potestatem alterius generis esse, & reddenda Caesaris, quae erant Caesaris, conceptis verbis edixit. Inde ea patrum doctrina, rerum administrationem ex sacerdotio & regno procedere, quorum hoc negotiis rebusque terrenis, illud religioni & rebus spiritualibus praesit (b). Illi, reges nempe, in negotiis, inquit Synesius (c), nos in oratione collocati sumus. Praeclare S. Bernardus, nemo monstrabit, ubi aliquando quisquam apostolorum judex sederit hominum, aut divisor terminorum, aut distributor terrarum. Stetisse apostolos judicandos, sedisse judicantes non lego (d). Extrinsecus igitur civilis jurisdictio sacerdotio accessit, quod qua ratione factum sit, deinceps aperiemus.

Christiana doctrina de litibus fugiendis.

§. II. Christiana religio, quae homines quousque terreno corpore involvuntur, veluti peregrinos habet, videtur postulare, ne christiani facile de rebus transitoriis litigent. Qui vult tecum judicio contendere, inquit Christus (e), & tunicam tuam tollere, dimitte ei & pallium. Et alibi, qui aufert, quae tua sunt, ne repetas (f).
Chri-

(a) Luc. XII. 14. (b) Osius Cordubens. ap. Athanas. ep. ad solitar., Gregor. Nazianz. orat. XVII., Gelas. papa ap. Grat. can. X. D. 96.
(c) Synes. ep. LVII. (d) S. Bernard. lib. I. de consid. cap. 6. (e) Matth. V. v. 40. (f) Luc. VI. v. 30.

Christo concinit apostolus (a), *omnino delictum est in vobis, quod judicia habetis inter vos. Quare non magis injuriam accipitis? Quare non magis fraudem patimini?* Sane christiana morum philosophia tota in caritate posita est; caritas vero ne levem quidem patitur animorum dissensionem: & sine odiis, simultatibus, & fraudibus lites vix exercentur. Hinc primis saeculis plerique christiani litibus abstinebant. *Christiani* inquit Athenagoras (b), *adversus sua rapientes judicio non contendunt*. Cui praxi primis saeculis vim addebat multam opinio de jam jam instanti die domini, quae animis christianorum infixa, a rebus terrenis eos multum distrahere debebat.

Consilii potius & perfectionis, quam praecepti videtur esse.

§. III. Utrum vero doctrina ista, quae christianis indicare videtur, ut sua potius dimittant, quam judicio contendant, verum contineat praeceptum, an potius consilium ad perfectionem sit, dubitatur. Ex veteribus Basilii & Salviani (c) praeceptum a Christo fuisse docent ea ipsa, de quibus lis est, relinquere, modo libris exuamur. Sed alii, in primis Grotius (d), litium fugam inter divina consilia, quibus ad perfectionem contenditur, retulerunt. Equidem perfectionis est curis saeculi exui, & ter-

C 2

rena

(a) 1. ad Cor. VI. 7. (b) Athenag. legat. pro christ. cap. 1. (c) Basil. hom. de legend. Graec. Salvian. de gubern. Dei lib. III. (d) Grot. de I. B. ac P. lib. I. cap. 2. §. 9. 4.

rena despicere: at id generaliter quæ præceptum esse potest? Omnino lites spernere, etiamsi bona omnia nostra impetantur, non bene videtur convenire cum juris naturæ scitis, quibus homines se suosque alere & exhibere debent, præsertim si familiam habeant. Qui domesticorum curam non gerit, est infideli deterior, inquit Paulus (a). Et recte Grotius (b) observat, doctrinam Christi de dimittendo pallio si tunica tollatur, non generalem esse, sed res facile recuperabiles spectare, ut tunica, aut cum tunica, si opus sit, pallium. Quò sensu etiam Apollonius Tyanaeus (c) negabat, philosophi esse de pecuniola litigare. At inde non recte concluditur, etiam parenti, etiam tutori nefas fore, id sine quo liberi, sine quo pupilli sustentari nequeant, si cogatur, apud judicem defendere. Aliud est tunica & pallium, aliud totum illud, unde vivitur. Quod si apostolus omnino delictum Corinthiis imputet, quod inter se litigarent (d); delictum hoc mera imperfectio videtur fuisse, non crimen, quo justitia amittebatur; vox enim *ἁρμυζ*, quam apostolus usurpat, proprie defectum & diminutionem denotat.

*Doctrina apostoli ut fideles apud fratres
lites deferant.*

§. IV. Haec litium fuga christianæ religionis summa perfectio est, quam paucis consequi datur. Quapropter christiani justî, etsi minus per-

(a) 1. Tim. V. 8. (b) Grot. loc. cit. §. 8. 4.

(c) Philostrat. vit. Apoll. lib. II. cap. 15. (d) 1. Cor. V. 7.

perfecti, sua semper repetere potuerunt; at primis saeculis ex regulis christianae pietatis id faciendum erat *ecclesiastico judicio*, non forensi, ut loquitur Augustinus (a). Et profecto apostolus gravi oratione exagitat Corinthios, quod lites de rebus pecuniariis apud publicos judices, qui cum ethnici erant, exercerent, & ἁγία delictum, seu potius imperfectionem, esse dicit, quod judicio sua persequerentur: sum permittit, ut si sua velint repetere, posthabitis publicis iudicibus, christianos litium suarum judices, seu potius arbitros, constituant (b). Cui praxi apostolus adeo inhaeret, ut potius velit; abjectos & viles ex christianis de litibus cognoscere, quam christianos apud ethnicos judices litigare. *Saecularia judicia si habueritis & ab eis non contemtibiles, qui sunt in ecclesia, constituite ad judicandum*. Quod apostolus dicit non absolute, sed potius comparate, quasi e re christiana magis esset, infimos ex christianis de causis fratrum arbitrari, quam apud ethnicos contendere, ut recte Estius interpretatur (c). Quae in re christianis praeiverant Judaei, apud quos recepta erat sententia, nomen Dei pollueret, qui negotia Israëlitica adducit ad extraneos. Summa vero ratione apostolus christianos ab ethnicis tribunaliis procul esse voluit, ne religio & christiani ipsi offensioni gentibus essent, quasi verbis non re caritatem, sui abnegationem & rerum terrenarum contemptum praedicarent.

Chri.

(a) *August. lib III. ad Bonif. cap. 5.* (b) *1. ad Cor. VI.* (c) *Estius com. in cit. epist.*

§. V. Quamvis vero generaliter edixerit apostolus, ut christiani, relictis ethnicis magistratibus, apud fratres lites suas componendas deferrent; nihil tamen ea doctrina de magistratum in christianos imperio & jurisdictione deductum est. Sane aperta est ejusdem apostoli sententia, omnem hominem civili potestati divino jure subiectum esse (a): quod etiam Petrus apostolorum princeps habet (b), & patres omnes adnoverunt. Et recte vidit Estius, apostoli sermonem praecipue spectare actorem, in cujus potestate erat apud magistratum lites suas instituire; reo enim vocato non licebat magistratus jurisdictionem declinare. Itaque apostoli doctrina hoc tantum continet, ut christiani ex lege caritatis lites suas apud fratres ex bono & aequo componant; non vero ut christiano ad gentium tribunal vocato integrum esset ejus declinare jurisdictionem. Nec audiendus Bellarminus, qui docere videtur, apostoli auctoritate christianos in causis pecuniariis a magistratum ethnicorum jurisdictione exemptos fuisse, nec eis jure debuisse subjectionem, quem errorem Barclajus late confutavit (c).

Episcopi ad componendas lites a litigantibus assumti.

§. VI. Dum vero vult apostolus, ut christia.

(a) *Ad Rom. XIII. 1. seqq.* (b) *1. Petri II. v. 13. & seq.* (c) *Barclajus de potest. papae cap. XXI.*

stiani ecclesiastico iudicio, non forense lites componant suas, non designat, quos christianos in arbitros eligi oportet: quin potius ejus doctrina est, omnem christianum, alias idoneum, huic oneri sufficere. Hinc christiani initio lites suas ad quoscumque fratres, alias idoneos, deferabant. Sensim vero fidelium consuetudine id onus ferme solis episcopis delatum; hi enim prudentia & integritate sua maxime idonei ad lites componendas visi sunt. Nec episcopi, qui ratione muneris sui pacem christianam gregi sibi commisso debebant instillare, id onus detrectabant. Quin eorum aliqui, in primis Augustinus (a), hoc onus episcopis ab apostolo injectum opinabantur, ex moribus fortasse sui temporis apostoli doctrinam intelligentes. Ita domus episcoporum primis saeculis catervis litigiosorum hominum erant repletae, praesertim si episcopi prudentia & caritate longe eminerent, ut exemplo Ambrosii & Augustini constat (b). Quotiam vero hoc officium permolestum erat, & saepe episcopos alio evocabant curae graviores; aliquando episcopi lites decidendas presbyteris aut diaconis committebant (c); nec defuerunt, qui laicos aequitatis studiosos dederunt cognitores, praesertim si vidissent clericos, quibus lites decidendae committebantur, aliquid sibi lucri

(a) *August. de oper. monachor. cap. XXIX.*

(b) *August. confes. lib. VI. cap. 3., Possid. vit.*

August. cap. XIX. (c) August. ep. CX., cons. Tarracon. can. IV.

cri inde captare (a). Itaque non recte proximorum saeculorum proponit epistola sub nomine Clementis, ubi veluti alienum ab officio pastoralis exhibetur, episcopum litibus decidendis vacare, totumque id negotii in presbyteros conjicitur (b).

Qui episcopi lites decidebant.

§. VII. Jam episcopi in causis pecuniariis ex partium consensu decidendis nullam sollemnem scripturam adhibebant, & tamquam pacis interpretes, non tamquam veri iudices, aequitatem sectabantur, & temperamento aliquo dissidentes in concordiam adducere studebant. Ne vero errarent, ubi jus obscurum erat, saepe jurisconsultos consulebant (c). Quin ad episcopi officium etiam pertinere credebatur, legibus addiscendis operam dare. *Ut qui (episcopus) inquit Synesius (d), legum doctor sit, & quae legibus consentanea sunt, loquatur.* Studebant etiam episcopi temporis compendia, ut animorum motus cito residerent; atque ut omnino residerent, saepe jurejurando super altare vel super reliquias martyrum lites finitae (e). Quod si arbitrium haud feliciter cessurum animadverterent, iudicium non recipiendum Ambrosius monebat (f). Vere christiana erat haec litium finiendarum ratio, nec quidquam optabilius civitati poterat.

(a) Socrat. lib. VII. cap. 37. (b) Can. XXX. & XXXII. C. II. q. 1. (c) August. serm. XLIX de divers. (d) Synes. ep. CV. (e) Gregor. Turonens. lib. V. cap. 32. (f) Ambros. de off. lib. II. cap. 24.

terat evenire, quam ut odia & lites cito componerentur. Hinc factum, ut episcopi non a solis fidelibus, sed a cujusque sectae hominibus ad lites dirimendas interpellarentur, quod de Augustino Possidius testatur (a).

Arbitria episcoporum a christianis imperatoribus confirmata.

§. VIII. Translato ad christianos imperio antiquam in causis pecuniariis episcopos ad eundem consuetudinem imperatores, utilitati reipublicae consulentes, confirmarunt, & multis accessionibus eorum auctoritatem munierunt. Et quid quaeso melius civitati poterat evenire, quam amputatis odiis, lites cito finire, & pacem & amorem inter cives conciliari? Itaque Honorius & Arcadius statuerunt, ut liberum omnibus litigantibus esset, *ex consensu* causas suas pecuniarias ad episcopum deferre (b): & alia lege voluerunt, ut *episcopale iudicium ratum sit omnibus, qui se audiri a sacerdotibus elegerint* (c). Non ergo vera jurisdictio in causis pecuniariis laicorum per leges imperiales episcopis data; sed tantum iis concessum, ut arbitria in litibus, quas ex consensu litigantes deferrebant, pronuntiarent: quod etiam ex legem quadam Valentiniani III. constat (d). Nulla esse poterat jurisdictio, ubi nulla coactio, & partes sponte sua episcopum adire debebant. Interim arbitria ista episcoporum sic rata & firma *Inst. jur. can. T. VI.* D im-

(a) *Possid. vit. Augusti cap. XIX.* (b) *L. VII. C. de episc. aud.* (c) *L. VIII. C. eod.* (d) *No. viii. XII. de episc. judic. ad calc. C. Th.*

imperatores voluerunt, ut inde non liceret provocare, tamquam si a praefecto praetorio sententia lata esset, mandatumque proinde ordinariis magistratibus & eorum officiis, ea omnino exsequi & in effectum deducere (a). Quae quidem in re distabant arbitria episcoporum sub imperatoribus christianis ab iis, quae sub ethnicis pronuntiata sunt; nam haec tantum religioni nitebantur, illa vero juris continebant necessitatem, & a magistratibus executioni tradi debebant. Ita ab arbitriis episcoporum quasi actio iudicati dabatur, quando ab arbitris summis jure civili nulla erat actio iudicati, sed tantum actio in incertum competeat (b).

Lex Constantini M. ad Ablavium exploditur.

§. IX. Jam arbitriis episcoporum, qui ex consensu litigantium tamquam iudices adsumi solebant, adversari videtur edictum sub nomine Constantini M. ad Ablavium PF. P., quod existat in *L. I. ad calcem C. Th. sub tit. de episcopi. li. iudicio*; eo enim litigantibus conceditur, ut in quavis parte iudicii ante sententiam sacrosanctae legis antistitis iudicium eligere possint, *etiamsi altera pars refragatur*. Seldenus & Alteserra (c) hanc legem veluti genuinam tuerentur: contra ex meliori ratione Jac. Gothofredus eam veluti spuriam explodit, contenditque opus esse posteriori aetate a falsariis miscellionibus con-

(a) *Cit. L. VIII.* (b) *L. XXVII. §. 7. D. de except. qui arbitr.* (c) *Selden. uxor. Hebr. lib. III ap. 28., Alteser. de jurisdict. lib. I. cap. 7.*

confarcinatum (a). Sane contraria est omnibus aliis genuinis imperatorum legibus, quae tantum ex consensu litigantibus permittunt adire episcopi auditorium: quo fit, ut ea vel non sit Constantini, aut per posteriores leges abrogata sit. Porro Constantinus id tantum litigantibus dedit, ut ad episcoporum judicium provocarent, si magistratus civiles reiicere vellent, ut habet Sozomenus (b): quod argumento est, etiam ex lege Constantini tantum ex pacto potuisse litigantes sacrosanctae legis antistitis eligere judicium, non etiam altera parte refragante. Et si Eusebius testetur, Constantinum sententias episcoporum in synodis latas confirmasse, & provinciarum rectoribus easdem rescindere vetuisse (c); inde non eruitur, imperatorem quoque concessisse, ut etiam altero litigatorum invito causa ad episcopum devolueretur. Hinc mirari subit, praecipua argumenta, quibus lex Constantini genuina adseritur, ab Eusebii & Sozomeni auctoritate desumi.

Varia civilia negotia curae episcoporum commissa.

§. X. Porro quod prudentia & caritas episcoporum latis perspectae & cognitae essent, christiani imperatores iis etiam in varia civilia negotia inspectionem & auctoritatem concesserunt. Sane Theodosii & Valentiniani lege filiae & ancillae patrocínio & protectione episcopi

D

pec.

(a) Gothof. in cit. L. I. (b) Sozom. lib. I. cap. 9. (c) Euseb. de vit. Constant. lib. IV. cap. 37.

peccandi jugum poterant excutere, si patres, dominive peccandi imponerent necessitatem. (a). Item Leonis constitutione integrum erat episcopo, locive magistratui prohibere, ne mulier, sive libera, sive serva invita in theatrum prodiret, aut mimis jungeretur (b). Episcopus quoque una cum loci magistratu adsertor erat libertatis infantium expositorum: quod ab Justiniano statutum est (c). Porro ejusdem principis lege in provinciis tutor datus a patre furiosis ante praesidem, loci antistitem & tres primates jusiurandum de recte administrando praestabat: & si pater intestatus decessisset, & tutor nullus legitimus esset, antistes etiam tutoris electioni praesens esse debebat (d). Et si dementis liberi, sive mares, sive feminae, nuptias contraherent, in provinciis donationem propter nuptias & dotem praesides, aut antistites constituiebant (e). Item per Justiniani legem episcopi semel per hebdomadam carceres invisere debebant, causas detentorum exquirere, & officii sui magistratus admonere; & si eos, aut eorum ministros negligentes invenirent, principem ipsum certiores facere (f). Constituti sunt etiam episcopi legibus Justiniani causarum piarum exsecutores (g), iisdemque etiam rei frumentariae, & publicorum aedificiorum cura commissa est

Ce-

(a) *L. XII. C. de episc. aud.* (b) *L. XIV. C. eod.* (c) *L. XXIV. C. eod.* (d) *L. XXVII. C. eod.* (e) *L. XXVIII. C. eod.* (f) *L. XXII. C. eod.* (g) *L. XLVI. C. de episc. & cler.*

(a). Ceterum episcopi in his & similibus negotiis ex principis delegatione procedebant, sed vera jurisdictione aucti non erant: atque adeo eis praesto erant magistratus, qui leges exsequerentur: & si negotia minus recte procederent ipsorum magistratuum negligentia, ea de re principem certiores facere debebant, cui ipsi episcopi, si minus recte sibi commissa negotia procurarent, rationes reddere tenebantur.

*Arbitria episcoporum in veram jurisdictionem
abunt.*

§. XI. Haec fuit per plura saecula episcoporum auctoritas in finiendis laicorum civilibus causis, & in multis aliis civilibus negotiis ex legum delegatione curandis; at labentibus annis auctoritas ista ferme abiit in veram jurisdictionem, quae saeculi ignorantia & studiis episcoporum longe lateque producta est, hactenus ut magistratuum juris dicendi potestas fere omnis intercederet. Conficta sub Constantini M. nomine constitutio, quae saeculo octavo exeunte in scenam prodierat, quaeque litigantibus concedebat, ut etiam altero invito lites suas ad sacrosanctae legis antistitem deferrent, tantae mutationi praecipuam causam praebuit. Nimirum eam legem sub nomine Theodosii Carolus M. probavit, & in omnibus sibi subiectis provinciis servari voluit, quocumque tandem jure populi viverent (b): Ita vera jurisdictio episcoporum auctoritati accessit, modo litigantium alter
epi.

(a) L. XXVI. C: de episc. aud. (b) Lib. VI. capitul. cap. 336. edit. Balut.

episcopi iudicium selegisset. Majus inde pondus accessit postquam Ivo Carnotensis & Gratianus sub nomine Theodosii suppositam Constantino legem codicibus inseruerunt suis (a): & inde Innocentius III eadem, item tamquam a Theodosio lata & a Carolo M. confirmata, usus est, ad probandum ad se pertinere iudicium inter Joannem regem Angliae & Philippum regem Franciae de quibusdam feudis, quae ad se devoluta rex Franciae contendebat, quod ille nefarium parricidii facinus admisisset (b). Quae quidem in re summus pontifex augendae ecclesiasticae jurisdictioni studebat: nec enim lex illa, etsi genuina foret, ad propositam speciem faciebat: tractat nimirum lex de causis privatorum, atque adeo, ad causas summorum imperantium non videbatur producenda. Sed cur lex, quae initio Constantini nomen praetulit, inde Theodosio passim tributa sit? Id factum, tradit Alteferra, quod stultior & supinior aetas leges Theodosianas appellabat eas omnes, quas codex Theodosianus complectebatur, etsi alios a Theodosio haberent auctores (c).

*Causae civiles laicorum obtentu peccati
ad episcopum delatae.*

§. XII. Postquam arbitria episcoporum in vera iudicia abierunt, variis rationibus civilis episcoporum jurisdictionis ad negotia ferme omnia civilia laicorum, sive in rem, sive in personam age-

(a) Ivo decr. par. XVI. cap. 312., Grat. can. XXXV. seq. C. 11. q. 1. (b) Cap. XIII. ex. de iudic. (c) Altefer. de jurisd. eccles. lib. 1. cap. 7.

ageretur, producta est. In primis lites omnes, quibus mala fides, aut peccatum aliquod inesset, suae jurisdictionis esse ecclesiastici contende-
 bant. Quod enim evangelium iis tribuat pec-
 catorum omnium in foro interno & sacramentali
 censuram, inde concludebant, etiam in foro
 externo causas omnes, in quibus peccatum ali-
 quod interveniret, ad judicem ecclesiasticum
 deferri debere. Et ita intelligebant evangelii
 verba *si peccaverit in te frater tuus, dic ecclesiae*,
 praesertim si partes querebantur, eamque que-
 relam propterea *dénuntiationem evangelicam* di-
 cebant. Conceptissima in hanc sententiam In-
 nocentii III verba sunt; qui etiam hoc nomine
 sedere judicem in causis feudalibus inter regem
 Franciae & Angliae contendebat, quod ad ec-
 clesiam judicare de peccato pertineret, praefer-
 tim quod praemissis admonitionibus rex Angliae
 iudicium ecclesiae interpellasset: *non interli-
 mus judicare de feudo, cujus ad ipsum (regem)
 spectat iudicium, sed decernere de peccato, cujus
 ad nos pertinet sine dubitatione censura, quam in
 quemlibet exercere possumus & debemus* (a). At
 iudicium de peccato etiam rei controversae ju-
 dicium involvebat. Quum vero vix ullae sint
 causae, quibus mala fides, aut peccatum ali-
 quod, saltem ex una parte, non inest; facile
 datur intelligi, causas omnes hoc nomine ad
 forum ecclesiasticum devolvi debuisse. Sed faci-
 le erat observare, cognitionem de peccato ad
 sacerdotes in foro interno, non externo perti-
 nere.

Uf-

(a) *Cit. cop. XIII.*

☞ *Usque a Nortmannorum ætate Episcopos in Regno nostro de nonnullis laicorum criminibus, iis præsertim quæ divina lege vetantur, veluti de Adulteriis; cognovisse, pænisque corporalibus eadem punivisse inconcussa monumenta testantur. Egredere siquidem idem ferebant Civiles Magistratus, & quandoque prædictarum causarum cognitione Antistites impedire, eamque sibi advocare conati sunt. Verum ubi id animadvertit Guillelmus II. Rex noster Ecclesiæ vetusta privilegia sacra tecta servare, sui muneris esse ratus, legem tulit, quæ vetabatur Civilibus Magistratibus, in adulterii cæterorumque hujusmodi criminum questione, sese interponere; hoc tantum concessio, ut in causa adulterii per vim patrati, causa violentiæ apud laicos judices cognosceretur, criminis ipsius cognitione Episcopis relicta. Juvat hic integrum Regis constitutionem exscribere, quæ ejusdem ergo Ecclesiam, ac Præsules religio opertè demonstratur: illud vero necessario præmonendum hac lege non solum Episcoporum jura in cognoscendis quibusdam laicorum criminibus definiri, verum etiam, & Clericorum causas, exceptis nonnullis casibus, Ecclesiastico Tribunali adjudicari: (quod in sequenti capite fusius adnotabimus) quæ duo sane capita in Collectione Constitutionum Regni dispersita fuerunt & sub diversis titulis non sine sententiæ leges perturbatione posita, n-mpè primum sub titulo de adulteriis coercendis, alias de privilegiis Ecclesiarum; alterum sub titulo ubi Clericus in maleficiis debeat conveniri, quod rare in causa fuit, ut auctor Hystoriæ Civilis Regni Neapolitani, uti duas distinctas leges a Guillelmo latas eosdem habuerit. Vide ejusd. opus t. 2. lib.*

lib. 3. cap. 2. ubi de legibus Guillelmi II. agit. Ad rem itaque revertentes, en verba legis „ Maje-
 „ stati nostræ quorundam prælatorum quæri-
 „ monia patefecit, quod Ecclesiæ suæ a Justi-
 „ tiariis, & Bajulis regni nostri privantur, &
 „ minuuntur jure suo videlicet, de adulteriis,
 „ quæ non permittunt judicari & corrigi in
 „ curia Ecclesiæ sicut debet, & de personis Cle-
 „ ricorum, quæ ab eis, ut laici judicentur, &
 „ incarcerantur, quod si verum est nobis displ-
 „ cet, & grave videtur: Non enim decet, ne-
 „ que volumus, ut ea quæ ab ecclesia judicari
 „ & coerceri debent, ab aliis puniantur, aut
 „ corrigantur: quare mandamus, & præcipi-
 „ mus firmiter, ut amodo de adulteriis judican-
 „ dis Justitiiarii, Camerarii, & Bajuli non se
 „ intromittant, sed & si quis de Parochia alicu-
 „ jus Ecclesiæ de adulterio accusatus vel de-
 „ prehensus fuerit ad judicium ipsius Ecclesiæ
 „ in quo ipsa adulteria judicari debent, consi-
 „ stat; & a curia ipsius Ecclesiæ judicetur, &
 „ corrigatur; excepto si per violentiam adulte-
 „ rium committatur: quod si acciderit, judi-
 „ cetur ab Ecclesiâ de adulterio, quod spectat
 „ ad judicium Ecclesiæ; & hoc quod spectat ad
 „ judicium seculare videlicet de insultu, & vio-
 „ lentia in nostra curia judicetur. Præterea
 „ mandamus omnibus nostris Officialibus, ut de
 „ adulteriis coercendis omnibus Prælati, qui-
 „ bus opus fuerit auxilium tribuant. De perso-
 „ nis autem Clericorum totius regni nostri vo-
 „ lumus & jubemus, quod si de aliquo foris fa-
 „ cto de quo persona judicari, vel condemnari
 „ debeat appellatum fuerit non a nobis, vel a cu-

„ria nostra, sed ab Ecclesia, & in curia Eccle-
 „siae de eo quo ad personam suam attinet judi-
 „cetur, & secundum Canones, & jus Ecclesia-
 „sticum condemnentur, excepto si de proditione
 „ne aliquis fuerit appellatus, vel de aliquo
 „magno hujusmodi maleficio quod spectat ad
 „majestatem nostram volumus, & praecipimus,
 „ut de hoc quod spectat ad curiam nostram in
 „nostra curia judicetur. „ *Verum de hoc in-*
ferius opportunior erit dicendi locus, ubi de causis
civilibus & criminalibus clericorum agetur cap. 3.
 & 4.

*Quod vero attinet ad causas civiles vel mix-
 tas, in quibus Praelatis concessum est jus dicere*
infra fusius pertractabitur, in adnotatione ad c. 6:
ubi agitur de foro competenti §. 17.

Item obtentu jurisjurandi.

§. XIII. Porro multis aliis rationibus, veluti
 juramenti, matrimonii, testamenti & cujuslibet
 causae piae ad suam jurisdictionem episcopi
 causas civiles etiam laicorum trahere consueve-
 runt; iis enim titulis mira interpretatione nego-
 tiis ferme omnibus qualitatem spiritualem ad-
 spergebant. Et quidem obtentu jurisjurandi,
 quod negotiis & contractibus omnibus, qui in
 scripturam redigebantur, addi consueverat,
 lites ecclesiasticae cognitionis esse censebantur,
 quod saeculo XIII. jam receptum erat. Inde re-
 spondit Bonifacius VIII, posse laicum coram ju-
 dice ecclesiastico a clerico, qui pro eo fidejusse-
 rat, conveniri, quod reus juramento se adstrinxer-
 at, fidejussorem indemnem servare: *ratione e-*
nim

nim juramenti, ait pontifex (a), *causae hujusmodi cognitio ad forum ecclesiasticum noscitur pertinere*. Cognitio de jurejurando, utrum licitum sit & obligatorium, ut & de perjurio, jure decretalium episcopis tribuitur (b): & hinc facile cognitio ad juratos contractus extendi potuit. Hoc nomine lites ferme omnes de contractibus etiam inter laicos ad judicem ecclesiasticum devolvebantur, quia tabelliones fere numquam omittebant adjicere a contrahentibus praestitum sacramentum de servandis, quae pepigissent (c). Stetit diu haec disciplina, quae optima ratione niti credebatur; & hinc quum principes deliberassent causas hujusmodi profanas foro laico restituere, illud consilium inierunt, suis subditis generatim vetandi, ne contractus aliave negotia profana jurejurando firmarent (d).

Causae ex matrimonio pendentes episcopalis cognitionis.

§. XIV. Causae quoque matrimonii, & inde pendentes, veluti de dote, de sponso-
rulargitionibus, donationibus propter nuptias, & propter educationem, tum criminales de raptu, ac stupro & adulterio ad forum ecclesiasticum devolvebantur. Ex veteri disciplina matrimonii contractus & civiles ejusdem effectus omnes ad civilem potestatem pertinebant; atque ita ejus erat de ipsa matrimonii vi, de sponsalibus, dote,

E 2

na-

(a) *Cap. III. ex. de foro comp. in 6.* (b) *Cap. XIII. ex. de judic.* (c) *Conf. Mornac. ad L. VIII. C. de episc. aud.* (d) *Conf. Felician. Oliva de foro ecclesiast. par. I. q. 3.*

natalibus & hujus generis aliis judicare. Tantum ad ecclesiam pertinebat ritus sacer, & nuptiarum benedictio, & praeterea videre, utrum nuptiae in domino contrahebantur. At lapsu temporis jus hoc omne mutatum est; sacramentum enim, quod accessorium contractui erat, tamquam principale haberi coepit, & ipsum contractum occupavit. Hinc causae omnes de ipsa sponsaliorum & matrimonii vi, & de divortio ecclesiasticae cognitionis evaserunt, & praeterea causae merae civiles, quae matrimonio, aut sponsalibus erant adnexae, vel inde pendebant. Et reapse in libris decretalium plura Urbani III, Caelestini III, Innocentii III & Gregorii IX exstant rescripta, quibus ecclesiastica judicia de dote & donatione propter nuptias prolata continentur. Sed causae civiles matrimonio connexae tum praesertim cognitionis ecclesiasticae habebantur, si quaestioni de vi matrimonii, aut de divortio incidissent. *Vos qui de matrimonio principaliter cognovistis*, inquit Clemens III ad Pisanos judices ecclesiasticos (a) & de dote, quae causa est incidens accessorie cognoscere valuistis, & sententialiter definire. Quaestio vero natalium, idest de statu liberorum, etiam si alteri quaestioni non incidisset, ab ecclesiastico iudice cognoscebatur (b), quod nisi expensa matrimonii causa non poterat definiri.

Qua.

(a) Cap. III. ex. de donat. inter vir. & uxor.

(b) Cap. III. ex. de ordine cognit., cap. V. ex. qui filii sint legitimi.

Quale sit hac de re nostri Regni jus, vide in adnotatione ad sequens Caput VI. de foro competente §. 7. ubi disquiritur, cujus fori sint causae matrimoniales.

Item causae de testamentis.

§. XV. Praeterea causae de testamentis cognitionis ecclesiasticae evaserant, atque adeo de iis episcopi judicabant & quaestiones decidebant. Legibus christianorum principum legata in causam piam testamentis relicta episcopi exigebant & exsequebantur (a): quae executio nullam jurisdictionem involvebat. At lapsu temporis, ubi ferme soli clerici ex legibus civilibus sapere coeperunt, vera jurisdictio in causas testamentarias episcopis accessit: cui mutationi etiam contulit mos ille in scribendis testamentis receptus, quo ferme nullum testamentum scribebatur, nisi notarius apostolicus interveniret; notarii enim apostolici interventus negotium facere ecclesiasticum credebatur (b). Hac recepta disciplina Alexander III. reprobata juris civilis de adhibendis septem testibus sollemnitate, statuit, ut testamenta, quae fideles coram presbytero suo & tribus, aut duobus testibus in extrema voluntate faciebant, rata & firma essent (c). Quin adeo extensa est ratio causae piae testamenti adnexae, ut si aliquis intestatus decessisset, episcopi bona defuncti omnia occuparent, veluti quae causae piae suberant (d).

Oc-

(a) *L. XXVIII. C. de episc. & cler.* (b) *Mornac. loc. cit.* (c) *Cop. X. & seq. ex. de testam.*

(d) *Conf. Loyseau des signor. & justic. ecclesiastiques chap. XV.*

Occupatis bonis heredes seligere arbitros tenebantur, qui summam definirent, quam defunctus pro anima sua fuisset legaturus. Inde etiam in Francia, Hispania, Anglia & in Apuliae regno mos invaluit, ut episcopi ipsi testamentum ad piam causam conderent pro defunctis, qui intestati decessissent (a).

Causae miserabilium ad forum ecclesiasticum translatae.

§. XVI. Praeterea causae viduarum, pupillorum, pauperum, peregrinorum & miserabilium personarum ecclesiasticae jurisdictionis esse censebantur, atque adeo in eorum causis laici coram episcopo conveniri solebant. *Viduis, pupillis, orphanis & personis miserabilibus tenearis in judicio ecclesiastico respondere*, sunt verba Innocentii III ad comitem Tolosanum (b); idque verum habebatur, etiamsi de rebus feudalibus controversia esset. Et profecto Berengaria vidua quondam Angliae regina declinato saeculari foro auctoritate Joannis papae, seu potius Innocentii III, interdicto unde vi egit coram archiepiscopo Turonensi contra virum, quemdam nobilem, qui eam possessione cujusdam castri feudalis, donatione propter nuptias eidem dati, vi dejecerat, quod judicium rejectis viri nobilis exceptionibus Honorius III probavit (c). Videatur autem jurisdictio in causas viduarum & mi-

(a) *Conf. Gonzalez. in cap. X. & seq. ex. de testam., Cong. v. intestatio & Jarron. lib. XIX. cap. 5. §. 3.* (b) *Cap. XXVI. ex. de V. S.* (c) *Cap. XV. ex. de foro compet.*

ferabilium personarum episcopis accessisse in alienum sensum detortis antiquis canonibus, qui passim viduarum, orphanorum, pauperum curam & tuitionem episcopis demandant, ut vide, re est apud Thomassinum (a). Nimirum quamvis longum discrimen esset inter tuitionem viduis & miserabilibus exhibendam, & in eas & earum causas jurisdictionem; tamen ubi forum ecclesiasticum omni causarum genere perstrebat, facile mera episcopalis defensio in jurisdictionem abiit.

Episcopi suppleant magistratum negligentiam.

§. XVII. His omnibus addere illud oportet, causas civiles laicorum ad forum episcopale etiam devolvi consuevisse in subsidium, & ad iudicis laici supplendam negligentiam. Jure novissimo Justiniani si praeses, vel provinciae rector provincialibus jus dicere negligeret, licebat eis episcopum adire, qui magistratum negligentem conveniebat, & si is interpellatus etiam neglexisset, principem ipsum facere debebat certiores: itemque si litigantibus rector provinciae suspectus foret, episcopus civitatis simul cum praeside iudex adjungebatur (b). At episcopi & pontifices mediis saeculis ulterius progressi officii & potestatis suae esse censebant, magistratum in jure dicundo supplere negligentiam, non ea de re principi nuntiare. Hinc si qua causa in longum apud magistratum traheretur, vel si magistratus jus dicere cessaret,

lis

(a) *Thomass. par. II. lib. 3. cap. 87. & seqq.*

(b) *Novel. LXXXVI. cap. 1. & seqq.*

lis transferebatur ad episcopum, & quasi jure devoluto laicis apud eum agere & conveniri licebat (a). Inde episcopi etiam sibi tribuerunt de judicibus suspectis judicare: quod & in Gallia & in Hispania obtinuit (b). Et in regno Apuliae sub regibus Andegavensibus, qui sedi apostolicae erant addicti, etiam judicum suspensiones apud episcopos tractabantur; idque a Regina Joanna II confirmatum est (c), & in posterioribus legibus cautum etiam reperitur (d); primusque Petrus de Toletis, dum vice regia imperabat, civili foro magistratum suspensiones restituit, quod Petrus Follerius testatur (e).

Episcopi quaestionum juris sibi tribuunt definitionem.

§. XVIII. Nec tantum episcopi causas ferme omnes laicorum jurisdictioni suae variis nominibus adserverunt; verum etiam ubi jus ipsum esset controversum, siue ecclesiasticum, siue civile, potestatis suae esse contendebant, controversiam definire: cui innovationi inducendae Innocentius III celebri rescripto occasionem dedisse videtur (f). Nimirum Innocentius ubi ait, se a Philippo rege Francorum requisitum, ejus filios, qui minus legitimi videri poterant

-
- (a) *Cap. VI. X. XI. & XV. ex. de foro comp.*
 (b) *Conf. Loyseau des signor. & justic. ecclesiastiq. chap. XV. & Rovit. in pragmat. II. de suspic. official.* (c) *Rit. CCLXV.* (d) *Prag. IX. de ord. judic.* (e) *Foller. addit. ad Marant. spec. aur. prax. civil. par. IV. dist. II.* (f) *Cap. per venerabilem XIII. ex. qui filii sint legitimi.*

rant, natalibus restituisse; addit sedis apostolicae esse definire, si quid in negotiis ecclesiasticis, civilibus, aut criminalibus difficile; & ambiguum emerferit: idque praesertim probat adducto Deuteronomii loco, quo decernitur, res ambiguas de sanguine, lepra & causa, idest de quaestione criminali, civili, & de ritibus solvendas in loco, quem dominus elegerit, a sacerdotibus Levitici generis & a iudice, qui fuerit illo tempore (a): quem locum satis mystica interpretatione ad sedem apostolicam accommodat; nec enim quae ad gentis Judaicae politiam pertinebant, recte ad Christi ecclesiam trahuntur. Jus autem hoc juris controversias decidendi ex sententia Petri de Marca tum Innocentius sedi apostolicae vindicavit, si a summis principibus pontifex consulere; non item si privati alienae jurisdictioni subiecti ad sedem apostolicam controversias deferrent (b): quae observatio nescio an vera sit. Constat enim, summos pontifices a privatis de rebus civilibus consultos difficiles juris nodos extricasse. Certum interim est, jus res arduas & ambiguas definiendi tantum sedi apostolicae Innocentium adseruisse; at decretalium interpretes eam doctrinam latius produxerunt, docueruntque generaliter, si quid difficile & ambiguum in controversiis & litibus rerum humanarum accideret, id a iudicibus ecclesiasticis dirimi debere.

Inst. jur. can. T. VI.

F.

Caus.

(a) *Deuter. XVII. 8. seqq.* (b) *Petr. de Marca de C. S. & l. lib. II. cap. 3. n. 5.*

*Causae omnes laicorum civiles ad episcopos
devolutae.*

§. XIX. His aliisque rationibus in omnibus ferme laicorum causis ecclesiastici tamquam iudices competentes sederunt, *Inde*, inquit Mornacius (a), *emicuit per longas aetates unum pene ac solum in universa Gallia forum ecclesiasticum, evuluitque toto illo tempore quasque emarcuit jurisdictio regia*. Et merito quidem id speciatim de Gallia Mornacius observavit; nam si alibi, maxime in Gallia ad omnes ferme civiles causas ecclesiastica jurisdictio extensa est; reges enim Galliae secundae stirpis tot beneficiis a sede apostolica aucti, & deinceps successores facile passi sunt in sibi subjectis provinciis supra modum ecclesiasticam jurisditionem extendi. Similiter in regno Apuliae sub regno Andegavensium mirum in modum extensa est ecclesiastica jurisdictio; reges enim Andegavenses exemplo regum Francorum, unde erant oriundi, & porro novis beneficiis a sede apostolica acceptis, non adeo curarunt regiam jurisditionem, & aequo animo tulerunt illius diminutione ecclesiasticam augeri.

*Ecclesiastica jurisdictio de causis civilibus
laicorum desit.*

§. XX. Sed tandem in causis civilibus laicorum ecclesiastica jurisdictio ubique per Occidentem ferme omnis defecit, & eo unde abscesserat, reversa est. Id commune est rebus omnibus humanis, ut a parvis initiis ad fastigium
eva-

(a) Mornac. ad L. VIII. C. de episc. audient.

evadant; & tandem veluti senescentes sensim proprio pondere ruant. Saeculo XIII in Gallia & deinceps in aliis provinciis coeperunt barones & magistratus sibi ereptam jurisdictionem vindicare (a), idque postea continuarunt. Hinc mutuae inter magistratus & episcopos querelae, quae tandem occasione dederunt celebri illi disceptationi coram Philippo Valesio rege Galliae anno 1300 habitae inter Petrum Cugnerium, & Bertrandum episcopum Aeduensem, quorum ille causam baronum & magistratum, hic partes episcoporum tuebatur (b), quamvis jurisdictio ecclesiastica nec recte impetita, nec recte defensa est juris publici, germanae theologiae & historiae ignorantia, quod Fleuryus observat (c), & ex actis controversiae constat. Interim pontifices & episcopi variis artibus uti, muneribus barones, eorum consanguineis beneficiis augere (d): interdum rationibus, saepe minis & excommunicationibus frangere baronum, magistratum & regum constantiam. Quicumque vero fuerint conatus, tandem regum edictis & tribunalium usu episcopi causa ceciderunt, & civilis jurisdictio in laicos magistratibus restituta est, tantumque pauca vestigia in Belgio & aliquibus aliis regio-

(a) *Conf. Espen. par. III. tit. 1. cap. 2.* (b) *Conf. Gerardus du Bois hist. eccles. Paris. lib. XVIII cap. 3. § 10. seqq.* (c) *Fleuryus. discurs. VII. in hist. eccles. n. 14.* (d) *Conf. Matth. Paris. ad an. 1200.*

nibus supersunt (a). Quin veluti certa juris regula recepta, laicos non posse judicis ecclesiastici prorogare jurisdictionem, seu in judicem ecclesiasticum consentire, ejusque jurisdictioni sponte se submittere, quod in Gallia & Hispania obtinet (b). Vitio autem sibi vertant ecclesiastici, quod civilem in laicos jurisdictionem amiserint; nam & contra concedentium mentem mire eam anxerunt, & praeterea causas, quas ex bono & aequo & sine tumultu tractare oportebat, forensibus tricis implicuerunt, & verterunt in quaestum.

CAPUT III.

De jurisdictione ecclesiastica in causis civilibus clericorum.

Clerici perfecti a litibus alieni.

§. I. **C**hristiana perfectio id videtur postulare, ut fideles, qui eximiis divinae gratiae donis instructi ad fastigium caritatis contendunt, sua judicio non repetant, sed potius relinquunt & injuriam patiantur. Qui rebus caelestibus & spiritualibus se penitus immergunt terrena ferme despiciunt. Haec a litibus alienatio clericis propria videtur, qui cooptati
in

(a) *Conf. Espen. loc. cit. tit. II. cap. 2.*

(b) *Conf. Feuret. de abus. lib. IV. cap. 6. n. 1.*
& *Gonzalez in cap. XVIII. ex de foro comp. n. 10.*

in sortem domini perfectionem christianam amplecti intelliguntur. *Decet clericum, inquit Ambrosius (a), esse benignum, non alieni capidum, immo de suo jure cedentem potius aliqui, si fuerit laceratus, quam aliena jura pulsantem, fugitantem litium, abhorrentem a jurgis, redimentem concordiam & tranquillitatis gratiam. Et quamvis rerum dominia cum sacerdotio non pugnent; tamen quando rerum temporalium occasione lites excitantur, ratio propriae vocationis id exigere videtur, ut clerici nec sua judiciis repertant, nec ab aliis provocati suat teneantur. Episcopus, inquit synodus IV. Carthaginensis (b) nec provocatus, pro rebus transitoris litiget. Quo etiam alter ejusdem synodi canon spectat, discordantes clericos episcopus vel ratio, ne, vel potestate ad concordiam trahat (c).*

Ecclesia vult, ut clerici judicio ecclesiastico litigent.

§ II. Haec autem rerum terrenarum abjectio & litium devitatio eximiae virtutis & perfectionis est, quam vix pauci clericorum adsequi poterunt. Hinc dum rerum temporalium dominium clericis relictum est, eis etiam per canones indultum, ut sibi ablata repeterent, sed ecclesiastico judicio, non forensi. Et quidem synodus Chalcedonenſis poenis canonicis subjecit clericum, qui cum clerico negotium habens, non prius adeat episcopum, apud quem

lis

(a) *Ambros. lib. II. de off. cap. 21.* (b) *Conc. Carthag. IV. can. XIX. ap. Grat. can. I. C. 14. q. 1.* (c) *Can. I. D. 90.*

lis agitetur, sed statim ad publica judicia excurrat (a). Et longe ante synodus Carthaginensis III accusationem, aut petitionem contra clericos in ecclesia propositam ecclesiastico iudicio definiri voluit, graduque suo exturbavit clericum, qui rejecto ecclesiastico iudicio apud publicum iudicem de crimine se purgari maluit, etiam si innocens emergerit, rei vero in iudicio civili evictae amissionem indixit, si gradum suum vellet retinere (b). Male profecto de ecclesia sentire videbatur clericus, qui se ius iudicio stare recusaret, dum accusator aut actor querelam, aut petitionem suam apud episcopum deposuisset. Quod si clerico actio contra laicum esset, tantum ex episcopi concessione licebat magistratum adire. *Clericis*, inquit synodus Venetica (c), *nisi ex permisso episcoporum fuerum, saecularia iudicia adire non liceat*. Et synodus Agathensis (d), *ne clericus quemquam praesumat apud saecularem iudicem episcopo non permittente pulsare*, ut habet genuinus canon apud Labbaeum.

Clerici a iurisdictione magistratuum olim non exempti.

§. III. Regulae istae non ad ampliandam ecclesiasticam iurisdictionem, sed potius ad sanctiorem disciplinam promovendam spectabant, ut

(a) *Conc. Chalced. can. IX.* (b) *Conc. Carthag. III. can. IX. op. Grat. can. XLIII. C. 11. q. 1.* (c) *Conc. Venetic. in Gallia can. IX.*

(d) *Conc. Agath. can. XXXII. tom. 4. conc. cit. ap. Labb.*

ut clerici molestiis fori expediti melius altari deservirent : nec iis quidquam de jurisdictione magistratuum in clericos deminutum est . Clericos , qui sunt cives a potestate magistratuum eximere , non erat ecclesiae , sed summorum imperantium (a) . Hinc canones tantum poenis canonicis subiciebant clericos , qui contra alios clericos apud publicos iudices ius suum persequabantur , aut ecclesiastica iudicia respuebant ; nec unquam statuunt , ut clerici a magistratu vocati non se sisterent , nec latis a magistratu sententias nullas dicunt . Et profecto si clerici apud publicos iudices in causis pecuniariis conveniebantur , debebant comparere : tantum in potestate erat actoris , utrum ecclesiastico an forensi iudicio experiri mallet , quod Marcianus imperatoris legibus comprehensum est (b) . Quin sequenti post synodum Chalcedonensem anno Valentinianus III vinculum compromissi videtur desiderasse , ut clerici ad episcopi audientiam vocari possent , sive actor clericus , sive laicus foret (c) : quam compromissi necessitatem mox Majorianus remisit ex sententia legum , quae ante Valentinianum III prodierant (d) . Tantum per legem Leonis & Anthemii clerici & monachi in causis pecuniariis coram suae provinciae

(a) *Conf. Espen. par. III tit. 1. cap. 3.* (b) *L. XIII. C. de episc. aud. , L. XXV. C. de episc. & cler.* (c) *Valentinian, III. novell. XII. de episc. iud. ad calc. C. Th.* (d) *Conf. Franc. Florens tract. de jurisd. eccles. in can. 1. & 46.*

vinciae ordinariis magistratibus in jus debebant conveniri, ne ad peregrina judicia pergere coacti ecclesias & monasteria relinquerent (a).

In civilibus fori privilegium clericis datum.

§. IV. Haec fuit methodus dirimendarum litium ad clericos pertinentium usque ad Justinianum, qui primus in causis pecuniariis a magistratum jurisdictione monachos & clericos exemit. Et initio quidem hic imperator ex forma legum antecedentium statuit, ut pro arbitrio suo actor ecclesiastico, vel civili judicio clericum conveniret (b). Tum monialium & monachorum causas ad episcopos deferri jussit (c): & hinc abrogata est Leonis & Anthemii constitutio (d), quae statuebat, monachos & clericos in jus extra proprias provincias non vocari, sed apud provinciarum suarum judices ordinarios. Inde idem Justinianus rogante Menna patriarcha Constantinopolitano etiam clericos a magistratum civilium jurisdictione exemit, eosque apud proprias episcopos sublata ferme judicis electione jussit conveniri (e). Sed generale hoc privilegium non fuit, nam si ob causae naturam aut aliam difficultatem episcopus litem finire non poterat, tum licebat apud publicos judices clericum convenire: *quod si aut propter causae naturam, aut propter quamdam forte difficultatem non fuerit possibile Deo amabili episcopo de-*
ci-

(a) L. XXXIII. C. de episc & cleric. (b) L. XXIX §. 4. C. de episc aud. (c) Novel. LXXIX cap. 1 & 2. (d) L. XXXIII. C. de episc. Conf. Cujac. in cit. novel. (e) Novel. LXXXIII.

cidere negotium, tum licentia erit ad civiles iudices pergere. Et alia edita constitutione mox idem Justinianus a sententia episcopi ad publicum iudicem appellari permisit, sed ea moderatione, ut si iudex appellatus sententiam episcopi probasset, tum lata sententia executioni traderetur; nova vero daretur appellatio, per juris ambages exercenda, si sententia iudicis iudicatis ab episcopo adversaretur (a).

Ratio privilegii fori in re civili clericis concessi:

§. V. Ratio autem, qua Justinianus monachis & clericis in causis pecuniariis fori privilegium concessit, haec profecto fuit, ne illi litibus implicati & strepitu fori distracti a solitudine, aut altaris servitio avocarentur. Certe imperator voluit, ut episcopi monialium & monachorum causas non tamquam iudices ex formulis & strepitu fori, sed potius *honeste & sacerdotaliter* iudicent, ut a contentione monachi expediti, sine distractione Deo vacarent: idemque etiam habet in novella LXXXIII, quam Cujacius (b) ita contraxit, *clerici actione pecuniaria committuntur coram episcopo, qui litem finiat celerrime, sine sumtu & scriptura sollemni*. Nimirum ex antiquis moribus ecclesiastica de pecuniis iudicia exercebantur rejectis formulis & ambagibus fori, & episcopi tamquam arbitri & pacis sequeres concordiam litigantibus instillabant, quod ex universa antiquitate constat. Sed placet referre methodum, qua Augustinus lites clerico.

Inst. jur. can. T. VI. G rum

(a) *Novel. CXXIII. cap. 21.* (b) *Cujac. in novel. LXXIX.*

rum dirimebat : si pueri isti servi Dei sunt, inquit. (a), litem hanc inter illos cito finimus. Audio illos ut pater, & forte melius quam pater ipsorum. Videbo, quid sit iuris, sicut Deus voluerit, cum paucis fratribus fidelibus honoratis, Deo propitio, de numero vestro, id est de plebe ista. Audio inter illos caussum, & sicut Deus donaverit, finio. Sed temporis lapsu mutata est episcopi audientia, & quae causae ex bono & aequo finiebantur, per iuris ambages & non exiguos suntus coeperunt agitari : quo factum, ut contra finem concedentis & antiquae disciplinae regulas clerici privilegi utantur.

Fori privilegium confirmatur & augetur.

§. VI. Ita primum legibus Justiniani indutum est monachorum & clericorum in causis civilibus fori privilegium, quod lapsu temporis aliis principum legibus, synodorum canonibus & pontificum decretalibus confirmatum & augmentum est. Equidem Pelagius I Justiniano aequalis (seu potius Pelagius II) generatim habet, ut laicus actor reum clericum in episcopali foro, & vicissim clericus actor laicum reum in foro civili conveniat, idque etiam, esse ait, ex principalium sanctionum auctoritate (b). Item Carolus M. edixit, ut clerici non distringantur, vel dijudicentur, nisi a propriis episcopis (c). Sed post saeculum decimum synodorum canonibus & pontificum decretalibus omnino constabilita est.

(a) August. serm. XLIX. alias CCCLV. de divers. (b) Can. XV, C. 11. q. 1. (c) Capit. reg. Franc. lib. VII. cap. 422.

est regula, clericos in causis civilibus & criminalibus apud episcopos esse conveniendos, sententias latis a saeculari iudice contra clericos, quamvis convictos & confessos, irritas fore, tamquam a non suo iudice latis, censure ecclesiastica plectendos iudices, qui clericos iudicio suo stare compellerent, exceptis tantum feudilibus causis, quarum cognitio domino feudi reservata est (a). Canonibus & decretalibus vim addidit. Fridericus II, qui statuit, ut nullus ecclesiasticam personam in criminali, vel civili quaestione ad iudicium saeculare trahere praesumeret: *quod si actor fecerit, suo iure cadat; iudicatum non teneat, & iudex ex tunc potestate iudicandi privetur* (b). Quin in plerisque locis mos invaluit, ut clerici etiam laicos coram iudice ecclesiastico convenirent ad vindicandam rem a laico possessam; licet eam esse suam laicus contenderet, quod Alexander III testatur, qui ad extendendam ecclesiasticam jurisdictionem in specie, quia clericus contra laicum agere tenetur, regulam, ut actor forum rei sequatur, *iuris rigorem appellat*. (c).

Spuria monumenta de foro civili clericorum.

§. VII. Jam ut posterior disciplina cum antiquiori concineret, & ad fortius constabilienda clericorum privilegia post saeculum sextum varia spuria prodierunt monumenta, aut genni-

G 2

na

(a) *Conc. Lateran. III. can. XLV., cap. IV. ex. de jud., cap. VI. & seq. ex. de foro comp. cap. II. de foro comp. in 6.* (b) *Auth. statuimus C. de episc. & cler.* (c) *Cap. V. ex. de foro compet.*

na corrupta sunt, quibus longe ante civiles leges privilegium fori in re civili statutum exhibetur, aut ab ecclesiae auctoritate processisse. Et quidem sub Marcellini papae nomine habetur, *clericum cujuslibet ordinis absque pontificis sui permissu nullus praesumat ad saecularem judicem attrahere* (a). Item sub nomine Gelasii papae refertur apud Gratianum, clericos in causis civilibus apud episcopos judicari debere, *ut ecclesiae jura, quae vetusti principes assidua sanctione firmarunt, impetitis clericis non negentur* (b). Tertio exeunte saeculo Marcellinus summus pontifex creatus est; atque adeo sub ethnicis principibus, qui poterat edicere, ne absque permissu pontificis clerici apud saecularem judicem vocarentur? Gelasius quoque anno ccccxcix pontifex creatus est, nec propterea dicere poterat, *vetustos principes assidua sanctione firmasse fori privilegium clericis in causis civilibus concessum, quod longe post primus Justinianus indulgit. Et ut alia multa mittam canon XXXII synodi Agathensis anno dcvj habitae statuit, ne clericus quemquam praesumat apud saecularem judicem episcopo non permittente pulsare*, quae est genuina lectio apud Labbaenum: contra apud Gratianum in alienum sensum detortus prostat, *Clericum nullus praesumat apud saecularem judicem episcopo non permittente pulsare* (c). Genuinus canon id habet, ne clerici sine episcopi venia apud judices suas lites deferant, quod a quin-

(a) *Can. III. C. 11. q. 1.* (b) *Can. XIII. eod.*
 (c) *Can. XVII. eod.*

quinti saeculi disciplina non recedit: contra corruptus canon videtur velle, ab ecclesiae potestate esse, ne clerici apud laicum judicem conveniantur.

Fori privilegium in re civili multis locis deminutum.

§. VIII. Sed labentibus annis in multis christianis provinciis, praesertim in Gallia & Belgio, clericorum fori privilegium in causis civilibus pro maxima parte defecit, & passim clerici in actionibus in rem apud laicos judices conveniuntur (a). Tantum in causis mere personalibus si clericus reus sit, judex ecclesiasticus cognoscit: at ubi tantillum causae in rem, vel mistae occurrit, veluti in actione hypothecaria, clerici etiam rei apud laicum judicem in jus vocantur: aequè ac si agitur de implendis contractibus; qui coram regio notario initi sunt; ut enim observat Feuretius (b), ejusmodi contractibus in Gallia inseri consuevit formula, qua contrahentes sponte sua ordinariae & civili jurisdictioni se addicunt. Etenim in Gallia decretalium dispositio, qua vetatur clericus fori privilegio abrenuntiare, & judicis laici prorogare jurisdictionem, in causis civilibus usu sublata est, quod Mornacius testatur (c). Quo fit, ut etiam in causis mere personalibus clerici rectè conveniantur coram judice laico, modo in id con.

(a) *Conf. Roussell. hist. jurisd. pontificiae lib. IV. cap. 4. & Damhouderus in praxi civili cap. XXXIII.* (b) *Feuret. de abusu lib. IV. Cap. 6. n. 10.* (c) *Mornac. ad L. IV. D. de pactis.*

consentiant, alias petere possunt, ut ad forum ecclesiasticum ablegentur. Caussa tantae mutationis videtur repetenda a tricis forensibus, quae in forum ecclesiasticum irreperunt; quando enim methodus litigandi apud iudices ecclesiasticos intricatior prae foro civili evalebat, quin & sumtibus affluens, e re sua esse perpexerunt clerici, potius apud laicos, quam ecclesiasticos iudices conveniri: & magistratus in multis articulis jurisdictionem vindicarunt suam, quando experientia innotuit *honeste & sacerdotialiter*, ut ait Justinianus (a), causas ab episcopis non tractari.

Jure regni nostri qua forma constitutum.

§. IX. Quod vero spectat ad Siciliae regnum, quo & Sicilia proprie sic dicta & Apulia diu comprehensae sunt, sub regibus Nortmannis & Svevis clericorum fori privilegium in causis civilibus pro parte obtinuit. Etenim clerici in actionibus in personam apud episcopum, at in actionibus in rem conveniri debebant apud iudicem saecularem ejus loci, ubi res sita erat, modo ex causa judicati in personam executio non fieret, quod Gulielmus I. rex statuit (b), & inde Fridericus II confirmavit (c). Quo tempore regum nostrorum constitutiones conditae sunt, causae in foro ecclesiastico tricis forensibus agitabantur, ac proinde justum visum fuit regibus

no.

(a) *Novel. LXXIX. cap. i.* (b) *Const. si quis clericis tit. de clericis conveniend. pro possessionib.*

(c) *Const. de burgensaticis tit. de sacram. praest. bojulis.*

nostris, clericoꝝ fori privilegium in causis pecuniariis ad solas actiones personales restringere. Confirmavit quidem Fridericus alia constitutione generaliter fori privilegium clericis quaesitum ex forma legum imperialium & canonum (a); at constitutio illa ex imperialibus fuit, nec ad Siciliam pertinuit. Inde regno ad Andegavenses translato fori privilegium extensum est, & exceptis causis feudalibus, clerici & in causis civilibus & criminalibus foro ecclesiastico addicti sunt: quod jus pactis conventis investiturae a Clemente IV Carolo I datae comprehensum, deinceps Carolus II ratum habuit (b). Parum videbatur Carolo magistratuum jurisdictionem in clericos deminui, modo regnum, cuius erat appetentissimus, acquireret. Ita abrogatis regni constitutionibus, quas pragmatici juris publici & antiquitatis ignorantia veluti libertati ecclesiasticae adversas traduxerunt, deinceps in regno Apuliae jus a Carolo II confirmatum semper obtinuit, etsi moribus receptis plures species excipiantur, in quibus clerici apud magistratum agunt & conveniuntur, quae de re inferius.

☞ *Quidquid sit de antiqua Insulae nostrae politia quoad causas civiles clericorum; in compertis est, postremis Ferdinandi feliciter gubernantis litteris sancitum esse, Clericos in causis civilibus, & actionibus realibus subiectos remanere ordinariae Magistratuum Civilium jurisdictioni, etiam quoad*

(a) *Auth. statuimus C. de episc. & clero*

(b) *Cap. item statuimus XCIV.*

bona, quæ titulo patrimoniali possident: Vid. Cod. Sicutum Dominici Gianrizzo T. I. p. 393.

CAPUT IV.

De jurisdictione criminali ecclesiastica.

Civilis potestatis est crimina punire.

§. I. **P**otestatem criminum, quæ in civitate admittuntur, puniendorum inter jura majestatis censi nemo unus ignorat. Nimirum quæ ad civium securitatem spectant, ea omnia summæ potestatis jura constituunt; ubi enim homines in civiles societates coaluerunt, simul emerit summum imperium, cujus auctoritate securi cives viverent, & quisque suo jure contentus aliena non invaderet. Pluribus vero modis civium securitas procuratur, inter quos procul dubio censi debet potestas gladii ad animadvertendum in facinorosos homines, seu potestas ad crimina debitis poenis pro varia reipublicæ ratione vindicanda: poenarum enim metu homines a criminibus admittendis deterrentur, & quisque in officio manet: qua ratione & ad læsi utilitatem & satisfactionem procurandam poenæ in civitate receptæ sunt, quod Grotius pluribus illustrat (a). Et profecto vindictæ potius, quam poenæ civilis rationem habet, si ut nocentes cruciatus & tormenta susti-

(a) *Grotius de I. B. ac P. lib. II. cap. 20. §. 7. seqq.*

fineant, poenae tantum infligantur; ut enim observatum est viris sapientibus, homini non nocetur, quia peccavit, sed ne peccet; nec unquam ad praeteritum, sed ad futurum poena refertur, utpote quae non irascitur, sed cavet (a). Quando itaque poenae ad civium securitatem infliguntur, dubio procul earum irrogandarum potestas tantum summo imperio cohaeret: quod adeo verum est, ut in statu naturali poenis sic proprie dictis vix locus esse possit (b), etsi triumviri doctissimi Grotius, Lockius & Barbeyracius etiam extra civitatem jus poenarum infligendarum esse contendunt.

Quicumque demum sit, qui delinquit.

§. II. Civilis vero potestas pro jure suo puni vindicatque crimina omnia, quisque demum sit, sive laicus, sive clericus, qui delinquit; clerici enim per domini sortem cives esse non desinunt. Et profecto apostolus nullo facto personarum discrimine, civilis imperii esse docet criminum puniendorum potestatem. Ejus nimirum sententia est, omnem hominem jure divino subiectum esse civili potestati, quae ex Dei ordinatione gladium portat, illumque in facinorosos omnes exercet. *Omnis anima*, hoc est omnis homo, *potestatibus sublimioribus subdita sit*: non enim est potestas nisi a Deo. . . . itaque qui resistit potestati, Dei ordinationi resistit. . . . Dei enim minister est tibi in bonum: si autem malum.

Inst. jur. can. T. VI. H lum

(a) Plato de legib. lib. XI. Seneca de ira lib. II. cap. 31. (b) Conf. Puffendorf. de jur. nat. & gem. lib. VIII. cap. 3. §. 7.

lum feceris, time; non enim sine causa gladium portat. Dei enim minister est, vindex in iram ei, qui malum agit (a). Quibus verbis apostolus aperte docet, jure divino ad civilem potestatem spectare jus criminum puniendorum; quisquidemum fit, qui delinquit; loquitur enim de illa potestate, quae gladium portat, & cui tributa penduntur. Apostolicae doctrinae consonant veteres patres, qui tenent, clericos omnes, etiam episcopos, jure divino subjectos esse civili potestati. Instar omnium sit Chrysostomus (b), qui ex verbis apostoli eam doctrinam proponit: *potestatibus ex debito obedire jubet (a. apostolus); ostendens quod ista imperentur omnibus, & sacerdotibus & monachis, non solum saecularibus, id quod statim in ipso exordio declarat, quum dicit: omnis anima potestatibus sublimioribus subdita sit, etiamsi apostolus sis, si evangelista, si propheta, sive quisquis tandem fueris, non enim pietatem evertit ista subjectio.* Veteribus consentit S. Bernardus, qui ex eadem apostoli doctrina ipsum archiepiscopum Senonensem civili potestati subjici concludit (c): *omnis anima potestatibus sublimioribus subdita sit: si omnis, & vestra: quis vos excipit ab universitate? si quis tentat excipere, conatur decipere.*

Ecclesia punit delicta in foro interno.

§. III. Haec autem principum in puniendis criminibus, quae in civitate admittuntur, potest.

(a) *Ad Rom. XIII. 1. seqq.* (b) *Chrysost. hom. XXIII. in ep. ad Rom.* (c) *S. Bernard. ep. XLII. ad archiep. Senonens.*

testas numquam fuit, nec est ecclesiae impedimento, quominus in foro interno delicta coërceat. Nimirum apud christianos forum internum & sacramentale Christus instituit, ut congruis poenitentiis irrogatis iterum amissam per peccata innocentiam recuperare possimus. Verum nihil habet ejusmodi forum cum potestate principum in puniendis criminibus, quum ad diversos fines dirigantur: illud scilicet ad salutem aeternam, haec vero ad civitatis securitatem. Hinc mira fuit per plura saecula in puniendis criminibus sacerdotii & imperii concordia: primum reos damnabant civiles magistratus, si crimina erant civilia: cum damnatos ecclesia poenitentiae subiciebat. Primum saeculo nono nonnulli reorum jactare coeperunt, *nil pertinere ad episcopum, quae a publico examinata dignoscuntur, & discussa*; at tantam audaciam synodus Joannis papae, seu Trecentensis, seu Trecentis anno MDCCCLXXII repressit, quae veteri disciplina confirmata, statuit, ut episcopi in suis paroeciis liberam haberent potestatem crimina omnia inquirere, ulcisci & judicare secundum quod canones censent absque impedimento alicujus (a). Verba secundum quod canones censent plane demonstrant, synodum tantum de foro poenitentiali statuuisse, canones enim tantum poenis canonicis & in foro interno crimina puniebant. Et profecto toto caelo errat Gonzalez (b), qui canonem Trecentensem ita interpretatur,

H. 2

qua-

(a) *Cap. I. ex. de off. jud. ordin.* (b) *Gonzal. in cit. cap. I.*

quasi liceret episcopis crimina saltem mitti fori etiam in foro externo & poenis civilibus vindicare.

Crimina clericorum communia & ecclesiastica.

§. IV. Quoniam vero a ratione alienum videbatur, clericos delinquentes publicis judiciis coerceri; pro pietate sua christiani principes eos ab imperio magistratus exemerant, eorumque delicta episcopis commiserunt punienda: idque sensum factum est. Crimina clericorum duplicis generis sunt, *communis* nempe, seu *civilis*, & *ecclesiastica*. Communia sunt, quae clerici committunt tamquam cives, iisque publica tranquillitas in primis turbatur & evertitur, qualia homicidium, peculatus, adulterium, furtum. Ecclesiastica vero sunt, quae directe contra religionem & ecclesiasticam disciplinam admittuntur, quaeque poenis canonicis vindicantur, qualia apostasia, haeresis, schisma, simonia. Ad communia crimina accedunt leviora vitia, quae *morum* nomine veniunt, quaeque licet quod spectant christianam sanctitatem gravia sunt, tamen in civitate levia existimantur, qualia erant ebrietas, alea, scortatus. Et quamvis veteri *de moribus* iudicio & leviores culpae & graviores venirent (a); tamen aperte Honorius imperator inter crimina & mores distinguit, & nomine *morum* intelligit levia vitia, quae *mediores culpas* appellat (b).

Cle-

(a) *Ulpian. fragm. tit. VI. §. 12.* (b) *L. II. C. Th. de repud.*

Clerici in delictis ecclesiasticis a potestate civili exempti.

§. V. Jam vero christiani imperatores in ecclesiasticis criminibus & in causa morum, seu delictis levioribus, clericos in synodis & ab episcopis judicari & puniri voluerunt, non item in civilibus delictis gravioribus, quae imperio ordinariorum judicium puniendi reservarunt. Certe Valentinianus senior rescripsit, ut in causa fidei, vel ecclesiastici alicujus ordinis, aut si alias argueretur episcopus, & morum esset examinanda causa, sacerdotes de sacerdotibus judicarent, quod Ambrosius testatur (a); nam ejusmodi rescriptum in neutro codice prostat. Inde Gratianus eadem facta delictorum distinctione clericos in causis ecclesiasticis & in judicio de moribus synodis addixit; at in delictis civilibus nihil de magistratuum in clericos imperio deminuit: *ut si qua sunt ex quibusdam distinctionibus levibusque delictis ad religionis observantiam pertinentia, locis suis & a suae dioceseos synodis audiantur; exceptis quae actio criminalis ab ordinariis extraordinariisque judicibus, aut illustribus potestatibus audientia (seu potius audienda) constituit (b).* Similiter sub nomine Theodosii M. statuitur, ut clerici ab episcopis judicentur, quantum ad causas ecclesiasticas attinet, quas decet episcopali auctoritate decidi (c); in quam eandem sententiam Honorius & Valentinianus

(a) Ambros. ep. XXXII. (b) L. XXIII. C. Th. de episc. (c) L. III. de episc. judicio ad eadem. C. Th.

nus III deinceps suas etiam dederunt leges (a). Hinc veluti constans regula sub christianis imperatoribus diu obtinuit, clericos in delictis ecclesiasticis & iudicio de moribus censurae ecclesiasticae, in delictis vero civilibus imperio magistratus subesse. Quod si Constantius generatim statuerit, ut episcopi apud alios episcopos accusarentur (b); haec lex non diu stetit, utpote quae a sequentibus principibus abrogata est: & porro potius tamquam laqueus, quam privilegium ab Ariano principe paratus spectari debet, ut episcopi catholici ab Arianis, qui hoc tempore in synodis praevalebant, opprimerentur, quod Jac. Gothofredus recte observat (c).

Idque ex regulis christianae religionis.

§. VI. Ceterum in ea parte, qua statuunt imperatores, ut in rebus fidei & ad religionem pertinentibus, episcopi iudices sedent; videtur potius confirmasse regulas ecclesiasticas, quam aliquid de novo statuisset, aut tribuisset; cognitio enim & iudicium de rebus ad religionem spectantibus ex regulis christianae religionis episcoporum, non principum est. Et profecto testatur Ambrosius (d), statuisse Valentinianum in causa fidei, vel ecclesiastici alicujus ordinis eum iudicare debere, qui nec munere impar sit, nec jure dissimilis. Et constitutio Theodosii M. nomen praeferens, de causis ecclesiasticis
ait

(a) L. I. C. Th. de religione, novel. XII. ad cate. C Th. (b) L. XII. C. Th. de episc. (c) Gothof. in cit. L. XII. (d) Ambros. ep. XXXII.

ait, *quas decet episcopali auctoritate decidi (a)*. Item Honorius habet, *quoties de religione agitur, episcopus oportet judicare (b)*. Quae loca aperte probant, imperatores christianos in causis ecclesiasticis nullam exemptionem concessisse, sed ecclesiae regulas potius confirmasse. Sed rem omnem conficit Ambrosius (c), qui ad Valentinianum Juniorem ita fatur, *quando audisti, clementissime imperator, in causa fidei laicos de episcopis judicasse? Ita ergo quada n adulatione curvamus, ut sacerdotalis juris simus immemores, & quod Deus donavit mihi, hoc abis putem esse credendum?* Oportebat hanc observationem fecisse, ne ecclesiastici juris candidati, imprudenter labantur, credantque, ab imperatorum liberalitate processisse, quod episcopi in causis ecclesiasticis judices sedeant.

Qui Justinianus delicta civilia clericorum puniri voluit.

§. VII. Sed privilegium fori clericis in causis criminalibus concessum, quod legibus imperatorum crimina ecclesiastica & ex civilibus levia delicta complectebatur, sub Justiniano auctum est, aliamque formam induit. Quamvis enim princeps iste primum ex sententia veterum legum fori exemptionem clericis confirmavit (d); tamen inde veteres & suas leges egressus, clericos amplioribus ornavit praerogativis.

Et

(a) L. III. de episc. judicio ad calcem C. Th.

(b) L. I. C. Th. de religione. (c) Ambros. ep. cit. (d) Novel. LXXXIII. praef. § 2. &

Et quidem episcopos, qui speciali honore digni videbantur, in causis sive civilibus, sive criminalibus invitos ad iudices publicos vetuit exhiberi (a). Quod vero spectat reliquos clericos & monachos, edixit, ut si coram episcopo de civilibus criminibus primum accusentur, ab eo convicti deponantur, & tum illos iudex publicus corripiat, & secundum leges in eos agat: si vero prius ad publicum iudicem deferantur, tum iudex gesta monumentorum omnia episcopo communicet, quae si episcopus probaverit, reos gradu suo dejiciat, & tum iudex illos poenis debitis afficiat: at si gesta monumentorum episcopus non prober, ad imperatorem tam ab episcopo, quam a iudice referri voluit; *ut nos hoc cognoscentes, quae nobis videantur, jubeamus* (b). Qua novella constitutione indulgit quidem Justinianus clericis civilium criminum reis, ut a publicis iudicibus improbane episcopo non damnentur, at integram reliquit ipsius principis in clericos facinorosos potestatem.

Clerici nunquam subtrahuntur a suprema imperii potestate.

§. VII. Et profecto docent juris publici consulti, non posse summos imperantes omnino eximere aliquos ex civibus suprema imperii potestate, ita ut exempti cives nec ipsi summae potestati subjiciantur. *Non potuerunt principes*, inquit

(a) *Novel. CXXIII. cap. 8.* (c) *Cit. novel. CXXIII. cap. 21.*

quit Barclajus (a), nec adhuc possunt clericos in suis regnis constitutos ea libertate donare, ne ipsi potestati seculari subsint, neve delinquentes ab iis judicari, & puniri possint, nisi eadem opera se principatu & imperio abdicent; est enim proprium principum & inseparabile animadvertere posse in delinquentes & omnia reipublicae membra, cives, inquam, omnes poenis & praemiis legitime gubernare. Sane etiam post concessas immunitates & exemptiones clerici manent cives, & unum corpus cum reliquis civibus componunt, ut proinde etiam subjecti sint oportet ei, qui cum summo imperio civitati praeest, alias princeps non esset princeps, aut ipsi non cives. Hinc exemptiones omnes, quibus clerici aucti sunt, etsi amplissimis formulis conceptae, tantum ordinarios magistratus spectant, & salvo summi imperii jure intelliguntur. Et reapse non aliud sonant exemptiones, quam clericos coram ordinariis magistratibus non esse conveniendos & accusandos: immo Justinianus, etsi alias monachis & clericis admodum faverit, aperte supremam imperii potestatem reliquit integram & intactam. Quo principio non possunt quidem de exemptis ordinarii magistratus pro jure suo cognoscere & judicare; at principi semper integrum est, eorumdem causas ad se trahere & speciali delegatione magistratibus committere. Et inde etiam manavit hodiernus usus, quo in

Inst. jur. can. T. VI. I. caus.

(a) Barclajus de potest. papae cap. XXXIII. Conf. Sarpus in considerationibus & Roussel in hist. pontif. jurisd. lib. IV. cap. 3.

caussis, quae de competenti jurisdictione inter magistratus & episcopos emerferint, suprema principum auditoria cognoscunt, quod Espenius observat (a).

Clerici in omnibus criminibus imperio magistratus exempti.

§. IX. Jam vero post saeculi sexti medieta-
tem, atque adeo post editas Justiniani novellas,
in multis Occidentis provinciis tantum ex con-
sensu, aut scientia episcopi licebat magistrati-
bus in clericos civilium criminum reos animad-
vertere, excommunicatione iudicibus irrogata
si contra quidquam attentassent: quam discipli-
nam synodi Altiſſiodorensis anno 10LXXVIII &
Parisiensis V anno 10CXV proponunt (b). Sed
tandem clerici in omnibus criminibus jurisdic-
tioni episcoporum, exclusis publicis iudicibus,
addicti sunt: quod jus in capitularibus regum
Francorum continetur. *Vt clerici ecclesiastici or-
dinis, inquirunt capitularia, si culpam incurre-
rint, apud ecclesiasticos iudicentur* (c). Et alio
loco, *nemo audeat clericum, aut monachum, vel
sanctimoniam feminam ad civilem iudicem
accusare, sed apud episcopum* (d). Quin hac me-
dia aetate tanta fuit status clericalis dignitas,
ut ex regum perpetua indulgentia clerici, &
praesertim episcopi, etiam in crimine laesae
majestatis in synodis judicari & puniri contueve-
rint

(a) *Espen. par. III. tit. 3. cap. 1.* (b) *Conc. Altiſſiod. can. XLIII., conc. Paris. V. can. IV.*

(c) *Capit. lib. I. cap. 28.* (d) *Capit. lib. V. ap. 22. Conf. Thom. ass. par. II. lib. 3. cap. 108.*

rint, quod multis Thomassinus & Alteserra tradunt (a). Ita semel inductum in criminibus clericorum fori privilegium deinceps synodorum canonibus & pontificum decretalibus confirmatum est, censurae contra judices, qui poenas de criminosis clericis sumere auderent, irrogatae, & vis omnis latis sententiis denegata (b). Accessit constitutio Friderici II, qua statuitur, *ut nullus ecclesiasticam personam in criminali quaestione, vel civili trahere ad iudicium saeculare praesumat contra constitutiones imperiales & canonicas sanctiones: quod si actor fecerit, iure suum cadat, iudicatum non teneat; & iudex ex tunc potestate iudicandi privetur* (c). Et ad fortius adserendas a magistratus potestate clericorum exemptiones, posterioribus synodis etiam id edicitur, tam jure divino, quam humano in clericos nullam esse laicis potestatem (d).

Idque initio politiae non adversum.

§. X. Illud hic paradoxum videri poterit, qui factum sit, ut clerici in omnibus criminibus ab imperio magistratus eximerentur, & episcopis & synodis committerentur puniendi, quando ecclesiae non est poenas atrociores irrogare, & sanguinem effundere. Videntur principes non bene reipublicae consultasse, clericis

I 2

ve.

(a) Thomass. loc. cit. cap. 109., Alteser. de jurisd. eccles. lib. V. cap. 4. (b) Conc. Lateran. III. can. XIV., cap. IV. & VIII. ex. de iudic.

(c) Auth. statuimus C. de episc. & cler.

(d) Conc. Lateran. V. sess. 9., Trid. sess. XXV. de ref. cap. 20.

velati impune delinquendi venia concessa. Sed re diligentius expensa, clericorum fori privilegium in causis criminalibus forte ejus aetatis, qua concessum est, moribus non adversabatur. Nimirum apud gentes, quae regionibus septentrionalibus egressae, totum ferme Occidentem occuparunt, crimina fere omnia multis seu poenis pecuniariis, quas *compensationes* dicebant, solebant vindicari, & raro admodum sanguis effusus (a). Hinc leges multae prodierunt, quibus satis minute compositiones in singulas injurias decernuntur, quod Montesquius observat (b). Receptos gentis suae mores populi retinuerunt, etiam postquam Christum amplexi sunt: & hinc in capitularibus regum Francorum decernuntur multae, quibus, homicidia presbyterorum & laicorum & alia immania facinora componuntur (c). Hac recepta inter populos miti poenarum disciplina, Caroli M. & aliorum regum beneficio clerici criminum rei, exclusis judicibus publicis, suorum episcoporum judicio puniendi addicti sunt: atque adeo nec receptae politiae, nec ecclesiae mansuetudini adversabatur, episcopos de criminibus omnibus clericorum judices sedere & poenas irrogare. At, inquit, ecclesia legibus Romanis vivebat etiam in provinciis, ubi populi propriis legibus utebantur: verum ecclesia sanguinis poenas jure Romano propositas mansuetudine sua oblitteravit, & ea-

(a) *Conf. Cangius. v. componere.* (b) *Montesq. lib. XXX. cap. 19.* (c) *Capit. lib. III. cap.*

& earum loco depositiones & poenitentias sup-
posuit: quod adeo verum est, ut saeculi leges
ad ecclesiae mansuetudinem conformatae saepe
sola publica poenitentia, saepe poenis pecunia-
riis & poenitentiis crimina vindicarint (a).

*Corrupta monumenta de privilegio fori
in re criminali.*

§. XI. Sed ne incauti tirones labantur, ob-
servare oportet, non defuisse falsarios, qui ubi
recepta erat in causis criminalibus clericorum
exemptio, spuria monumenta consarcinarunt,
aut genuina corruerunt, quibus tantum bene-
ficio antiquissimum & veluti ab ecclesia accep-
tum adseritur. Ita recentiore aetate & puti-
das Mercatoris merces omnino sapit decretalis
sub nomine Caji papae, *nemo unquam episco-
pum apud judicem saecularem, aut alios clericos
accusare praesumat* (b). Qui poterat sanctissimus
& modestissimus pontifex sub Diocletiano ethni-
co principe & christianae religionis infenso, ve-
luti jure proprio ab imperio magistratus clericos
eximere? Item apud Gratianum corrupta exhi-
betur lex Theodosii M., qua statuitur, ne cle-
rici ad ordinarios judices in causis ecclesiasticis
trahantur; expuncta enim sunt verba ista,
*quantum ad causas ecclesiasticas attinet, quas de-
cet episcopali auctoritate decidi* (c), ut ita veluti
ab ore tanti principis illa doctrina exhiberetur,
clericos in omnibus causis a magistratus pote-
sta-

(a) Capit. lib. VI. cap. 90. & 96. Conf. Thomaf.
par. II. lib. 1. cap. 72. (b) Can. I. C. II. q. 1.
(c) Can. V. eod.

state exemptos, nihil cum publicis legibus habere commune. Et ut alia mittam, apud Gratianum & in decretalibus canon IV synodi Parisiensis V, quo ex scientia pontificis licebat magistratibus in clericos civilium criminum reos animadvertere, corruptus prostat; verba enim *sine scientia pontificis* ita mutata sunt *sine licentia pontificis* (a), ut veluti ab episcopi delegatione magistratus in clericos potestas p̄dere videretur. Prostant haec & alia hujus surfuris monumenta apud Gratianum: cumque post saeculum XII tantum ex Gratiano & decretalibus a Gregorio IX collectis interpretes saperent, inde doctrina illa, clericorum exemptionem, praesertim in criminalibus, esse juris divini, atque adeo nulli laicae constitutioni obnoxiam (b).

Privilegium fori in-re criminali diminuitur.

§. XII. Privilegium fori in criminalibus ex forma capitularium & decretalium clericis concessum integrum in multis provinciis non servatur, sed quatenus usu & publicis legibus receptum & probatum est. Tituli ecclesiastici post saeculum decimum fere neglecta in ordinationibus necessitate, clericorum numerus admodum crevit, tum episcoporum in tondendis clericis facilitate, tum laicorum ambitu, qui non sincera ecclesiae serviendi voluntate, sed ut sibi clericalibus privilegiis consulere, domini forem inhiabant. Ergo male seriati clerici passim immania crimina coeperunt admittere, & quidem

(a) *Can. II. eod., cap. III. ex. de foro comp.*

(b) *Conf. Espen. par. II. tit. 3. cap. 2.*

dem impune; siquidem respublica poenas sanguinis aliasque corpus ipsum afficientes receperat; ecclesia vero non amplius longas & severas poenitentias irrogabat. Sic mutata scena episcopi poenas sanguinis non poterant irrogare, & levibus contenti poenitentibus raro clericos criminosos magistratibus puniendos tradebant. Quin poenae addicti clerici Romae facili negotio non veniam tantum, sed & pristinum gradum, si qui dejecti essent, impetrabant, quod Fleuryus observat (a). Hinc exciti magistratus in clericos graviorum criminum reos manus injicere, eosque pro merito punire. Contra episcopi vindicarunt, & laesam ecclesiae libertatem inclamantes, communione christiana magistratus spoliarent, integras civitates sacris interdixerunt; obsequium enim putabant praestare Deo, dum magis tuendis clericorum immunitatibus, quae ab jure divino profectae censebantur, quam eorum vitiis puniendis invigilarent. At immoti magistratus steterunt, principum accesserunt edicta, & privilegium fori etiam in criminalibus decrevit.

Qua forma in Gallia & alibi obtinet.

§. XIII. Et profecto in Gallia fori privilegio non juvantur clerici, si crimina admittant, quae *privilegiata* Galli dicunt, cujusmodi habentur crimina atrociora, quae directe ipsam rempublicam laedunt, veluti crimen laesae majestatis, falsae monetae, parricidium, homicidium data opera admissum, sodomia, raptus, cri.

(a) *Fleuryus inst. jur. eccles. par. III. cap. i.*

crimen falsi, latrocinium, infractio tuitonis cuique a principē concessae, offensio illata magistratui officio suo fungenti & huius generis alia. Privilegiariis opponuntur sic dicta crimina clericorum *communis*, quae ab iudice ecclesiastico puniuntur, & ferme sunt ipsa delicta ecclesiastica & leviora delicta civilia. Graviora vero crimina clericorum ideo in Gallia *privilegiata* audierunt, quia ubi ecclesiastici iudices omnium criminum punitionem praescripserant, magistratus veluti ex pontificis privilegio procedebant: contra ecclesiastica crimina dicta sunt *communis*, quasi quae ex iuris communis scitis vindicabantur. Initio magistratus veluti jure proprio in clericos privilegiarii criminis reos videntur animadvertisse; at ubi moribus eorum convaluit imperium, magistratus ad illud tuendum de privilegio cogitarunt; nec enim ubi fori privilegium ecclesiae insitum & proprium credebatur, iis licebat alias tantisper clericorum exemptionem deminuere. Post edictum Melodunense anni cxcvxxx misto quodam iudicio magistratus & ecclesiastici iudices in casibus privilegiariis processerunt; at tandem in criminibus atrocioribus soli magistratus exclusis ecclesiasticis coeperunt judicare; si Roussellius vera narrat (a). Addit vero Fleuryus, iudices regios raro ad iudicem ecclesiasticum remittere in casibus, quibus corporeae poenae locus esse possit (b).

Si-

(a) Roussel. *hist. jurisd. pontif. lib. IV. cap. 3. n. 24.* (b) Fleuryus *inst. jur. eccles. lib. III. cap. 14 Gallic. edit.*

Similiter in Belgio & in Hispania nonnulla clericorum crimina censentur privilegiaria, teste Espenio (a), & in Venetorum statu levissima tantum clericorum delicta iudicio ecclesiastico committuntur (b).

Leges regni de foro criminali clericorum.

§. XIV. Nunc videamus oportet, qui modus per regni nostri leges clericorum in criminalibus exemptioni datus sit. Principio statuit Gulielmus II rex, ut clerici in omnibus criminibus in foro ecclesiae iudicentur secundum jus ecclesiasticum, praeterquam si perduellionis aut alio crimine, quod maiestatem spectat, rei sint, *excepto si de perduellione aliquis fuerit appellatus vel de alio magno huiusmodi maleficio, quod spectat ad maiestatem* (c). Inde Carolus II Andegavensis edixit, ut clerici, exceptis causis feudali- bus, in omnibus causis, siue criminalibus, siue civilibus coram iudice ecclesiastico accusentur & conveniantur (d). Ampla quidem exemptio; at non videtur abrogata Gulielmi constitutio, qua in crimine maiestatis clerici iudicibus publicis addicuntur. Nec audiendi sunt Andreas de Isernia & Matthaeus Afflictus, qui non solum docent, clericos in crimine maiestatis a magistratuum imperio exemptos esse; verum etiam eos utpote civili potestati minime subje-
Inst. jur. can. T. VI. K ctos

(a) *Espen. par. III. tit. 3 cap. 2.* (b) *Conf. Sarpus in considerationib.* (c) *Const. de personis tit. ubi clericus in maleficiis debeat conveniri.*

(d) *Cap. item statuimus XCIV. tit. de non tra-*
hendis clericis.

ctos (nova profecto theologia, novum jus publicum) crimen majestatis admittere non posse. Sane qua demum cumque generali formula exemptio concipiatur, crimen majestatis non complectitur: non enim videtur princeps ei concessisse privilegium, qui contra majestatem committit; sunt enim nonnulla scelera, quae omnem honorem excludunt (a), & in causa majestatis omnibus aequa conditio est (b). Ita per leges nostras constituta clericorum exemptio deinceps semper stetit, nec apud nos ulla sunt privilegiaria crimina in quibus clerici fori privilegio ceciderunt; reges enim nostri non qua opus erat vi abusiones ab ecclesiasticis inductas eliminaverunt.

❧ *Nostri Praesules apud Guillelmi II. questii sunt, quod civiles Magistratus in Clericorum personas inquirerent, eosdemque carceri mandarent: huic malo, ut occurrat sapientissimus Rex, priore lege, qua jus Episcoporum in nonnullis laicorum causis definitum est, alterum caput adjunxit, quo sancitum est sacras personas ab Ecclesia, & in Ecclesiastico Tribunali secundum Canones esse iudicandas; excepto perduellionis, aut alio gravi huiusmodi facinore, quo Regia Majestas impeteretur (Vid. Adnotationem nostram ad Cap. II. de jurisdictione Ecclesiastica in causis civilibus laicorum §. 12. ubi verba legis habentur). Haec constitutio universas Siciliae Ecclesias respiciebat: Ecclesiae vero Panormitanae, utpote totius Regni Metropolitanae.*

(a) L. I. C. ubi senatores. (b) L. IV. C. ad L. Jul. majest.

tropolitanæ Sedi, in qua Regiæ Majestatis solium residet; eodem dip'omate concessum, ut clerici, qui a Magistratû municipali pro hæreditate, aliave re quam ab Ecclesia non haberent, in jus vocati fuerint, licet debeant ipsius judicio se sistere, in his actionibus non possint civilium judicum imperio, in vincula tradi.

Cum vero juxta præcitatam Guillelmi constitutionem Clerici in nonnullis atrocioribus criminibus, quæ præsertim Regis; vel Ministrorum personam respicerent, ordinariæ Civilium Magistratuum jurisdictione subjiciantur Carolus III. Borbonius olim Rex noster pro cæde cuidam militari viro a Presbytero Agrigentino illata voluit, ut quæstio apud laicum judicem haberetur, eoque ad Ecclesiasticum judicem transmissa sententia degradationis tantum ob Episcopo loci ferretur, cum judicium criminis, ac pæne rei Civilis Magistratus sit. Optandum vero esset, ut a supremo Legislatoris voluntate declarentur quænam sint ea crimina quibus, Ecclesiastici apud curiam laicalem jus dicere cogantur, ut omnis ambiguitatis vel contentionis utramque inter potestatem occasio removeatur. Plura si desideres, adeas Codicem Siculum Dominici Giarrizzo T. I. p. 119. & seq. & p. 392.

CAPUT V.

Qui clerici & monachi fori privilegio utantur, & utrum illud possint ejurare.

Clerici omnes & monachi olim fori privilegio aucti.
 §. I. **E**X veteris disciplinae regulis clerici omnes, sive majores, sive minores, etiam qui sine ordine erant in canone, item monachi & monastriae fori utebantur privilegio. Certe Justinianus sanctimoniales & monachos, itemque clericos apud proprios episcopos in causis pecuniariis voluit conveniri (a): & inter clericos fori privilegio auctos accenseret diaconissas (b), quae officio potius quam ordine inter clericos erant relatae. Et synodus Parisiensis V clericis omnibus, quin & junioribus ecclesiae tribuit fori privilegium: *ut nullus judicum neque presbyterum, neque diaconum, aut clericum ullum, aut juniores ecclesiae, sine permisso pontificis per se distringere aut condemnare praesumat* (c). Apud Raymundum loco *juniores ecclesiae* legitur *minores* (d), sed genuina lectio est *juniores*, quam Gratianus etiam exhibet (e). Sed quidnam erant *juniores ecclesiae*? Cangio videntur fuisse quivis clerici post hypodiaconos veluti lectores, exorci.

(a) *Novel. LXXIX. & novel. LXXXIII.*

(b) *Novel. CXXII. cap. 21.* (c) *Conc. Paris. cau. IV.* (d) *Cap. II. ex. de foro comp.* (e) *Can. XI. C. II. q. 1.*

cistae ostiarii, fossarii, (a). Sed clerici minores satis indicantur verbo generali *aut clericum ul-*
lum; vox enim *clericus* presbyteris & diaconis opposita ad minores clericos restringitur. Pro-
 pius ad synodi Parisiensis mentem accedit Pe-
 trus de Marca (b). qui nomine juniorum eccle-
 siae homines ecclesiae addictos interpretatur:
 quam interpretationem adstruit Clotarii regis
 edictum, quo canones Parisienses confirmantur,
 ubi juniores ecclesiae *homines ecclesiae* dicun-
 tur. Ipsi clerici conjugati, etiam qui in mini-
 sterio suis utebantur uxoribus, fori privilegio
 tuti erant, eoque etiam usi sunt solius primae
 tonsurae clerici, ubi in nova disciplina sine ullo
 ordine sola capillorum detonsione & habitus cle-
 ricalis susceptione clerici creari coeperunt.

*Fori privilegium olim datum ob ecclesiae
 ministerium.*

§. II. Generationem quidem clerici in veteri
 disciplina a potestate judicum publicorum exem-
 ti erant; at id tum locum videtur habuisse, si
 clerici ecclesiae, cui eos ordinatio adscripserat,
 deservirent, quod ipse Fagnanus agnoscit (c).
 Sane Justinianus clericos omnes in causis pecu-
 niariis apud episcopos conveniri voluit, ne *a sa-*
cris amoveantur obsequiis (d). Et generatim
 clericorum personales immunitates potius ob
 jure ecclesiae ministerium, quam ob ordinis di-
 gni.

(a) *Cong. v. juniores.* (b) *Petr. de Marca de C. S. & l. lib. VI. cap. 22.* (c) *Fagnan. ad can. si quis clericus ex. de foro comp.* (d) *Nov. vel. LXXXIII.*

gnitatem & characterem concessae sunt, *ne sacrilego livore quorundam a divinis obsequiis avocentur*; ut Constantinus M. expressit (a). Quin synodus Toletana I edicit, clericum, qui in civitate aut alio loco sit, ubi est ecclesia, & *ad sacrificiū quotidianum non accesserit*, inter clericos non haberi (b). Item Justinianus extra clerum constitui jussit clericos, qui *inveni non fuerint incupate in liturgiis perseverantes* (c). Quod si canones, qui de fori privilegio loquuntur, nihil habent de ecclesiae ministerio; id factum est, quia vetus disciplina clericos omnes ecclesiae servitiis addicebat, ac tantumdem erat dicere clericos ac altaris & ecclesiae ministros. Hinc per leges civiles qui abjecta clericali vita ad saecularem vel militarem transfiret, prout natales aut facultates erant, vel curiae seu senatui patriae suae, vel ordini suo sociabatur, *ut liber illi ultra ad ecclesiam recursus esse non possit* (d): quod argumento est clericatus desertorem privilegiis omnibus cecidisse.

☞ Rex Alphonfus omni clericali privilegio destitutos ordinariaeque civilis magistratus jurisditioni subiectos voluit eos Clericos, qui habitum, & tonsuram clericalem continuo non deferrent, divinisque officiis quibuslibet diebus festis non adessent vel saecularibus negotiis sese implicerent. Vid. adnotationem nostram T. 2. harum Instit. p. 203. & tomum 3. Pragmaticarum Regni Sic. Editionis Cæsini p. 92. In-

(a) L. II. C. Th. de episc. & cleric. (b) Conc. Tolet. I. can. V. (c) L. XLII. §. 10. C. de episc. (d) L. XXXIX. C. Th. de episc., L. LIII. C. eod.

*Inde datum reputari coepit ob ordinis
characterem.*

§. III. Sed lapsu temporis fori privilegium, praesertim in criminalibus, quod non secus ac reliqua personalia privilegia, ob ecclesiae ministerium concessum fuerat, ob ipsius clericatus dignitatem & ordinis characterem clericis datum reputari coepit. Saeculo nono Gallicani episcopi Ludovicum Pium exorarunt, ut ob ordinis dignitatem & reverentiam clericis debitam Ebbonem archiepiscopum Remensem majestatis reum synodi judicio puniendum dimitteret (a). At ubi post saeculum decimum sine beneficio passim clerici creati sunt, doctrina illa generatim invalescere coepit, clericorum fori privilegium a vi ipsa ordinis, quae eos veluti sacros & a reliquis hominibus secretos efficiebat, pendere. Et ut nemo a clericalibus privilegiis excluderetur, circa saeculum XIII docere coeperunt decretalium interpretes, primam tonsuram esse ordinem, & characterem imprimere, ut ita attonsi omnes omnino sacri, & ecclesiae foro addicti censerentur (b). Qua recepta doctrina etiam conclusum est, omnes clericos fori privilegio gaudere, etsi nulli ecclesiae deservirent, nec habitum & tonsuram clericalem gererent. Certe Petrus Cugnerius queritur, officiales praetorum per centuras compellere magistratus ad restituendos graviorum criminum reos, qui ha-

bi-

(a) *Ap. Hinc. Remens. contra Gothofalcum. cap. XXXVI.* (b) *Conf. Espen. par. III. tit. 3. cap. 3.*

bitum & tonsuram clericalem non deferentes se clericos dicerent : cui articulo respondit Bertrandus episcopus AEdyensis , clericatum ipsum clericis privilegium conciliare , nec tonsuram , & vestes clericales requiri (a) . Et Bonifacius VIII docet , privilegium fori a quovis clerico , qui suum probaret clericatum seu ordinationem , per habitus & vitae clericalis desertionem non amitti (b) . Inde illud receptum est , clericos etiam excommunicatos . & depositos fori privilegium retinere , quod priusquam sollemniter degradentur sub episcopi jurisdictione perseverant.

Canon Tridentinus de fori privilegio .

§. IV. Hoc jure ferme viximus usque ad comitia Tridentina , ubi saltem ex parte , ecclesiae disciplina restituta est . Etenim de clericis minoribus non conjugatis statutum , ut tum de iure gaudeant fori privilegio , si beneficium habeant ecclesiasticum , aut clericalem habitum & tonsuram gerentes , de mandato episcopi alicui ecclesiae interviant , vel in seminario aut aliqua schola , vel universitate resideant , quo se suscipiendis sacris ordinibus aptare & effingere studeant (c) . Quo decreto patres in clericis minoribus non beneficiariis aperte habitum & tonsuram clericalem & ecclesiae ministerium requirunt , quo privilegium fori retineant , non item ubi agunt de beneficiariis . Hinc recepta sententia

(a) *Libel. P. Bertrandi art. XXV. tom. 4. bi. et. pat. un* (b) *Cop. XII. d. sent. excom. 6.* (c) *Trid. sess. XXIII. de res. cap. 6.*

tia, etiam per S. Congregationem probata, clericum beneficiarium gaudere fori privilegio, & si nec habitum nec tonsuram deferat, nec ecclesiae deserviat. Sed haud scio num doctrina ista sententiae patrum conveniat; illi enim de clericis beneficiariis agentes ministerii clericali & habitus non videntur meminisse, quod maxime eorum erat ecclesiae deservire, (beneficium datur propter officium) & habitum & tonsuram clericalem usurpare. Quidquid vero huius rei sit, apud nos etiam clericis beneficiariis opus est ecclesiae deservire & habitum clericalem deferre ut fori privilegio utantur, quod litteris regis nostri VIII. idus Septembris anno MDCCCLX ad Cameram Regalem comprehensum est. Quod si clericus sine mandato episcopi ecclesiae deserviat, aut sine ejusdem licentia in aliqua universitate in studia litterarum incumbat, placuit fori privilegio etiam locum esse, quod etiam sine episcopi venia aut mandato synodi finis obtineatur (a). Ut vero facile constet, qui fori privilegio utantur, apud nos pactis conventis placuit, in secretario ecclesiae cathedralis palam haberi album, seu matriculam, ubi primae tonsurae & clericorum minorum nomina quotannis describantur, qui ex regulis canonicis vixisse ostenderint; contra deleantur, qui alia omnia egerint; singulosque clericos quotannis a suo antistite gratis accipere litteras declaratas, illos eo anno clericalem vitam vixisse, *Inst. jur. can. T. VI.* L. ut

(a) *Ap. Fagnan. ad cap. l. ex. de foro comp.*
n. 22.

ut possint absque ulla contentione omnibus privilegiis clericalibus gaudere (a).

De fori privilegio, quo utuntur clerici conjugati.

§. V. Quamvis autem in veteri disciplina etiam in Occidente clerici conjugati, qui scilicet ante aut post susceptos minores ordines nuptiis illigantur, omnibus clericalibus privilegiis uterentur, & ecclesiae redditibus viverent; tamen post saeculum XI omnibus clericalibus privilegiis spoliati sunt, & inhabiles facti ad retinenda & obtinenda beneficia (b). Ea tempestate, qua supra modum clericorum libertates promovebantur, conjugati privilegia perdiderunt sua. Nimirum tum clerici omnes majores, minores luto incontinentiae erant conspurcati, eorumque alii nuptias inibant, alii alebant concubinas. Ergo ecclesia ad disciplinam instaurandam conjugatos ferme omnibus privilegiis spoliavit (c), ut ita indicaretur, sacrorum ordinum sanctimoniam cum conjugali vita coalescere non posse. Deinceps vero redintegrato clericali coelibatus vigore, humanius cum clericis conjugatis agi coepit, & ex parte eis clericalia privilegia restituta sunt. Sane Bonifacius VIII eis dedit, ne propter crimina criminaliter aut civiliter apud magistratus conveniantur, modo unicam & virginem duxerint, & habitum & tonsuram gererent (d): quod privilegium Apuliae re.

(a) *Concord. cap. IV. n. 8.* (b) *Conf. Thomaf. par. I. lib. 2. cap. 56.* (c) *Cap. VII. ex de cleric. conjug.* (d) *Cap. ult. de cleric. conjug. n. 6.*

reges confirmarunt (a). Sed Tridentini patres idem privilegium adferentes id voluerunt, ut conjugati jussu episcopi alicui ecclesiae addicantur (b). Tandem in hoc Regno pactis conventis placuit, conjugatos clericos, non item eorum uxores aut filios, in solis criminalibus causis, quae criminaliter aguntur, esse episcopalis fori, modo vivant ex regulis Tridentinis, artibus abstineant, quae dedecent clericos, & singulis annis apud loci episcopum se clericalem vitam vixisse demonstrent; in ceteris vero causis conveniri apud magistratum, & hunc tantum super bonis sententiam exsequi; & si id vetet reorum inopia, ad capturam etiam procedere, petita tamen prius ab iudice ecclesiastico venia, quae omnino danda est (c).

An novitii, obliti, & tertiarii gaudent fori privilegio.

§. VI. Jam ex regulis juris canonici privilegio fori, quo aucti sunt regulares & moniales, etiam alii censentur, qui regulares vere non sunt, sed ad eos accedunt. Tales habentur tirores vitae monasticae seu novitii, quousque in tirocinio perseverant; quamvis enim vere regulares non sint, tamen censentur personae ecclesiasticae, & canonis privilegio gaudent (d). Item ad ecclesiae forum pertinent veri obliti, qui se & sua omnia alicui monasterio tradunt, & veste

L 2

re.

(a) Prag. I. de cler. seu diaconis filvaticis.

(b) Trid. sess. XXIII. de ref. cap. 6. (c) Concord. cap. III. n. 2. (d) Conf. Fagnan. ad cap. nullus ex. de foro comp. n. 49.

religiosa induci spondent conceptis verbis, sed sine votis, se sub obedientia regularium superiorum victuros (a); oblato enim hujusmodi quam proxime accedunt ad monachos, & religiosam *fraternitatem* Innocentio III assumere dicuntur (b). Fratres quoque tertii ordinis, qui *tertiarii*, *mantellati* & *corrigiati* audiunt; utuntur etiam sui ordinis privilegiis, si viri in claustris cum aliis vivant, mulieres vero si castitatem expresso voto profiteantur: quod synodus Lateranensis sub Leone X rejectis doctorum opinionibus statuit (c). Porro servientes seu quocumque alio nomine militis seu monasteriis seu collegiis addicti fori privilegio aucti sunt (d). Ceterum apud nos jure novissimo fori privilegio tantum gaudent religiosi, qui religioso habitu utentes vitam communem sub disciplina & obedientia regulari vivunt, aut extra monasterium degentes, superiorum suorum mandata obcunt (e). Hinc nec moniales domesticæ, quæ in propriis domibus cum parentibus & consanguineis habitant, vulgo *bizochæ*, nec qui in veste eremetica ecclesiis serviunt, fori privilegio, aut ceteris religiosorum immunitatibus fruuntur.

Clerici silvatici non habent fori privilegium.

§. VIII. Nec tantum clerici sive coelibes, sive mariti aucti sunt fori privilegio, verum
etiam

(a) *Cap. III. ex. de privileg. Trid. s. j. XXIV. de ref. cap. 11.* (b) *Cap. XXIV. ex. cod.*

(c) *Conc. Later. sub Leone X. sess. XI.* (d) *Tri. den. loc. cit.* (e) *Concord. cap. III. n. 1.*

etiam illud prudentum seu potius imprudentum interpretatione, licet controversa, ad sic vulgo dictos *clericos* seu *diaconos silvaticos*, & clericorum familiam productum est. Clerici seu diaconi *sylvatici* non solum dicebantur veri clerici vitae clericalis desertores, verum etiam qui nulla tonsura initiati vestem clericalem aut eremiticam induebant, & alicui ecclesiae urbanae seu capellis suburbanis inserviebant. Diaconi isti etiam *falsi clerici* audiebant, praesertim qui vitam clericalem deservissent. Magno erant numero apud nos diaconi *sylvatici* in vitae clericalis opprobrium & reipublicae perniciem. Ergo Ferdinandus I Aragonius edita pragmatica statuit, tantum clericos, quamdiu in statu clericali & officio perseveraverint, ecclesiastica libertate & fori ecclesiastici privilegio gaudere, ceteris exclusis, qui solo nomine clerici & diaconi essent (a). At S. Congregatio sub Gregorio XV statuit, diaconos *sylvaticos* in locis, ubi recepti erant, permittendos, & canonis privilegio expertes, foro ecclesiastico gaudere in criminalibus causis, & in civilibus, quod persontalem distinctionem spectat. Eremitae, qui habitum religiosum ab episcopo accipiebant, & alicui ecclesiae de mandato episcopi inserviebant, foro episcopali subjecti censebantur, ad quem eos Benedictus XIV etiam pertinere docet (b). Sed apud nos pactis conventis diaconi *sylvatici* cujuscumque generis sint, etiam qui in veste clerica-

li

(a) Prag. IV. de cler. & diac. *sylvat.* (b) Bened. XIV. de synodo dioecesi. lib. VI. cap. 3.

li aut eremetica ecclesiis aut capellis inserviunt, fori privilegio non utuntur, & oneribus omnibus etiam personalibus subjacent (a).

Familia clericorum & episcopi an habeat fori privilegium?

§. IX. Familia quoque clericorum, veluti uxor, filii, famuli, etiam concubinae, ex multorum interpretum doctrina fori ecclesiastici privilegio gaudebat, eorumque rationes Fagnanus expendit (b). Episcoporum vero familiae laicae, quae varia officia complectebatur veluti cancellarios, scribas, domesticos, cursores, interpretes ferme omnes fori privilegium dederunt, quod pontificum decretalibus convenire videretur (c). At in hoc regno pactis conventis fori privilegium ad familiam & uxores clericorum non extenditur, & episcopi laica familia admodum restricta utitur exemptione. Etenim tantum familia armata, quae cerio & delicto constat *cursum* numero, & unus cancellarius seu actorum magister, quousque in ministerio sunt, in causis civilibus, mixtis & criminalibus, quod spectat *personalem restrictionem*, ab imperio magistratuum eximuntur; nisi ea causa sit, ut poena mortis aut treremium jure statui in eos possit: quo casu tantum regiarum curiarum, quae viciniore sunt, seu aliorum judicum, ut regi placuerit, in eos jurisdictio est: officiales vero

(a) *Concord. loc. cit.* (b) *Fagnan. ad cap. nullus II. ex. de foro compet.* (c) *Cap. ult. ex. de off. archid.*

vero baronales tantum delinquentes possunt carceri mancipare, & regios magistratus, qui iudicare debent, ea de re facere certiores (a).

Clerici minores qui amittunt fori privilegium.

§. X. Jure decretalium clerici minores, qui habitum vitamque clericalem abiecerent, fori privilegio non excidebant, nisi ter admoniti in statu laicali persistenterent (b): quod jus Ferdinandus Aragonius apud nos confirmavit (c). Sed deinceps distinctum est inter minores clericos beneficiarios, & non beneficiarios, receptumque est, illos servata iudicii forma & monitione praemissa fori privilegio spoliandos, hos vero etiam nulla praemissa monitione ipso jure ob desertam vitam habitumque clericalem excidere: quod Innocentii XIII & Benedicti XIII decretalibus comprehensum est (d); quibus abrogata est Sixti V bulla, qua statuebatur, clericum beneficiarium habitum clericali & tonsura non utentem ipso facto sine ulla monitione & iudicis decreto beneficium amittere (e). Quidquid vero hujus distinctionis sit, apud nos Regis nostri litteris ad Cameram Regalem VIII idus Septembris anno MDCCCLX etiam clerici beneficiarii ipso jure cadunt fori privilegio, si ex legibus Tridentinis & pastorum conventorum forma
non

(a) Concord. cap. III. n. 5. & seqq. (b) Cap. ult. ex. de vit. & honest. cleric., cap. XLIV. ex. dd sent. excomm. (c) Prag II. de cleric. & diac. silvat. (d) Innocent. XIII. bul. apostolici ministerii, Benedict. XIII. bul. in supremo militantis. (e) Bul. sacrosanctam §. 3.

tus poenis canonicis obnoxii suat. Poena autem canonica ex sententia synodi Parisiensis V si magistratus *per se distringere aut condemnare praesumebant*, erat excommunicatio, qua episcopus eos a corpore Christi, quousque culpam agnoscèrent & emendarent, abscindebat (a): quam etiam poenam synodus Matilconensis anno MDLXXXI celebrata proponit (b). Sed quī fieri potuit, ut saeculi sexti & septimi canōnes magistratus violati fori ecclesiastici reos extra communionem abjiciant, quando ea aetate certum habebatur, totum id negotium ab auctoritate principum pendere? Id factum est ex consensu & approbatione regum, qui synodos indicabant, & earum canones edictis suis non sine modificationibus probabant: quod de synodo Parisiensi constat (c). Et certe Gregorius M., qui tantum pontificia auctoritate fultus loquebatur, contra violatores clericalis fori nullam excommunicationem proponit, sed clericos coram episcopis conveniendos scribit, quod ita Iustinianus edixerat, *sicut novella constitutio manifestat* (d). At temporis lapsu synodi & pontifices veluti jure proprio contra magistratus, qui clericis ad saecularia judicia cogebant, excommunicationem indixerunt (e): quae quidem excommunicatio ipso facto contrahi dicitur, si

ju-

(a) *Conc. Paris. V. can. IV. ap. Grat. can. II. C. II. q. 1.* (b) *Conc. Matisc. I. can. VII.*

(c) *Conf. Parr. de Marca de C. 3. & I. lib. VII. cap. 22.* (d) *Can. XXXVIII. C. II. q. 1.*

(e) *Conc. Later. III. can. XIV.*

judex clericum *personaliter* distringat, seu coër-
ceat, non item solummodo condemnet (a).

*Fori privilegio amisso an reliqua privilegia
amittuntur?*

§. XIII. Illud vero hic merito explicandum
occurrit, num clerici minores, sive coelibes,
sive conjugati una cum fori privilegio ob cleri-
calis vitae desertionem etiam reliqua clericalia
privilegia, puta exemptionem a publicis oneri-
bus, favorem capituli *Odoardus ex. de solutio-
nib. & privilegium canonis si quis suadente dia-
bolo* amittant. Cardinalis de Luca docet (b),
eos omnium privilegiorum facere jacturam, ra-
tus in fori privilegio tamquam praecipuo & ma-
ximo omnia comprehendere. Contra sentiunt alii,
amissionem fori clericalis, utpote odiosam &
poenalem, ad cetera clericalis ordinis privilegia
non extendendam. Certe existant plures S. Con-
gregationis concilii decisiones, quibus canonis
privilegio clericos, qui privilegium fori amit-
tunt, non excidere decernitur. Et Fagnanus
multis contendit, synodi Tridentinae decretum
de amissione fori clericalis suas peculiare ra-
tiones habere, quae canonis privilegio non con-
veniunt (c). Quin monet Benedictus XIV irri-
tas esse dioecesanae synodi constitutiones, quae
sanxerint, clericos in habitu & clericali tonsura
non perseverantes omnibus clericalibus privile-
giis

M 2

(a) *Conf. Fagnan. ad cap. nullus II. ex. de fo-
ro comp.* (b) *Card. de Luca in ad. lit. ad conc.
Trid. disc. XXIV. n. 33.* (c) *Fagn. ad cap. si
quis I. ex. de foro comp. n. 73.*

bitum & tonsuram clericalem non deferentes se clericos dicerent : cui articulo respondit Bertrandus episcopus AEdvensis , clericatum ipsum clericis privilegium conciliare , nec tonsuram , & vestes clericales requiri (a) . Et Bonifacius VIII docet , privilegium fori a quovis clerico , qui suum probaret clericatum seu ordinationem , per habitus & vitae clericalis desertionem non amitti (b) . Inde illud receptum est , clericos etiam excommunicatos & depositos fori privilegium retinere , quod priusquam sollemniter degradentur sub episcopi jurisdictione perseverant.

Canon Tridentinus de fori privilegio .

§. IV. Hoc jure ferme viximus usque ad comitia Tridentina , ubi saltem ex parte , ecclesiae disciplina restituta est . Etenim de clericis minoribus non conjugatis statutum , ut tum de iure gaudeant fori privilegio , si beneficium habeant ecclesiasticum , aut clericalem habitum & tonsuram gerentes , de mandato episcopi alicui ecclesiae interviant , vel in seminario aut aliqua schola , vel universitate resideant , quo se suscipiendis sacris ordinibus aptare & effingere studeant (c) . Quo decreto patres in clericis minoribus non beneficiariis aperte habitum & tonsuram clericalem & ecclesiae ministerium requirunt , quo privilegium fori retineant , non item ubi agunt de beneficiariis . Hinc recepta sententia

(a) *Libel. P. Bertrandi art. XXV. tom. 4. bi. et. pat. un* (b) *Cop. XII. d. sent. excom. 6.* (c) *Tri. sess. XXIII. de res. cop. 6.*

tia, etiam per S. Congregationem probata, clericum beneficiarium gaudere fori privilegio, & si nec habitum, nec tonsuram deferat, nec ecclesiae deserviat. Sed haud scio num doctrina ista sententiae patrum conveniat; illi enim de clericis beneficiariis agentes ministerii clericali & habitus non videntur meminisse, quod maxime eorum erat ecclesiae deservire, (beneficium datur propter officium) & habitum & tonsuram clericalem usurpare. Quidquid vero huius rei sit, apud nos etiam clericis beneficiariis opus est ecclesiae deservire & habitum clericalem deferre ut fori privilegio utantur, quod litteris regis nostri VIII. idus Septembris anno MDCCCLX ad Cameram Regalem comprehensum est. Quod si clericus sine mandato episcopi ecclesiae deserviat, aut sine ejusdem licentia in aliqua universitate in studia litterarum incumbat, placuit fori privilegio etiam locum esse, quod etiam sine episcopi venia aut mandato synodi finis obtineatur (a). Ut vero facile constet, qui fori privilegio utantur, apud nos pactis conventis placuit, in secretario ecclesiae cathedralis palam haberi album, seu matriculam, ubi primae tonsurae & clericorum minorum nomina quotannis describantur, qui ex regulis canonicis vixisse ostenderint; contra deleantur, qui alia omnia egerint; singulosque clericos quotannis a suo antistite gratis accipere litteras declarationis, illos eo anno clericalem vitam vixisse, *Inst. jur. can. T. VI.* L ut

(a) *Ap. Fagnan. ad cap. l. ex. de foro comp. n. 22.*

ut possint absque ulla contentione omnibus privilegiis clericalibus gaudere (a).

De fori privilegio, quo utuntur clerici conjugati.

§. V. Quamvis autem in veteri disciplina, etiam in Occidente clerici conjugati, qui scilicet ante aut post susceptos minores ordines nuptiis illigantur, omnibus clericalibus privilegiis uterentur, & ecclesiae redditibus viverent; tamen post saeculum XI omnibus clericalibus privilegiis spoliati sunt, & inhabiles facti ad retinenda & obtinenda beneficia (b). Ea tempestate, qua supra modum clericorum libertates promovebantur, conjugati privilegia perdiderunt sua. Nimirum tum clerici omnes majores, minores luto incontinentiae erant conspurcati, eorumque alii nuptias inibant, alii alebant concubinas. Ergo ecclesia ad disciplinam instaurandam conjugatos ferme omnibus privilegiis spoliavit (c), ut ita indicaretur, sacrorum ordinum sanctimoniam cum conjugali vita coalescere non posse. Deinceps vero redintegrato clericali coelibatus vigore, humanius cum clericis conjugatis agi coepit, & ex parte eis clericalia privilegia restituta sunt. Sane Bonifacius VIII eis dedit, ne propter crimina criminaliter aut civiliter apud magistratus conveniantur, modo unicam & virginem duxerint, & habitum & tonsuram gererent (d): quod privilegium Apuliae re.

(a) *Concord. cap. IV. n. 8.* (b) *Conf. Thomaf. par. 1. lib. 2. cap. 56.* (c) *Cap. VII. ex. de cleric. conjug.* (d) *Cap. ult. de cleric. conjug. n. 6.*

reges confirmarunt (a). Sed Tridentini patres idem privilegium adferentes id voluerunt, ut conjugati jussu episcopi alicui ecclesiae addicantur (b). Tandem in hoc Regno pactis conventis placuit, conjugatos clericos, non item eorum uxores aut filios, in solis criminalibus causis, quae criminaliter aguntur, esse episcopalis fori, modo vivant ex regulis Tridentinis, artibus abstinere, quae dedecent clericos, & singulis annis apud loci episcopum se clericalem vitam vixisse demonstrent; in ceteris vero causis conveniri apud magistratum, & hunc tantum super bonis sententiam exsequi; & si id vetet reorum inopia, ad capturam etiam procedere, petita tamen prius ab iudice ecclesiastico venia, quae omnino danda est (c).

An novitii, oblati, & tertiarii gaudent fori privilegio.

§. VI. Jam ex regulis juris canonici privilegio fori, quo aucti sunt regulares & moniales, etiam alii censentur, qui regulares vere non sunt, sed ad eos accedunt. Tales habentur tirores vitae monasticae seu novitii, quousque in tirocinio perseverant; quamvis enim vere regulares non sint, tamen censentur personae ecclesiasticae, & canonis privilegio gaudent (d). Item ad ecclesiae forum pertinent veri oblati, qui se & sua omnia alicui monasterio tradunt, & veste

L 2

re.

(a) Prag. I. de cler. seu diaconis silvaticis.

(b) Trid. sess. XXIII. de ref. cap. 6. (c) Concord. cap. III. n. 2. (d) Conf. Fagnan. ad cap. nullus ex. de foro comp. n. 49.

religiosa induci spondent conceptis verbis, sed sine votis, se sub obedientia regularium superiorum victuros (a); oblato enim hujusmodi quam proxime accedunt ad monachos, & religiosam *fraternitatem* Innocentio III assumere discuntur (b). Fratres quoque tertii ordinis, qui *tertiarii*, *mantellati* & *corrigiati* audiunt; utuntur etiam sui ordinis privilegiis, si viri in clauistro cum aliis vivant, mulieres vero si castitatem expresso voto profiteantur: quod synodus Lateranensis sub Leone X rejectis doctorum opinionibus, statuit (c). Porro servientes seu quocumque alio nomine militis seu monasteriis seu collegiis addicti fori privilegio aucti sunt (d). Ceterum apud nos jure novissimo fori privilegio tantum gaudent religiosi, qui religioso habitu utentes vitam communem sub disciplina & obedientia regulari vivunt, aut extra monasterium degentes, superiorum suorum mandata obcunt (e). Hinc nec moniales domesticæ, quæ in propriis domibus cum parentibus & consanguineis habitant, vulgo *bizochæ*, nec qui in veste eremetica ecclesiis serviunt, fori privilegio, aut ceteris religiosorum immunitatibus fruuntur.

Clerici silvatici non habent fori privilegium.

§. VIII. Nec tantum clerici sive coelibes, sive mariti aucti sunt fori privilegio, verum
etiam

(a) *Cap. III. ex. de privileg. Trid. sess. XXIV. de ref. cap. 11.* (b) *Cap. XXIV. ex. eod.*

(c) *Conc. Later. sub Leone X. sess. XI.* (d) *Tri. den. loc. cit.* (e) *Concord. cap. III. n. 1.*

etiam illud prudentum seu potius imprudentum interpretatione, licet controversa, ad sic vulgo dictos *clericos* seu *diaconos silvaticos*, & clericorum familiam productum est. Clerici seu diaconi *sylvatici* non solum dicebantur veri clerici vitae clericalis desertores, verum etiam qui nulla tonsura initiati vestem clericalem aut eremiticam induebant, & alicui ecclesiae urbanae seu capellis suburbanis inserviebant. Diaconi isti etiam *falsi clerici* audiebant, praesertim qui vitam clericalem deservissent. Magno erant numero apud nos diaconi *sylvatici* in vitae clericalis opprobrium & reipublicae perniciem. Ergo Ferdinandus I Aragonius edita pragmatica statuit, tantum clericos, quamdiu in statu clericali & officio perseveraverint, ecclesiastica libertate & fori ecclesiastici privilegio gaudere, ceteris exclusis, qui solo nomine clerici & diaconi essent (a). At S. Congregatio sub Gregorio XV statuit, diaconos *sylvaticos* in locis, ubi recepti erant, permittendos, & canonis privilegio expertes, foro ecclesiastico gaudere in criminalibus causis & in civilibus, quod personalem distinctionem spectat. Eremitae, qui habitum religiosum ab episcopo accipiebant, & alicui ecclesiae de mandato episcopi inserviebant, foro episcopali subjecti censebantur, ad quem eos Benedictus XIV etiam pertinere docet (b). Sed apud nos pactis conventis diaconi *sylvatici* cuiuscunque generis sint, etiam qui in veste clerica-

h

(a) *Prag. IV. de cler. & diac. sylvat.* (b) *Bened. XIV. de synodo dioecesi. lib. VI. cap. 3.*

li aut eremetica ecclesiis aut capellis inserviunt, fori privilegio non utuntur, & oneribus omnibus etiam personalibus subjacent (a).

Familia clericorum & episcopi an habeat fori privilegium?

§. IX. Familia quoque clericorum, veluti uxor, filii, famuli, etiam concubinae, ex multorum interpretum doctrina fori ecclesiastici privilegio gaudebat, eorumque rationes Fagnanus expendit (b). Episcoporum vero familiae laicae, quae varia officia complectebatur veluti cancellarios, scribas, domesticos, cursores, interpretes ferme omnes fori privilegium dederunt, quod pontificum decretalibus convenire videtur (c). At in hoc regno pactis conventis fori privilegium ad familiam & uxores clericorum non extenditur, & episcopi laica familia admodum restricta utitur exemptione. Etenim tantum familia armata, quae certo & definito constat *cursum* numero, & unus cancellarius seu actorum magister, quousque in ministerio sunt, in causis civilibus, mixtis & criminalibus, quod spectat personalem restrictionem, ab imperio magistratuum eximuntur; nisi ea causa sit, ut poena mortis aut treremium jure statui in eos possit: quo casu tantum regiarum curiarum, quae viciniores sunt, seu aliorum judicum, ut regi placuerit, in eos jurisdictio est: officiales vero

(a) *Concord. loc. cit.* (b) *Fagnan. ad cap. nullus II. ex. de foro compet.* (c) *Cap. ult. ex. de off. archid.*

vero baronales tantum delinquentes possunt carceri mancipare, & regios magistratus, qui judicare debent, ea de re facere certiores (a).

Clerici minores qui amittunt fori privilegium.

§. X. Jure decretalium clerici minores, qui habitum vitamque clericalem abiicerent, fori privilegio non excidebant, nisi ter admoniti in statu laicali persistenter (b): quod jus Ferdinandus Aragonius apud nos confirmavit (c). Sed deinceps distinctum est inter minores clericos beneficiarios, & non beneficiarios, receptumque est, illos servata judicii forma & monitione praemissa fori privilegio spoliandos, hos vero etiam nulla praemissa monitione ipso jure, ob desertam vitam habitumque clericalem excidere: quod Innocentii XIII & Benedicti XIII decretalibus comprehensum est (d); quibus abrogata est Sixti V bulla, qua statuebatur, clericum beneficiarium habitu clericali & tonsura non utentem ipso facto sine ulla monitione & judicis decreto beneficium amittere (e). Quidquid vero hujus distinctionis sit, apud nos Regis nostri literis ad Cameram Regalem VIII idus Septembris anno MDCCCLX etiam clerici beneficiarii ipso jure cadunt fori privilegio, si ex legibus Tridentinis & pactorum conventorum forma non

(a) *Concord. cap. III. n. 5. & seqq.* (b) *Cap. ult. ex. de vit. & honest. cleric. cap. XLIV. ex. ad sent. excomm.* (c) *Prag. II. de cleric. & dioc. silvat.* (d) *Innocent. XIII. bul. apostolici ministerii, Benedict. XIII. bul. in supremo militantis.* (e) *Bul. sacrosanctam §. 3.*

tus poenis canonicis obnoxii sunt. Poena autem canonica ex sententia synodi Parisiensis V si magistratus *per se distringere aut condemnare praesumebant*, erat excommunicatio, qua episcopus eos a corpore Christi, quousque culpam agnoscèrent & emendarent, abscindebat (a): quam etiam poenam synodus Matildoneusis an. no. MDLXXXI celebrata proponit (b). Sed qui fieri potuit, ut saeculi sexti & septimi canones magistratus violati fori ecclesiastici reos extra communionem abjiciant, quando ea aetate certum habebatur, totum id negotium ab auctoritate principum pendere? Id factum est ex consensu & approbatione regum, qui synodos indicabant, & earum canones edictis suis non sine modificationibus probabant: quod de synodo Parisiensi constat (c). Et certe Gregorius M., qui tantum pontificia auctoritate fultus loquebatur, contra violatores clericalis fori nullam excommunicationem proponit, sed clericos coram episcopis conveniendos scribit, quod ita Justinianus edixerat, *sicut novella constitutio manifestat* (d). At temporis lapsu synodi & pontifices veluti jure proprio contra magistratus, qui clericis ad saecularia judicia cogebant, excommunicationem indixerunt (e): quae quidem excommunicatio ipso facto contrahi dicitur, si

ju-

(a) *Conc. Paris. V. can. IV. ap. Grat. can. II. C. II. q. 1.* (b) *Conc. Matisc. I. can. VII.*

(c) *Conf. Petr. de Marca de C. S. & I. lib. VII. cap. 22.* (d) *Can. XXXVIII. C. II. q. 1.*

(e) *Conc. Later. III. can. XIV.*

judex clericum *personaliter distringat*, seu coërceat, non item sit tantum condemnet (a).

Fori privilegio amisso an reliqua privilegia amittuntur?

§. XIII. Illud vero hic merito explicandum occurrit, num clerici minores, sive coelibes, sive conjugati una cum fori privilegio ob clericali vitae desertionem etiam reliqua clericalia privilegia, puta exemptionem a publicis oneribus, favorem capituli *Odoardus ex. de solutionib. & privilegium canonis si quis suadente diabolo* amittant. Cardinalis de Luca docet (b), eos omnium privilegiorum facere jacturam, ratus in fori privilegio tamquam praecipuo & maximo omnia comprehendere. Contra sentiunt alii, amissionem fori clericali, utpote odiosam & poenalem, ad cetera clericali ordinis privilegia non extendendam. Certe exstant plures S. Congregationis concilii decisiones, quibus canonis privilegio clericos, qui privilegium fori amittunt, non excidere decernitur. Et Fagnanus multis contendit, synodi Tridentinae decretum de amissione fori clericali suas peculiare rationes habere, quae canonis privilegio non conveniunt (c). Quin monet Benedictus XIV. irritas esse dioecessanae synodi constitutiones, quae sanxerint, clericos in habitu & clericali tonsura non perseverantes omnibus clericalibus privile-

M 2 giis

(a) *Conf. Fagnan. ad cap. nullus II. ex. de foro comp.* (b) *Card. de Luca in addit. ad conc. Trid. disc. XXIV. n. 33.* (c) *Fagn. ad cap. si quis I. ex. de foro comp. n. 73.*

bitum & tonsuram clericalem non deferentes se clericos dicerent : cui articulo respondit Bertrandus episcopus AEdyensis , clericatum ipsum clericis privilegium conciliare , nec tonsuram , & vestes clericales requiri (a) . Et Bonifacius VIII docet , privilegium fori a quovis clerico , qui suum probaret clericatum seu ordinationem , per habitus & vitae clericalis desertionem non amitti (b) . Inde illud receptum est , clericos etiam excommunicatos , & depositos fori privilegium retinere , quod priusquam sollemniter degradentur sub episcopi jurisdictione perseverant.

Canon Tridentinus de fori privilegio .

§. IV. Hoc jure ferme viximus usque ad comitia Tridentina , ubi saltem ex parte , ecclesiae disciplina restituta est . Etenim de clericis minoribus non conjugatis statutum , ut tum deum gaudeant fori privilegio , si beneficium habeant ecclesiasticum , aut clericalem habitum & tonsuram gerentes , de mandato episcopi alicui ecclesiae interserviant , vel in seminario aut aliqua schola , vel universitate resideant , quo se suscipiendis sacris ordinibus aptare & effingere studeant (c) . Quo decreto patres in clericis minoribus non beneficiariis aperte habitum & tonsuram clericalem & ecclesiae ministerium requirunt , quo privilegium fori retineant , non item ubi agunt de beneficiariis . Hinc recepta sententia

(a) *Libel. P. Bertrandi art. XXV. tom. 4. bi. et. par. un* (b) *Cep. XII. d. sent. excom. 6.* (c) *Tri. sess. XXIII. de ref. cap. 6.*

tia, etiam per S. Congregationem probata, clericum beneficiarium gaudere fori privilegio, & si nec habitum nec tonsuram deferat, nec ecclesiae deserviat. Sed haud scio num doctrina ista sententiae patrum conveniat; illi enim de clericis beneficiariis agentes ministerii clericali & habitus non videntur meminisse, quod maxime eorum erat ecclesiae deservire, (beneficium datur propter officium) & habitum & tonsuram clericalem usurpare. Quidquid vero huius rei sit, apud nos etiam clericis beneficiariis opus est ecclesiae deservire & habitum clericalem deferre ut fori privilegio utantur, quod litteris regis nostri VIII. idus Septembris anno MDCCCLX ad Cameram Regalem comprehensum est. Quod si clericus sine mandato episcopi ecclesiae deserviat, aut sine ejusdem licentia in aliqua universitate in studia litterarum incumbat, placuit fori privilegio etiam locum esse, quod etiam sine episcopi venia aut mandato synodi finis obtineatur (a). Ut vero facile constet, qui fori privilegio utantur, apud nos pactis conventis placuit, in secretario ecclesiae cathedralis palam haberi album, seu matriculam, ubi primae tonsurae & clericorum minorum nomina quotannis describantur, qui ex regulis canonicis vixisse ostenderint; contra deleantur, qui alia omnia egerint; singulosque clericos quotannis a suo antistite gratis accipere litteras declaraturas, illos eo anno clericalem vitam vixisse, *Inst. jur. can. T. VI.* L ut

(a) *Ap. Fagnan. ad cap. l. ex. de foro comp.*
n. 22.

ut possint absque ulla contentione omnibus privilegiis clericalibus gaudere (a).

De fori privilegio, quo utuntur clerici conjugati.

§. V. Quamvis autem in veteri disciplina etiam in Occidente clerici conjugati, qui scilicet ante aut post susceptos minores ordines nuptiis illigantur, omnibus clericalibus privilegiis uterentur, & ecclesiae redditibus viverent; tamen post saeculum XI omnibus clericalibus privilegiis spoliati sunt, & inhabiles facti ad retinenda & obtinenda beneficia (b). Ea tempestate, qua supra modum clericorum libertates promovebantur, conjugati privilegia perdiderunt sua. Nimirum tum clerici omnes majores, minores luto incontinentiae erant conspurcati, eorumque alii nuptias inibant, alii alebant concubinas. Ergo ecclesia ad disciplinam instaurandam conjugatos ferme omnibus privilegiis spoliavit (c), ut ita indicaretur, sacrorum ordinum sanctimoniam cum conjugali vita coalescere non posse. Deinceps vero redintegrato clericali coelibatus vigore, humanius cum clericis conjugatis agi coepit, & ex parte eis clericalia privilegia restituta sunt. Sane Bonifacius VIII eis dedit, ne propter crimina criminaliter anteciviliter apud magistratus conveniantur, modo unicam & virginem duxerint, & habitum & tonsuram gererent (d): quod privilegium Apuliae re.

(a) *Concord. cap. IV. n. 8.* (b) *Conf. Thomaf. par. I. lib. 2. cap. 56.* (c) *Cap. VII. ex. de cleric. conjug.* (d) *Cap. ult. de cleric. conjug. n. 6.*

reges confirmarunt (a). Sed Tridentini patres idem privilegium adferentes id voluerunt, ut conjugati jussu episcopi alicui ecclesiae addicantur (b). Tandem in hoc Regno pactis conventis placuit, conjugatos clericos, non item eorum uxores aut filios, in solis criminalibus causis, quae criminaliter aguntur, esse episcopalis fori, modo vivant ex regulis Tridentinis, artibus abstineant, quae dedecent clericos, & singulis annis apud loci episcopum se clericalem vitam vixisse demonstrent; in ceteris vero causis conveniri apud magistratum, & hunc tantum super bonis sententiam exsequi; & si id vetet reorum inopia, ad capturam etiam procedere, petita tamen prius ab iudice ecclesiastico venia, quae omnino danda est (c).

An novitii, oblati, & tertiarii gaudent fori privilegio.

§. VI. Jam ex regulis juris canonici privilegio fori, quo aucti sunt regulares & moniales, etiam alij censentur, qui regulares vere non sunt, sed ad eos accedunt. Tales habentur tirores vitae monasticae seu novitii, quousque in tirocinio perseverant; quamvis enim vere regulares non sint, tamen censentur personae ecclesiasticae, & canonis privilegio gaudent (d). Item ad ecclesiae forum pertinent veri oblati, qui se & sua omnia alicui monasterio tradunt, & veste

L 2

re.

(a) *Prag. l. de cler. seu diaconis sylvaticis.*

(b) *Trid. sess. XXIII. de res. cap. 6.* (c) *Concord. cap. III. n. 2.* (d) *Conf. Fagnan. ad cap. nullus ex. de foro comp. n. 49.*

religiosa induiti spondent conceptis verbis, sed sine votis, se sub obedientia regularium superiorum victuros (a); oblatis enim hujusmodi quam proxime accedunt ad monachos, & religiosam *fraternitatem* Innocentio III assumere dicuntur (b). Fratres quoque tertii ordinis, qui *tertiarii*, *mantellati* & *corrigiati* audiunt; utuntur etiam sui ordinis privilegiis, si viri in clauistro cum aliis vivant, mulieres vero si castitatem expresso voto profiteantur: quod synodus Lateranensis sub Leone X rejectis doctorum opinionibus, statuit (c). Porro servientes seu quocumque alio nomine militis seu monasteriis seu collegiis addicti fori privilegio aucti sunt (d). Ceterum apud nos jure novissimo fori privilegio tantum gaudent religiosi, qui religioso habitu utentes vitam communem sub disciplina & obedientia regulari vivunt, aut extra monasterium degentes, superiorum suorum mandata obcunt (e). Hinc nec moniales domesticæ, quæ in propriis domibus cum parentibus & consanguineis habitant, vulgo *bizochæ*, nec qui in veste eremetica ecclesiis serviunt, fori privilegio, aut ceteris religiosorum immunitatibus fruuntur.

Clerici silvatici non habent fori privilegium.

§. VIII. Nec tantum clerici sive coelibes, sive mariti aucti sunt fori privilegio, verum
etiam

(a) *Cap. III. ex. de privileg. Trid. sess. XXIV. de ref. cap. 11.* (b) *Cap. XXIV. ex. eod.*

(c) *Conc. Later. sub Leone X. sess. XI.* (d) *Trident. loc. cit.* (e) *Concord. cap. III. n. 1.*

etiam illud prudentium seu potius imprudentum interpretatione, licet controversa, ad sic vulgo dictos *clericos* seu *diaconos silvaticos*, & clericorum familiam productum est. Clerici seu diaconi *sylvatici* non solum dicebantur veri clerici vitae clericalis desertores, verum etiam qui nulla tonsura initiati vestem clericalem aut eremiticam induebant, & alicui ecclesiae urbanae seu capellis suburbanis inserviebant. Diaconi isti etiam *falsi clerici* audiebant, praesertim qui vitam clericalem deservissent. Magno erant numero apud nos diaconi *sylvatici* in vitae clericalis opprobrium & reipublicae perniciem. Ergo Ferdinandus I Aragonius edita pragmatica statuit, tantum clericos, quamdiu in statu clericali & officio perseveraverint, ecclesiastica libertate & fori ecclesiastici privilegio gaudere, ceteris exclusis, qui solo nomine clerici & diaconi essent (a). At S. Congregatio sub Gregorio XV statuit, diaconos *sylvaticos* in locis, ubi recepti erant, permittendos, & canonis privilegio expertes, foro ecclesiastico gaudere in criminalibus causis & in civilibus, quod personalem distinctionem spectat. Eremitae, qui habitum religiosum ab episcopo accipiebant, & alicui ecclesiae de mandato episcopi inserviebant, foro episcopali subiecti censebantur, ad quem eos Benedictus XIV etiam pertinere docet (b). Sed apud nos pactis conventis diaconi *sylvatici* cuiuscumque generis sint, etiam qui in veste clerica,

li

(a) Prag. IV. de cler. & diac. *sylvat.* (b) Bened. XIV. de synodo dioecesi. lib. VI. cap. 3.

li aut eremitica ecclesiis aut capellis inserviunt, fori privilegio non utuntur, & oneribus omnibus etiam personalibus subjacent (a).

Familia clericorum & episcopi an habeat fori privilegium?

§. IX. Familia quoque clericorum, veluti uxor, filii, famuli, etiam concubinae, ex multorum interpretum doctrina fori ecclesiastici privilegio gaudebat, eorumque rationes Fagnanus expendit (b). Episcoporum vero familiae laicae, quae varia officia complectebatur veluti cancellarios, scribas, domesticos, cursores, interpretes ferme omnes fori privilegium dederunt, quod pontificum decretalibus convenire videtur (c). At in hoc regno pactis conventis fori privilegium ad familiam & uxores clericorum non extenditur, & episcopi laica familia admodum restricta utitur exemptione. Etenim tantum familia armata, quae certo & definito constat *cursum* numero, & unus cancellarius seu actorum magister, quousque in ministerio sunt, in causis civilibus, mixtis & criminalibus, quod spectat *personalem restrictionem*, ab imperio magistratum eximuntur; nisi ea causa sit, ut poena mortis aut treremium jure statui in eos possit: quo casu tantum regiarum curiarum, quae viciniores sunt, seu aliorum iudicum, ut regi placuerit, in eos jurisdictio est: officiales
vero

(a) *Concord. loc. cit.* (b) *Fagnan. ad cap. nullus II. ex. de foro compet.* (c) *Cap. ult. ex. de off. archid.*

vero baronales tantum delinquentes possunt carceri mancipare, & regios magistratus, qui judicare debent, ea de re facere certiores (a).

Clerici minores qui amittunt fori privilegium.

§. X. Jure decretalium clerici minores, qui habitum vitamque clericalem abiicerent, fori privilegio non excidebant, nisi ter admoniti in statu laicali persistenterent (b): quod jus Ferdinandus Aragonius apud nos confirmavit (c). Sed deinceps distinctum est inter minores clericos beneficiarios, & non beneficiarios, receptumque est, illos servata judicii forma & monitione praemissa fori privilegio spoliandos, hos vero etiam nulla praemissa monitione ipso jure ob desertam vitam habitumque clericalem excidere: quod Innocentii XIII & Benedicti XIII decretalibus comprehensum est (d); quibus abrogata est Sixti V bulla, qua statuebatur, clericum beneficium habitum clericali & tonsura non utentem ipso facto sine ulla monitione & judicis decreto beneficium amittere (e). Quidquid vero hujus distinctionis sit, apud nos Regis nostri literis ad Cameram Regalem VIII idus Septembris anno MDCCCLX etiam clerici beneficiarii ipso jure cadunt fori privilegio, si ex legibus Tridentinis & pactorum conventorum forma non

(a) Concord. cap. III. n. 5. & seqq. (b) Cap. ult. ex. de vit. & honest. cleric., cap. XLV. ex. de sent. excomm. (c) Prag II. de cleric. & diac. silvat. (d) Innocent. XIII. bul. apostolici ministerii, Benedict. XIII. bul. in supremo militantis. (e) Bul. sacrosanctam §. 3.

non vivant. Ceterum ex doctorum sententia facto ipso amissum clericale privilegium tantum operatur, ut nequeat clericis forum laicum declinare, non item privat episcopum jurisdictione & facultate illum tamquam sibi subditum ad suum forum cogere & revocare, quod pluribus S. C. decisionibus definitum est (a). Ut enim episcopus jurisdictione in clericum vitae clericalis desertorem cadat; eumque veluti contumacem privilegiis clericalibus priveret, ex doctorum placitis sententia est necessaria, cui trina monitio ad clericalem vitam resumendam praemitenda est, nec una pro tribus sufficit (b).

An abjectus clericatus iterum suscipi potest?

§. XI. Liberum vero est clerico minori, qui ipso jure fori privilegio cecidit, ad clericalem statum redire nedum inscio, sed etiam invito episcopo: idque verum censabatur etiam in clericis, qui nomen dedissent militiae saeculari, & postea eam dimitterent (c). Quin nullae & nullius ponderis habentur constitutiones synodales, quibus vetatur sine venia episcopi iterum redire ad clericatum, & clericalibus privilegiis iterum augeri, quod saepe S. Congregatio definit. Iterum vero statu clericali sumpto clericalia privilegia ipso jure clericis restitui doctoribus

(a) *Ap. Sperel. decis. XVII. n. 33. & 34 & Bened. XIV. de syn. dioec. lib. XII. cap. 2. n. 4.*

(b) *Conf. Fagn. ad cap. contingit ex. de sent. excom. n. 8.* (c) *Conf. Panimol. decis. VI. annot. 6. n. 18. & seqq. Bened. XIV. de synod. dioec. lib. XII. cap. 3. n. 1.*

CAP. V. QUI CLERICI ET MON. ETC. 31

bus videntur, modo fraus dolusve non interces-
ferit. Fraus autem dolusve ab eo fieri Fagnano
creditur, qui apud laicum judicem, sive civili,
sive criminali judicio praeventus, ad statum
clericalem revertitur; manifesta enim praesum-
tio est id fieri ad laicum judicem declinan-
dum (a). Ita nulla fraus subesse putatur, si quis
a judice laico non praeventus habitum clerica-
lem resumat, jure enim suo usus dicitur, etsi
animum habuerit pro obligationibus antea initis
forum ecclesiasticum sortiri. Quod si clericus
canonica judicis sententia clericalibus privile-
giis dejectus sit, nihil ei proderit iterum habi-
tum clericalem induere, nec propterea judi-
cium saeculare poterit declinare (b). Interim,
apud nos post pacta conventa clericis minori-
bus, qui vitam clericalem deseruerint, videtur
negatum iterum pro arbitrio suo habitum cleri-
calem suscipere: semel enim albo clericorum se,
cundum pacta conventa extrusi pro arbitrio re-
stitui non posse videntur: dejectio enim ab albo
clericorum sententiae privationis aequipollet.

Poena in violatores fori clericalis.

§. XII Quod si laici judices contra fori ec-
clesiastici formam clericos in foro saeculari stare
compellant, eorumque causas judicent, viola-
tae exemptionis clericalis rei sunt, sententia la-
ta, veluti ab judice incompetenti dicta, nulla
reputatur, *cap. IV. ex de judic.*; & ipsi magistra-
Inst. jur. can. T. VI. M tus

(a) *Fagnan. ad cap. magnus de oblig. ad ra-
tioc. n. 73.* (b) *Fagnan. ad cap. cum contigit
ex. de sent. excomm. n. 8.*

tus poenis canonicis obnoxii sunt. Poena autem canonica ex sententia synodi Parisiensis V si magistratus *per se distringere aut condemnare praesumebant*, erat excommunicatio, qua episcopus eos a corpore Christi, quousque culpam agnoscèrent & emendarent, abscindebat (a): quam etiam poenam synodus Matilconensis anno MDLXXXI celebrata proponit (b). Sed quì fieri potuit, ut saeculi sexti & septimi canones magistratus violati fori ecclesiastici reos extra communionem abjiciant, quando ea aetate certum habebatur, totum id negotium ab auctoritate principum pendere? Id factum est ex consensu & approbatione regum, qui synodos indicabant, & earum canones edictis suis non sine modificationibus probabant: quod de synodo Parisiensi constat (c). Et certe Gregorius M., qui tantum pontificia auctoritate fultus loquebatur, contra violatores clericalis fori nullam excommunicationem proponit, sed clericos coram episcopis conveniendos scribit, quod ita Justinianus edixerat, *sicut novella constitutio manifestat* (d). At temporis lapsu synodi & pontifices veluti jure proprio contra magistratus, qui clericis ad saecularia judicia cogebant, excommunicationem indixerunt (e): quae quidem excommunicatio ipso facto contrahi dicitur, si

ju-

(a) *Conc. Paris. V. can. IV. ap. Grat. can. II. C. II. q. 1.* (b) *Conc. Matisc. I. can. VII.*

(c) *Conf. Petr. de Marca de C. 3. & l. lib. VII. cap. 22.* (d) *Can. XXXVIII. C. II. q. 1.*

(e) *Conc. Later. III. can. XIV.*

judex clericum *personaliter* distringat, seu coërcet, non item solummodo condemnet (a).

Fori privilegio amisso an reliqua privilegia amittuntur?

§. XIII. Illud vero hic merito explicandum occurrit, num clerici minores, sive coelibes, sive conjugati una cum fori privilegio ob clericali vitae desertionem etiam reliqua clericalia privilegia, puta exemptionem a publicis oneribus, favorem capituli *Odoardus ex. de solutionib. & privilegii canonis si quis suadente diabolo* amittant. Cardinalis de Luca docet (b), eos omnium privilegiorum facere jacturam, ratus in fori privilegio tamquam praecipuo & maximo omnia comprehendere. Contra sentiunt alii, amissionem fori clericalis, utpote odiosam & poenalem, ad cetera clericalis ordinis privilegia non extendendam. Certe exstant plures S. Congregationis concilii decisiones, quibus canonis privilegio clericos, qui privilegium fori amittunt, non excidere decernitur. Et Fagnanus multis contendit, synodi Tridentinae decretum de amissione fori clericalis suas peculiare rationes habere, quae canonis privilegio non conveniant (c). Quin monet Benedictus XIV. irritas esse dioecesanæ synodi constitutiones, quae sanxerint, clericos in habitu & clericali tonsura non perseverantes omnibus clericalibus privile-

M 2 giis

(a) *Conf. Fagnan. ad cap. nullus II. ex. de foro comp.* (b) *Card. de Luca in addit. ad conc. Trid. disc. XXIV. n. 33.* (c) *Fagn. ad cap. si quis I. ex. de foro comp. n. 73.*

giis spoliari (a). Sed scitum est, in nova disciplina sive S. Congregationem, sive doctores semper clericorum privilegia late accepisse, eo nomine ecclesiasticam libertatem ampliare putantes. Interim mihi in compertis esse videtur, clericos una cum fori privilegio etiam exemptionem a publicis muneribus & indictionibus amittere: exemptio enim a publicis muneribus concessa est, ne a cultu summae divinitati debito abstraherentur.

Clericis olim in judicem laicum licebat consentire.

§. XIV. Jure veteri in causis temporalibus videtur clericis licuisse in judicem laicum consentire, eumque sibi judicem constituere: non secus ac jure civili licebat litigantibus alieno judici consentire, & ejus proferre jurisdictionem. Certe Justinianus edixit valere conventionem ejus, qui in conscribendo instrumento paciscitur, se non *usurum fori praescriptione*, hoc est exceptione, *propter sacerdotii praerogativam* (b), idque ob regulam juris antiqui, quae omnibus licebat his, quae pro se indulta sunt, renunciare. Lex ista potius gentium sacerdotes, qui adhuc in multis provinciis supererant, veluti Phoeniciarchas & Syriarchas, qui amplissimis donati erant praerogativis (c), quam christianos sacerdotes spectavit: isti enim quo tempore lex lata est, nondum fori privilegium com-

me-

(a) *Benedict. XIV. de syn. dioec. lib. XII. cap. 3. n. 3.* (b) *L. L. C. de episc. & cleric.*

(c) *Conf. Heinec. com. ad L. Jul. & Pap. lib. II. cap. 2.*

meruerant : At sententia legis etiam christianos sacerdotes comprehendit , ubi eis Justinianus fori privilegium indulgit . Praeterea idem imperator vetuit , episcopum *invitum* pro quavis lite , sive civili , sive criminali ad magistratum compelli , nisi id imperator jussisset (a) : manifesto indicio potuisse episcopum sponte sua iudicis laici prorogare jurisdictionem , eumque sibi iudicem constituere . Eo etiam facit , quod canones ex episcopi consensu permittunt magistratui clericos punire & damnare (b) . Quod si canones Carthaginenses & Chalcedonenses animadvertunt in clericos , qui alios clericos apud magistratus conveniebant , id non eo spectat , quasi tum nulla esset in jus vocatio ; (nondum ab jurisdictione magistratus clerici exempti erant) sed potius ad fovendam inter clericos perfectionem , qui ex regulis ecclesiasticis apud episcopum lites suas deferre tenebantur .

Jure decretalium vetitum clericis fori privilegio renuntiare .

§. XV. Verum labentibus annis id jus mutatum est , atque omnino vetitum clericis etiam in causis temporalibus fori privilegio abrenuntiare , & in iudicem laicum contentire , nulliusque momenti renuntiatio censetur , etsi jurato fiat : quod Innocentius III. rescipit (c) . Utitur in eam sententiam summus pontifex , duabus praesertim rationibus . Prima , privatorum pa-

ctis

(a) *Novel. CXXIII. cap. 8.* (b) *Conc. Martense I. can. VII. & seq.; Conc. Parisiense V. can. 4.*

(c) *Cap. XII. ex. de foro comp.*

His juri publico non recte renuntiatur: atque adeo nulla habenda est fori renuntiatio, quae publici juris est. Altera, fori privilegium non personae, sed statui seu collegio clericorum concessum est; nec propterea licet clericis privilegia collegio concessa pactis suis convellere, & in judicem laicum consentire. Interferit canones synodi Milevitanae & Carthaginienfis, quibus clericis saecularia tribunalia adire prohibetur. Milevitanus canon ab Innocentio laudatus in synodo Milevitana non exstat, sed ad synodum Toletanam III pertinet (a), fraudique fuit summo pontifici Gratianus, qui eum canonem concilio Milevitano tribuit (b). Ceterum jus ab Innocentio statutum statim in usum versum est, & multarum synodorum decretis confirmatum; mediis enim saeculis certum habebatur, posse decretalibus pontificum leges civiles abrogari; & praeterea jus ab Innocentio statutum videbatur favere clericorum praerogativis, quas pontifices & interpretes fovebant & ampliabant. Tantum jure decretalium licet clericis in ecclesiasticum judicem alias incompetentem ex venia proprii episcopi consentire (c).

Quod Cujacius extra juris rationem statutum contendit.

§. XVI. Haec nova juris decisio Cujacio, Struchio Vultio, Feuretio aliisque parum arrisit, qui multis contendunt, pontificem extra
juris

(a) Conc. Tolet. III. can. XIII. (b) Can. XLII. C. II. q. I. (c) Cap. XVIII. ex. eod.

juris rationes constituisse, non posse clericum fori privilegio abrenuntiare, & in iudicem laicum consentire (a). Principio asserunt, clericum initio contractus fori privilegio renuntiantem potius juri privato, quam publico renuntiare; nam forum clerici est proprium & privatum jus, quod habet ab initio contractus, ut in foro ecclesiastico conveniatur: privato autem juri recte renuntiat. Deinde jure civili clerico licuit haec renuntiatio (b): & vetustiore jure ecclesiastico prohibita non fuit: igitur nec Innocentius debuit prohibere. Item juri publico nihil detrahit; qui se subiecit jurisdictioni iudicis non sui, suo dimisso (c). Ergo nec clericus, qui fori praescriptioni renuntiat. Nec quod fori privilegium universo ordini clericorum datum sit, id Cujacium movet; nam etsi hoc verum habeat; tamen inde non sequi subjungit, non posse singulos in sua causa hoc privilegio non uti secundum fidem conventionis cum alio habitae, quia nihil renuntiatio officit totius ordinis privilegio, singulorum enim non eadem, quae universitatis ratio est (d). Quod si clericus extra contractum promittat, aut juret, se fori praescriptione non usurum, Cujacius adgnoscat, pactionem esse contra jus publicum, quod in contractu, in quo obli-

(a) *Conf. Cujac. in cit. cap. X^l. & Vulteius in L. l. C. de jurisd. n. 117. seqq.* (b) *L. XVIII. C. de pact.*, *L. l. C. de episc. & cleric.* (c) *L. l. & II. D. de judic.* (d) *L. II. & L. VII. §. 1. D. quod cujusque univers. non.*

obligationes & actiones formantur, privatum evadit.

Judicium de vetita fori renuntiatione.

§. XVII. Sed summum pontificem a Cujacii nota Cironius, Gonzalez alique (a) strenue vindicant, nec eorum argumenta omnino contemni debent. Ipse ambarum partium expensis rationibus, tandem constitui, duo in hoc negotio esse distinguenda: unum, num ex principis juris civilis summus pontifex recte inhibuerit clericis fori renuntiationem: alterum, num pro jure suo poterat jus vetus abrogare. Et quidem vix videtur dubitandum, parum principiis juris pontificis decisionem convenire. Nam esto fori privilegium ad jus publicum, quod privatorum pactis mutari non possit, pertineat; ejus juris renuntiatio tum nulla est, si ipsa lex renuntiationem non permittat, non item si illam concedat (b); Et in specie nostra ipsum jus publicum aperte fori renuntiationem clericis permittit (c): nec fori privilegium ab Justiniano clericis datum laicos magistratus omnino inhabiles ad causas civiles clericorum judicandas effecit. Vetant quidem clericis veteres canones, quos Innocentius laudat, saecularia judicia adire; at illi spectabant ad fovendam inter clericos perfectionem, qui ex regulis ecclesiasticis lites suas

(a) Ciron. ad tit. de pactis, Gonzalez. in cit. cap. XII. (b) L. ult. §. ult. C. de tempor. & reparat. appellat. Conf. Cujac. lib. II. quaest. Papin. ad L. LXXXVIII. D. de pactis. (c) L. Ll. C. de episc. & cleric., novel. CXXIII. cap. 8.

suas apud episcopos deferre tenebantur; non vero aliquid de magistratuum in clericos jurisdictione poterant deminuere, nec leges publicas, quibus licebat omnibus civibus consentire in alienum judicem, infringere. Ad saltem pro jure suo potuit Innocentius contra jus civile respondere, nulla.que decernere fori renuntiationem, quam clerici fecissent. Id non videtur posse negari spectata ejus aetatis disciplina, qua pontifices veluti proprio jure de fori privilegio statuebant, & leges civiles, quae ecclesiasticae libertati adversae videbantur, abrogabant, aut restringebant. Hinc Innocentius rescripsit, non posse clericos nec sacramento fori privilegio renuntiare, & in judicem laicum consentire: & ut erat in jure civili versatus, inde, etsi parum concludentia, in rem suam argumenta depromit.

C A P U T VI.

*De foro competenti.**Definitur forum competens.*

§. I. **F**orum, sive forus Romanis & negotiationis & exercendarum litium locus fuit, qua de re multa habet Polletus (a), qui tamen non recte adfirmat, forum virilis generis Latini non esse; virile enim ejus vocis genus mul-

Inst. jur. can. T. VI. N tis

(a) Pollet. in *hister. fori Roman.* cap. I. & seq.

tis Latinorum exemplis Cujacius adstruit (a). Dicitur vero fuit forum a ferendo, quod eo loci & controversiae judici definiendae & merces venales ferebantur, ut Varro observat: nec recte Isidorus vel a fando, vel a Phoroneo rege, qui primus Graecis leges dedit, illud derivat (b). Erat Locus satis amplus, constabatque area & basilicis, seu amplis aedificiis, quae porticibus ad ambulationes cingebantur. Itaque forum ubi de judiciis agitur, est locus, in quo judicia agitantur, seu locus judiciorum, & hinc ubicumque intra fines suae jurisdictionis magistratus jus dicit, forum constituit: quod Paulus jurisconsultus recte observat (c). Forum vero in judiciis est competens, si competat iis, qui eo controversias deferunt suas, atque adeo est forum judicis proprii, seu competentis, qui scilicet cognoscendi habet potestatem & in reum jurisdictionem.

: *An ecclesia in re civili forum habuit?*

§. II. Ut vero constet quodnam sit ecclesiae forum proprium, videtur distinguendum inter causas civiles seu profanas, & spirituales. Quod spectat ad causas civiles, ecclesia ex legibus seu jure Romano forum & jurisdictionem non habet: quod Cujacius, Franc. Florens aliique docent (d). Sane aperte Valentinianus III. adfirmat,

(a) Cujac. in tit. decretal. de foro comp.

(b) Cap. X. ex de V. S. (c) L. XI. D. de just. & jur., L. ult. D. de jurisd. (d) Cujac. in parat. C. de episc. aud. & ad L. XL. §. I. D. de pactis, Florens tract. de jurisd. eccles. in praef.

mat, *episcopos & presbyteros forum legibus non habere* (a): & in utroque codice *episcopalis audientia & episcopale iudicium* tantum episcopis conceditur, non *iurisdictio*. Porro jure Romano episcopi non habent aliquam imperii partem, qua corporales poenas infligere, & nolentes & invitos injecta manu prehendere possint: quin nec habent in causis civilibus rei judicatae executionem, sed eorum sententias magistratus exsequuntur (b): quod argumento est, & quidem maximo, episcopos nec *iurisditionem* nec forum habuisse; nulla enim est *iurisdictio*, quae omni coactione destituitur. Hinc datis iudiciis, qui non *iurisditionem*, sed nudam notionem habebant, vel arbitris comparantur (c). Quae cum ita sint, non recte Alteserra & Gliardus noster, qui de more caelum terramque miscet, contra Cujacium episcopis etiam ex legibus forum & *iurisditionem* tribuere conantur (d). Haec sententia eo tantum casu locum habere potest, si admittatur, legem, quae permittit litiganti, etiam altera parte refragante, sacrosanctae legis antistitis eligere iudicium, Constantini M. esse. Ceterum, novis legibus & moribus episcopi etiam in causas profanas, saltem clericorum, forum sibi quaesiverunt.

(a) *Novel. de episc. judic. ad calc. C. Th.*

(b) *L. VIII. C. de episc. audient.* (c) *L. VII. C. eod.* (d) *Alteser. de jurisd. lib. I. cap. I., Gliar. instit. jur. can. lib. III. tit. 4.*

Ecclesia in rebus spiritualibus forum proprium habet.

§. III. Verum enimvero in causis spiritualibus in ecclesia esse forum proprium, quo illae cognoscantur & decidentur, in compertis est: jure enim divino episcopi in rebus spiritualibus judices constituti sunt: & forum competens facit iudex; qui pro jure suo jurisdictionem exercet. Quin adeo proprium ecclesiae est forum de rebus spiritualibus, ut nefarium sit vel ipsis summis principibus de iis directe cognoscere & judicare. Potestas nimirum spiritualis jure clavium continetur, quas Christus apostolis & eorum successoribus concedidit. Hinc recte Osius Cordubensis episcopus (a) Constantinum M. admonuit, imperii & sacerdotii fines esse constitutos, & divinae ordinationi eos adversari, qui imperium ipsius malignis oculis carperet, & ipsum, si ecclesiae & sacerdotii jura usurparer. *Ad sacerdotes*, inquit Joannes papa (b); *Deus voluit, quae ecclesiae disponenda sunt, pertinere, non ad saeculi potestates, quas si fideles sunt, ecclesiae suae sacerdotibus voluit esse subiectas*. Ipsi quoque christiani principes saepe professi sunt, spiritualia jure divino ad sacerdotes pertinere: quod Valentiniani senioris, Justiniani & Ludovici Pii productis testimoniis. Petr. de Marca probat (c).

Lo.

(a) *Ap. Athanas. ep. ad solitar. vit. agent.*(b) *Can. XI. D. 96.* (c) *Petr. de Marca de C. S. & l. lib. II. cap. 1. n. 10,*

§. IV. Illud tamen verum est, non eadem loci majestate jus ecclesiam dicere consuevisse, qua Romæ magistratus judicabant. Nimirum magistratus jus dicebant pro tribunali: eratque tribunal locus amplissimus & spectabilis in foro fere hemicycli specie introrsum curvatus, ubi in sella curuli praesidens praetor jus dicebat (a): At ecclesia tribunali & aliis multis, quæ judiciorum publicorum propria erant, abstinuit, vitioque datum fuit Paulo Samosateno, quod tribunal & sublimem locum, non ut Christi discipulus, sed ut quidam hujus saeculi princeps sibi ipse construxerit, & secretum habuerit (b). Forum seu locus ecclesiasticorum judiciorum ecclesia fuit, ubi ad beatis superiorem partem pone altare episcopi sublimior thronus, & ad utrumque latus in hemicycli speciem depressiores presbyterorum sedes collocatae erant (c). Hic cogebatur senatus ecclesiasticus ad causas audiendas. Quia ipsae synodi majores, provinciales, dioecesanae, oecumenicae etiam in ecclesia ut plurimum solebant congregari. Hinc sub Julii papae nomine ita statutum legitur, *ut nulus in publico causam agat, nisi in ecclesia* (d). Et Alexander. III. objurgat archiepiscopum Cantuariensem, quod non in ecclesia, nec in palatio, nec in camera sua, sed

(a) *Conf. Heinæc. antiq. Rom. lib. IV. tit. 6. n. 7.* (b) *Euseb. hist. eccles. lib. VII. cap. 26.*

(c) *Conf. Bingham. orig. eccles. lib. VII. cap. 6. §. 10.* (d) *Ap. Isidor. in collect. ex lib. pontificali Damasi papae:*

sed in camera regis contra canonum formam electiones episcoporum confirmaret (a). Verum ubi in causas ecclesiasticas sollempnis forma judiciorum irrepfit, & jurisdictionis administratio ab episcopis in officiales seu vicarios suos translata est; extra ecclesiam officiales jus dicere coeperunt; ne illa fori strepitu turbaretur: tantumque synodi de more antiquo in ecclesia solent celebrari. Quin ad forensem formam redactae ecclesiasticae causae, episcopi & eorum officiales etiam *pro tribunali sedere dicti sunt* (b).

Forum ecclesiasticum olim unum fuit.

§. V. Verum enimvero forum ecclesiasticum praesertim pro ea parte, quae peccata eorumque medelas spectat, in veteri disciplina totum internum fuit & sacramentale, quod Morinus pluribus illustrat (c). Sane non adeo distinguebant veteres, utrum confessione secreta, an extra confessionem peccata cognita essent, ut illis poenitentiam & reconciliationem concederent: nec distinguebant cujus generis essent peccata, sed promiscue de omnibus judicabant, & poenitentias decernebant. Non erat alius, qui excommunicationem, alius, qui peccata solveret, ad quem postea soluta excommunicatione peccator esset remittendus: nec erat aliud forum, in quo excommunicandus vel excommunicatus judicabatur, aliud in quo poenitens excommunicatione soluta; sed unus idemque episcopus.

(a) Cap. XXV. ex. de appellat. (b) Cap. VII. de off. ordin. in 6. (c) Morin. de administr. poenit. lib. I. cap. 10.

scopus & presbyter ejusdemque fori praeses id praestabat, vel si antiquissima tempora respicias, id episcopus presbyteris adfessoribus cinctus faciebat, non modo si crimina essent publica, verum etiam si occulta, quae peccator vel sponte sua confiteretur, vel accusatus legitimis testimoniis convinceretur. Multa quidem judicialia & veluti sollemnis judiciorum ordo in criminibus detegendis adhibebantur: at exterior omnis forma ad peccata per canonicam poenitentiam eluenda spectabat (a). Forum ejusmodi toto saeculo XI stetit, at inde in duo distinctum est, internum scilicet & externum, quorum illud sacramentali ratione procedit, & in crimina prorsus omnia animadvertit; hoc vero formulis strepituque forensi exercetur, judicat de criminibus ecclesiasticis; & censuras infligit. Saepe itaque forensis, qui restituto legum Romanarum studio in ecclesiam intravit, hanc duplicis fori distinctionem videtur induxisse; ubi enim aliqua causae cognitione opus esse videbatur, forenses riticae receptae sunt, & judiciale & externum forum invaluit: contra poenitentiae sacramentum ab omni exterioris judicii forma liberum relictum est.

Causae de sacramentis sunt fori ecclesiastici.

§. VI. Ut vero constet quod sit forum competens, principio genera causarum distinguenda sunt, nimirum utrum causa sit spiritualis, an temporalis. Si causa sit spiritualis, unum est forum competens, hoc est ecclesiasticum, praefer-

(a) Morin. de administr. poenit. lib. I, cap. 10.

fertim si juris quaestiones agitentur, idque five rei clerici, five laici sint. Causae vero spirituales, seu fori ecclesiastici propriae, aliae sunt civiles, aliae criminales. Inter civiles in primis censentur causae sacramentorum, quas quod spectat ad eorum naturam & substantiam, ecclesiasticae cognitionis esse in compertis est. Quod spectat, inquam, naturam & substantiam: *certainum enim est*, inquit Espenius (a), *quod circa modum, tempus, locum ea exhibendi aut celebrandi, nec non horum ministros plura intercurrere queant externae politiae spectantia, & ad quae principum eorumque magistratuum cura & auctoritas se extendere possit, quoniam & subinde debeat: utpote quibus incumbit externae politiae curam habere, atque curare, ut omnia recto ordine etiam in ecclesia agantur*. Ceterum ex causis sacramentalibus vix ullae ad forum contentiosum hodie producuntur, exceptis matrimonialibus, quae per juris ambages tractari solent.

Cujus fori sunt causae matrimoniales.

§. VII. Jure veteri causae omnes ad matrimonii contractum spectantes, & inde pendentes, veluti de dote, sponсорum largitionibus, natalibus alimentis praestandis ad civilis magistratus jurisdictionem spectabant (b). Quia ipsa summa civilis potestas impedimenta omnia, quae jure humano inducta nullas reddebant nuptias, relaxabat, & vetita matrimonia permittebat (c).

Tan.

(a) *Espen. par. III. tit. 2. cap. 1. n. 4.*

(b) *Conf. superius dicto cap. II. § 14.* (c) *Conf. J. c. Gothofr. in L. un. C. Th. si nuptiae ex rescripto petantur.*

Tantum ecclesiasticae cognitionis erant sacramentum, canonica impedimenta, nuptiarum, benedictio aliique ritus, quibus in domino matrimonium contrahebatur. At labentibus annis matrimonii sacramentum contractum veluti occupavit & ad se traxit: & inde quaestiones matrimoniales etiam de contractu, & inde pendentes, aut eo spectantes veluti spirituales, aut spiritualibus incidentes, ad forum ecclesiasticum convolarunt: quod jus decretales exhibent. Ceterum praesentibus provinciarum legibus & moribus ferme solae quaestiones de vi matrimonii & sponsaliorum, praeviis denuntiationibus & sacris ritibus ad forum ecclesiasticum pertinent: reliquae vero profanae causae, etsi quaestioni de vi matrimonii incidant, ad forum civile redierunt: quod jus etiam apud nos obtinet: pactis enim conventis inter Benedictum XIV, & Carolum olim regem nostrum initis tantum causae de vi matrimonii & sponsaliorum solius iudicis ecclesiastici sunt (a): atque adeo de iis, nec si quaestioni profanae in foro laico propositae incidant, saecularibus iudicibus licet iudicare. Quaestio quoque natalium, ubi de dubio matrimonii foedere pendet, ad iudicem ecclesiasticum videtur spectare (b), at si in dubio connubii foedere de facto tantum disputandum sit, veluti si Titius natus sit ex illo matrimonio, quod jure contractum constat, laici iudicis cognitio est. Ceterum non omnes inferiores iudices ecclesia.

Inj. jur. can. T. VI. O fii.

(a) *Concord. cap. VI. n. 3.* (b) *Conf. Esper. par. III. tit. 2. cap. 1.*

fici, etsi habeant ordinariam jurisdictionem, possunt de matrimonio cognoscere, sed tantum episcopi (a).

Non aliter sicutis sanctionibus cautum. Etenim causus separationis a thoro ad curiam ecclesiasticam, restitutiones vero dotis ad tribunal M. R. C. spectare decernitur. Vid. Tom. 5. sic. sanct. p. 450. Cognitio an sponsi consensus fuerit liber vel blanditiis, aut metu, malisve artibus extortus non ad Ecclesiasticam, sed ad civilem spectat auctoritatem, nullitatem vero aut validitatem sponsulium cognoscere judicis Ecclesiastici esse decernitur, eo quod civilis hujusmodi contractus materia sit & dispositio matrimonii, quod ad rationem Sacramenti a Christo Domino elevatum Catholica profitetur Ecclesia: lia videre est Tom. 4. Sic. Sanct. tit. 6. de Foro Competenti pag. 297.

Causae beneficiariae episcopalis fori sunt.

§. VIII. Causae quoque beneficiariae spiritualibus accensentur, atque adeo ad forum ecclesiasticum pertinent, siue de ipsa collatione, siue de qualitatibus beneficiariorum, siue de ipsius beneficii privatione, siue de excitandis, siue conjungendis, siue partiendis beneficiis agatur. Sunt beneficia ipsa sacra ministeria, quibus reditus ecclesiastici perpetuo annexi sunt: quo fit, ut nefarium habeatur de beneficiis laicos judices cognoscere. Et bene Alexander III benefi-

(a) *Trid. sess. XXIV. de ref. cap. 20. Conf. Alcejer. lib. VI. de jurisd. eccl. cap. 2.*

ficiis privandos respondit, qui, non requisita, episcopi audientia, occasione laicae recognitionis beneficia in Anglia obtinebant (a). Sed legata pia & capellaniae mere laicales, quae scilicet episcopi auctoritate in titulum non sunt erectae, ecclesiastici fori non sunt, beneficiis enim non accensentur. Tantum episcopalis fori est capellanos ad missas celebrandas aliaque spiritualia officia iisdem adnexa obeunda compellere: quo jure utimur.

Quis iudex in causis jurispatronatus.

§. IX. Porro causae jurispatronatus, tamquam quae adnexae sunt beneficio & rei spirituali, jure decretalium ad forum ecclesiasticum pertinent. *Causa jurispatronatus*, inquit Alexander III (b), *ita conjuncta est & connexa spiritualibus causis, quod non nisi ecclesiastico judicio valeat definiiri*. Rationem hanc veluti merum fucum Boëhmerus traducit (c), utpote quod juspatronatus non ecclesiae, sed bonis temporalibus cohaeret. Sed facile erat animadvertere, juspatronatus adhaerere quidem rebus temporalibus, quatenus per dotationem aut ecclesiae foundationem acquiritur, & cum bonis transferatur; at officio sacro cohaerere, quatenus in nominatione consistit, vi cuius a patrono designatus instituendus est. Itaque sive patroni, etiam laici, de suo patronatus jure litigent, sive inter designatos ad beneficium oriatur controver-

O

2

la

(a) *Cap. XXI. ex. de jurepatr.* (b) *Cop. III. ex. de judic.* (c) *Boëhm. jur. eccles. lib. II. tit. 2. §. 15.*

na judicis ecclesiastici judicium est. Ceterum, posthabito decretalium jure in multis provinciis causae de jurepatronatus laico sive in judicio proprietatis, quod *petitorium* dicunt, sive in judicio possessionis ad judicem laicum spectant (a). Juspatronatus laicum veluti temporale haberi coepit, quod non secus ac alia jura temporalia in haeredes transibat, & veluti qualitas fundis ipsis inhaerebat.

*In regno nostro cujus fori sunt causae
jurispatronatus.*

§. X. In regno Apuliae causae jurispatronatus ex regulis decretalium ad forum ecclesiasticum pertinent, idque pactis conventis confirmatum est, sed exceptis tribus patronatus speciebus, regio nempe, feudali, & laico, si quaeratur num patronatus sit feudo adnexus, vel de universitate bonorum sit (b). Et quidem regii patronatus causae ex vetustis regni moribus ad regios judices delatae sunt: nunc vero in curia Capellani Majoris jussu regis tractari solent. Invidendae non erant regibus nostris causae jurispatronatus regii, ubi illi ex antiquissimis moribus multa jurispatronatus beneficia pleno jure conferunt: praesertim quando ipsa ecclesia communibus patronatum regulis regum & principum patronatus metiri noluit (c). Item ad regios judices pertinent patronatus feudales in iis tantum

(a) *Conf. Alteser. de jurisdict. eccles. lib. VI. cap. 11. & Espen. par. II. tit. 25. cap. 4. n. 16.*

(b) *Concord. cap. VI. art. 4. (c) Trid. sess. XXV. de ref. cap. 9.*

cum causis, quarum decisio ex eo pendet articulo, num patronatus feudo sit adnexus. Controversiae enim hujusmodi ipsa feuda, quorum a-
 proprietas Regis est, afficiunt; & inde ad regios patronatus spectare videntur. Quod si qualitas patronatus feudalitatis certa sit, & hic emergat inter patronos, quis eorum pro ea vice debeat clericum designare, aut de qualitatibus in fundatione praescriptis, vel inter plures designatos disputetur, competens forum est ecclesiasticum. Similiter pertinent ad judicem laicum juris patronatus laicalis causae, si num sit de universitate bonorum, disceptetur: ipsa enim bonorum universitas secum causas omnes inde pendentes involvit. *Bonorum appellatio*, inquit Ulpianus (a), *sicut hereditatis, universitatem quamdam ac jus successionis, & non singulas res demonstrat*. Hinc res singulae, puta praedia particulari titulo quaesita universitatem revera non continent: & inde judicium de patronatu dubio, num sit praedio adnexus, judici ecclesiastico relictum videtur: nisi in ipsis particularibus fundis universitatem subtilius interpretemur, quasi omnis fundus integrum aliquid sit, & pluribus partibus veluti aedificio & agro constet, quod agnoscunt jurisconsulti (b). qui etiam fundo universitatem videntur tribuere (c).

☞ *In Beneficium Juris Patronatus si hic vertat non de existentia juris patronatus, sed circa pertinentiam inter Patronos, vel praesentatos uti*
 cau

(a) L. CCVIII. D. de V. S. (b) L. LX. & CCXI. D. eod. (c) L. X. D. de legat. 2.

110 INSTITUT. JUR. CAN. PARS III.
causa Civilis habetur . Ita Tom, 4. Pragm. lib.
10. tit. 10. n. 6.

Causae funerariae sunt fori ecclesiastici.

§. XI. Causis beneficiariis accedunt quaestiones funerariae, quae utpote ecclesiasticae, etiam episcopalis fori esse censentur. Jure Romano sepulcra ad religionem pertinebant, animae enim, quas divinis honoribus colebant, & veluti deos habebant, circa sepulcra, ubi cadavera, quae fuerant earum habitacula, condita erant, potissimum oberraturae credebantur (a). Quapropter si aut cadavera transferri, aut sepulcra refici deberent, nihil horum absque pontificis auctoritate adgredi licebat (b). Potiori ratione apud christianos res funeraria religionis causam continet: funera religioso ritu ducuntur, coemeteria ipsa consecrantur, & praeterea in spem resurrectionis ibi veluti somno data cadavera deponuntur. Itaque episcopalis fori est de causis funerariis cognoscere, siue agatur de concedenda vel neganda mortuis sepultura, de ejusdem electione, de benedictione cadaveris, usu crucis paroecialis, & de solutis juribus funerariis inter ecclesias & clericos dividendis. Ejusdem quoque fori est prohibere funebre carmen & nimios ejulatus (c), quos christiana non probat philosophia. Item jure decretalium etiam episcopi est cogere laicos ad consuetas funerarias oblationes dandas, quo casu sponte non of-

fe.

(a) *Conf Guther. de jure man. lib. 1. cap. 18.*

(b) *L. VIII. D. de reliq., L. II. C. Th. de sepulc. viol.* (c) *Can. XXVIII. C. 13. q. 2,*

ferantur (a). Sed moribus hodiernis, etiam hujus regni, actio funeraria ad solvenda jura funeraria laici fori reputatur; est nimirum actio personalis, qua debita pecunia postulat, nec aliquid spiritualis creditur continere. Quin pro jure suo civilis potestas funebrem apparatus & exsequiarum expensas moderatur: idque in regno Neapolitano hac recentiori aetate factum esse constat (b).

Pluria quoad funera minuenda, sumptusque nimios, vanamque ostentationem coercendam praescripta habentur regis diplomatibus, quae adeas in Tom. 5. Sic. Sanct. p. 256. & sequentibus.

Quaestiones de decimis jure decretalium sunt fori ecclesiastici.

§. XII. Porro causae decimarum jure canonico ad forum ecclesiasticum pertinent; habentur enim in decretalibus pontificum veluti sacerdotis Deo debitus in signum supremi & universalis dominii (c), quae doctrina ex legibus Judaicis in ecclesiam irrepsit. Et inde laici ratione decimarum tributarii & vestigales Dei dicuntur (d). Itaque si quaestio sit an decimae, aut qua mensura debeantur, judicis ecclesiastici est judicare. Hinc in judicio decimarum non juratur in litem (e), quia reputatur causa spiritualis

lis

(a) Cap. XLII. ex. de simonia. (b) Conf. Gagliard. instit. jur. can. lib. III. tit. 7. n. 30.

(c) Cap. XIV. & XXVI. ex. de decim. (d) Helmold. histor. Sclavor lib. I. cap. 3. (e) Cap. II. ex. de juram. catum.

lis, nec de decimis in laicos licet compromitti (a). Inde etiam laici ab episcopo dioecesano compelli possunt per censuras ecclesiasticas ad decimarum solutionem, quod in decretalibus cavetur (b), & a patribus Tridentinis confirmatum est (c). Quin sub nomine Anastasii Papae apud Gratianum hebetur, ut si quis decimas tenere contenderit, vel extra ecclesiam baptismalem praeter episcopi voluntatem dare voluerit, *bonum* episcopale componat, & communionem privetur (d). *Bannus* episcopalis erat multa, quae solvebatur episcopo, & sexaginta solidis contabat (e).

Cujus judicis est possessorium in causis Ecclesiasticis,

§. XIII. Jam vero causae ecclesiasticae jure decretalium ad judicem ecclesiasticum pertinent, non solum si quaestio juris seu proprietatis, quam dicunt *petitorium*, verum etiam si quaestio possessionis agitur. Interim in Gallia, Belgio & aliis provinciis, quas Barbosa recenset (f), causae beneficiariae, decimarum & similes in judicio proprietatis remittuntur quidem ad judicem ecclesiasticum; at in judicio possessionis in regis auditoriis tractari solent. si nempe agatur de retinenda, vel recuperanda possessione, non item si agatur de adipiscenda, nam

(a) *Cap. VIII. ex. de arbitr.* (b) *Cap. V. ex. de d. cin.* (c) *Trid. sess. XXV. de ref. cap. 12.*

(d) *Can. I. X. C. 16. q. 1.* (e) *Conf. Altreser. de jurisd. eccles. lib. VI. cap. 4.* (f) *Barbosa lib. I. jur. eccles. cap. 39. n. 161. seq.*

nam hoc iudicium plus proprietatis, quam possessionis habere videtur. Initio hic usus in Gallia moribus receptus est, eumque Martinus V edita decretali non improbavit. Pertinebat quidem Martini decretalis ad Galliam, at inde data occasio, ut simile jus in aliis provinciis reciperetur, quod Salgado observat (a). Nec religio est regibus magistratibus de causarum ecclesiasticarum possessione cognoscere; nam de possessione quaestiones, veluti quae merum factum continent, temporales reputantur. Et quamquam in pleno possessionis iudicio etiam iura & tituli ambarum partium discuti & ventilari soleant, idque ut constet de legitima alterius partis possessione; tamen id obiter fit, & sententia non super proprietate & titulis, sed dumtaxat super possessione pronuntiatur. Finito possessionis iudicio & per omnia executioni dato, liberum est ei, qui in iudicio possessionis victus est, juris quaestionem in foro ecclesiastico intendere, etsi id raro fiat; quia expensis in iudicio possessionis iuribus & titulis, mala videtur esse ejus causa, qui in iudicio possessionis victus est. Dolendum vero in causis ecclesiasticis etiam de possessione regibus magistratus iudices sedere; at id vitio vertendum clericis, qui tot trices forensibus ordinem litigandi implicuerunt, ut litigantes potius vitae, quam litium finem sibi imminere sciant, quod Espenius deplorat (b).

Inst. jur. can. T. VI.

P

Quis

(a) *Salgado de protect. regia par. I. prael. 5. u 293.* (b) *Espen. par. III. tit. 2. cap. 4.*

Quis iudex in causa decimarum in regno Apuliae.

§. XIV. In regno Apuliae ultra processit regia iurisdictio, causae enim decimarum, etiam ubi de jure tractatur, in laico foro & praesertim in S. Consilio ex antiquis moribus cognoscuntur & judicantur (a). Sane ex pluribus in S. Consilio agitatae decimarum causis constat, ibi judicatum, utrum decimae essent praediales an mistae; utrum cathedrali, an paroeciali aliisve ecclesiis deberentur; utrum fructus tantum naturales, an etiam alii quavis arte quaesiti decimis tenerentur, aliisque jus ipsum spectantibus controversiis. Nec patitur regia iurisdictio causas decimarum in foro ecclesiastico quomodolibet audiri, neque laicos, quamvis certos liquidosque debitores, ab ecclesiasticis iudicibus compelli; decretum enim Tridentinum, quo licet episcopis excommunicare quotquot decimas subtrahunt, aut impediunt, quominus ecclesiis aut personis, quibus debentur, persolvantur (b); apud nos receptum non est. Nimirum hujusmodi controversiae omnes potius factum, quam jus ipsum doctoribus nostris spectare visae sunt. Jure evangelico decimae non debentur, eoque tantum edicitur, alendos esse altaris ministros, nec praescribitur, unde illi ali debeant. Hinc initio spontaneis fidelium oblationibus vixerunt: deinceps vero ecclesiae magna fundorum copia auctae sunt: & interim decimae potius consue-

tu.

(a) *Conf. Ant. Capic. d. c. f. XX. & de Francis decis. CXXIV.* (b) *Trid. sess. XXV. de ref. cap. 12.*

tudine, quam canone ecclesiis quaesitae; aut si quidem canone, inde contrariis moribus aut pactis conventis vel abolitae, vel in novam formam redactae. Itaque existimarunt doctores nostri, in decimarum quaestionibus non jus ipsum in controversiam adduci, sed potius factum, atque adeo quaeri num existant consuetudines aut pacta de decimis solvendis, aut quo modo, aut cui ecclesiae ex consuetudinum & pactorum forma pendi debeant: & hinc de decimis judicia, utpote quae meris facti quaestionem continerent, profana reputarunt (a). Quin Regis nostri frequentibus litteris omnino abolerentur decimae in ecclesiis, quae ex aliis redditibus congruam sustentationem episcopo, vel parochis praebent.

¶ Jure Siculo conductor decimarum apud judicem laicum conveniri debet pro solutione praetii conductionis. Videbis Marium Cutelli decis. 6. n. 14. ad calcem Tom. 2.

Distinctio criminum in ecclesiastica, civilia, & mista.

§. XV. Haftenus de causis civilibus fori ecclesiastici, dicendum nunc de criminalibus. Quamdiu unum fuit ecclesiae forum, internum nempe, omnia fidelium crimina ei subiciebantur, eaque dumtaxat salutaribus poenitentis ecclesia expiabat, & vinculo, quo in coelis obstricta erant, solvebat. At ubi forum externum ab interno sejunctum est, internum nullam diminutionem subiit, nec subire poterat, & inde

P 2

etiam

(a) *Conf. de Franchis decis. CIII. n. 4. & Joseph de Rosa consult. IX.*

etiam in nova disciplina in crimina omnia fidelium ecclesia poenitentiis animadvertit; at quod spectat forum externum, criminum distinctio in *ecclesiastica*, *civilia*, & *mista* invaluit. Ecclesiastica religionem & fidem directe laedunt, eorumque natura ex sacris canonibus innotescit, qualia sunt apostasia, haeresis, schisma, simonia, sacramentorum profanatio, illicita ordinum susceptio, sigilli sacramentalis fractio, neglecta in beneficiis assiduitas, & hujus generis alia. Civilia sunt, quae directe laedunt rempublicam, nec in foro externo aliquid spirituale continent, qualia homicidium, peculatus, furtum. Et demum mista dicuntur, quae religionem & rempublicam eodem tempore laedere videntur, qualia censentur adulterium, concubinatus, sodomia, sacrilegium, crimen usurarum, & hujus generis alia.

Forum competens in criminibus ecclesiasticis.

§. XVI. Quod spectat ad crimina ecclesiastica, in compertis est, eorum cognitionem ad judicem ecclesiasticum pertinere, siue clerici, siue laici delinquant; ecclesiae enim est videre, num admissum crimen reapse tale sit, quale esse creditur, & canonicas poenas irrogare. At ubi ecclesia de haeresi cognoverat, ex regulis veteris disciplinae magistratum erat in reos ecclesiastico iudicio damnatos poenis civilibus animadvertere (a): & jure decretalium ecclesiastici iudices a se damnatos haereticos iudicibus laicis pu.


(a) *L. l. C. de summa Trinit. & fide cathol.*

puniendos tradunt (a). Quamvis enim vetetur civilis potestas de doctrina & hæresibus judicare, tamen tamquam religionis & canonum custos pro jure suo hæreticis poenas irrogat. Verum in Neapolitano regno pactis conventis inter Benedictum XIV & Carolum olim Regem nostrum crimina ecclesiastica solius judicis ecclesiastici judicio & punitiōi reservata sunt cum plena potestate animadvertendi in laicos, ita quidem ut nec laicis judicibus incidens de hæresi cognitio permittatur (b). Item polygamiae crimen soli judici ecclesiastico cognoscendum & puniendum relictum est (c), etsi antea regii magistratus hanc reservationem non admitterent (d). Ceterum quod episcopi in consuecendis actis criminalibus ordinem S. Officii a Neapolitanis constanter semperque rejecti non omnino excusserant, regiis litteris anno MDCCCXLVI mandatum curiis ecclesiasticis regni, ut reos de hæresi vel ejus suspitione sive ecclesiasticos, sive laicos non citent, carcerique tradant, nisi *processum*, ut ajunt, *informativum* antea Regi exhibuerint, & ab eo id agendi specialem veniam impetraverint: nec inde instructo judicio sententiam exsequantur suam, nisi Rege annuente, postquam acta omnia iterum eidem exhibita sint.

Cum

(a) *Feuret. de abusu lib. VIII. cap. 2.*

(b) *Concord. cap. VI. n. 1. & 6.* (c) *Concord. loc. cit. n. 2.* (d) *Conf. Regens de Ponte, ms. tract. de bigamia & Chioccarel. tom. V. arch. tit. 4.*

 Cum Religionis custodia non minus ad Ecclesianum; quam ad Civilem potestatem pertineat; summis laudibus extollenda pietas Fiderici II. Imperatoris regis nostri qui lege edixit, ut ad hæreticos hæresisque suspectos Laici Magistratus primo inquirerent, qui ad Prælatos quibus fidei, & Religionis depositum creditum est, deferre debeant alicujus erroris circa fidem notatos, ut de ipsis judicium in tribunali Ecclesiastico feratur. Quod si a fide catholica eos descivisse appareat primum salutaribus monitis ad sui erroris detestationem excitentur, deinde si contumaces a judice Ecclesiastico damnati, seculari potestati tradantur, apud quam statum, vivos uti assolet in perduellionis crimine, comburi. Confer T. 1. Const. Regni Siciliæ libr. 1. tit. 1. Constit. quæ incipit Inconsatilem.

Inveſto in Siciliam ex Hispania Inquisitionis seu S. Officii Tribunali, ipsius foro omnes fidei causæ, hæresumque crimine addictæ fuere. Verum avo nostro, Regnante Ferdinando III. regis litteris die 16. Martii an. 1782. datis, suppressum fuit hoc Tribunal, ac primum jus Episcopis vindicatum, causas nempe fidei dignoscendi, ac in hæreticos homines vel hæresis suspectos inquirendi, eo modo tamen ac forma ac legibus, tum Canonicis tum civilibus præscripta. Quibus ad omnes futuras dissensionis vel dubii causas præcavendas, sequentes articulos addendos voluit.

I. Ut non possint Episcopi vel eorum Curie quoad Regulores, vel Ecclesiasticos hæreseos crimine vel ejusdem suspitione notatos, vel etiam quoad laicos in solo hæresis delicto judicium instituire, rei citatione vel incarceratione nisi prius
pre-

presentato Proregi processu, ac ab eodem obienta venia prædictam causam agere. Quinimo Ecclesiasticum Tribunal latum in hujusmodi causis iudicium neque proponere, neque exequi possit, nisi iterum Proregi acti iudicii remittantur, ut a Tribunali quæ vulgo Præsidum ac Consultoris appellatur, examinetur num juris & rithus ordine servato omnia instituta sint.

II. Libera concedenda est reo in prædictis iudiciis facultas sese defendendi, idcirco in carceribus una cum cæteris reis commorari possit; libereque valeat quæcumque scripto vel ore tenus promovere, qualibet tempore ad sui defensionem nulli a Tribunali Ecclesiastico petita ad id venia. Quinimo a Tribunali Præsidum, ac Consultoris, advocatus designandus, qui rei partes in iudicio agat.

III. Tandem in omnibus citationibus reorum Ecclesiasticorum, vel laicorum, vel etiam testium exprimenda est causa specificè delicti cujus respectu in ius vocantur.

Hæc sane eo constituta videntur, ut illa rithus forma omnino aboleatur quam S. Officii iudices in fidei causis servabant, quamque in subditorum preiurumque damnum vergere Supremus Legislator intellexit. Vide præcitatas regias litteras die 10. Aprilis an. 1782. in nostro Regno publicatas.

Pro divinorum festorum observantia vetitum Episcopis pœnas corporales, vel pecuniarias fidelibus infligere; liberum vero ipsis relictum est ius quod ex sui officii conditione habent, monitis salutariis pœnisque spiritualibus Ecclesiæ mandatorum observantiam procurandi, refractariosque Curie seculari denunciandi, ut civilibus pœnis transgressores puniantur. Ita novissime per modum regulæ sancitur an. 1788.

§. XVII. Crimina mista jure decretalium, cononicis poenis vindicant episcopi, civilibus vero magistratus (a); idque praeceptis christianaë religionis convenit, quæ dum reos poenitentiae subiiciunt, a civilibus poenis non eximunt. Sed temporis lapsu ecclesiastici contendere coeperunt, etiam jns esse ecclesiae talia crimina poenis civilibus punire, idemque etiam laicos magistratus facere posse, atque ideo locum esse praeventioni, iudicisque praevenientis esse jurisdictionem. Ipsa synodus Tridentina aperte tribuit episcopis inflictionem poenarum civilium in reos criminum mistorum; permittit enim episcopis poenas civiles in concubenarios infligere, & publicas concubinas in exilium pellere (b). At decretum hoc, utpote regiae jurisdictioni adversum, nec apud nos receptum est; moribus enim antiquis regni solius civilis potestatis esse tenebant regii magistratus, poenis civilibus in laicos criminum misti fori reos animadvertere. Et profecto magno legum principumque ludibrio clamabant ecclesiastici in criminibus misti fori etiam ecclesiam poenas civiles posse irrogare; hae enim poenae spectant publicam vindictam, quæ tantum civili potestati reservata est. Sed demum pactis conventis inter Benedictum XIV & Carolum olim regem nostrum tantum

[poe.]

(a) *Cap. II. ex. de maledictis, cap. V. de poenis in 6.* (b) *Trid. sess. XXIV. de ref. matr. cap. 8.*

poenis canonicis licet episcopis crimina misti fori expiare (a), atque adeo cessarunt omnes de foro misto controversiæ. Quibus etiam poenis episcopi contra publicos reos civilium delictorum possunt procedere.

☞ Limites quibus Ecclesiastica jurisdictio „ in causis quæ *mixtæ* vel *mixti fori* vulgo nuncupantur contineri debeat, variis nostrorum „ Principum constitutionibus præscripti sunt: „ primo siquidem invictissimi Reges nostri Guilielmus II. Philippus IV. ac Carolus II. Borbonius „ ejusque filius Ferdinandus prosperè regnans „ in eo animum intenderunt suum, ut utriusque potestatis Ecclesiasticæ nempe, & Civilis jura imperturbata manerent, & Ecclesiæ „ Tribunali debitus honor servaretur, ac crimine quæ in publicam etiam perniciem vergi „ possunt civilibus pœnis a publica potestate „ punirentur. Nos brevi præcipua capita earum legum quæ ad rem nostram faciunt complectemur; plura habebunt qui fontes harum constitutionum adeant nempe Pragmatic. „ Regni T. III. edit. Cæsari tit. 10. de foro competent. p. 93. & sequentibus Sic Sanctionum „ T. V. p. 300 & sequentibus, ac Codic. Siculum Dominici Giarizzo p. 394. & seq. Itaque sancitum est.

I. „ Laicos Ministros, & Ærarios curiarum Ecclesiasticarum, omnesque famulos Præsulum, vel Ecclesiasticorum non gau-

Inst. jur. can. T. VI. Q „ de-

(a) *Concord. cap. VI. n. 5.*

„dere privilegio fori Ecclesiastici quoad causas
 „civiles, ac delicta communia per eos commif-
 „sa; secus vero in delictis quæ proprium eorum
 „officium respiciunt, neque Curiae Episcopa-
 „lis brachio indigere Civiles Magistratus, ubi
 „procedere debeant adversus personam vel bo-
 „na laicorum, qui commensales vel hospites
 „fuerint Ecclesiasticorum.

II. „Delicta mixti fori, ea nempe quæ ra-
 „tione delicti civili potestati subjacent, ratione
 „vero peccati vel respectu legis Ecclesiasticæ
 „ad Tribunal Ecclesiæ pertinent; cogno-
 „sci posse tum per regios Officiales, tum per
 „Judices Ecclesiasticos, ita tamen ut inter eos
 „detur locus præventioni. Vetitum vero Ec-
 „clesiasticæ curiæ ministris publicas Meretrix-
 „cum, aut privatas male viventium persona-
 „rum domos invadere absque brachio Curiae lai-
 „calis; & nullam quoad hæc Tridentinæ synodi
 „decretum vim habere decernitur. Sic. Sanct.
 „Tom. 4. p. 301. Laicum in causis mixti fori
 „capi non posse a ministris Curiae Ecclesiasticæ
 „absque civilis magistratus brachio, quod
 „numquam denegari debet, ubi rationabilis
 „sit petitio.

III. „In causis mixti fori Prælatos teneri ac-
 „quiescere cognitionibus in curia laicali cap-
 „tis, nec posse corporales vel pecuniarias pœ-
 „nas infligere, sed tantum spirituales ad morum
 „emendationem.

IV. „Subditos regis jurisdictioni non pos-
 „se conveniri in curiis ecclesiasticis pro ære a-
 „lienò quamvis eorum creditores sint Clerici,
 „aut causæ pœ. Quinimo irritæ declarantur
 „quæ

„ quæcumque facultates Præsulibus concessæ,
 „ vel in posterum concedendæ; quibus ne-
 „ queant adversus Laicos locorum piorum debi-
 „ tores procedere: servatâ dumtaxat Triden-
 „ tinæ Synodi formâ in Legatis piis, si contra
 „ defuncti hæredes agatur.

V. „ Religiosas feminas, quæ alicujus In-
 „ stituti habitum retinentes in sua domo com-
 „ morantur, vulgo *Bizzochas* nuncupatas; nulla
 „ Ecclesiastica immunitate gaudere, & Civili
 „ Magistratui omnino subditas esse.

VI. „ Quoad officiales laicos locorum pio-
 „ rum, qui eorum bona, vel redditus procu-
 „ rant, pèculiaries Regni leges observandæ.

VII. „ Circa forum Tribunalis Regiæ Mo-
 „ narchiæ & Apostolicæ legatiæ. Proregis sta-
 „ tuta anni 1746. rata haberi: in quibus de-
 „ cernitur: Laicos non posse hujusce Tribunalis
 „ foro gaudere etiamsi publico eidem inservien-
 „ do instrumentum addicti sint; quod intelligas
 „ in causis comunibus.

„ Quæ ad Tribunal S. Inquisitionis spectant
 „ jure omittenda censemus, cum jam extin-
 „ ctum aboletumque fuisse satis constet.

„ Hæc omnia sane publica lege Caroli III
 „ quam videre est T.V. Sic. Sanctionum p.300.
 „ confirmantur & innovantur. Verum cum æta-
 „ te nostra Præsules Regni invictissimo Ferdi-
 „ nando III exposuissent morum corruptionem
 „ vivendique licentiam, ita ubique in Laicis in-
 „ valuisse, ut inutiles prorsus evaserint ad eo-
 „ rum emendationem, nedum exhortationes ac
 „ preces; verum etiam cænsuræ Ecclesiasticæ;
 „ & idcirco ab eadem Regia majestate eam sibi

„ auctoritatē delegati postulassent , qua possent
 „ Laicos fideles arma spiritualia contemnentes
 „ vi externa a vitiis retrahere ad Ecclesie rei-
 „ publicæque tranquillitatem ; sapientissimus
 „ Rex ipsis Episcopis regiam auctoritatem lar-
 „ gitus est , qua possint in crimina *adulterii* , *con-*
 „ *cubinatus* , *Incestus* , *Stupri* , *Lenocinii* , *Coha-*
 „ *bitationis sponsorum promissorum* , *Blasphemiae*
 „ *ac profanationis dierum festorum* , inquirere
 „ tamquā regii Delegati , ita tamen , ut in dictis
 „ causis detur locus praeventionis Curiae Lai-
 „ cali , quod quidem obtinet , ubi reus vel car-
 „ ceribus traditus , vel coram Tribunali actus ,
 „ vel in ius vocatus est .

„ Vetitum vero in dictis causis poenas cor-
 „ porales infligere veluti relegationis ; quod si
 „ dictas poenas rei merentur , omnia iudicii scrip-
 „ ta , una cum ipsis reis ad iudicem laicum tras-
 „ mitti debeant . In poenis autem pecuniariis ab
 „ Episcopis impositis pecuniam ad pios usus con-
 „ vertenda , iis exceptis ad quos Episcopi ex tuo
 „ munere tenentur .

„ Excipiuntur a cognitione Tribunalis Ec-
 „ clesiastici delicta *adulterii violenti* , *stupri vio-*
 „ *lenti* , *aut immaturi vel praecedente raptu* , ubi
 „ violentia realis adfuit ; *incestus inter fratres*
 „ *ac sorores* , ne dum consanguineos sed etiam
 „ uterinos vel inter ascendentes & descendentes .
 „ In causis Lenocinii tum solum datur
 „ Episcopis jus easdem cognoscendi ; ubi ab ex-
 „ traneis commissum fuerit , haud vero a paren-
 „ tibus veluti a marito , patre , matre , fratribus ,
 „ sororibus ; ubi agitur de crimine blasphemiae ,
 „ quæ vulgo realis dicitur , qua sacrae icones of-
 „ fensa .

„ fendantur vel Supremum Numen , & Deipa-
 „ ra verbis injuriolis impetitur, non possint Præ-
 „ sules procedere ad causæ cognitionem , sed
 „ remedia spiritualis potestatis adversus reos
 „ tantum adhibeant .

„ In causis adulterii vel stupri non possit
 „ Curia Ecclesiastica neque Laica jus dicere
 „ absque illius efflagitatu , cui vis fuerit illata,
 „ excepto casu publici scandali . Et a senten-
 „ tiâ judicis Ecclesiastici datur appellatio ad
 „ Tribunal M. R. C.

„ Tandem prædicta delegatio Episcopis
 „ concessa in recensitis delictis singulis annis
 „ a Rege, expostulari, debet & ab eodem imper-
 „ tiri . Et ob defectum hujus annuæ concessio-
 „ nis nullius roboris esse sententiam Archipræ-
 „ sulis Panormitani in causa mixti fori declara-
 „ tum est regiis litteris ejusdem Ferdinandi die
 „ 2. febr. an. 1765. datis . Vid. Giarizzo T. I.
 „ p. 418.

„ Quinimo in omnibus decretis ac senten-
 „ tiis quas Præsules in præcitatis casibus pro-
 „ posuerint hujus Regiæ Delegationis mentio-
 „ nem faciendam districtè jubetur . Qui inte-
 „ gram hanc Regis constitutionem desiderat ,
 „ adeat Codicem Siculum Dominici Giarizzo
 „ T. I. p. 417.

Regula juris actor sequitur forum rei .

§. XVIII. Forum ecclesiasticum in causis
 spiritualibus tantum competens est ; sed si caus-
 sa sit temporalis , ut de foro competenti statua-
 tur , quisnam sit reus videre oportet , nam apud
 rei judicem causa instituenda est . Vulgata est
 utriusque juris regula , actor rei forum sequi-

cur

tur (a). Nimirum reus in iudicium venit invitatus, atque adeo apud iudicem, qui eum vocare & cogere potest, conveniri debet. Quoniam vero clerici fori privilegio utuntur, quo a fori civilis iurisdictione exempti sunt; hinc in causis temporalibus laici apud iudices laicos, clerici vero & qui eorum jure censentur, apud ecclesiasticos iudices vocari debent, nisi causa talis sit, quae clericos a foro civili non eximit.

Forum competens ex causa domicilii.

§. XIX. Jam vero reus sive in ecclesiasticis, sive in civilibus judiciis ex quatuor causis forum fortitur, domicilio nempe, contractu, re sita, & maleficio, quod civili & canonico jure constitutum est (b). Principio forum evadit proprium domicilio, ibique reus ferme ex quavis causa recte convenitur. Domicilium positum certo loco intelligitur, ubi quis larem, rerumque ac fortunarum summam constituit, unde rursus non sit discessurus, si nihil avocet, unde quum profectus est, peregrinari videtur (c); vel si in aliquo loco per decennium commoratus, ibi sedes constituat (d). Potest vero quis, si velit, plura habere domicilia; ut si instructus sit duobus locis aequaliter neque hic minus quam illic frequenter commoretur (e). Et quoniam mulier nubens eo animo transit in mariti domum, ut ibi perpetuo maneat; domicilium mariti.

(a) L. II. C. de iurisdic., cap. V. & VIII. ex. de foro comp. (b) Cap. ult. ex. eod. (c) L. VII C. de i. cotis. (d) L. II. C. eod. (e) L. V. & XXVII. §. 2. D. ad municip.

riti habere intelligitur (a). Ubi quis domicilium constituit, statim subjectus evadit ejus loci jurisdictioni, atque adeo recte ibi convenitur, sive actione in personam, sive in rem, sive praesens, sive absens sit; & nisi defendatur bonorum possessionem & distractionem patitur (b). Et si quis in duobus locis domicilium habeat, utrobique potest in jus vocari (c).

Domicilium commune.

§. XX. Praeter proprium & singulare cujusque domicilium datur etiam commune, quod jure Romano ipsa Roma erat. *Roma*, inquit Modestinus (d), *communis nostra patria est*; ubi enim per Antonini constitutionem omnes in Orbe Romano existentes cives Romani facti sunt (e), Roma veluti communis omnium patria haberi coepit. Hinc unusquisque Romae repertus ex privata causa ibi convenitur, sive illic contraxerit, sive non, sive deliquerit, sive non, nisi habeat jus revocandi domum, quales legati, quique ex necessaria causa Romam iverant, de quibus agit Ulpianus (f). Simili ratione etiam Roma christiana communis omnium clericorum patria jure decretalium habetur: Romana enim ecclesia omnium mater & magistra est. Hinc Gregorius IX. rescripsit, episcopum

Ro.

(a) L. LXV. D. de judic., L. ul. C. de incolis.

(b) L. XIX. D. de in jus vocando, l. 1. & seq. D. de reb. auct. judic. possid. (c) Cap. XV. x. de foro comp. (d) L. XXXIII. D. ad munic. p.

(e) L. XVII. D. de statu homin. (f) L. II. §. 3. seqq. D. de judiciis.

- Romae repertum ibi rite conventum fuisse, et si nulla causa esset, qua forum proprium fieret: tantumque jus revocandi domum habuisse, si ex iusta & necessaria causa in urbem venisset (a): quod rescriptum cum jure Romano convenit.

Forum competens ex causa contractus.

§. XXI. Item forum exadit competens & proprium ex contractus causa, ubi enim contractum est, ibi actione in personam reus praesens convenitur; censentur nimirum contrahentes jurisdictioni ejus loci, ubi contrahunt, se subicere. Contractus vero nomine veniunt etiam quasi contractus: & inde qui in provincia negotia gessit, aut tutelam administravit, ibi quoque iudicium subire debet (b). Locus autem contractus ille intelligitur, ubi contractus initus est, nisi expressum sit, quo loco pecuniam solvi placuit (c). Qui vero extra locum domicilii contraxit, actione directa in loco contractus, si ibi praesens reperiatur, arbitraria in domicilio convenitur (d): injustum enim erat, ut debitore ad locum contractus non accedente, alibi actio intendi non posset. Et si jurisconsultus doceat, eum qui insulam Capuae certo tempore fieri stipulatus est, eo finito quocumque loco in id, quod interest, agere posse (e); verbum quocumque civiliter accipiendum est, ut Capuae & in

• (a) Cap. ult. ex. de foro comp. . (b) L. I. C. ubi de ratiocin. (c) L. IH. D. de reb. quæst. judic. possid. (d) L. XIX. §. ult. D. de judic., L. un. C. ubi conveniatur, qui certo loco. (e) L. XLIII. D. de judic.

& in alio loco idoneo, hoc est in domicilio, recte agatur. Datur vero casus, quo nec in loco contractus debitor potest conveniri, puta si quis ab advena mercatore, quem scit confestim profecturum, aliquid emerit, vel eidem vendiderit; in hac enim specie forum proprium est in domicilio; durissimum enim est quotquot locis quis navigat, vel iter faciens delatus est, tot locis se defendere, nisi constiterit alicubi, taberna, pergula, horreo, armario vel officina conductis (a).

Forum competens ex causa rei sitae.

§. XXII. Forum quoque proprium facit locus, ubi res controversa sita est; ibi enim in rem actio adversus possidentem movetur (b). Nimirum actione in rem non tam persona, quam res ipsa convenitur, daturque in possessorem non ratione dominii, sed possessionis. Nec refert utrum mobilis, an immobilis res sit, de qua contenditur; quin etiam actio intenditur, etsi possessor absit (c). Tantum petitio hereditatis videtur id proprium habere, ut tum demum in loco rei sitae intendi possit, si ibi degat aut inveniatur reus, quod imperatores Valerianus & Gallienus expresse decernunt (d), etsi limitatio ista Hubero displiceat (e). Recte quidem in loco rei sitae in rem actio intenditur; at id non im-

Inst. jur. can. T. VI.

R.

pe;

(a) Cit. L. XIX. §. 2. (b) L. III. C. ubi in rem actio. (c) L. II. C. eod. (d) L. un. C. ubi de heredit. agatur. (e) Huber. lib. V. praelect. tit. 1. n. 50.

pedit, quominus liberum sit actori in loco domicilii eadem actione reum convenire, quod satis a Licinio jurisconsulto expressum est, *si per in rem actionem legatum petetur, etiam ibi peti debet, ubi res est* (a), quo loco verbum *etiam* id significat, etiam alio loco actionem in rem recte intendi, & verbum *debet* tantumdem est ac *potest*, quod Gerardus Noodt recte observat (b). Jure canonico etiam beneficio forum constituitur, veluti re sita (c); & ita in causis beneficiariis recte apud episcopum beneficii clerici conveniuntur.

Forum competens ex causa criminis.

§. XXIII. Porro ex causa admissi criminis forum competens evadit; quaestiones enim ubi commissa, aut inchoata sunt crimina, perfici debent, etsi alterius loci aut provinciae sit, qui crimen admisit: quod jure Romano statutum est (d), cui canones & decretales consentiunt (e). Sane ubi quis deliquit, major est copia probationum & majus expensarum compendium & praeterea justum est, reum exemplo poenae prodesse, ubi obfuit exemplo delicti. Ita certo jure statutum est, si reus, ubi deliquit, reperiatur: quid si inde in aliam provinciam fugerit

(a) L. XXXVIII. D. de judic. (b) Gerard. Noodt com. in D. lib. V. tit. 1. (c) Cap. III. de temporib. ordinat. in 6. (d) L. VII. & ult. D. de accusat., L. XXVIII. §. penult. D. de poenis.

(e) Can. IV. & V. C. 6. q. 3., cap. XIV. ex. de foro comp.

rit? Etiam ubi reperitur, quaestionem perfici posse jure Romano statutum videtur (a), convenienter mandatis principum, in quibus ei, qui provinciae praeerat, id etiam mandabatur, ut malis hominibus provinciam purgaret, nec unde erant, distinguebatur (b). Id vero locum habet nisi magistratus loci, in quo admissum est crimen, publicis litteris petat, reum ad se transmitti in loco admissi criminis puniendum: tum enim magistratus, a quo petita est transmissio, illum recusare non debet. *Solent praesides provinciarum, in quibus delictum est, inquit Macer (c), scribere ad collegas suos, ubi factores agere dicuntur, & desiderare, ut cum prosecutoribus ad se remittantur.* Quin Justinianus poenam adjecit in magistratum, qui petatum a se reum ad judicem, ubi crimen admissum est, transmittere noluerit (d). Ceterum jure ecclesiastico novissimo in causis criminalibus tantum loci episcopus procedit, non decanus, aut archipresbyter, etsi jurisdictionem habeant (e).

Forum competens ex partium consensu.

§. XXIV. Sunt praeterea alii modi, quibus forum alias incompetens proprium & competens evadit, quales praecipui sunt consensus litigantium, continentia causae, & privilegium. Et lege quidem Julia privatorum judiciorum licet litigantibus in alienum judicem consentire, quo

R 2

con.

(a) *L. I. C. ubi de criminib.* (b) *L. III. D. de off. praesid.* (c) *L. VII. D. de custod. reor.*

(d) *Novel. CXXXIV. cap. 5.* (e) *Trid. sess. XXIV. de ref. cap. 20.*

consensu ultra terminos, quibus includitur, jurisdictionis profertur, & incompetens iudex competens evadit (a), idque statutum, ut expedienti juris ratio facilius redderetur. Ejusmodi jurisdictionis receptio, sed parum idoneo vocabulo, audit *prorogata*: prorogatio enim proprie temporis est, & hinc apud Latinos *imperii prorogatio*; terminorum autem jurisdictionis non tam *prorogatio* dicitur, quam *prolatio* vel *propagatio*, quod Jac. Perizonius recte observat (b). Profertur vero jurisdictionis in civilibus causis, non item in criminalibus, quae magis ad publicam vindictam quam ad privatorum utilitatem spectant; nec enim privatis hominibus tantum dari debuit, ut publicam ultionem eo transferant, quo ipsis videatur, eamque legum praevaricatione eludant (c). Ceterum in multis provinciis, & praesertim in hoc regno, mutata reipublicae forma jurisdictiones patrimoniales evaserunt, & inde in locis feudalibus prolata jurisdictionis locum non habet.

Quo casu obtinet jure decretalium.

§. XXV. Jure decretalium clerici nequeunt proferre iudicis laici jurisdictionem, & ex consensu civilem iudicem suum facere; non enim eis licet fori privilegium ejurare, & in iudicem laicum consentire (d). Tantum ex proprii episcopi.

(a) L. 1. & seq. D. de iudic. (b) Perizon. *animadversionib. historic cap. VI.* (c) Conf. Gerard. Noodt de iurisd. & imp. lib. II. cap. 15.

(d) Cap. XII. ex. de foro comp.

scopi voluntate in alienum iudicem ecclesiasti- cum recte consentiunt, ejusque jurisdictionem proferunt (a): & ideo quidem ex proprii episcopi voluntate, ne paroeciarum & jurisdictionis fines turbarentur: quam rationem ad promovenda litigantium commoda Romani neglexerunt. Moribus nostris rara est in curiis episcopalis jurisdictionis prolatio: at saepe clerici in forum nuntii apostolici Neapoli commorantis consentiunt: idque ex antiqua consuetudine etiam inscio proprio episcopo fieri consuevit, eamque consuetudinem decreto synodi Tridentinae (b) sublatam non esse. S. Congregatio censuit (c). At nuper intercessit regia potestas; regis enim litteris ad praesidem Sacri Consilii mense Augusto anni MDCCCLXIX datis vetiti sunt notarii instrumentis & contractibus inferre formulam, qua clerici jurisdictioni nuntii apostolici consentiant, eique se subiciant.

Forum proprium ex continentia causae.

§. XXVI. Porro iudex incompetens evadit competens, si quaestioni apud se principaliter propositae incidat quaestio, cujus directe ipse cognitionem non habebat. Vetant profecto leges civiles causarum contextum & continentiam abrumpi (d), ne lites multiplicentur: quo factum ut iudex principis causae etiam cognoscat de omnibus incidentibus articulis, quamvis alias de iis cognoscere vetaretur, ut videre est in
caus-

(a) Cap. XVIII. ex.eod. (b) Trid. sess. XXIV de ref. cap. 20. (c) Ap. Gallemart. in remiss. ad Trid. loc. cit. (d) L. X. C. de judic.

caussa status, quae si bonorum disceptationi occurrat, iudicatur etiam apud eum, qui alioquin in causa status cognoscere non potuisset (a). Similiter jure decretalium quaestiones civiles de dote, de sponsum largitionibus, alimentis praestandis, & hujus generis aliae, quae matrimonialibus causis inciderent, in foro ecclesiaastico tractabantur. Vos, qui de matrimonio principaliter cognovistis, inquit Clemens III ad Pisanos iudices ecclesiasticos (b), de dote, quae causa est incidens, accessorie cognoscere valuistis, & sententialiter definire. Verum tum iudici principis quaestionis de incidentibus cognoscere licet, si tantum jure prohibitus, non si omnino incapax sit; nam si omnino incapax sit, veluti sunt laici in causis spiritualibus, tum incidens quaestio ad iudices suos ableganda est. Ceterum hodierni mores & leges etiam hujus regni non patiuntur, ut iudices ecclesiastici judicent de profanis quaestionibus, quae spiritualibus inciderint.

Forum fit competens privilegio.

§. XXVI. Forum denique evadit competens privilegio; multi enim concessis privilegiis subtrahuntur ab ordinarii iudicis jurisdictione, & alii iudici addicti, quales jure Romano viri clarissimi, milites, pupilli, viduae & miserabiles personae (c). Major vero copia exemptionum

ab

(a) L. III. C. eod., L. I. C. de ordine judicior.

(b) Cap. III. ex. de donat. inter vir. & uxor.

(c) Conf. Huber. praefect. lib. V. tit. x. n. 59. seqq.

ab episcoporum jurisdictione decretalibus summorum pontificum inducta est; constat enim monachis & regularibus, multis ecclesiis, multis canonicorum capitulis aliisque peculiaribus clericis privilegia sedis apostolicae fuisse concessa, quibus aut in totum, aut pro parte ab episcopi jurisdictione exempti sunt. Hinc turbata est ecclesiastica disciplina, & ecclesiae in ecclesia natae videntur. Multa quidem exemptionum & privilegiorum capita synodorum canonibus & praesertim Tridentinae & pontificum decretalibus abrogata, aut moderata, aut arctioribus finibus circumscripta sunt (a); at pro maxima parte exemptiones perseverant. Hinc exempti in exemptionis articulis forum sedis apostolicae sortiuntur, aut illius judicis, cui eos privilegium addixit. Ita regulares & alii exempti forum praelati quisque sui ordinariam & quasi episcopalem jurisdictionem habentis primo judicio subire coguntur, prout verba privilegii habent.

Quamvis Monachi ac Regulares jure decretalium exemptione gaudeant ab Episcoporum jurisdictione, & sub immediata Pontificis Maximi protectione, ejusque legatorum custodia sint, ac in nostro regno ubi extat Tribunal Apostolicae Legationis ex Urbani II. concessione Rogerio Comiti facta, ejusdem judicis jurisdictioni subjiciantur; tamen ex constitutione Concilii Tridentini, in regno nostro recepti causas nullitatis Professionis eorum, dein coram Ordinario Episcopo loci ubi emissae sunt agi.

(a) Conf. Espen. par. III. tit. 12. cap. 3. & seq.

agitandas in compertis est . Verum cum sensim apud quosdam Ecclesiasticas Curias ea opinio invaluisse , ut liceret prædictas causas cognosci , quibuslibet Ecclesiasticis Tribunalibus etiamsi non sint ordinaria locorum , ubi professio facta fuit Ferdinandus Borbonius litteris regiis sub die 27. Octobris an. 1775. publicatis declaravit sacrum tectum hac de re in posterum Concilii Tridentini decretum servandum ; Imo coram ipsis Ordinariis locorum jurisdictionem institui voluit quoad causas restitutionis in integrum , quæ fiunt a Religiosis elapso quinquennio a professione , ut possint nullitate professionis quæ post quinquennium expostulari non potest , libere promoveri . Ita cautum sub die 6. Julii an. 1776. apud Girrizzo T. I. p. 424.

CAPUT VII.

Quibus in causis clerici apud judicem laicum conveniuntur .

Causæ feudales contra clericos agitantur in foro laico .

§. I **Q**Uamvis jure non minus civili quam canonico clericis exemptio a magistratu jurisdictione competat ; sunt tamen multæ causæ tam civiles , quam criminales , in quibus nihil illis prodest fori privilegium , atque adeo apud judicem laicum conveniuntur . Varia hac super re sunt instituta & mores provinciarum ; nos vero eas causas præcipue persequemur , quæ etiam in hoc regno clericos civili foro addicunt . Et ad negotia civilia quod spectat , prin-

ci-

cipio caussae omnes feudales contra ecclesias & monasteria, quae feuda saecularia tenent, in curia domini directi, qui feudum concessit, agitari & judicari debent: quod feudorum disciplina postulat, & in decretalibus probatur. Sane rescripsit Alexander III, feudalem quaestionem esse coram domino feudi, vel laico, vel ecclesiastico, etiamsi colligantes clerici sint, definendam (a). Et Bonifacius VIII declaravit, abbaticam cujuslibet monasterii, quod feudum ab aliquo principe tenet, debere domino *homagium*, seu fidelitatis sacramentum, praestare, cujus rei causa posse cum honesto comitatu egredi monasterium, si vicaria alterius opera debitorum officium implere nequiverit (b). In regno Apuliae etiam id jus obtinet, illudque pacta, conventa inter sedem apostolicam & reges Andegavenses & Aragonenses confirmarunt. Hinc lites omnes feudales, sive in rem, sive in personam, sive clerici, aut monachi agant, sive convenientur, in Regia Camera Summariae sive fisci intersit; contra ubi nihil fisci interest, in S. Consilio agitantur & discutiuntur (c).

Item caussae de haereditatibus & fideicommissis.

§. II. Praeterea caussae omnes de haereditatibus & fideicommissis ad solum judicem laicum spectant, sive clerici agant, sive convenientur, sive controversiae emergant ex testamentorum vitiis, aut ambiguis intestatae haereditatis juri.

Inst. jur. can. T. VI.

S

bus

(a) *Cap. VI. & seq. ex. de foro comp.* (b) *Cap. un. §. 2. de statu regular. in 6.* (c) *Prag. III. XXXVI. & seq. de off. S. R. C.*

bus : desuevitque propterea jus decretalium , quo lites omnes de testamentis ad forum ecclesiasticum devolvebantur . Exstant hac super re Caroli olim Regis nostri litterae ad S.C. praesidem XIII. Kal. Octobris anno CXCXCVI datae , quibus praecipitur , causas omnes de acquirenda vel retinenda haereditate, vel bonorum possessione inter competitores etiam clericos agitari primo iudicio in curiis locorum laicis , tum secundo in Regiis audientis , & demum in M. C. Vicariae . Quin haec eadem M. C. dum decretis suis , quae in foro dicuntur *praeambula* , declarat haereditatem deberi clericis, clausulam addit , qua iura quorumcumque salva relinquit . Tanta vero huic clausulae inest efficacia, ut clerici tam haeredes, quam bonorum possessores ejus vi apud iudicem laicum penes *praeambuli* actum respondere creditoribus haereditariis & legatariis cogantur , nec audiantur , si laicum iudicem declinare postulaverint (a) . Quod si ea clausula omissa sit , ex doctorum nostrorum sententia nequeunt clerici a creditoribus haereditariis in foro laico conveniri , quod jam vinculum laicae jurisdictionis solutum sit (b) .

Et causae ubi clerici auctores denunciati sunt .

§. III, Porro clerici , qui bona sua emtione, aut alio oneroso titulo , evictione promissa , alienarunt , si inde tamquam auctores denuntientur , ut possessores apud iudicem laicum actio-
ne in rem conventos tueantur , fori privilegio
non

(a) *Capic. Latro decis. CXXIII.* (b) *Revit. dec. XLIV. ibique Altim. in observat.*

non utuntur; sed debent apud laicum judicem, ubi possessor conventus est, litem suscipere. Certe jure Romano venditor ab emtore denunciatus, ut eum evictionis nomine defendat; si dicat, se sui judicis habere privilegium, non auditur; sed emtoris judicem sequi debet, quod Paulus jurisconsultus respondit (a): cujus responsionis ratio est, quod actio in rem non contra venditorem, sed contra possessorem competit (b). Huic juri inhaerentes interpretes recte videntur docuisse, fori privilegio non juvari clericos, qui ex causa promissae evictionis auctores denunciati; seu *laudati* sunt; ut nostri loquuntur; sed debere apud judicem laicum, ubi lis instituta est, comparere; & possessorem tueri; nisi velint majorem desertae litis aestimationem victo praestare: idque a Rota Romana probatum, & usu fere omnium Europae tribunalium receptum esse cardinalis de Luca testatur (c). Verum in hoc regno S. Consilium consuevit clericos ex causa promissae evictionis auctores denunciatos, qui declinare forum postulaverint, ad ecclesiasticum judicem remittere, apud quem cum laicis possessoribus jam coepta causa cognoscatur & finiat (d).

(a) *L. XLIX. D. de judic.* (b) *L. I. C. ubi in rem actio exerceri debeat.* (c) *Card. de Luca de judic. disc. LX. n. 5.* (d) *Conf. Capic. decis. CXCVII., Ursill. ad Afflict. dec. CCCLXXX. n. 8.*

§. IV. Caussae quoque juris *retractus* etiam contra clericos in foro laico agitantur. Jus *retractus* seu congrui facit, ut vicini praeferantur aliis, quo casu praedia vicinorum venduntur, aut in emphyteusim dantur, aut ad longum tempus locantur: idque jus recepta exotica Frederici I. constitutione apud nos invaluit. Non lege illa clerici teneantur, doctores nostri magnis animis disputarunt; etsi disputationes istae ex juris publici ignorantia, qua clericos statutis laicorum non subjici credebatur, profectae sint: interim vero in locis varii mores invaluerunt, quibus clerici teneri, aut non teneri receptum est. Sed ubi clerici jure congrui tenentur, id etiam quaerebatur inter doctores nostros, apud quem judicem conveniri deberent, Plerique forum laicum praeferiebant: contra Regens de Marinis magno conatu contendit, clericos emtores & possessores in ecclesiastico foro a laicis vicinis conveniri debere (a): at rebus saepe judicatis invaluit usus conveniendi clericos praediorum emtores apud laicum magistratum, si vicini praelationem postulent, qui usus litteris Delegati Regiae jurisdictionis, judicio Regalis Camerae S. Clarae & regio rescripto in caussa diaconi Prochitani firmatus est (b).

Item

(a) *De Marin. lib II resolut. cap. 44.*

(b) *Conf. Felix Cappelli animad. XXXIV. in cit. cap. 44. de Marinis*

Item in caussis nuntiationis novi operis .

V. Item caussae nuntiationis novi operis et. jam contra clericos in civili foro agitantur . Novum opus dicitur nuntiari , ubi quis impeditur , ne aedificando aut demoliendo pristinam rei faciem mutet , & alterius jura laedat . Jure decretalium clerici etiam in foro ecclesiastico laicis novum opus nuntiabant , ibique causa agitabatur (a) . At pragmatici nostri inter se non conveniunt , cujus judicis sit judicare , si clericis novum opus a laicis nuntietur . Alii judicem laicum dicunt competentem , quod clerici novum opus facientes ; videntur speciem actoris sustinere , & vicinos ad sua jura tuenda proycare (b) : contra alii novum opus clericis in foro ecclesiastico nuntiandum sentiunt (c) , quod in novi operis nuntiatione possessorem adversarium facimus (d) , & inde clerici novi operis auctores , tamquam rei , coram proprio judice debent conveniri . Ergo judices laici ad controversias evitandas , dum novum opus clericis nuntiat , non clericis ipsis , sed laicis eorum operariis inhihent , ne ultra procedant , ut opere sic impedito , clerici inde sponte sua in foro saeculari agant , si velint contrario ipsius judicis imperio amovere impedimentum . Quam procedendi formam regia Pragmatica anno

C13-

(a) *Cap. III. ex. de novi oper. nuntiat.*

(b) *Sanfelic. tom. III. decis. 379.* (c) *Car. Ant. de Luca ad de Franchis decis. 17CLVI. post Gutierrez conf. XLVIII. & alios .* (d) *L. I. §. 6. D. de novi oper. nuntiat.*

CIOCCCXXXVIII §. 1. n. 10. probare videtur, dum hanc decreti consuetam formam refert, *fabricatores desistant*.

Clerici diffamantes in foro laico conveniuntur.

§. VI. Causis civilibus, quae contra clericos in saeculari foro agitantur, doctores nostri iudicium diffamationis addiderunt, puta si clerici alicujus jactantia extrajudiciali jus alteri esse negetur, aut justus possessor tamquam non justus traducatur. In iudicio diffamationis, quod jure civili tantum in specie diffamatae ingenuitatis proditum est (a), usu vero fori ad omnes alias causas, siue civiles, siue criminales extenditur (b), licet diffamato iudicem adire & ea de re conqueri, suaeque jura ultro tueri & probationibus demonstrare: iudex vero vocata parte adversa, si ea non compareat, potest ac debet auditis diffamati allegationibus sententiam proferre, ne deinceps ejus status & jura turben- tur. Competens vero iudex est potius iudex diffamati, quam jactatoris; agitur enim de juribus diffamati, & praeterea jactator videtur accusare & veluti reum facere: & hinc si velit diffamationem probare verus actor censetur. Quae- quum ita sint, veluti sponte sua a doctoribus conclusum est, iudicium diffamationis, ubi clerici laicos diffamant, in saeculari foro agitan- dum esse, nec clericos esse audiendos, si velint

Fo.

(a) *L. V. C. de ingen. manumif.* (b) *Conf. Ant. Perèzius in C. lib. VII. tit. 14. n. 10.*

forum declinare (a); habentur enim tamquam actores, atque adeo coram iudice diffamati jus suum tueri debent. Tantum ubi laicus, qui diffamatus est, plures iudices habet competentes, licere clerico tenent doctores nostri coram eorum uno comparere & sua jura proponere, antequam in citantem consentiat, idque ne actor jure suo seligendi unum ex pluribus iudicibus competentibus privetur (b).

*Item si post citationem rem controversam
adquirant.*

VII. Fori privilegio item non juvari clericos tradunt doctores nostri, si rem, de qua apud iudicem laicum lis instituta est, quocumque demum titulo accipiant adquirantque. Jure Romano si res controversa iudicii mutandi causa alienetur, actori datur electio utrum malit a possessore rem vindicare, an cum eo, qui rem alienavit, actione personali in factum experiri (c). Et in decretalibus censura ecclesiastica percelluntur clerici, qui res vel actiones iudicii mutandi causa a laicis sibi cedi curant; at fori privilegio privati non videntur (d). Sed in regno Apuliae a regibus Andegavensibus statutum est, ut quo casu conventus apud iudicem rem vel ejus possessionem in alium, sive scientem, sive ignorantem alienaverit, aut transu-

le.

(a) *Conf. Capic. decis. XVIII. & Ricc. ad de Franchis dec. CCCLXXXV.* (b) *Conf. de Franchis dec. CCCLXXXV.* (c) *L. un. C. de alienat. iudicii mutandi causa facta.* (d) *Cap. II. ex. de alienat. iudicii mutandi causa.*

lerit, iudicium non mutetur, & conventus ipse iudicio stare cogatur (a). Generalis est haec sanctio, nec in specie clericos memorat; at inde concluderunt doctores nostri, clericos non juvari fori exceptione, si res litigiosas a laicis adquirant; sed cogi coram iudice alienantis, qui cognoscere coeperat, iudicium suscipere (b), praesertim quando huiusmodi fraudes in ipsis decretalibus censura irrogata puniuntur.

Quis iudex clericorum in causa publici officii.

§. VIII. Mōribus quoque multarum regionum receptum est, ut clerici ratione tutelae, vel curae, aut alterius officii saecularis, quod administrarunt, in foro laico conveniantur (c). At inter nostros ea de re disputatur. Alii tenent, rationes in foro laico reddendas, ad solutionem vero clericos in foro ecclesiastico compellendos d. Contra alii opinantur, tantum in ecclesiastico foro posse clericos compelli ad tutelae alteriusve officii profani rationes reddendas (e). Interim quod clerici jure canonico indigni reputantur ecclesiae patrocinio, si profanas administrationes, a quibus debent esse alieni, suscipiant (f); videtur dicendum, clericos fori privilegio excidere, saltem si in casibus jure

ve.

(a) *Cap. Conventus de conventis, qui alienant possess.* (b) *Conf. Car. Ant. de Rosa prax. civil. par. I. cap. 2. dist. 3. n. 32.* (c) *Conf. Emspen. par. III. tit. 1. cap. 4.* (d) *Regens de Marinis lib. 1. resol. cap. 53.* (e) *Rovit. in Pragm. I. de clericis & diac. silvat. n. 5. & decis. XX.*

(f) *Cop. II. ex. ne clerici vel monachi.*

vetitis tutelae & curas gesserint. Quidquid vero hujus rei sit, ad vitandas quaestiones in nostris tribunalibus mos invaluit, ut clerici tutelam, ad ministrationem, aut depositum in foro laico non accipiant, nisi ibidem laici fidejussoris cautionem praestent, quem dimissa clerici persona, inde laicus iudex ad rationes & restitutionem compellit.

Citatus si inde fiat clericus caret fori privilegio.

§. IX. Jam in omnibus profanis causis si quis post citationem ab iudice laico factam in clerum sit adscitus, is fori praescriptione non juvatur, & causam proseguere debet apud iudicem, qui iudicium coepit. *Si quis postquam in jus vocatus est*, inquit Vulpianus (a), *miles, vel alterius fori esse coeperit, in ea causa jus revocandi forum non habebit, quasi praeventus*: idque generaliter & in omnibus hujusmodi casibus observandum idem jurisconsultus observat (b). Nec alia est decretalium sententia; rescripsit siquidem summus pontifex Gregorius IX, citatum a suo iudice ad causam, jus revocandi forum non habere, si postmodum alterius jurisdictionis esse coeperit (c). Sane *ubi acceptum est semel iudicium, ibi & finem occipere debet*, ut recte Marcellus docet (d). Eadem ratione si lis coepta sit cum defuncto laico, clericus ejus haeres eam in eodem foro proseguere debet, nec ha-

Inst. jur. can. T. VI. T bet

(a) L. VII. D. de judic. (b) L. XIX. D. de jurisd. (c) Cap. XIX. ex. de foro compet.

(d) L. XXX. D. de judic.

het jus revocandi forum, etsi reus sit, quia succedit in ejus locum, a quo haeres relictus est (a), atque adeo post coeptum judicium alterius fori fictione juris factus videtur. Contra ubi novus ex integro in clericum haereditatem instituitur, nec in decreto, quo ei haereditas tributa est, jura cujuslibet in foro laico reservata sunt, ecclesiasticus judex competens, non laicus censetur.

Clerici in foro laico recte reconveniuntur.

§. X. Porro clericus, qui apud judicem laicum experitur, reconveniri apud eundem judicem recte potest, etsi alias agentis judex esset incompetens. *Qui non cogitur in aliquo loco judicium pati*, inquit Paulus (b), *si ipse ibi agat, cogitur excipere actiones, & ad eundem judicem mitti*. Et Justinianus statuit, licere judici, qui reum absolverit, actorem e contrario condemnare, si reus vicissim ab eo aliquid petierit, nihil obstante exceptione, quod non competens judex agentis esse cognoscatur; *ejus enim in agendo observat arbitrium, eum habere & contra se judicem in eodem negotio non dedignetur* (c). Juris civilis regula de conventionione apud eundem judicem iisdem pene Justiniani verbis sub Zephyrini papae ficto nomine apud Gratianum refertur (d), & in decretalibus pontificum proba-

(a) Conf. Covarruvias *præf. quæst. cap. VIII* n. 3., Paul. de Castro in L. haeres absens de *judiciis* n. 2. (b) L. XXII. D. de *judic.* (c) L. XIV C. de *sentent. & interloc.* (d) Can. I. C. 3. q. 8.

batur (a) : Hinc in iudicio reconventionis victus clericus sententiae iudicis laici, ubi ea transit in rem iudicatam, parere debet, alias implorata episcopi manu in eum exsecutio etiam per personae coactionem fiet (b); aut sine ullo episcopi auxilio iudex non laicum, qui pro clerico apud acta satisdedit de stando iuri, & solvendo iudicatum, sententiam exsequetur. Excipiendae tamen sunt causae omnes criminales (c), & spirituales, in quibus reconventio non admittitur; itemque illae, in quibus clericus nomine ecclesiae iudicio experitur, in quo ipsum proprio nomine nemo quiverit reconvenire: & generatim omnes, in quibus leges reconventionem non admittunt.

Clerici rei maiestatis fori privilegium non habent.

§. XI. Quod vero spectat ad causas criminales, etsi in Gallia & multis aliis christianis provinciis clericorum gravia crimina a iudicibus regis vindicantur, tamen in regno Apuliae pauca crimina sunt, quae clericos foro saeculari subjiciunt. Tale in primis est crimen laesae maiestatis, quod rex Gulielmus II dum fori privilegium clerici confirmavit, nominatim excepit, & civili imperio reservavit (d). Qua in

T 2 re

(a) *Cap. 1. & II. ex. de mut. petitionib.*

(b) *M. A. Genuens. in praxi tur. archiep. Neap. cap. XII.* (c) *L. I. & XIX. C. de his qui accusare, can. IV. C. 3. q. 11.* (d) *Const. de personis tit. ubi clericus in multis debet conveniri.*

re Gulielmus discessit a placitis regum Francorum & Gothorum in Hispania, qui iudicio de episcopis & clericis abstinere, etiam in crimine majestatis, & res derelicta est episcoporum concilio, ne sanctissimus ordo iudicis laici cognitione dehonestaretur (a). Inde regno ad Andegavenses translato, pactis conventis inter Clementem IV pontificem & Carolum I a fori privilegio solae causae feudales nominatione exceptae sunt: quod Carolus II inde confirmavit (b). Fuerunt quidem reges Andegavenses pontificibus addicti, & in multis articulis facile passi sunt regiam in clericos jurisdictionem deminui; at minime abrogasse videntur Gulielmi constitutionem, qua in crimine majestatis clerici publicis iudicibus addicuntur. Sunt enim nonnulla crimina, quae omnem honorem excludunt (c): nec videtur princeps ei, qui contra majestatem admittit, privilegium concessisse. Et quamvis pacta conventa tantum a clericorum fori privilegio solas causas feudales exceperint; tamen crimen majestatis natura sua privilegio non comprehensum censebatur; pacta enim inter principes sic accipienda sunt, ut quam minimum iura majestatis laedant.

Item in assassinii crimine.

§. XII. Porro in crimine *assassinatus* seu *assassinii* clerici in foro laico puniuntur, utpote qui

(a) *Conf. Alteser. de jurisd. lib. V. cap. 4.*

(b) *Cap. item statuimus XCIV. tit. de non trahend. cleric. (c) L. 1. C. ubi senatores.*

qui crimine admissio cadunt ipso jure fori privilegio. Assassini erant populi, qui suo principi addicti in montibus Phoeniciae morabantur (a), eorumque opera Sarraceni utebantur ad occidendos ex insidiis christianos principes, ut eorum nece belli patrii molem a se averterent (b). Ex Phoenicia in Occidentis provincias assassini permearunt: & hinc synodus Lugdunensis officio & privilegio clericali spoliavit clericos, qui illorum opera christianum quemquam interficerent, vel interfici mandarent, etsi mors secuta non esset; addiditque, non aliam degradationis sententiam requiri, ubi probabilibus argumentis constiterit, clericum tam execrabile scelus admisisse (c). Ita ipso jure clerici hujus criminis rei laicae jurisdictioni subjecti sunt. Sed assassinorum appellatio inde translata est ad sicarios, homicidas, grassatores omnes, praesertim eos, qui in caedem hominis suas locant operas, aut conducunt alienas (d). Interim disputabatur, utrum judex laicus de assassinii qualitate poterat judicare, an vero oporteret sententiam iudicis ecclesiastici praecedere, quae clericum revera crimen admisisse declararet, ut ita laicus judex in clericum procederet. Edidit quidem Clemens VIII bullam, qua decrevit, *declarationem criminis assassinii ad judicem ecclesiasticum omni-*

no

(a) *Cang. v. Assassini.* (b) *Conf. Alteserra de jurisd. eccles. lib. V. cap. 3.* (c) *Cap. I. de homic. in 6.* (d) *Skenaeus ad leges Scoticas.*

no pertinere (a); at in hoc regno & ante & post Clementis bullam iudices regii in clericos assassinii reos inquirere & animadvertere consueverunt sine ulla iudicis ecclesiastici declaratione (b). Tandem pactis conventis placuit, ut quo casu clericus veluti assassinii reus habeatur, & laicus iudex capturam praeveniat, captum carcere saeculari ecclesiae nomine detineat, & acta judicialia conficiat; sed antequam ad sententiam ejusque executionem deveniat, confecta acta intra menses quatuor ad tribunal missum transmittat; cujus erit, cognitio actis, reoque audito, super qualitate assassinii pronuntiare (c).

Quis iudex in criminibus atrocioribus episcoporum.

§. XIII. Jam vero mores & leges provinciarum, quibus clerici in criminibus civilibus gravioribus iudicio & animadversioni magistratuum subjiciuntur, praecipue spectant presbyteros aliosque inferiores clericos, non episcopos: nam *haecenus non scimus*; inquit Espenius (d), *ad episcopos laicam jurisdictionem ratione criminis, quantumvis atrocis, esse extensam*. Hinc in actis cleri Gallicani refertur Regis Galliae declaratio VI Kal. Majas anni MDCCCLVII emissae, qua habetur, iudicium contra episcopos in crimine laesae majestatis instrui per iudices ecclesiasticos secundum canonicas sanctiones & formam in regno consuetam: Et id quidem recte in Gallia &

In

(a) *Bul.* aequa & circumspccta. (b) *Conf. Capicinus dec. CXII. & CLV.* (c) *Concord. cap. III. n. 3.* (d) *Espen. par. III. tit. 3. cap. 4.*

in aliis provinciis, ubi obtinet, ne quis etiam volens extra regnum ex quavis causa judicari possit; nam ubi tale jus non viget, nescio, an principes patiantur, crimina laesae majestatis ab episcopis admissa extra sui territorii fines vindicari.

De judice in causa dubii clericatus.

§. XIV. Illud commune est tam criminalibus quam civilibus judiciis, ut quaestio facti, utrum quis clericus sit, nec ne, quae apud judicem laicum incidat, apud eundem agitari debeat: atque adeo in hac specie non auditur reus, qui clericatus proposita exceptione laici judicis jurisdictionem vitare intendit, donec de clericatu constet. Jure decretalium cognitio ista ad judicem ecclesiasticum pertinet; tantumque laico iudici conceditur reum in habitu clericali deprehensum & captum, qui antea tamquam laicus vivebat, apud se retinere, quousque clericatus demonstretur (a). At in plerisque christianis provinciis contrarium moribus aut legibus receptum & statutum est, atque adeo clericatus exceptio apud laicum judicem proposita apud eundem cognoscitur & deciditur. Et in regno Apuliae ex inveterata consuetudine ritibus M. Curiae confirmata, si quis per exceptionem clericatus velit iudicis laici jurisdictionem declinare, debet coram eodem *principaliter* comparere, & legitima sui clericatus documenta ostendere (b). Sane facti quaestio haec est

(a) *Cap. XII. de sent. excomm. in 6.*

(b) *Rit. CCXXXV.*

est, & quae facti sunt, ea temporalia esse non ambigitur. Item quisque origine sua subiectus est publicae jurisdictioni ejus loci, in quo moratur, ac proinde si vocetur a magistratu, debet comparere privilegia sua allegaturus & probaturus (a), alias confusio in civitatem induceretur. Dum vero iudex apud nos in clericatum inquit, statim ac reum clericum esse cognoscit, eum ad proprium iudicem transmittere debet, etsi cetera iudicii sollemnia deficiant: quo spectant verba ritus, & raro dictus processus finitur. Vult etiam ritus, ut clericus *principaliter* clericatum tueatur: quod intelligendum videtur secundum regulas juris communis, ut tantum in criminalibus cogatur clericus *personaliter* coram iudice laico comparere ad sua privilegia probanda: nam in causis civilibus nulla esse potest ratio, cur eidem non liceat se per procuratorem tueri, ut Franc. Rapolla recte observat (b). Ceterum si reum fuisse ordinatum constet, dubitetur vero de ipsa vi ordinis, est haec quaestio juris ex sacris canonibus decidenda, ac proinde ad episcopos ableganda.

CA:

(a) L. II. D. si quis in jus vocatus. (b) *Rapolla de jure Regni par. I. lib. I. cap. 7. n. 11.*

CAPUT VIII.

De caussis majoribus.

In caussis majoribus celebriores episcopi consulti.
 §. I. **I**ure canonico novo sunt multae caussae
 majores dictae, quae potestatis episcopalis modum excedunt, & sedis Romanae judicio reservantur: quod jus sensim & veluti per gradus invaluit; multis enim saeculis nullae hoc sensu fuerunt majores caussae, quae per solum Romanum pontificem cognosci & tractari deberent. Et olim quidem caussae majores praefertim censebantur, quae dubiae fidei & disciplinae erant, integrumque erat episcopis de iis cognoscere & judicare. Tantum ecclesiarum confoederata disciplina postulabat, ut de rebus arduis relationes ad alias ecclesias mitterentur, five jure subjectionis, five ut unius ecclesiae legalia acta aliis innotescerent, five ut a majoribus ecclesiis lumen & consilium mutuarent. Ita episcopi metropolitanis & patriarchis suis referre tenebantur, teste Hieronymo (a), idque receptae metropolitanae & patriarchali potestati erat consentaneum, quae id exigebat, ne quid magni momenti in provincia aut dioecesi praeter metropolitani aut patriarchae sententiam ageretur. Omnes vero episcopi in rebus arduis majores sedes, & illustriores episcopos, etsi il-

Inst. jur. can. T. VI. V lis

(a) Hieronym. ep. LXL.

lis subiecti non essent, consulebant, ut, quid in proposita specie facere aut sentire oporteret, rescriberent, cujus rei multa exempla in antiquis monumentis occurrunt, constatque etiam ab ipsa Romana ecclesia, Cyprianum fuisse consultum.

Praecipue vero consultus summus pontifex.

§. II. Quoniam vero ecclesia Romana principatu quodam vigeat, & ecclesiasticae unitatis centrum erat, ad eam in rebus arduis & dubiis praecipuo jure relationes mittebantur, & quidem ab omnibus provinciis si de dubia fide ageretur; in rebus vero disciplinae praecipue ab ecclesiis Occidentis, quae peculiari nexu se di apostolicae adhaerebant. Moribus hoc jus Romanae sedis primum invaluit, illudque omnium maxime Innocentius I promovit & inculcavit, qui etiam in eam rem synodi auctoritatem profert: *si majores causae, sunt pontificis verba (a), in medium fuerint devolutae, ad sedem apostolicam, sicut synodus statuit, & vetus consuetudo exigit, post judicium episcopale referantur.* Synodus autem illa, cui testimonium Innocentius denuntiat, non alia videtur fuisse, quam Sardicensis, ut recte Constantius observat (b); in epistola enim illius synodi ad Julium patres contestati sunt, optimum esse & disciplinae accommodatum, si ad Petri apostoli sedem de omnibus provinciis sacerdotes referant. Mit-

te.

(a) *Innoc. I. ep. ad Victoric. Rothomag.*

(b) *Constant. collect. epist. RR. pontif. not. incit. Innocentii epist.*

tebantur vero relationes istae de dubia fide & disciplina ad summum pontificem aut post episcopale iudicium, aut rebus adhuc integris, si ita episcopis videretur, ut pontificis responsione episcopali sententiae robur accederet (a), aut quid in proposita causa iustum esset, ab apostolico fonte manaret. Quod si adhuc re integra consultatio ad pontificem mitteretur; id non arguebat causam primae sedis esse reservatam, sed tantum voluisse episcopos prius audire oracula Romanae ecclesiae, in qua puritas fidei & disciplina sincerius vigeat, quam de re dubia quidquam statuere.

Causas majores Leo M. sibi reservat.

§. III. Novae disciplinae, quae majores causas sedis apostolicae aperte reservat, primae veluti fundamenta iacta sunt, ubi per Occidentem majorum urbium metropolitans vicariatus sedis apostolicae communicari coepit. Et profecto Leo M (b) in litteris ad Anastasium Thessalonicensem, quibus eidem jam quaesitam apostolicae sedis vicariatus praerogativam confirmat, & novis iuribus anget, causas majores & difficiles aperte excipit, sibi quoque reservat; idque non tam defectu potestatis in metropolitans, quam ex incurrentium quaestionum difficultate. *Si qua causa major emerferit, quae a tua fraternitate illic praesidente non potuerit definiri, relatio tua missa nos consulat, ut revelante domino, cujus misericordiae profiteamur esse, quod possumus, quod ipse*

V 2

se

(a) *Epist. conc. Milevit. ad Innocent. I.*

(b) *Leo M. ep. IV. edit. Quesnel.*

se nobis adspiraverit, rescribamus. Caussarum majorum nomine non tantum dubias fidei & disciplinae causas summus pontifex videtur intelligere, sed generaliter quaestiones, quae prae difficultate in provincia definiri non poterant. Facile vero erat summis pontificibus, dum vicariatu sedis apostolicae ampliores metropolitae augebant, majores causas excipere, sibique reservare; nam isti spe majoris potestatis vicariatum apostolicum quibusque conditionibus admitterebant. Nimirum in dioecesibus Occidentis, si praefecturam Romanam excipias, nulli videntur fuisse patriarchae; & Romani pontifices, ut hiatum illum veluti supplerent, pontificiam legationem, qua patriarchalia jura continebantur, metropolitae majorum civitatum committere coeperunt: qua legatione accepta, metropolitae potestatem suam in plures provincias extendebant, & pallium, quod erat pontificia & satis praeclara vestis, induebant. Ita a quinto saeculo vicariatus apostolici appetentissimi esse coeperunt Occidentis metropolitae, eumque etiam metropoliticae potestatis dispendio accipiebant (a). Ceterum vicarii initio non videntur mandatis apostolicis per omnia morem gessisse; queritur enim ipse Leo M., Anastasium causam Attici Episcopi metropolitae, quam majorem habet, inscio pontifice tractasse (b). Et in provinciis, ubi nulli fuerunt perpetui sedis apostolici.

(a) *Conf. dicta par. I. cap. 13. §. 9.* (b) *Leo M. ep. XII. edit. Quen.*

stolicae vicarii, reservatio caussarum majorum incognita videtur fuisse.

Reservatio caussarum majorum in falsis decretalibus proposita

§. IV. Sic proposita de caussis majoribus per pontifices doctrina in falsis decretalibus, quas Isidorus Mercator noni saeculi initio evulgavit, confirmatur, latius extenditur, & tamquam jure divino instituta, & consecrata exhibetur. Cujus hoc est pontificis, *dispositioni*, sunt verba Mercato-
ris sub Sisti II. nomine (a), *omnes majores ecclesia-
sticas caussas & episcoporum antiqua iudicia apo-
stolorum eorumque successorum atque canonum au-
thoritas reservavit*. Et sub Felicis I. nomine (b),
*semper dubia & majora negotia terminum ab hac
sancta sede a tempore apostolorum, qui eam suis
documentis instruxerunt, accipere consueverunt*.
Et ut plura hujus farsaris mittam, sub Marcelli
nomine ita impostor fatur (c): *nec ab ejus (se-
dis Romanae) dispositione vos deviare oportet, ad
quam cuncta majora ecclesiastica negotia, divina
disponente gratia, jussa sunt referri, ut ab ea re-
gulariter disponantur, a qua sumere principia*.
Quin ut eo fortius soli pontifici causas majores
Mercator adfereret, auctoritatem provincialium
synodorum deminutum ixit, vulgata sub vene-
rando antiquorum pontificum nomine doctrina,
synodos provinciales pontifice inconsulto haberi
non posse, nec episcopos eodem incio posse dam-
nari (d),

Re.

(a) *Epist. Sisti II. ap. Blondel. in Pseudo-Isido-
rop. 334.* (b) *Epist. Felic. I. apud eundem p.
363.* (c) *Epist. I. Marcelli ap. eundem p. 393.,
can. XV. C. 24. q. 1.* (d) *Can. VII. & IX. C. 3. q. 6.*

Reservatio causarum majorum qui recepta.

§. V. Verum enimvero quamvis magnificis verbis doctrina de causis majoribus jure divino sedi apostolicae reservatis sub nomine antiquorum pontificum proposita sit; non tamen statim in usum deducta est. Nimirum Gallicani episcopi diu canonicam vim novitatibus Isidorianis denegarunt, & pontificibus eas propugnantibus resistere (a). Quin sub Carolo Calvo Gallicani episcopi ad sensum non praebuere mandatis apostolicis, ut majora & difficiliora negotia sedi apostolicae decidenda referantur (b): quae mandata Anselmus Senonensis per Galliam & Germaniam sedis apostolicae vicarius proposuit. Sed lapsu temporis ubi episcopi Gallicani falsarum decretalium auctoritatem agnoverunt, sponte sua majores causae veluti pontifici reservatae coeperunt haberi. Accessit post saeculum nonum integra ferme cessatio synodorum provincialium, frequentes ipsorum episcoporum & metropolitaram ad Romanam sedem provocationes, & negligentia episcoporum jura sua minus strenue vindicantium. Eo quoque multum contulerunt legati sedis apostolicae, qui a tempore Nicolai I cum ingenti potestate per provincias magno numero missi, omnia ferme episcoporum atque metropolitaram jura ad se, atque adeo ad sedem apostolicam, traxerunt (c). Ita
per

(a) *Conf. superius dicta in proleg. cap. V. §. 4.*

(b) *Ap. Labb. coll. concil. tom. IX. col. 281.*

(c) *Conf. Gregor. Zallwein princ. jur. eccles. tom. I. q. 4. cap. 3. §. 4.*

per usum constabilita disciplina, quae causas majores sedi apostolicae addicebat, Innocentius III eam praerogativam ab jure divino derivare studuit, eoque retulit locum Deuteronomii, quo Deus in gravi difficultate ad summum sacerdotem ejusque concilium recurrendum disposuit (a): quo ipse veteris foederis oeconomiam non bene ecclesiae accommodavit.

Quae sint causae majores.

§. VI. Doctrina de causis majoribus uni pontifici reservatis constabilita, illud supererat, ut quae essent causae majores in specie definirentur: quod pontifices, praesertim Innocentius III, variis editis decretalibus fecerunt. Initio saeculi XIII jam per omnium ora volitabat juris regula, *majores causas maximos requirere judices*, & conveniebat, inter omnes judices ecclesiasticos praesertim pontificem eminere. Ergo inter causas majores relatae causae fidei, depositiones, translationes, renuntiationes, postulationes episcoporum, conjunctiones, & divisiones ecclesiarum cathedralium, exemptiones à potestate episcoporum, relatio in censum sanctorum, relaxationes canonum in causis majoris momenti, absolutio in gravioribus delictis, approbatio ordinum religiosorum, fundatio ecclesiarum collegiatarum, creatio novarum dignitatum, datio episcopalium coadjutorum, & hujus generis aliae, quas omnes Alteserra persequitur (b). Nos variis hujus operis locis multas ha-

ru-

(a) *Cap. XIII. ex. qui filii sint legitimi.*

(b) *Altesf. de jurisd. lib. X.*

rum caussarum exhibuimus; nunc tantum de causis fidei, judiciis contra episcopos, & relatione inter sanctos differemus.

Episcopi olim in quæstionibus fidei judicabant.

§. VII. Ut a primo exordiar, causæ ad fidem pertinentes etsi in veteri disciplina majores haberentur; non tamen summo pontifici erant reservatæ, sed ab episcopis agitabantur & decidebantur. Sane episcopi primigenii sunt in causis fidei judices, utpote qui ejus depositum ab apostolis acceperunt, & divina auctoritate regendis ecclesiis præponuntur. Quapropter ab initio ecclesiæ in nascentes errores hæresesq. sollicite inquisiverunt, & pro sua auctoritate in synodis, ut primum detexerant, confixerunt & damnarunt. Ita errores Eustachii in synodo Gangrensi, Pelagii & Caelestii in Milevitana damnati sunt, & in actis synodi Chalcedonensis Leonis papæ legati ad synodum referunt, *Eutychen regulariter damnatum a proprio episcopo Flaviano*. Errores quoque Gotescalchi monachi anno 1000XLVIII in concilio Moguntino, hæresis Berengarii anno 1012LV in synodo Turonensi, & novitates Abaelardi anno 1100CXL in Senensi damnatæ sunt. Quin observatum viris doctis, nullam pene hæresim per synodos generales olim damnatam fuisse, quam non prius episcopi decretis suis confodissent (a). Quæ quidem decreta sæpe tanti ponderis fuerunt, ut multæ hæreses eorum auctoritate sine ulteriori judicio extinctæ sint, ceteris nempe ecclesiis

fa-

(a) *Conf. Febron. de statu eccles. cap. IV. §. 2.*

factae damnationi adfentientibus, ut videre est in Eustathianis, Aërianis, Collyridianis, quos in provinciarum synodis damnatos, non legimus majori judicio inde confossos fuisse.

Quod inde summo pontifici reservatum est.

§. VIII. Integra multis saeculis stetit episcoporum auctoritas in tractandis fidei controversiis: at circa saeculum decimum falsis decretalibus sub nomine primorum pontificum per Occidentem receptis, & praesertim jam edita Gratiani concordia, quaestiones fidei, veluti majores & difficiles causae, ad sedem apostolicam reservari coeperunt. Hinc Romanae ecclesiae cardinales aegre passi sunt, episcopos Gallicanos in synodo Remensi anno CIOCLVIII contra Gilbertum Porretanum fidei symbolum condidisse, quasi nefarium esset quidquam ea de re citra pontificis auctoritatem statuere, *nulli fas est circa fidem quidquam determinare citra Romani pontificis auctoritatem*, quod fuse apud Baronium refertur (a); Eundo doctrina ista crevit, & tempore Innocentii III eo usque invaluerat, ut hic pontifex de baptismo parvulorum interrogatus praemittendum censuerit, *majores ecclesiae causas, praesertim articulos fidei contingentes, ad Petri sedem referendas* (b), tamquam quae ad unius sedis apostolicae judicium pertinerent; nam hoc sensu Innocentius verbum *referre* videtur usurpare. Hoc Innocentii responso in decretales auctoritate Gregorii IX collectas conjecto, *Inst. jur. can. T. VI.* X in.

(a) *Baron. ad an. CIOCLVIII. n. 16.*

(b) *Cap. III. ex. de baptis.*

inde concluderunt earum interpretes , ad solum Romanum pontificem spectare de causis dubiae fidei *judicialiter* decernere . Verum doctrinam hanc veluti traditioni apostolicae , & episcoporum auctoritati omnino adversam episcopi multi & praesertim Gallicani non admiserunt : & hinc de quaestionibus fidei deinceps cognoverunt & judicarunt , etsi contra Romani pontifices niterentur : quod pluribus Espenius probat (a) .

Causae contra episcopos in synodo provinciali tractatae .

§. IX. Porro causae episcoporum ex veteri disciplina in synodis provincialibus tractabantur , etsi illi gradu suo dejici , aut de una in aliam ecclesiam transferri deberent . Nimirum ubi ecclesia in paroecias & provincias tributa est , synodus provincialis proprium causarum omnium , quae contra episcopos moveri possent , auditorium evasit ; justum quippe visum fuit , causas illic tractari , ubi accusatores & testes facile haberentur (b) . Moribus haec disciplina primum invaluit , deinceps in synodo Nicaena confirmata est , edito canone , quo praecipitur , causas omnes in provincia exortas in provinciali synodo examinari & finiri debere (c) : quo quidem canone etiam causas contra episcopos comprehensas fuisse synodus Constantinopolitana , Innocentius I & patres Africani docent (d) .

Item

(a) *Espen. par. III. tit. 4. cap. 2.* (b) *Cyprian. ep. LV. edit. Pamel.* (c) *Conc. Nicaen. can. V.* (d) *Conc. Constantinop. I. can. II. , Innocent. I. ep. ad Victoric. cap. 3. , Can. CXXXVIII Cod. Afric.*

Item synodus Antiochena aperte habet, episcopum de criminibus accusatum in synodo provinciali debere judicari; tantumque illud addit, a metropolitano vicinae provinciae episcopos vocandos esse, ut simul in synodo judicent, si episcoporum provinciae suffragia in contrarias partes scindantur (a). Quibus aliisque similibus regulis consonat usus, quo constat, per plura saecula episcopos in provinciae suae synodis judicatos fuisse (b). Tantum in Africa & aliis paucis ecclesiis ad tractandas causas contra episcopos veluti extraordinaria synodus, quae duodecim episcopis constabat, cogeatur (c). Ingens erat in Africanis provinciis numerus episcoporum, ut permolestum esset in singulas criminales episcoporum causas provincialem synodum haberi: hinc si extra statum habendae synodi tempus deferri episcopum contingeret, episcopi duodecim cum primatu conveniebant (d).

Conones Sardicenses de judiciis contra episcopos 2

§. X. Disciplina veteris ecclesiae, quae habet, causas episcoporum in synodo provinciae primo judicio tractari & judicari debuisse, per patres Sardicenses quoque, sed non sine aliqua additione, confirmata est. Nimirum ad honorandam B. Perri memoriam statuerunt, ut si damnatus in synodo episcopus putaverit se bonam causam habere, ut iterum judicium reno-

X 2

ve.

(a) *Conc. Antioch. can. XV. & XIV.* (b) *Conf. Fleuryus dis. IV. in hist. eccles. n. 3.* (c) *Can. III. seq. C. 15. q. 7.* (d) *Conf. Christ. Lupus in dict. Gregorii VII. can. 25.*

vetur, scribatur ab episcopis, qui causam examinarunt, episcopo Romano: & si is putaverit iudicium renovari debere, renovetur, & quidem accitis a finitima provincia episcopis, quibus ille scripserit, vel misso pro ejus arbitrio a latere legato, qui cum episcopis sedeat & judicet (a). Haec est vera sententia canonum Sardinensium, quibus non appellationes a iudiciis synodorum decernuntur, sed potius Romano pontifici datur facultas decernendi, ut pro sapientia sua judicet, num latum iudicium iterum in provincia tractari debeat (b). Dum vero vult synodus, ut quo casu iudicium arbitrio pontificis debeat renovari, adhibeantur vicinae provinciae episcopi, dubio procul synodum provinciae non excludit, sed finitimi episcopi provincialibus adiunguntur, quod multis Dupinus probat (c). Fuit haec regula temporis accommodata, ut iudicii renovatione impetrata episcopi sublevarentur, qui ea aetate per Orientem haereticorum potentia & machinis in synodis opprimebantur, cujus rei in causa Athanasii elucet exemplum (d). Ceterum canones Sardinenses longo tempore nec in Occidente recepti sunt, quod in tractatu de appellationibus demonstrabitur.

Qua

(a) *Conc. Sard. can. III. & V.* (b) *Conf. Petr. de Marca de C. S. & I. lib. VII: cap. 3.*

(c) *Dupin diff. II. de eccles. discipl. cap. 1. §. 3.*

(d) *Conf. Richerius histor. concil. general. cap. III. n. 4.*

Qua ratione olim pontifices deponebant episcopos.

§. XI. Quamvis autem synodus provincialis ordinarium esset auditorium, in quo episcopi damnari & gradu suo dejici deberent; tamen in veteri disciplina aliquando contingebat, ut Romani pontifices omnium primi episcopos damarent: quorum judiciorum plura exstant exempla, sed instar omnium sit Nestorii causa. Nimirum ubi ecclesiae universalis fidem Nestorius nefaria doctrina corrumpere cœpit, Cyrillus Alexandrinus ad Caelestinum pontificem retulit, qui statim ac intellexit Nestorii doctrinam rectae fidei adversari, coacta synodo illum a communione sua, & ab ecclesia Constantinopolitana dejecit, nisi intra decem dies nefariam doctrinam ejuraret, cujus sententiae executionem Cyrillo & Joanni Antiocheno demandavit (a). Verum in causa Nestorii non ordinario judicio Caelestinus cognovit & sententiam dixit, sed potius quod causa ad sedem Romanam relata esset; & relatione in causis fidei accepta, summi pontificis hae profecto erant partes, ut statim haereses damnaret, & contumaces gradibus suis pellendos decerneret. Ceterum tamquam summum & supremum Caelestini judicium habitum non est; etenim pontificis sententiam Cyrillus amplexus est, non item Joannes Antiochenus & alii Orientales, qui Nestorium defenderunt. Hinc exortum dissidium, cui com-

po.

(a) *Conf. N. Alexander. symb. V. hist. eccles. cap. 3. art. 12.*

ponendo synodus Ephesina indicta est, quae Nestorium deposuit (a).

Causae metropolitaram patriarchis reservantur.

§. XII. Nec tantum episcoporum causae, verum etiam ipsorum metropolitaram in synodis provincialibus tractabantur: erat quippe metropolita princeps synodi provincialis, at ejusdem iudicio suberat, idque ex canonibus Nicaenis, qui totius provinciae administrationem synodo provinciali tribuerunt, quod synodus Constantinopolitana testatur (b). At institutis patriarchis, quorum auctoritas in plures provincias extendebatur, synodus Chalcedonenſis metropolitaram causas ad dioecesis exarchum, seu patriarcham deferri voluit. *Si clericus cum proprio vel etiam alio episcopo negotium aut litem habeat, a provinciae synodo iudicetur; si autem cum ipsius provinciae metropolitano episcopus vel clericus controversiam habeat, dioecesis exarchum adeat, vel imperialis urbis Constantinopolis thronum. & apud eum litiget* (c): quod deinceps alio canone eadem synodus confirmavit (d). Hujus mutationis causam eam fuisse Dupinus opinatur, quod metropolitani in synodis provinciae magna auctoritate pellerent, & difficile esset eos ibidem judicari; at satius erat novae disciplinae causam patriarcharum institutioni tribuere, quae metropolitanos majorum iudicum potestati ob.

(a) *Conf Dup. diff. II. de antiqua eccles. discipl. cap. 2. §. 3.* (b) *Conc. Constantinop. I. can. II.* (c) *Conc. Chalced. can. IX.* (d) *Conc. Chalced. can. XVII.*

obnoxios^{fecit}. Ceterum disciplina, quae habet, metropolitae apud patriarchas conveniri & judicari in Oriente, ubi multi erant patriarchae, facile obtinuit; non item in Occidente, ubi metropolitae etiam post synodum Chalcedonensem in synodis provincialibus judicati sunt (a): nimirum in Occidentis dioecesium praeter Romanum pontificem, cujus patriarchalis potestas praefectura Romana diu stetit inclusa, nulli alii erant proprie sic dicti patriarchae.

Praerogativa throni CP. in causis metropolitaram.

§. XIII. Verum enimvero synodus Chalcedonensis non absolute causas metropolitaram propriis patriarchis demandavit, sed pro conquerentium arbitrio metropolis vel propriis patriarchis, vel throno Constantinopolitano judicandos addixit (b): idque spectavit tantum ecclesias Orientales, non item Occidentales; nec enim umquam auditum est, causas metropolitaram Occidentis ad sedem Constantinopolitanam deferri potuisse. Haec praerogativa sedi Constantinopolitanae tributa est, antequam juribus patriarchalibus in Asianam & Ponticam dioeceses augeretur: quod demum postrema synodi Chalcedonensis actione factum est. Hinc eruditorum de hoc privilegio anceps judicium. Alii ambitum Anatolii episcopi Constantinopo-

li-

(a) *Conf. Dupin. de antiq. eccles. discipl. d. T. II. cap. 1. §. 4.* (b) *Cit. conc. Chalced. can. IX. & XVII.*

litani accusant, quasi eo spectantes canones ipse scripserit, & in synodo probari curaverit. Contra haeretici tanti privilegii ecclesiae Constantinopolitanae concessi praejudicio primatum pontificis tamquam a patribus Chalcedonensibus haud adgnitum deprimunt (a). Petrus de Marca (b) docet, sedi regiae urbis pro arbitrio conquerentium tributum fuisse de metropolitanis Orientis judicium, quod Constantinopoli erat synodus quaedam perpetua *ἐνδημῶσα* Graecis dicta, quae componebatur ex episcopis, qui ex omnibus provinciis in regiam urbem proficiscebantur. Ex diverso Dupinus (c) tenet, non omnium metropolitanarum Orientis judicium pro arbitrio conquerentium throno regiae urbis fuisse delatum, sed tantum duarum dioecesium Asiae & Ponticae, quas patres Chalcedonenses throno Constantinopolitano subicere destinaverant, quo tempore canones IX & XVII conditi sunt. Veri specie ablanditur illustrissimi archiepiscopi sententia; at mihi Dupini doctrina magis sapit. Sane canonum Chalcedonensium & ipsius patriarchatus Constantinopolitani magnus adfertor & vindex Justinianus causas contra metropolitanos apud proprios patriarchas judicandas edixit (d): quod profecto contra canones Chalcedonenses & praerogativas regiae urbis non statuisset.

Pon-

(a) *Bevereg. in cit. can. IX.* (b) *P. de Marca de C. S. & I. lib. VII. cap. 5.* (c) *Dupin. de antiq. eccles. discipl. diff. 11. cap. 1. §. 4.*

(d) *Novel. CXXIII. cap. 22. & novel. CXXXVII cap. 4.*

Pontifices sibi reservant causas de metropolit.

§. XIV. Interea etsi relati canones Chalcedonenses ad solum Orientem pertinerent, Romani pontifices metropolitaram Occidentis primam cognitionem sedi suae tribuere coeperunt. Certe Leo M. in synodo Romana causam Hilarii Arelatensis cognovit, eumque jure metropolitico spoliavit (a); itemque graviter objurgavit Anastasium episcopum Thessalonicensem, quod in causa Attici Epiri metropolitanae non prius sedem apostolicam consulisset (b). Quid novi profecto his judiciis inerat, sed concessio jam ecclesiae Arelatensi & Thessalonicensi apostolico vicariatu, Hilarius summo pontifici velut patriarchae subjectus evasisse videbatur, & causa Attici veluti major pontifici reservata videri poterat; supra enim observatum est, Anastasio Thessalonicensi vicariatum sedis apostolicae Leonem M. concessisse, majoribus causis exceptis, quas suae cognitioni reservavit. Ulterius deinceps progressi sunt Vigilius & Pelagius (c), qui etiam primam de episcopis cognitionem sedi Romanae tribuisse videntur, si illi ante synodi provincialis cognitionem ad Romani pontificis judicium provocarent. Inde Gregorius M. integram in causis episcoporum cognitionem synodis provincialibus reliquit, at primam metropolitano cognitionem sedi apostolicae reservavit.

Instit. jur. can. T. VI. Y iam

(a) Leo M. ep. X. ad episcop. provinc. Vienneſis. edit. Quesn. (b) Leo M. ep. XII. edit. Quesnel. (c) Vigil. ep. ad Eutherium, Pelag. ep. ad Joannem Constantinop.

tam docuit : *si contra metropolitanum aliquid causae habuerit, ob hoc sedis apostolicae petat iudicium, quod per canones antiquorum patrum est institutione permixtum* (a). Canones veterum patrum, quorum praeiudicio iura sedis apostolicae proferre voluit, procul dubio erant Chalcedonenses, etsi illi, non adhuc per totum Occidentem patriarchatu pontificis extento, vix sedi apostolicae convenirent.

Doctrina falsarum decretalium in causis episcoporum.

§. XV. Disciplina, quae habet, causas episcoporum in synodo provinciae judicari debere, per octo ferme saecula obtinuit; inde sensim mutata est, & in Occidente causae majores episcoporum inter apostolica iura transierunt. Tanta mutationis causam praecipue praebuerunt falsae decretales, quae initio noni saeculi opera Isidori Mercatoris sub nomine primorum pontificum in ecclesiae perniciem prodierunt. Nimirum in iis sub nomine Eleutherii, Julii aliorumque pontificum edicitur, non licere synodis provincialibus praeter sententiam pontificis Romani episcopos damnare, nec synodos provinciales habere. Videtur impostor novitatem de episcopis inconsulta sede Romana non damnandis hausisse ex litteris Julii ad Orientales (b), ubi pontifex contendit, consuetudinem esse, ut causae ecclesiarum apostolicarum, maxime Alexandrinae, si de deponendis eorum episcopis ager

(a) *Greg. M. lib. VII. ep. 8.* (b) *Ap. Athanas. apol. II.*

retur, cum papa & Romana synodo communicarentur, antequam synodi Orientales cognitionem de iis instituerent, ut magnae ecclesiae communi consensu componi possent. At impostor, quod in causis ecclesiarum apostolicarum Julius papa dixerat, ad omnes ecclesias & episcopos aptavit. Quid quod nulla videtur fuisse consuetudo, qua Leo contendit, causas ecclesiarum, quas apostoli fundaverant, communi consensu episcoporum Orientis & Occidentis componi debere? Videtur Julius consuetudinem illam exculpfisse ex facto clericorum Alexandrinorum, qui suspicantes; Dionysium episcopum suum de fide non recte sentire, eum ad sedem apostolicam detulerunt: quam accusationem scripta ad summum pontificem epistola Dionysius purgavit (a).

Causae contra episcopos pontifici reservantur.

§. XVI. Proposita in falsis decretalibus de episcopis sine auctoritate pontificis non judicandis doctrina longo tempore dubia haesit, nec usu recepta est. Nam Gallicani antistites, ubi animadverterunt, novis decretalibus jura metropolitanarum & synodorum provincialium labefactari, iis, quod non essent in codice canonum, (falsaria manus tum cognita non erat) canonicam auctoritatem denegarunt, & Romanis pontificibus Nicolao I & Hadriano II, qui eas propugnandas susceperant, resisterunt, nec aurem praebuerunt Nicolao, qui decretales illas obtru-

Y 2

de-

(a) *Conf. Petr. de Marca de C. S. & I. lib. VII cap. 4.*

debat *veluti tegmina totius ecclesiae catholicae* (a), quibus episcopi iudicia synodorum provincialium eludere possent. Deinceps in tuendis suis juribus segniores episcopi Gallicani facti sunt, & decimo exeunte saeculo earum auctoritatem adgnoverunt; consenserunt enim restitutioni Arnulphi archiepiscopi, qui in synodo Remensi an. 1000ccxcv suam sedem recuperavit tantum ob eam causam, quod absque consensu & auctoritate sedis apostolicae deponi minime potuerit (b). Tot bellorum tempestatibus & pondere novarum legationum fracta tum erat episcoporum libertas, quae deinceps desuetis ferme synodis provincialibus minor evasit. Ita non tantum receptum, episcopos in synodis praeter auctoritatem pontificis non posse damnari, verum etiam eorum causae primo iudicio ad sedem Romanam, tamquam majores, devolutae sunt. Qua demum recepta disciplina indictatu sub nomine Gregorii VII veluti certum proponitur, solum papam *posse deponere episcopos, vel conciliare* (c). Et inde Innocentius III magnificis profecto verbis docuit, non tam canonica, quam divina institutione depositiones, translationes & cessiones episcoporum uni pontifici esse reservatas (d).

Di.

(a) *Ep. XXI. tom. 3. concil. Gall.* (b) *Conf. Petr. de Marca de C. S. & I. lib. III. cap. 6. & lib. VII. cap. 25.* (c) *Dictat. Greg. VII. cap. 3.*
(d) *Cap. II. ex. de translat. epi, c.*

Distinctio inter causas episcoporum majores & minores.

§. XVII. Ceterum nova disciplina non omnes episcoporum causas, sed tantum majores summo pontifici addicit: quod jus exortum videtur ex antiquorum canonum & falsarum decretalium collatione. Nimirum canonum collectores, & praecipue Gratianus, codicibus suis & antiquos canones, qui generatim causas contra episcopos synodis provincialibus attribuunt, & falsas decretales, quae episcopum praeter pontificis auctoritatem non damnandum decernunt, inseruerunt. Hinc ad concordiam distinctum est inter causas majores, & minores, quarum illae pontifici reservatae sunt, haec synodis aut metropolitae relictae (a). Majores causae dictae sunt, quae depositione a gradu puniuntur; minores vero, quae mitiorem correctionem merentur. Hanc distinctionem Innocentius III non obscure probavit, qui tantum episcoporum translationem, depositionem & cessionem inter pontificis reservata recensuit (b): tandem vero synodus Tridentina jamdiu inductam disciplinam confirmavit (c): atque adeo causas criminales contra episcopos, quae depositione, aut privatione dignae sunt, tantum ab ipso pontifice cognosci & finire voluit; reliquas vero synodo provinciali, aut deputandis per eandem synodum judicandas reliquit. Verum hoc decretum in Gal-

(a) *Conf. Esphen. par. III. tit. 3. cap. 4.*

(b) *Cap. II. ex. de translat. episc.* (c) *Trid. sess. XXIV. de ref. cap. 5.*

Gallia receptum non est, utpote quod juri regio & ecclesiae Gallicanae privilegiis adversatur, quibus cavetur, ne quis etiam volens extra regnum a quovis & ex quavis causa in jus vocari, nedum condemnari possit. Ubi vero receptum est, reipsa tegmen episcopis peccantibus exhibuit; nam dum judex tam longe abest, episcopi ferme peccant impune.

Episcopi olim sanctos canoni inferebant.

§. XVIII. Venio ad jus referendi in censum & tabulas sanctorum christianos in pietate defunctos, quod recepto vocabulo *canonizatio* audit. In veteri disciplina cujusvis episcopi erat album sanctorum in sua ecclesia novis nominibus augere. Sane Cyprianus de coronatis sub ejus exilio martyribus clero suo respondit (a), *dies eorum, quibus excedunt, adnotate, ut commemorationem eorum inter memorias martyrum celebrare possimus*. Et S. Gregorius Thaumaturgus dispersam ethica persecutione populum post redditam pacem visitans, apud omnes ubique populos instituebat, ut nomine eorum, qui pro fide decertassent, dies festi atque sollemnes conventus celebrarentur, quod Gregorius Nyssenus testatur (b). Et Joannes Chrysostomus quosdam clericos ab Arianis trucidatos & miraculorum gratia post mortem coruscantes in sanctorum tabulas retulit, teste Sozomeno (c). Haec disciplina etiam saeculis octavo & nono ob.

(a) *Cypr. ep. XXXVII.* (b) *Gregor. Nyss. vit. Greg. Thaum.* (c) *Sozomen. lib. VII. cap. 15.*

obtrinebāt; capitularia enim regum Francorum aperte habent, sanctos de novo inventos nisi episcopo probante minime venerari (a). Consecrantes autem episcopi novos divos, saepe synodi provincialis auctoritate aut metropolitae sui assensu id faciebant: erantque propterea cultus isti sanctis decreti particulares, qui accedente totius ecclesiae consensu generales evadebant.

Populus novos sibi sanctos saepe fecit.

§. XIX. Ceterum vetus est in zelo & pietate excessus, quo christiani exciti sanctitatis & miraculorum fama, saepe falsa aut dubia, sine ulla episcopi auctoritate sanctos sibi parare consueverunt (b): qui morbus praesertim crevit, ubi quemvis inique occisum simplex plebs veluti martyrem coepit reputare. Ipsi episcopi aliquando vulgi simplicitatem confirmarunt, & tumultuariis sanctis auctoritatem praebuerunt; refert enim Sulpitius Severus (c) in loco, quem falsa hominum opinio veluti sepultis ibi martyribus sacraverat, episcopos altare constitui, quum tamen reapse latrō quidam eo loci sepultus jaceret. Praepostera ista pietas errori erat obnoxia, & nullo judicio sanctis omnia implebat. Sacra consecrari debere publica auctoritate pro prudentia sua olim Romani decreverunt, ne quid peregrinae religionis sine publica auctoritate in

(a) *Append. I. capitul. cap. 19.* (b) *Conf. Christi. sup. schol. in conc. IV. Rom. 14. S. Leon. IX. tom. 4. oper. edit. Venet.* (c) *Sulpit. sever. vit. S. Martini cap. VIII.*

in urbem inferretur (a). Curatius in vera religione procedendum erat, & nefas omnino erat vulgi judicio sanctos constitui. Ergo statuit synodus Francofordiensis sub Carolo M (b), *ne nulli novi sancti colantur, aut invocentur, nec memoriae eorum per vias erigantur; sed ii solum in ecclesia venerandi sunt, qui ex auctoritate passionum aut vitae merito electi sunt*, utique episcopi judicio. Et S. Anselmus in sua synodo statuit, *ne quis temeraria novitate corporibus mortuorum, quod contigisse cognovimus, sine episcopi auctoritate reverentiam sanctitatis exhibeat* (c). Providentia quoque episcoporum sanctis vulgaribus posita insignia aut monumenta saepe excisa sunt, ut occasio exhibendi cultus omnino tolleretur.

Canonizatio summo pontifici reservatur.

§. XX. Verum enimvero labentibus annis episcopi Occidentis jure faciendi divos ceciderunt, & quidquid ejus rei est sedi Romanae cecidit. Et quidem extra provincias sub urbicarias demum inclinante ad exitum saeculo decimo coeperunt Romani pontifices sanctorum cathalogum augere, quod Mabillonius & Papebrochius observant (d); nec enim exstat authenticum & certae fidei monumentum antiquius diplomate.

Joan.

(a) Conf. Bynkersh. *de relig. peregr.* (b) Conc. Francof. can. XLII. (c) Ap. Guiliel. Malmesburiens. (d) Mabillon. *præf. ad saecul. V. Benedicti*. n. 101., Papebroch. *conatu Cronico-hist. diff. XX. ad calc. vit. Joan. XV.*

in synodo veri iudices. Primus Eugenius III fuisse videtur, qui S. Henricum de potestatis plenitudine solus in suo consistorio inter caelites adscripsit, ea usus ratione, *quod Romanae ecclesiae auctoritas sit omnium conciliorum fundamentum*: quam rationem primus Eugenius in hac specie videtur usurpasse. Quod exemplum, inquit Christianus Lupus, *in sancto Eduardo & S. Thoma Cantuariensi Alexander III, & in aliis sanctis canonizandis alii pontifices sunt deinceps imitati*. Ita paulatim invaluit doctrinā, negotium de novis sanctis creandis solius pontificis iudicio inniti; consistorium vero & reliqua omnia ex praesenti usu adhiberi consuecta non ad vim ipsam actus, sed potius ad sollemnitatem pertinere. Superest tamen adhuc disciplinae veteris imago; nam antequam sollemni ritu & publico decreto per pontificem relatio inter caelites fiat, sollemne & publicum consistorium celebratur, ad quod quotquot episcopi Romae sunt, etiam conveniunt, non utique ad iudicandum, sed ad meram actus sollemnitatem, quod post cardinalem de Luca Espenius observat (a).

An miracula ad canonizationem requirantur?

§. XXII. Ceterum sanctorum consecratio non temere, sed satis maturo & in utramque partem discussio iudicio discernenda est, ut nempe prius constet de miraculis, quae Deus intercessione illius, cuius nomine album sanctorum

au.

(a) *Espen. par. I. tit. 22. cap. 7.*

augeri debet, patrare dignatus est, praesertim vero de bona vita & eximiis virtutibus. Et miracula quidem (modo constat vera esse miracula) sunt divinae potentiae ad nos loquela: atque adeo magni sunt ponderis in causis de sanctorum censu augendo; non tamen sunt evidens argumentum sanctitatis illius, cujus opera a Deo patrantur: saepe enim dignatus est Deus malorum hominum ministerio edere prodigia. Hinc illud Fulgentii episcopi Ruspensis, *mirabilia non conf-runt homini justitiam, sed hominum notitiam*. Et recte S. Petrus Damianus quibusdam ad S. Rudolphi episcopi sanctitatem credendam quaerentibus miraculorum testimonia respondit (a): *qui miraculum quaeris, nonne tibi videtur esse mirabile, hominem adhuc fragili carne circumdatum, angelitus vivere, adeo ut inter quamplurima hominum millia vix unum ejus similem valeas reperire?* Quis porro nescit, sanctorum eminentissimos Virginem Deiparam & Baptistam praecursorem (ut multos alios silentio praeteream) nullum in vita edidisse miraculum?

Eximiae virtutes ad canonizationem necessariae.

§. XXIII. Quaequum ita sint, dum agitur de augendis sanctorum tabulis, praecipue spectari debet sancta & integra vita omnium virtutum meritis condecorata: quae est evidens & nulli exceptioni obnoxium sanctitatis testimonium. Immo sancta usque ad finem vita inter miracula supremum merito censetur. Hinc ubi

Z 2

de

(a) P. Damian. ep. XIX.

de eximia defuncti iustitia & virtutibus constiterit, ecclesia etiam sine miraculorum testimonio procedere potest, & aliquando processit ad novos sanctos consecrandos, praesertim si de martyribus agatur. His enim ab ipso Jesu Christo singularis facta est regni caelorum promissio, ideoque professam in carcere fidem, & inde effusum pro ipsa sanguinem esse perfectam ipsorum gloriam seu iustitiam docet Cyprianus, & nihil aliud ad eos vindicandos requisivit (a). Verum, ut recte observat Christianus Lupus (b), *non quaevis, licet miraculis illustrata iustitia, ad canonizationem sufficit: esse debet eminens & ab omni etiam famae naevo immaculata*. Inter naevos vero, quibus aliquando factum, ne defunctorum aliqui, etsi virtutibus & miraculis clari, numero sanctorum adscriberentur, fuit fortis defensio jurium episcopaliū contra Curiae Romanae novitates. Ita Robertus episcopus Lincolnienſis inter sanctos relatus non est, quod adversus Curiae Romanae exactiones & pontificias beneficiorum reservationes acriter pugnaverit. *Hac de causa*, inquit Henricus Cnyghnotus (c), *quumvis Robertus perspicuis effulgeret miraculis, non est permissus canonizari*. Quo aliiſque similibus exemplis innixus Bailletus (d) observat, aliquando contingere, ut cathalogo sanctorum Romae non inserantur viri meritis & mi-

(a) Cypr. ep. XXXVII. (b) Lupus schol. in IV. conc. Rom. S. Leonis IX. (c) Cnyghnot. lib. II. cap. 16. Conf. Lupu loc. cit. (d) Baillet. praef. ad vitas sanctor. n. 90.

miraculis clari, quod Curiae Romanae molestiam aliquam sive factis, sive scriptis crearent.

Ritus in canonizatione adhibiti.

§. XXIV. Ritus & sollemnia in sanctorum consecratione adhiberi consueta non semper eadem in ecclesia fuerunt. Primis saeculis simplici plane ritu negotium istud procedebat: mortuo enim in carcere, vel in agone martyre, dies martyrii cujusque adnotabatur, nomen in diptycha ecclesiae inferebatur, ejusque memoriae, quotannis celebrandae causa episcopus sollemnem diem addicebat (a). Aliquando etiam condito martyre, vel confessore episcopus in beatitudinis argumentum ejus tumulo altare, vel sacram aedem imponebat (b). His ritibus inter caelites relati martyres dicebantur *vindicati*, ut habet Optatus (c), seu recepti & probati, quod Albaspinæus interpretatur. Mediis vero saeculis ubi episcopo de sanctitate defuncti constiterat, relatio inter caelites *elevatione* corporis seu reliquiarum super altare fieri solebat: qui ritus tum demum invaluit, ubi sanctorum reliquiae super altare ad publicum cultum exponi coeperunt. Hinc *elevare* corpus in mediorum saeculorum monumentis tantumdem est ac inter divos referre (d). Sed in praesenti disciplina jamdiu recepta magno caerimoniarum apparatus

tū

(a) *Cypr. ep. XXXIV. & XXXVII. edit. Pamel.* (b) *Conf. Altes. de jurisd. eccles. lib. X. cap. 10.* (c) *Optat. lib. I.* (d) *Balderic. Tornacens. lib. I. chron., Sigeber. Gemblac. ad ann. CIOCCX.*

tu & immensi expensarum mole servi Dei albo sanctorum inferuntur, eoque nomine negotium istud plane arduum & difficile evasit, etsi alioquin fuitus isti potius ad Romanae Curiae, quam ad sanctificationis negotium spectent. Hinc ad expensarum compendium aliquando divorum consecratio sola insertione nominis in Romanum Breviarium, aut speciali pontificis bulla & decreto cardinalium facta est: qua ratione divales honores Joannes de Marha & Felix Valerius meruerunt (a).

*Distinctio inter canonizationem &
beatificationem.*

§. XXV. Nova disciplina tamquam duos actus *canonizationem*, & sanctorum *beatificationem* distinguit: quarum ista est simplex interlocutio, quae dumtaxat alicui ecclesiae, provinciae, aut regulari ordini impartitur colendi defuncti facultatem: illa vero est sollemne decretum, quo defunctus tamquam sanctus toti ecclesiae proponitur, eique religiosum cultum exhibendum statuitur. Distinctio haec in veteri disciplina, qua omnis episcopus in sua paroecia sanctos elevabat, ignota fuit, & demum inventa videtur ubi relatio inter sanctos uni Romano pontifici cessit, quod Christianus Lupus fatetur (b). Et male profecto Gonzalez (c) tenet, inter haec duos iudicia semper fuisse distinctum,

fo.

(a) Conf. Baillet. *praef. ad vit. sanctor. n. XCIX.* (b) *Christ. Lup. schol. in conc. IV. Roman. S. Leonis IX. tom. 4. oper. E. V.* (c) Gonzalez, *in cap. I. ex. de reliq. & venerat. sanct.*

folamque canonizationem ab Alexandro III sedi Romanae fuisse reservatam : ut enim paullo ante vidimus, extra ecclesias suburbicarias primus Joannes XV inter sanctos Uldaricum episcopum Augustanum retulit. Interim etiam beatificationem Romani pontifices sibi jamdiu reservarunt. Sic vero canonizatione & beatificatione pontifici reservatis, vetuit Urbanus VIII, ne alicujus defuncti, etsi virtutum & miraculorum fama coruscantis, imagines aut quidquid venerationem aut cultum praeseferat, in ecclesiis, oratoriis, aut locis privatis ponantur, antequam inter sanctos aut beatos referatur (a).

An canonizatio errori obnoxia.

§. XXVI. Quaestio est inter doctores, etiam catholicos, an ecclesia, sive per synodum, sive per summum pontificem in sanctis consecrandis falli possit & labi. Multi graves theologi, in primis Melchior Canus & Veronius, adfirmant (b); ipsique decretalium interpretes post glossam docent, *accidere posse, ut ecclesia in canonizatione sanctorum erraret* (c). Nimirum in hac causa ecclesia hominum eorum testimoniis innititur, qui fallere & falli possunt; atque adeo non omnino certum & de fide potest esse judicium, quod non ex certis & exploratis argumentis hauritur. Ipsi pontifices etiam videntur agnovisse, se errare posse, dum christianos in pie-

ta-

(a) *Conf. Zypaeus consult. II. de reliq. & venerat. sanctor.* (b) *Melch. Canus lib. V. de loc. cap. 5., Veron. req. fidei cap. II. §. 7.* (c) *Gloss. in cap. I. ex. de reliq. & venerat. sanctor.*

tate defunctos iter caelites censent, olim enim antequam sententiam proferrent, protestari solebant; *quod per hunc actum canonizationis non intendebant aliquid facere, quod sit contra fidem, aut ecclesiam catholicam, aut honorem Dei*; quam formulam ex opere ecclesiasticorum rituum Christophori Marcelli Christianus Lupus (a) descripsit. Interim eadem glossa recte observat, preces in honorem non veri sancti fufas Deo acceptas & gratas esse, per fidem nempe & bonam voluntatem, unde promanant. Quin etsi haec omnia summo jure vera haberi possint, tamen pie credendum est, Deum non permissurum, ut ecclesia in tam gravi negotio erret, quae est S. Thomae sententia (b).

CAPUT IX.

De Conciliis generatim.

§. I. **H** Actenus de ecclesiastica potestate & foro competente; dicendum modo de iudiciis, per quos potestas ista exercetur & explicatur, de conciliis nempe, aliisque tum ordinariis, tum delegatis iudiciis. Nomine *concilii* in re ecclesiastica venit conventus catholicorum antistitum ad tractandum de fide & disciplina rite convocatorum. Notio ista propria est vocis concilii, Latinis enim concilium dictum

(a) *Christ. Lupus schol. in conc. IV. Rom. S. Leon. IX.* (b) *S. Thomas quodlib. IX. art. ult.*

tum videtur quasi *concalium a concalando*, hoc est convocando, quod omnes in unum locum convocentur (a): nam aliquin per translationem concilium locum ipsum, ubi conventus habentur, denotat. Quo sensu ecclesiae, quo christiani precaturi conveniunt, in antiquis monumentis saepe *concilia*, *conventicula*, *conciliabula* audiunt (b). Graecis concilium dicitur *σύνδος*, quod ex diversis locis in eandem viam locumque antistites coeant. Ita ab ecclesia tamquam pars a toto concilia differunt, nam ecclesia est totius christiani populi sub pastore suo, concilium vero tantum antistitum conventus. Etiam apud Romanos discrimen erat inter *comitia* & *concilium*, ut Caelius Felix apud Gellium observat (c), quod comitia conventum totius populi significabant ferendorum suffragiorum causa institutum: concilium vero si pars aliqua populi congregetur: non secus, ac apud Graecos *ἐκκλησία* populi concio dicebatur; *συγκλησία* concilium senatorum.

Species conciliorum . . .

§. II. Concilia ecclesiastica proprie sic dicta vel sunt universalia, seu generalia, vel particularia, seu localia. Universalia, quae Graecis *οἰκουμενικαὶ συνόδοι* audiunt, ex totius christiani orbis episcopis orthodoxis celebrantur, quibusque summus pontifex ordinario jure aut per se, aut per legatos suos praest. Particularia, quae

Inst. jur. can. T. VI.

A a

Grae.

(a) *Varro de ling. lat. lib. V.* (b) *Conf. Bingham. orig. eccles. lib. VIII. cap. i. §. 7.* (c) *lib. XV. noct. Attic. cap. 27.*

Graecis *τοπικὰ*, seu *μυρική* dicuntur, triplicis generis sunt, *dioecesana*, *provincialia*, & *episcopalia*. Dioecesana ab episcopis & metropolitibus unius dioecesis celebrantur; ita vero dicta sunt a *dioecesi*, quae olim praesertim in Graecis monumentis & in legibus civilibus plures sibi iavicem adnexas provincias denotabat. Prope accedunt ad synodos dioecesanas concilia regionalia, seu nationalia, quae deletio imperio Romano & mutata reipublicae forma in regnis Occidentis celebrari coeperunt, cujus generis sunt multa Gallicana & Hispaniensa. Provincialia sunt, quae episcopi unius provinciae praeside metropolitano celebrant. Episcopalia demum, quae hodie *synodi dioecesanae* audiunt, ab unoquoque episcopo accitis totius parociae parochis aliisque clericis, quibus conveniendi jus est, habentur. Media inter oecumenica & patriarchalia censentur, quae ex plurium nationum episcopis coalescunt, qualis Arelatensis I sub Silvestro & Sardicensis sub Julio, ad quas solius Occidentis episcopi convenerunt.

Synodi perpetuae.

§. III. Jam sunt aliae peculiare synodi, quae ad nullam recensitarum specierum commode referri possunt, quales erant synodi veluti perpetuae, & mistae seu regiae. Et quidem Constantinopoli perpetua veluti synodus morabatur, quae coalescebat ex episcopis, qui ob ecclesiasticas necessitates magno numero ex universo imperio in aulam Imperatoriam confluebant. Graeci synodum istam dicere solent *ἐνδημῶσαν*, quasi *perpetuam*, sive *popularem*, eique episcopus Constantinopolitanus praesidebat.

In

In ea difficiliores totius Orientis ecclesiasticae, caussae tractabantur, quas vel ipse imperator episcopo Constantinopolitano committebat, vel quas ipsi litigantes ad eum praesulem ultro defererebant; quod pluribus exemplis Thomassinus illustrat (a). Quin docet Petrus de Marca (b), ob synodi *ἐκδημίου* splendorem constituisse patres Chalcedonenses, ut pro conquerentium arbitrio metropolitani vel apud proprios exarchos, vel apud thronum Constantinopolitanum convenirentur (c). Romae quoque quotquot peregrini episcopi reperiebantur cum pontifice & clero convenire solebant, si qua gravis controversia occurreret, aut negotium aliquod expedire oporteret, cujus generis concilia multa in monumentis ecclesiasticis occurrunt (d).

Concilia regia seu mista.

§. IV. Regia seu mista concilia, quae *placita*, *colloquia* & *conventus* etiam dicebantur, non tantum ex regni optimatibus & comitibus, verum etiam ex episcopis & abbatibus coalescebant, ad res civiles & ecclesiasticas tractandas. Constantinopoli olim habitae sunt quaedam synodi, quae hos mistos conventus aliquatenus

A a 2 re-

(a) Thomass. de vet. & nova eccl. discip. par. II. lib. 3. cap. 43. (b) Petr. de Marca de C. S. & I. lib. VII. cap. 5. n. 9. (c) Conc. Chalced. can. IX. & XVII. (d) Conf. auctor tract. de studio concilior. Gallica lingua scripti, qui Parisiis an. Clg!jCCXXIV. prodit.

referre possint (a) ; at mista concilia in Occidente frequentiora facta sunt , ubi ex ruinis Romani imperii nova regna emerferunt . Nimirum haec fuit horum regnorum optima constitutio , ut publica negotia in optimatum conventu expediri deberent . Et quoniam episcopi & abbates summa veneratione erant apud populos , itemque quia propter feuda ecclesiis & monasteriis data inter regni proceres censebantur ; hinc sponte sua utrique in publica comitia acciti , natique inde sunt in Gallia & Hispania misti conventus , cujus generis profecto sunt multa Gallicana & Toletana concilia . Rex ipse conventum indicebat ; at non in omnibus causis universi deliberabant , siquidem ubi de rebus mere spiritualibus tractandum erat , tantum episcopi & abbates conveniebant , & regulas condebant ; contra in rebus mere temporalibus deliberabant soli proceres ; omnes vero simul conveniebant , si de causis mistis , hoc est ecclesiasticis simul & civilibus tractare oporteret , quod ex Hincmaro Remensi & concilio Toletano XVII constat (b) . Condita per synodos decreta principi debebant exhiberi , quae ille expendebat , & pro arbitrio confirmabat , aut retractabat (c) ; ubi vero jam confirmata erant , in Gallia capitularia audiebant . In regno Apuliae mistae synodi speciem redolet conventus praelatorum

(a) *Conf. Thomass. loc. cit. cap. 44.* (b) *Hinc. Remens. ep. III. cap. 35., conc. Tolet. XVII.*

(c) *Conf. Petr. de Marca de C. S. & I. lib. VI. cap. 25. n. 6.*

rum, comitum & baronum regni, qui anno CIOCCCLXXXIII in plano S. Martini habitus est, ubi Carolus II sex supra quadraginta capitula de juribus & immunitatibus ecclesiarum & clericorum condidit. Sed tandem in Gallia hi. missi conventus in ordinaria *parlamenta* abierunt, a quibus Propter assiduitatem in ecclesiis episcopi abesse coeperunt, nisi universae ecclesiae necessitas cogat (a).

Concilia sunt divinae institutionis.

§. V. Sunt vero concilia generatim sumta divinae institutionis & auctoritatis. Nimirum exorta inter Antiochenos christianos controversia de observanda ab ethnicis ad Christum conversis una cum evangelio lege Mosaica, apostoli Hierosolymis conventum habuerunt, ubi communibus suffragiis suborta quaestio decisa est (b). Id autem fecerunt apostoli, ut ecclesia normam haberet, quam in quaestionibus decidendis deinceps sequeretur. Nec enim tum temporis hoc conventu opus erat, quum singuli apostolorum, utpote divino spiritu afflati, propositam controversiam definire potuissent. Et profecto conveniebat ecclesiastico regimini per Christum instituto in plurimorum conventu res ecclesiasticas tractari: siquidem apostoli in solidum ecclesiae regimen & administrationem acceperunt (c); & si unus ceteris praeferri meruerit, id factum, ut ecclesia una monstraretur. Partitio ecclesiae in plures parvaecias de-
uni.

(a) *Conf. Thomass. loc. cit. cop. 47. n. 3.*

(b) *Act. cop. XV.* (c) *Joan. cop. XX. v. 21.*

unitate episcopatus nihil imminuit, sed tantum in rebus ordinariis & quotidianis gregis portionem singulis addixit, quae est Cypriani doctrina (a). Cujus institutionis & regiminis ecclesia conscia, ubi alicujus momenti negotia emergerent, semper concilia usurpavit, nil communi tractatione melius esse credens & ad fidem confirmandam & disciplinam ordinandam. Quo spectat illud Isidori, varias primis saeculis ideo exortas fuisse haereses, quod non semper episcopis licuerit in unum convenire (b). Nec alia ratione tenent viri docti, posteriore aetate multas novitates in ecclesia exortas, & disciplinam corruptam fuisse, quam quod concilia frequentari desierint.

Confutatur sententia Boëhmeri de origine conciliorum.

§. V. Sed contra apostolicam conciliorum originem & auctoritatem Justus Hennigiùs Boëhmerus insurrexit, qui totus in eo est, ut spirituales potestatem a Christo ecclesiae datam penitus infringat & pessumdet (c). Afferit, ergo ex mutua christianorum confoederatione conciliorum originem repeti debere. Nimirum ex hujus hominis sententia initio judicia in singulis ecclesiis mutuo pacto constituta sunt, & quidem a tota ecclesia exercenda. Quum vero ecclesiae in una quadam provincia collectae sensim coalescerent, contigit, ut judicia, quae ex con-

ve.

(a) Cypr. de unit. eccles. (b) Isidor. orig. lib. VI. cap. de canon. concil. (c) Boëhmer. in dissertationib. jur. eccles. antiqui diff. III. §. 7.

ventionē in singulis ecclesiis exercebantur , inde in communi conventu ecclesiarum unius ejusdem provinciae haberentur , si de rebus communibus tractaretur . Ita synodos provinciales fundamentum reliquis omnibus dedisse docet : ac porro negat , conventum apostolorum cum presbyteris ecclesiae Hierosolymitanae ad finendam de legalibus controversiam concilium fuisse ; siquidem quaestionem illam non pro potestate sua conventus Hierosolymitanus definivit , sed potius ex contendentium compromisso , qui sententiae apostolorum se staturos promiserant . Sed doctrina ista evangelio prorsus adversatur , quo constat , apostolis eorumque successoribus omnem potestatem ad res ecclesiasticas ordinandas datam fuisse (a) ; tantum abest , ut illa ex confoederata disciplina descendat . Et quamvis inter primaevos christianos confoederatio quaedam instituta sit , qua christianae religionis observantiam sanctius strictiusque promittebant ; tamen mutuis illis foederibus potestas ecclesiastica consolidata est , non inde manavit . Deinde ut detur , christianos Antiochenos in ecclesiae Hierosolymitanae sententiam compromisisse , (quamvis id aperte Lucas non dicat) causa tamen fuit , quod intelligerent , in conventu ecclesiastico exortas controversias esse decidendas . Verum itaque concilium conventus Hierosolymitanus fuit ; omnia enim acta sunt eo modo , quo in conciliis fieri solent & debent , & sol.

(a) *Joan. XX. 21., act. XX. 28.*

sollemni omnium consensu controversia finita est.

Episcopi primigenii conciliorum iudices.

§. VII. Primigenii iudices, unde sive concilia generalia, sive dioecesana, sive provincialia coalescunt, sunt episcopi, quibus regimen ecclesiae incumbit, & ligandi & solvendi potestas praecipuo jure competit. Hinc illud Theodosii junioris in litteris ad concilium Ephesium: *illicitum est, eum, qui non sit in ordine sanctissimorum episcoporum, ecclesiasticis imminisci tractatibus*. Quod si episcopi ire ad synodum impediuntur, integrum est vices suas aliis committere (a), Vicarii isti episcoporum ex presbyteris aut diaconis eligebantur, talesque esse oportebat, quos integra vita & scientia rerum ecclesiasticarum commendabat (b). Quin in synodo Constantinopolitana I Cyclus lector subscripsit nomine Atrabii provinciae Ponti Polemoniaci episcopi. Edixit quidem synodus Emeritensis in Lusitania anno 1561, ne episcopi vice sua ad concilium mittant diaconos, quibus inter episcopos sedere non licet (c); at canon iste nec in Hispania receptus videtur. Vicarii istorum nomine, a quibus mittebantur, sententiam dicebant; at in ordine sedendi non eadem fuit ecclesiae Orientalis & Occidentalis disciplina. Etenim in conciliis Orientalibus sedebant & subscribebant iisdem locis, quibus sedere & sub.

(a) Conc. Arelat. II. can. XVIII. seq., conc. Trullan. can. VII. (b) Avit. Viennens. epist. LXXX. (c) Conc. Emerit. can. IV.

subscribere debuissent illi, unde missi erant: contra in Occidentalibus post episcopos sederunt, & ab eis seorsum subscripserunt (a).

An presbyteri suffragium in synodis habeant.

§. VIII. Conciliis quoque, siue generalibus, siue particularibus etiam presbyteri; diaconi & inferiores clerici interesse consueverunt, eoque se conferebant, vel invitati, vel episcopos suos comitaturi. Et presbyteri quidem una cum episcopis etiam in confesso confidebant, sed vel a tergo episcoporum, vel in sellis demissioribus. Sic ad confessum presbyteri admissi sententiam dicebant, & eorum suffragium saepe plenum fuisse videtur (b): quod constat ex sedendi prae-rogativa & aliquae subscriptiones innuunt. Sane in concilio Romano sub Symmacho anno cccxc ita subscribunt, quasi in decernendo partem habuerint, veluti *Caelius Laurentius archipresbyter tituli S. Praxedis hic subscripsi, & consensi synodalibus constitutis* (c): & in concilio sub Gregorio II anno mcccxv, *Sisinnius humilis presbyter huic constituto a nobis promulgato subscripsi* (d). Et quae ratio impedit, presbyteros in synodis veros iudices sedere, quando in conventu de legalibus, una cum apostolis iudicarunt? Ceterum haec presbyterorum praerogativa deminui potuit: atque adeo saepe ad doctrinae, non ad iudicii suffragium admissi sunt; *Inst. jur. can. T. VI.* B b quod

(a) *Conf. Cabassut. notit. ecclesiasti. saec. I.*

(b) *Conf. Habert. not. in lib. pontif. Graecor. p. 175.* (c) *Ap. Justel. in biblioth. jur. canon. veter. pag. 259.* (d) *Ap. eundem pag. 272.*

quod tum praesertim factum putaverim, si ad sessionem non admitterentur, ut videre est in concilio Bracarenſi II, ubi tantum episcopi confidentes, presbyteri vero tamquam *praesentes* exhibentur. Quidquid vero hujus rei sit, in nova disciplina in conciliis presbyteri solo doctrinae suffragio donantur, tantumque in concilio Basileensi ad judiciale & plenum suffragium admissi sunt. Speciali vero privilegio censentur diaconi & presbyteri cardinales, qui in conciliis generalibus tamquam veri judices sedent. Nova enim disciplina cardinales omnes veluti summi pontificis collaterales exhibet, eorumque dignitatem supra ipsos patriarchas collocat.

Officia diaconorum & notariorum in conciliis

§. IX. Diaconi conciliis adstantes aderant, veluti turba ministra, atque adeo jure suffragii usque non sunt, etsi aliquando ex indulgentia, saltem in synodis particularibus, suffragium tulisse videntur, ut videre est in mox citato concilio Romano sub Symmacho, ubi eadem prorsus formula episcopi, presbyteri & diaconi subscribunt. Presbyteri quoque & diaconi scientia & eruditione praecellentes cum haereticis praesentibus disputabant, quo nomine Origenes Arabico, Malchion presbyter Antiocheno, & Athanasius diaconus Nicaeno interfuerunt (a). Adventantes item episcopos diaconi in concilium deducebant. Et archidiaconus clericorum & reliquorum fidelium querimonias ad synodum de-

(a) *Euseb. hist. eccles. lib. VI. cap. 37. & lib. VII. cap. 28. , Socrat. lib. I. cap. 8.*

deferēbat (a). Ex reliquis clericis, qui aderant episcopis suis ministraturi, multi erant notarii, qui per notas & compendia verborum celeriter scribebant, ut loquentium verba adsequerentur. Usus notariorum in ecclesia antiquissimus est; iique adhiberi consueverunt ad excipiēdas sententias & dicta quaedam orantantum prolata, quae ecclesiae institutioni & regimini poterant inservire (b). Ergo celeri scriptura excipiebant gesta martyrum, sermones celebriorum concionatorum & dicta omnia in actionibus conciliorum pronuntiata. Sed conciliis alterius generis aderant notarii, quorum id erat officii, tabulas publicas, citata testimonia, petitorias disceptationes, libellos supplices & hujus generis alia in concilio offerri legive solita, recitare. Et hi ferme diaconi, & interdum aliquis presbyter eorum princeps erat, inde *primicerius notariorum* appellatus (c).

Qui ex monachis iudices in conciliis sedent.

§. X. Monachi quoque conciliis adesse consueverunt, sed tamquam honorifici spectatores & testes, non ut iudices. In concilio Chalcedonensi quum catholici episcopi vidissent quosdam monachos & laicos, qui cum Dioſtōro venerant, ut concilio interessent, exclamarunt: *mitte foras superfluos: concilium episcoporum est*. Est contra canones profecto fecit Theodosius imperator, qui Barsumae archimandritae ad Latro-

(a) *Conc. Tolet. IV. can. 4.* (b) *Conf. Bingham. orig. eccles. lib. III. cap. 13. §. 5.* (c) *Conc. Ephes. act. I. in act. 1. conc. Chalced.*

cinium Ephesinum litteris suis accersito plenum suffragium decrevit (a). Hinc in antiquis conciliis si quando subscripserint abbates, non iudicantes id faciebant, quod probat diversa subscriptionis episcoporum & abbatum formula in concilio Constantinopolitano I usurpata. Illi enim subscribunt hae formula, *Basiliius episcopus. N. iudicans subscripsi*: hi vero subscribentes verbum *iudicans* omittunt. Quo subscriptionis discrimine constat, episcopos in conciliis adesse ut iudices, abbates vero sententiae episcoporum adhæsisse. Verum in nova disciplina abbates consecrati, & superiores generales ordinum pleno suffragio in conciliis generalibus utuntur, quod a tempore concilii Basileensis receptum est, ut Jueninus observat. Ubi spiritualis animarum cura & iurisdicção abbatibus, & praepositis generalibus accessit, incongruum visum non est, eos tamquam iudices in conciliis sedere.

Fideles laici conciliis praesentes.

§. XI. Praeterea synodis fideles laici interesse consueverunt. Certe concilio apostolorum de legalium controversia omnis fidelium multitudo adfuit (b), & in synodis deinde celebratis nobiles laicos & ipsam plebem praesentem fuisse universa testatur antiquitas (c). Ipsi viri principes & eorum magistratus synodis generalibus interesse consueverunt. Ita Constantinus M. Ni-

cae-

(a) *Conf. N. Alexand. hist. eccl. saec. V. cap. 3. art. 13. §. 8.* (b) *Actor. XV.* (c) *Euseb. lib. III. cap. 8., Leo M. ep. XCIII. cap. 16. ad Thub. Aſiuricenſi.*

caeno, Marcianus Chalcedonensi, Philippus Francorum rex Viennensi, Sigismundus imperator Constantiensi conciliis interfuerunt. Sed in Oriente principes aut eorum ministri synodis provincialibus aut patriarchalibus, quae ordinario jure habebantur, interesse non solebant, quod synodus octava generalis docet (a): *non interfuisse illos* (hoc est principes) *synodis, exceptis conciliis generalibus, invenimus*. Contra in Gallia & Hispania synodi praesente rege, aut ejus ministris saepe fiebant (b). Sed labentibus annis non omnibus promiscue fidelibus laicis concessum synodis particularibus interesse, idque fortasse ad turbas evitandas; invaluit enim mos synodos habere clausis ecclesiae januis, & ad conventum tantum admitti laicos, qui electione concilii interesse meruissent, ut synodus Toletana IV habet (c). Itaque in praesenti disciplina synodis provincialibus aut episcopalibus tum viri nobiles alique laici possunt adesse, si id consuetudo ferat, aut si a synodis ex aliqua justa causa invitentur, aut eorum praesentiam rerum adjuncta exposcant (d). Aderant vero imperatores alique fideles in fidei tractatibus & decisionibus, at ubi canonica de episcopis & clericis judicia tractabantur discedebant (e), qui mos praesertim in Oriente obtinebat.

Lai.

(a) *Cont. VIII. can. XVII.* (b) *Conf. Petr. de Marca de C. S. & I. lib. II. cap. 17. n. 3.*

(c) *Conc. Tolet. IV. can. 4.* (d) *Conf. Bened. XIV. de synodo dioecesi. lib. III. cap. 9. n. 5.*

(e) *Conf. Thomass. diff. XII. in conc. Chalced. n. 46. seqq.*

§. XII. Praesentes autem synodis principes aliique fideles non dicebant sententiam, sed potius discebant, itemque principes & magistratus ordinem conservabant, & ab episcopis dictatam fidem confirmabant. Et male profecto recentiores haeretici etiam laicis, saltem divinae legis peritis, suffragii jus in synodis esse contendunt. Sane in conventu apostolorum de legalibus convenit quidem omnis fidelium multitudo; at tantum apostoli & presbyteri sententiam dixerunt (a): nec audiendi sunt haeretici, qui in hac apostolorum synodo totam ecclesiam judicasse ajunt; nam nisi mens laeva fuisset, facile erat observare, universam ecclesiam judicasse, ubi actum est de mittendis fratribus, qui decretum ad Antiochenos deferrent, non item ubi tractabatur de principe controversia, quae tantum ab apostolis & senioribus definita est. Nec haereticos juvat, quod ex patrum sententia clavium potestas toti ecclesiae concessa sit; nam ejus usus & exercitium ad solos episcopos & presbyteros spectat, essetque profecto quavis ochlocratia pejor ecclesia, si christiani quilibet in usu clavium partem haberent. Hinc illud Ambrosii (b) *si conferendum est de fide, sacerdotum debet esse collatio*. Et Valentinianus imperator, teste Sozomeno (c), episcopis fidem Nicaenam restaurare sollicitis respondit, *sibi, qui unus ex lai.*

(a) *Act. cap. XV.* (b) *Ambros. ep. XXXII.*

(c) *Sozomen. lib. VI. cap. 7.*

laicorum numero erat , non licere se ejusmodi negotiis interponere .

Boëhmerus laicos de disciplina in conciliis judicasse docet .

§. XIII. At hic iterum nobis audiendus est Boëhmerus , qui ex confoederata disciplina , unde originem conciliorum derivat , etiam contendit , universam ecclesiam , atque adeo plebem , in consistoriis ecclesiasticis , incorrupta adhuc ecclesia , ubi de disciplina tractandum erat , judicem sedisse (a) . Provocat ad Tertullianum , qui conventum ad judicandum veluti ab universa ecclesia coactum , praesidentibus tamen senioribus , repraesentat (b) . Addit varia Cypriani loca , ubi etiam plebem in judiciis ecclesiasticis sedisse constat . Ita quum quidam presbyteri temere cum lapsis communicassent , nondum praestita satisfactione , Cyprianus voluit , ut interim prohiberentur offerre , acturi & apud nos & apud confessores ipsos & apud plebem universam causam suam , quum domino permittente in sinum matris ecclesiae colligi coeperimus (c) . Et ad fratres in plebe consistentes scribit (d) , fecerunt ad nos de quibusdam beati martyres litteras , petentes examinari desideria sua ; quum pace nobis omnibus a domino prius data ad ecclesiam regredi coeperimus , examinabuntur singula praesentibus & judicantibus vobis .

Sy-

(a) Boëhm. dissertationib. eccles. diff. III. §. 62. seqq. (b) Tertull. apol. cap. XXXIX.

(c) Cyprian. ep. XVI. edit. Amstelod. ann. 1713CC. (d) Cyprian. ep. XVII. ejusd. edit.

§. XIV. Haec & alia, quae in eandem sententiam congeruntur, speciosa quidem videri possunt, sed non evincunt, etiam plebem in conventibus ecclesiae pro jure suo cognovisse & judicasse. Libenter adfirmaverim, in judiciis de disciplina etiam laicos judicasse, sed id potius facto & indulgentia, quam jure factum dicendum est. Nimirum quando adhuc persecutionis aestus effervescebat, temporis ipsa ratio postulare videbatur, ut in omnium conventu fontes judicarentur: nec enim facile sperari poterat, ut excommunicati tanquam ethnici & publicani ab omnibus haberentur, & semel ejectos iterum omnes admitterent, nisi crimina universae ecclesiae innotescerent, aut ipsa judicaret, quod Rigaltius observat (a). Sane aperte ex ipso Cypriano constat, plebem ad judicandum convenisse, quod ipse ab initio episcopatus constituisset, omnia in conventu tractare, non quod illa ab origine potestate judicandi polleret: *quando a primordio episcopatus mei statuerim, nihil sine consilio vestro* (scribit presbyteris & diaconis) *& sine consensu plebis mea privatim sententia gerere; sed quum ad vos per Dei gratiam venero, tunc de iis, quae gesta sunt, sicut honor mutuus poscit, in commune tractabimus* (b). Et quis porro sibi persuadeat, sub Cypriano plebem in ecclesiae consistoriis pro jure cognovisse, quando Cyprianus universam ecclesiae potestatem

pe-

(a) *Rigalt. in epist. XIV. Cypr. ejusd. edit.*

(b) *Cyprian. ep. XIV.*

penes sacerdotes jure divino esse saepe docet , & quidem veteris sacerdotii exemplo , ea tantum differentia , quod Judaici sacerdotes gladio externo , christiani spirituali utantur (a) . Vidit Boëhmerus (b) difficultatem , atque varium in hac re fuisse S. Martyrem , & una manu plebi jus suum tribuisse , altera denegasse . At quid facies homini , qui Cyprianum laudat , ubi systemati suo consentit , eundem sibi per omnia adversum repudiat ?

Negotia in synodis tractanda .

§. XV. Quae in synodis ecclesiasticis tractari debent , ad tria ferme capita reducuntur , fidem nempe , disciplinam , & judicia , sive criminalia , sive civilia . Ante omnia vero quae fidei sunt , ex antiquis regulis tractantur & finiuntur , tum ad disciplinam devenitur , quod Pelagius II scribit ad Eliam Aquilejensem . Dogmata fidei digeri & formari consueverunt per *διατυπώσεις* , sive descriptiones , exponi vero per symbola , seu formulas fidei & synodicas epistolas , aut etiam per anathematismos adversus haereticos (c) . Sed quae ad disciplinam pertinent , canonibus proposita sunt , licet synodus Tridentina etiam canonum nomine anathematismos contra haereticos evulgarit . Haec duo adeo synodis inerant , ut imperfecta synodus antiquis videretur , quae nullos de disciplina canones edidisset , ut constat ex synodo Trullana , quae

Inst.jur.can.T.VI. C c ce-

(a) *Cyprian. ep. III. IV. & LIX. ejusd. edit.*

(b) *Boëhm. loc. cit. §. 66.* (c) *Conf. Doviati. praenot. lib. II. cap. 1. n. 3.*

celebrata est tantum ad canones condendos, quos, constabilita fidei doctrina, synodi quinta & sexta generales omiserant, & hinc illa *quini-sexta* dicta est, quasi quae ad earum supplendum defectum coaluerit. Ceterum ubi potestas ecclesiastica a patribus positos fines egressa est, concilia in Occidente celebrata etiam res civiles ventilare & decernere coeperunt, vel quia illae ad religionem ampliandam spectare, vel quia peccati materiam continere, vel quia spiritualibus adnexae viderentur. Res fidei in synodis generalibus definitae omnino certae sunt, at decreta circa disciplinam non semper meliora continent, quod praesertim synodos recentiores spectat. *Concilia* generalia, inquit Didacus Payva Lusitanus, unus ex celebrioribus Tridentinae synodi theologis (a), *in dogmatibus fidei non possunt errare: circa leges ad ecclesiam componendam latas possunt errare, & non semper salubriora statuunt*. Sed moribus jamdiu receptis synodi provinciales & episcopales de rebus fidei ferme nihil tractant, & judicia extra synodos agitantur.

Locus habendis conciliis.

§. XVI. Ordinarius autem habendis conciliis ecclesiasticis locus ecclesia est. Et profecto ferme omnes tam generales quam particulares synodum in ecclesiis coactae sunt, quod multis addu.

(a) Payva defens. Trid. fidei lib. I. de concilior. general. auctorit.

ductis exemplis Mendoza illustrat (a). Inde intelligitur illud Leonis M., qui *coram beatissimo apostolo Petro*, hoc est in ecclesia S. Petri, confessus ecclesiasticos haberi scribit (b). Nomen vero ecclesiae latiore sensu in hac causa accipitur, ut etiam exedras, seu aedificia ecclesiae, adjacentia, complectatur. Ita in basilicae secretario, quod inter exedras magnum erat aedificium, concilia Carthaginensia tertium, quartum, quintum & sextum habita sunt: quo factum recte observat Cangius, ut ipsae conciliorum sessiones *secretaria* dicerentur (c). Item in baptisterio Sophiano acta concilia in synodo Chalcedonensi proditum est (d). Et Leo Allatius nonnulla concilia in catechumenis celebrata recenset (e): quo etiam loco synodum VIII celebratam ex Niceta aliisque Cangius demonstrat (f). Erant vero catechumenia porticus in altum ecclesiae elaboratae, in quibus mulieres a viris secretae confidebant, psalmodiam & Dei verbum auscultaturae. Ecclesia autem habendis synodis provincialibus & episcopalibus est ipsa ecclesia metropolitana & cathedralis, quamvis ex causa etiam in aliis provinciae aut paroeciae ecclesiis possint haberi. Ceterum etiam extra

(a) Mendoza not. in conc. Illiberit. cap. IX.

(b) Leo M. in decret. cap. XIII. (c) Cang. comm in Paul. Silentiar. (d) Conc. Chalced. act. I. (e) Leo Allat. de consensu lib. II. cap. XI. seq. (f) Cang. descript. aedis Sophianae ad calcem Cinnami n. 38.

ecclesiam synodos licet habere, ut constat ex synodis sexta & quini-sexta, quae Constantino- poli in regiarum aedium loqueato cubiculo, quod *trullus* vocabatur, celebratae sunt (a).

Ordo & forma confessus in synodis.

§. XVII. Sollemni vero forma rituque concilia haberi consueverunt, ut ordine omnia fierent, & dignitas confessus servaretur. Praecedente indictione episcopi ceterique, quibus suffragii, conveniendive jus est, in locum synodi celebrandae statim die conveniunt. Confessus in coronae formam instituitur (b), ubi episcopi primo ordine sedent, servata ecclesiarum & ordinationis suae praerogativa: nobiliorem vero locum occupat, qui synodo praest. Et si in synodis generalibus olim Romani pontificis legati a sinistra parte federint; id factum est, quod ex moribus Romanis pars sinistra dignior haberetur (c). Sed in praesenti disciplina ad utrumque pontificis latus adsident cardinales, etsi non episcopi; ut sunt enim praesentes mores, cardinales supra patriarchas reputantur. Post episcopos in synodis generalibus abbates sic dicti mitrati sequuntur, ac deinceps generales ordinum praepositi. Presbyteri a tergo episcoporum sedent, diaconi & reliqui clerici adstant; at in synodis unius episcopatus presbyteri uno confessu cum episcopo locantur; & quidem ex veteri disciplina secundum ordinationis tempus; novis mo-
ri-

(a) *Conf. Cabassut. not. ecclesiast. saeculo I.*

(b) *Conc. Tolet. IV. can. IV.* (c) *Conf. N. Alexander saecul. IV. diff. XII.*

ribus, qui jurisdictionem aut dignitatem obtrinent, ceteris praeferuntur; inde parochi sedent, sed secundum tempus, quo paroeciis praefecti sunt (a). Omnes vero sacris vestibus & cuique ordini propriis confectum exornant. Suo quoque loco sedebant imperatores, aut magistratus ab iisdem retinendi ordinis causa delegati. Ita Constantinus M. in medio synodi Nicaenae confedit (b); & in Chalcedonensi magistratus ante altaris cancellos medii inter Romanos legatos & Dioscorum Alexandrinum locum habuerunt. In medio confectus sacer thronus collocari consuevit, cui duo codices impositi, evangeliorum unus, alter canonum, ut ad eos, veluti ad Lydios lapides, hinc fidei dogmata, inde morum & disciplinae regulae explorari possent. Reliquiae quoque & imagines sanctorum ad synodos delatae, ut confectus sacratior videretur. Sic disposito conventu funduntur preces, & tum actiones conciliares incipiunt.

Negotia quomodo in synodis tractanda & finienda.

§. XVIII. Verum enimvero ut omnia in conciliis recte procedant, & sancti spiritus lumen adfulgeat, plura servanda sunt. Principio (I) omnia ad normam scripturae & traditionis expendenda; spiritus quippe sanctus non nisi facta inquisitione episcopis una coactis adfuit: qua in re synodus apostolorum de legalibus prae-

(a) *Conf. Benediēt. XIV. de synodo dioecesi. lib. III. cap. 10.* (b) *Euseb. lib. I. de vita Constant. c. p. 44.*

praeluxit, ubi magna facta inquisitione decretum editum est *(a)*. Patres II, quoque sincero veritatis & religionis zelo convenire & tractare debent, meru, fraude & humanis affectibus prorsus rejectis; si enim humanis affectibus patres agantur, Christus non adest. Hinc synodi Ariminensis & Latrocinii Ephesini nulla auctoritas fuit, quod in illa per fraudem dubia fidei formula patres decepti sunt; haec vero nullo ordine & per vim a Dioscoro factam omnia tractavit. Pleraque quarti saeculi concilia humanis affectibus agitata fuerunt, de quibus accipendus Gregorius Nazianzenus, qui ait, se nullius concilii finem laetum faustumque vidisse, quin potius ea ad malorum incrementum ansam praebuisse *(b)*. Nec posteriora concilia omnia humanis affectibus libera fuerunt, ubi de disciplina emendanda agebatur. Decreta demum (III) ad fidem pertinentia unanimi patrum consensu proferenda sunt; *neque enim in fidei decretis*, inquit Bossuetus *(c)*, *quid privati quique seorsim sentiant, sed quid communis traditio omnes doceat, attendendum est*. Unanimis vero patrum consensus habetur, si ferme omnes in idem consentiant; nec enim paucorum dissensus universitati pondus detrahit *(d)*. Hinc ubi de fide agitur, locus non est regulis, quas in electionibus servari canones jubent.

Con.

(a) *Athor. XV. 7.* (b) *Nazian. ep. LV. ad Procop.* (c) *Bossuët defens. cleri Gallic. lib. I. cop. 2.* (d) *Conf. Febron. de statu eccles. cop. VI. §. 8. n. 9.*

CAP. IX. DE CONC. GENERATIM: 207
*Conciliorum actiones, acta & qui data
suffragia.*

§. XIX. Res omnes, five ad fidem, five ad disciplinam pertinentes, de veteri more in ipso publico confessu tractabantur, confessusque ipse disputantes partes audiebat. Si res decidenda facilis esset, uno confessu synodus finiebatur: at si plura capita discuti deberent, eaque difficilia, synodi in plures actiones, seu ut recentiores loquuntur, *sessiones* dividebantur. Aderant notarii, qui dicta omnia scripto excipiebant, & inde exorta sunt conciliorum acta. Suffragia dabantur vel pedibus eundo in sententiam, vel manus porrigendo, ut plurimum vero per acclamationes. Ubi episcopus aliquis loquebatur, eique omnes assentiebantur, dicentis nomine omisso, notarii scribere solebant *sancta synodus dicit*: & ubi plerique in idem conveniebant, scribebatur, episcopos exclamasse, aut adfirmasse: & res ita dictae tanquam definitiones habebantur. Quod si in contrarium etiam disputaretur, disputantium nomina & opinioniones etiam notarii excipiebant, iudices vero, aut praesidentes decidebant (a). Sed labentibus annis, fortasse ad faciliorem materiarum expeditionem, placuit, res in synodis definiendas prius secreto tractari & in ordinem redigi. Hinc natae in conciliis congregationes, in quibus a selectis viris doctrinae aut disciplinae capita discutuntur & ordinantur. Et quoniam in particulares congregationes non omnes conveniunt,

an.

(a) *Conf Sarpus lib. II. hist. conc. Trid. n. 30.*

ante sessionem institui coepit congregatio generalis, ut omnes intelligant res digestas, & respondent, si quid minus placeat. Quae quidem generalis congregatio ex veteribus regulis veram synodum exhibet. Inde sollemnis sessio celebratur, in qua precibus praemissis decreta sine ulla contradictione leguntur & probantur; inde in acta referuntur, omissis tractatibus, qui in congregationibus habiti sunt.

Subscriptiones conciliorum.

§. XX. Concilia de veteri more, etiam posteriori aetate retento, per acclamationes finem accipere consueverunt, easque patrum subscriptiones sequuntur. Subscriptiones eo ordine institutae, quo patres in synodis federant (a): ante omnes vero subscripserunt pontificis legati, licet presbyteri & diaconi essent. Qui vicaria alterius opera conciliis aderant, illius nomen, unde missi erant, addebant. Episcopi initio nomen suum & ecclesiae, cui praefecti erant, apposuerunt: inde subscribentes *Dei gratia* vel *Dei misericordia* se episcopos professi sunt: & aliquando in singularis modestiae & humilitatis argumentum se dicebant *humiles*, *indignos*, *minimos*, *peccatores*. Subscriptiones, quibus haeretici damnabantur, aliquando factae sunt calamo Christi sanguine intincto: qua ratione Theodorus papa Pyrrhi monothelitae damnationi & inde Photii depositioni episcopi subscripserunt. Ritus iste Graecis peculiaris fuit, illumque adhibuit Theodorus papa, quod Graecus ho-

(a) *Gregor. M. lib. VII. ep. 112.*

homo erat (a). Miſſa item ſunt concilia ad epiſcopos abſentes, ut illis ſubſcriberent, & aliquando etiam ad monachos ſanctitatis laude inſignes (b): ſubſcribentes vero monachi confeſſionem ſuam ſynodorum definitionibus congruam teſtabantur. Ipſi quoque imperatores conciliis non ſemel ſubſcripſerunt, non quidem tamquam iudices in cauſis fidei, ſed tamquam ſynodaliſus decretis adhaerentes, eaque confirmantes.

Synodi non omnes ſunt ejusdem auctoritatis.

§. XXI. Iam non omnes ſynodi ejusdem ponderis & auctoritatis ſunt, idque propter variam eorum, qui eas celebrant, poteſtatem. Auctoritas ſynodorum oecumenicarum per univerſam valet eccleſiam dioceſanae dioceſi, provinciales provincia, epiſcopales epiſcopatu includuntur. Sed non tantum ſinibus, verum etiam doctrinae pondere particularia concilia oecumenicis cedunt; quin ex Auguſtini ſententia ipſa concilia plenaria priora poſterioribus cedunt, quum aliquo experimento cognoscitur, quod latebat (c). Quae doctrina ſi de conciliis plenariis ex orbe univerſo intelligatur, ad res diſciplinæ reſtringenda eſt: nec enim puto, tenuiſſe Auguſtinum etiam in fidei dogmatibus oecumenica concilia priora a poſterioribus emendari. Bene Iſidorus, *quotieſcumque diſcors ſententia invenitur in geſtiis conciliorum, illius concilii magis teneri ſententia debet, cujus aut anti-*
Inf. jur. can. T. VI. D d quior

(a) *Conf. Chriſt. Lupus diſſ. de ſexta ſynodo gener. tom. 3. oper. E. V.* (b) *Evagr. lib. II. cap. 9. ſeq.* (c) *Auguſt. lib. II. de bapt. cap. 3.*

quior, aut potior existat auctoritas (a) Inter generalia concilia praesertim eminent quatuor priora, Nicaenum nempe, Constantinopolitanum, Ephesinum & Chalcedonense, quae & Gregorio M. ipsis quatuor evangeliiis comparantur (b), eorumque dogmata sicut sanctas scripturas accipi, & regulas pro legibus observari ab Justiniano statutum est (c). Quod si synodi particulares majori auctoritate probentur, aut ab aliis ecclesiis recipiantur, tum limitata eorum potestas ulterius producitur, adeo ut aliquando universam ecclesiam obligent.

C A P U T X.

De Synodis episcopalibus.

Synodus episcopi distat a presbyterio.

§. I. **S**ynodus episcopalis, seu *diocesana*, ut passim appellatur, est conventus presbyterorum & clericorum unius paroeciae ab episcopo indictus, in quo de rebus ad curam pastorem pertinentibus agendum & deliberandum est. Ita descripta synodus diversa est a presbyterio, erratque profecto Espenius, qui ea duo confundere videtur (d). Presbyterium quippe ex solis presbyteris & diaconis civitatis constabat

(a) *Can. XXVIII. D. 50.* (b) *Gregor. M. lib. I. ep. 24. ap. Grat. can. II. D. 15.* (c) *Novel. CXXXI. pr.* (d) *Espen. par. I. tit. 18. cap. 1*

bat, eratque veluti perpetuus & stabilis senatus, qui episcopo negotia ecclesiastica tractanti adhaerebat (a): quo spectat Hieronymus, dum ait (b), *nos habemus senatum. nostrum coetum presbyterorum*: synodus vero ex totius paroeciae presbyteris & clericis coalescit. Abbates quoque ad synodum episcopi pertinebant (c); nec tamen illi umquam in presbyterio locum habuerunt. Quod si apud veteres scriptores synodus episcopalis aliquando *presbyterium* dicatur (d); id non arguit ab ordinario ecclesiae senatu distinctam non fuisse: nomen enim *presbyterii* origine sua generale est, & synodo totius paroeciae, quae amplius & augustius presbyterium componit, recte convenit.

Qui synodum episcopalem possunt habere.

§. II. Celebratio synodi dioecesanæ pars est spiritualis potestatis & jurisdictionis, quam Christus ecclesiam armavit suam. Ita synodum indicit celebratque episcopus (e), & quidem etiam antequam consecratur, modo confirmatus sit (f). Nimirum in nova disciplina episcopi potestatem ecclesiae administrandae, quam dicunt *jurisdictionis*, per confirmationem accipiunt. Praelati quoque inferiores, qui dioecesim separatam & quasi episcopalem jurisdictionem

D d 2

nem

(a) *Conf. dict. par. I. cap. 16. §. 4.* (b) *Hieronym. in cap. II. Isaiae.* (c) *Can. XVI. D. 18.*

(d) *Siric. papa ep. II. op. Harduin. tom. I. concil. col. 832.* (e) *Can. XVI. D. 18.*

(f) *Conf. Bottus de synod. dioeces. par. I. n. 26. seq.*

nem habent, etiam synodum cogere possunt, modo expresso sedis apostolicae privilegio ad synodum habendam augeantur, & privilegium in usum deductum sit (a). Item vicario capituli seculi vacante jus est synodi cogendae, modo annus dilapsus sit a synodo per episcopum celebrata (b). Sede enim vacante capitulum jure ordinario ecclesiam regit, exercetque omnia, quae episcopalis jurisdictionis sunt, non item quae sunt ordinis. Carent vero jure habendae synodi episcopi annulares, seu titulares, qui in nudum episcopi nomen ordinantur, & reapse nulli ecclesiae praesunt. At vicarius generalis tum synodum indicit, celebratque, si speciali episcopi mandato donetur (c).

Qui clerici synodo episcopali debent interesse.

§ III. Non minus clerici, quam abbates ad synodum episcopalem vocandi sunt (d). Et clerici quidem in veteri disciplina erant praecipue parochi, qui generali *presbyterorum* nomine ad synodum vocantur, eique praesentes exhibentur (e). Synodus episcopalis ad curam animarum promovendam celebratur, atque adeo ad eam praecipue debent convenire, quibus aliqua dominici gregis portio commissa est, ut collatis sententiis irrepentes abusiones extirpentur. Una cum parochis & reliqui clerici etiam con-

ve-

(a) *Conf. card. Petra tom. V. sect. 2. n. 104. §. 9.* (b) *Conf. Bened. XIV. de synod. dioec. lib. II. cap. 9. n. 6.* (c) *Altofer. de jurisd. eccles. lib. V. cap. 5.* (d) *Can. XVI. D. 18.* (e) *Conc. Antistiodor. an. 1588. can. VII.*

veniebant, praesertim vero presbyteri & diaconi civitatis, qui ecclesiae senatum componebant. Sed in nova disciplina praeter parochos ex doctorum placitis ad synodum vocandi sunt etiam clerici, qui dignitatem; aut personatum obtinent, item vicarius generalis, quem etiam praesente episcopo synodo adesse decet, & expedit; item sic dicti vicarii *foranei* (a), qui in pagis & oppidis episcopatus constitui solent, ut in causis levioris momenti jus dicant. Vocari quoque debent ex receptiori sententia ad synodum ecclesiae cathedralis canonici, qui senatum ecclesiae repraesentant. Alii quoque ecclesiae cathedralis beneficiarii vocati synodo possunt & debent interesse, eoque etiam vocandi canonici collegiatarum ecclesiarum, itemque reliqui dioecesis beneficiarii & clerici, si id receptae consuetudines habeant, aut de rebus ad universum clerum spectantibus tractandum sit (b).

Exemplum quando synodo episcopali adesse debeat.

§. IV. Abbates quoque, seu monachorum superiores ad synodum dioecesanam pertinebant, erant enim episcopo subiecti (c), eisque de spirituali monachorum cura rationem reddere tenebantur. Non tamen simul cum presbyteris monachi conveniebant, sed in aliquibus ecclesiis duae per annum synodi habebantur, una medio Majo, ad quam omnes presbyteri, altera

Ka-

(a) *Conf. Bened. XIV. de synodo dioec. lib. III. cap. 3.* (b) *Benedict. XIV. loc. cit. cap. 6*

(c) *Can. XVI. C. 18. q. 2.*

Kalendis Novembris, ad quam omnes abbates conveniebant (a). Quod si synodus Turonensis decernat, non cogendos abbates, ut ad synodum veniant, nisi ex rationabili causa (b); id ita intelligendum docet Alteserra (c), non esse cogendos abbates iterum in anno venire ad synodum, si forte extra ordinem convocetur, nisi rationabilis causa postulet. Sed ubi monachi ab episcopali jurisdictione exempti sunt, obligatio abbatum conveniendi ad synodum nulla esse coepit, nisi monachi ecclesias paroeciales, & decimas haberent, quia harum nomine de spiritualibus episcopo reddere rationem cogebantur. Ceterum ex novis Tridentinae synodi regulis exempti omnes in dioecesi existentes, qui capitulis generalibus non subduntur, ad synodum accedere tenentur: quin ratione paroeciarum & aliarum ecclesiarum saecularium etiam annexarum, qui illarum curam gerunt, etiam monachi capitulis generalibus subiecti, synodo interesse coguntur (d). Quicumque vero adesse debent, etiam exempti, ad officium poenis canonicis ab episcopo recte compelluntur (e).

Quoties synodus episcopalis celebranda.

§. V. Jam ex veteris disciplinae regulis episcopalis synodus bis in anno habenda est, idque ad exemplum synodi provincialis, cujus decreta

(a) *Cit. can. VII. conc. Antistod.* (b) *Can. XI. D. 18.* (c) *Alteser. de jurisd. lib. II. cap. 19*

(d) *Trid. sess. XXV. de refor. cap. 2.* (e) *Conf. Fañnan. ad cap. quod super ex. de majorit. & obed.*

ra in synodo episcopum publicare oportebat (a). Inde quum paulatim invaluisset, synodos provinciales semel in anno debere celebrari, unaquoque invaluit, ut synodi episcopales semel quotannis haberentur, quod jus Innocentius III in concilio generali adgnoscat, & probare videtur (b); quamvis in aliquibus ecclesiis steterit disciplina de synodo bis in anno celebranda. Tandem synodus Tridentina annuam synodorum episcopaliū celebrationem praecepit (c), etsi alioquin ad disciplinae emendationem frequentiores synodos haberi desideraret. Sed pro dolor! nec usu viget Tridentinus canon, immo in multis ecclesiis nec spatium quinquaginta & amplius annorum ullae synodi celebrantur; & hinc nihil mirum, quod ecclesiastica disciplina in dies novis abusionibus conspurcatur.

Quae tractanda in synodo episcopali.

§. VI. Satis ampla materiarum seges est, quas in synodis episcopalibus tractari & expediri canones jubent. Principio de veteri forma audiuntur, & componuntur lites omnes, quas sive clerici, sive laici intendunt, idque ex bono & aequo, & fori strepitu & calliditatibus omnino rejectis (d). Inde expenduntur ea, quae ad cuiusque mores & conversationem spectant, & an unusquisque clericus recto suo officio fungatur. Sane sub nomine concilii Bilonensis apud

(a) *Can. XVII. D. 18.* (b) *Cap. XXV. ex. de accusationib.* (c) *Trid. sess. XXIV. de ref. cap. 2.* (d) *Conc. Salegustadienſe ap. Burchardum.*

pud Gratianum statuitur, ut episcopus in synodo
 & clericos & monachos discutiatur (a). Et synodus
 Arelatenfis VI decernit (b), ut quando presbyte-
 ri ad synodum venerint, *rationem episcopo red-
 dant, qualiter susceptum officium, vel baptismum
 celebrent*. Quia secundum capitularia presbyte-
 ri ad synodum venientes etiam *de fide catholica*
 episcopo jubentur reddere rationem (c); quibus
 verbis constat etiam de fide in synodis episco-
 palibus quaesitum fuisse, saltem ut qui non re-
 cte crederent, paternis admonitionibus in viam
 redirent. Lapsa quoque ecclesiastica disciplina
 in synodo instauratur, & quae irreperunt abu-
 siones, emendantur. Episcopus porro in synodo
 clericis proponit brevia quaedam monita, qui-
 bus eorum ferme omnia officia & potiora disci-
 plinae ecclesiasticae capita continentur, ut pau-
 cis expressa facilius memoriae haereant, & ala-
 cri studio in usum deducantur: quae monita
 aetate media *inquisitiones* dicebantur. Item in sy-
 nodo episcopali publicantur ea, quae in conci-
 lio provinciali decreta sunt (d). Verum mori-
 bus jamdiu receptis in episcopi synodo ferme-
 tantum agitur de instauranda disciplina, cujus
 reformationis sancta consilia nec semper feli-
 citer cedunt: inde enim privilegia & exemptio-
 nes, inde pontificiae reservationes impedin-
 to sunt.

Te-

(a) *Can. XVI. D. 18.* (b) *Conc. Aurelian. VI. can. 4.* (c) *Capit. Reg. Franc. lib. VII. cap. 108.*

(d) *Can. XVII. D. 18., cap. XXV. ex. de accu-
 sationib.*

Testes synodales in synodis creantur.

§. VII. Disciplinae emendationi inserviunt testes sic dicti *synodales*, qui in conciliis episcopalis & provincialibus eliguntur. Sunt ejusmodi testes probatae fidei viri, qui dioecesim unamquamque perlustrant, vitam & mores cujusque, sed sine jurisdictione, exploraturi, qui inde serpentina vitia in futura synodo emendanda episcopo aperiunt. Saeculis octavo & sequentibus episcopi paroecias visitantes in minutis synodis, quas in singulis locis cogeant, testes eligere consueverunt, quos de moribus clericorum & laicorum interrogarent (a). Inde placuit concilio generali Lateranensi sub Innocentio III. per synodum provincialem in unaquaque provincia institui testes, qui explorarent vitia & abusiones, quas inde synodus provincialis emendaret (b). Horum fortasse exemplo alii id genus testes in synodo episcopali per singulas dioeceses institui coeperunt. Eliguntur autem testes in synodo provinciali ex qualibet dioecesi saltem duo; at in episcopali septem, pluresve, ut S. Carolus habet. Testes electi conceptis verbis jurare debent, se muneris sui partes sancte expleturos: Ceterum testes synodales una cum synodis desierunt: eorumque loco episcopus synodum celebraturus parochos, vicarios sic dictos *foraneos*, aliosque probos & sapientes viros de vitulis succrescentibus sciscitabitur.

Inst. jur. can. T. VI.

E e

Exa.

(a) *Can. VII. C. 35. q. 6. Conf. dicta par. I. cap. 7. § 4.* (b) *Cap. XXV. ex. de accusationib.*

Examinatores synodales in episcopi synodo eliguntur.

§. VIII. Praetera in synodo dioecesana creantur *examinatores*, & *judices* sic dicti *synodales*. Et *examinatores* quidem sunt clerici doctrina & probitate insignes, qui una cum episcopo publicum & sollemne examen ad conferendas paroecias instituunt. Nimirum ubi placuit Tridentinis patribus paroecias per publicum examen dignioribus conferri, statutum quoque est, ab episcopo vel ejus vicario sex saltem *examinatores* in dioecesana synodo quotannis proponi, *qui synodo satisfaciant, & ab ea probentur*, ex quibus ubi aliqua paroecia vacaverit, tres saltem seligi debeant, qui una cum episcopo examen perficiant. Eligi autem debent in *examinatores*, qui aliquo theologiae, aut sacrorum canonum gradu aucti sunt, aut alii clerici, aut regulares, qui magis idonei videantur: electi vero jurejurando promittunt, se ex fide, non gratia, metu, aut odio munus exsecuturos (a). Munus *examinatorum* est annale, seu ad annum durat; quotannis enim in synodo eligi debent, aut veteres confirmari: moribus vero praesentibus, quod synodi raro admodum celebrantur, ipsi episcopi quotannis ex vena sacrae Congregationis extra synodum eligunt *examinatores*, qui a majori parte capituli probandi sunt (b), ut ita electio synodalis quodammodo exprimatur.

Ju-

(a) *Trid. sess. XXIV. de refor. cap. 18.*

(b) *Conf. Bened. XIV. de synod. dioec. lib. IV. cap. 7. n. 9. seq.*

Judices synodales in synodis creantur.

§ IX. Quod vero spectat ad judices synodales, eo nomine veniunt clerici canonicis aucti qualitatibus, & in synodo designati, quibus causae a sede apostolica in partibus delegandae committi debent. Magna est causarum copia, quae a summo pontifice, sive primo iudicio, sive per appellationem judicantur. Quum vero satis difficile sit de rebus, quae in longinquis regionibus emergunt, rectum Romae institui iudicium; Romani pontifices leviora negotia iudicibus in partibus delegare consueverunt. Iudices autem huiusmodi ex Bonifacii VIII. constitutione vel in dignitate ecclesiastica, vel in personatu constituti, vel canonici esse debebant (a). At quo melius negotium, istud expediretur, statuerunt Tridentini patres, in synodo dioecesana, aut provinciali designari clericos idoneos & canonicis qualitatibus auctos, quibus praeter locorum ordinarios causae per pontifices, aut eorum legatos committantur; electorumque nomina ad sedem apostolicam transmitti (b). Iudices isti esse debent in singulis dioecesebus ad minus quatuor, tantumque in synodo designantur. Quoniam vero synodi admodum raro habentur, episcopus ex venia sacrae congregationis extra synodum, sed cum consensu capituli iudices designat (c).

Publicatio synodi episcopalis.

§. X. Finita synodo, ut ejus constitutiones
Ee 2 pos.

(a) *Cap. XI. de rescript. in 6.* (b) *Trid. sess. XXV. de ref. cap. 10.* (c) *Conf. Bened. XIV. loc. cit. cap. 5. n. 7.*

possint obligare, publicandae sunt; id enim commune est legibus omnibus humanis, ut nullam parendi obligationem inducant, nisi jure publicentur. In publicum vero episcopus synodum edit vi suae potestatis, qua ecclesiam administrat: nec ad synodi publicationem opus est; ut antea ejus decreta per pontificem, aut per sacram concilii Congregationem probentur. Et profecto errat cardinalis de Luca (a), qui docet, synodos dioecesanarum omni vi & efficacia carere, nisi Congregationis confirmatio accesserit: quod ipse Benedictus XIV. observat (b). Publicanda vero synodus non est, nisi praevisio regio assensu & probatione, & merito quidem; jandiu enim in ejusmodi synodis quaedam tractari consueverunt, quae licet ecclesiastica officia spectant, aut ecclesiarum jura, temporalia tamen attingunt. Et reapse ad synodos confirmandas passim civilis potestas interpellata est (c).

Qui decretis synodi episcopalis obligantur.

§. XI. Quotquot christiani in dioecesi morantur, sive clerici, sive regulares, sive laici, utpote qui spirituali episcopi curae subduntur, tenentur synodi episcopalis canonibus, quos vulgo doctores nostri *constitutiones* malunt appellare; nisi speciali privilegio ejus potestatem excusserint. Sed exemptio generaliter immunes non facit regulares, sed tantum in articulis exemptionis; nam in rebus non exemptis ligantur de-

(a) Card. de Luca disc. XXX. ad conc. Trid. n. 9. (b) Benedict. XIV. de syn. dioec. lib. XIII. cap. 3. n. 6. (c) Conf. Espen. par. I. tit. 18. cap. 4.

decretis synodalibus; quemadmodum etiam iis decretis tenentur, quae spectant materiam, in qua episcopo tamquam sedis apostolicae delegato subiciantur (a). Capitula quoque canonicorum exempta tenentur decretis synodalibus, quae morum & disciplinae reformationem spectant, quod sententiae synodi Tridentinae congruit (b), & sacra Congregatio declaravit (c). Qui vero de episcopi dioecesi quidem sunt, sed extra morantur, mox ad propria arva redituri, tempore absentiae constitutionibus synodalibus adstricti non videntur, nisi absint dolo, & causa excutiendae obligationis, dolus enim ad declinandam legis obligationem nemini unquam prodest (d).

De synodatico, seu cathedratico.

§, XII. Clerici ad synodum convenientes episcopo praestant *synodaticum*, seu *synodum*, seu *cathedraticum*, certam nempe pecuniae summam in cathedrae episcopalis honorem, & signum obedientiae debitam: etsi non defuerint ecclesiae, ubi pensio ista tempore visitationis dioecesis penderetur (e). Videtur institutum cathedraticum, ubi singulis ecclesiis sua bonorum portio tributa est, ut ita de jure summi sacerdotis in ecclesiarum bona & ecclesias ipsas constaret; cathedratico enim locus esse non potuit, quando totius dioecesis redditus in unius ecclesiae

(a) *Conf. Fagnan. ad cap. quanto ex. de offic. ordin.* (b) *Conc. Trid. sess. XXV. de ref. cap. 6.*

(c) *Conf. Espen. loc. cit.* (d) *Conf. Bened. XIV. loc. cit. cap. 4. n. 9. seq.* (e) *Conc. Bracar. II. can. II.*

fiac principis aerarium confluebant. Summa autem hujus pensitationis duobus aureis solidis per annum constabat; nec episcopis majorem quantitatem exigere licebat; quod synodi Bracharenfis II. & Toletana VII. statuerunt (a). Pendunt cathedraticum ecclesiae omnes dioecesis saeculares, & parochi, & beneficiarii omnes, itemque ecclesiae & capellae pleno jure monasteriis adnexae, quae legi dioecesanae, seu oneribus episcopo debitae subsunt (b). Abbates vero etsi in synodo adesse teneantur; tamen cathedraticum non praestant; ex antiquis enim institutis monasteria ab episcoporum exactionibus facta sunt immunia (c). Debetur vero synodaticum singulis annis; etsi synodus non celebretur; quamvis enim in synodis pendere consueverit; non tamen ejus pensitatio propter synodum debetur, sed potius propter cathedrae honorem; & in signum obedientiae, quae perpetuo exhibenda est (d).

Synodi archidiaconorum, & decanorum.

§. XIII. Synodo episcopali, quae ex solida dioecesi cogeatur; addere oportet minutas archidiaconorum, & decanorum synodos, in quas presbyteri unius archidiaconatus, aut diaconatus conveniebant, de rebus ad curam animarum pertinentes tractaturi; seu ut de suo ministerio & religiosa conversatione, atque de his, quae in

eo -

(a) *Cit. concil. Brocar II. can. II. conc. Tolet. VII. can. IV.* (b) *Cap. XVI. ex de off. judic. ordin.*

(c) *Can. VIII. C. 10. q. 3., & can. V. C. 18. q. 2.*

(d) *Corf. Benedic. XIV. de synodo dioecesis lib. V. cap. 7. n. 7.*

eorum paroeciis accidunt, sermonem haberent, quemadmodum Riculphus Sueffionensis loquitur (a). Minuti isti conventus habebantur quolibet mense, primaque die mensis, quam nullus festus occuparet. Inde conventus isti Kalendae dicti sunt (b). Presbyteri convenientes apud confratres suos frugali mensa excipi debebant, non opiparis conviviis, ne sibi mutuo graves essent, quod Hincmarus Remensis edixit (c). Receptissimi fuerunt mediis saeculis hujusmodi conventus in Gallia, Anglia & Germania; at in Italia primus eos S. Carolus Borromoeus instituisse videtur, ubi praecepit, ut episcopi dioeceses suas in varios tractus, seu parvas regiones partirentur, & earum unicuique vicarium foraneum vulgo dictum praeficerent (d). Angustis ferme limitibus includebantur Italiae episcopatus, ut minime necesse fuerit eos in plures decanatus, & archidiaconatus partiiri. Contra longe lateque Galliae, Angliae & Germaniae episcopatus porrigebantur, ut hinc in plures eos dividi praefecturas non conducibile tantum erat, sed prope necessarium (e).

CA-

(a) *Riculph. Sueffionens. constit. cap. XX.*

(b) *Conf. Cangius. v. Kalendae.* (c) *Hinc. Remens. capit. ad presbyt. cap. XV.* (d) *Conc. I. Mediolanense cap. XXI.* (e) *Conf. Thomas-
sin. par. II. lib. 3. cap. 76. n. 3.*

CAPUT XI.

De conciliis provincialibus.

*Metropolitanus synodum provinciae cogit ,
eique praest.*

§. I. **M**AJOR & plenior episcopali synodo est provincialis, ad quam una cum metropolitano totius provinciae episcopi conveniunt. Eam indicit metropolitanus, qui ceteros provinciae episcopos auctoritate antecellit, nec enim sine illius jussu, seu admonitione episcopis licet convenire, quod canones Nicaeni & Antiocheni edicunt (a). Postquam canones duas quotannis ordinarias synodos in unaquaque provincia haberi voluerunt, necesse erat, quemdam constitui, qui totum hoc negotium dirigeret, & tempus locumque synodi habendae significaret. Ergo datum metropolitano, qui episcopus princeps in provincia erat, synodum indicare. Quod si metropolitanus legitime impediatur, episcopus in provincia senior synodum cogit (b): idemque jus est, si sedes metropolitana vacet, quod post alios Fagnanus docet (c). Indicit vero metropolitanus synodum missis circularibus litteris, quae *tractoriae* & *synodicae* vocantur, in quibus singulorum episcoporum nomina describuntur. Idem porro metro.

(a) *Conc. Nicaen. can. V., Conc. Antioch. can. XX.* (b) *Trid. sess. XXIV. de ref. cap. 2.* (c) *Fagnan. ad cap. cum olim ex. de accusat. n. 17.*

polita, qui indicit, synodo praeest, qui enim principatu quodam inter iudices viget, necessario confessui debet praesidere. Certe patres Antiocheni illam synodum *τελειαν perfectam*, habent, cui metropolitanus interest (a). Metropolitanus autem *πρεσβυτης* nihil de jure episcoporum diminuit, atque adeo plurimorum sententia debet praevalere, quod Nicaeni patres statuerunt (b).

Episcopi provinciae synodo debent interesse.

§ II. Synodo per metropolitam statuto die indictae episcopi provinciae tenentur interesse, nisi legitimis causis, veluti infirmitate, aut iussione regia impediuntur (c), quibus calibus vices suas presbyteris vel diaconis poterunt demandare (d). Quod si episcopi nulla iusta causa detenti ad synodum non accedant, secundum veteres canones, aut fraternae correptioni erant obnoxii (e), aut per integrum annum *missas facere interdicebantur* (f). Sed synodus Tarraconensis episcopos, qui ad synodum non conveniunt, communione omnium episcoporum usque ad futuram synodum privat (g: qua poena correpti episcopi communicabant quidem, cum ecclesia sua, sed non cum aliis ecclesiis; eratque excommunicatio ista non mortalis, quae a corpore Christi abscindebat, sed medicinalis. Si vero in provincia sint episcopi, qui nulli me-

Inst. jur. can. T. VI. F f tro-

(a) *Conc. Antioch. can. XVI.* (b) *Conc. Nicaen. can. VI.* (c) *Can. XIII. D. 18.* (d) *Conc. Arelat. II. can. XVIII.* (e) *Con. Chalced. can. XIX.* (f) *Conc. Aurelian. III. can. I.* (g) *Ap. Grat. can. XIV. D. 18.*

metropolitae subsunt, aliquem vicinum metropolitam semel eligere tenentur, in ejus synodo provinciali cum aliis debent interesse, & ejus decreta observare (a). Convenientes autem episcopi omnes judices sunt, atque adeo suffragium ferunt, & inde *suffraganei* dicti videntur.

Intersunt etiam alii, sive jure, sive consuetudine.

§. III. Simul cum episcopis, qui in causis ecclesiasticis sunt primigenii judices, in synodo provincialem etiam alii sive jure, sive consuetudine conveniunt. Ex veteri disciplina conciliis istis etiam presbyteri, quin & diaconi, & aliquando clerici minores intererant, quod ex subscriptionibus aliisque monumētis constat (b). Intersunt quoque provincialibus conciliis abbates, qui mediis saeculis & insignia episcopalia & quasi episcopalem jurisdictionem invita monastica disciplina extorserunt. Cavent quoque decretales, ut ad synodum provinciae canonici quoque ecclesiarum cathedralium invitentur, qui vel per se, vel missis vicariis intersint (c); & moribus quoque locorum etiam canonici collegiatarum, archipresbyteri alique vocandi sunt (d). Quicumque vero sint, qui synodum componunt, tantum episcopi & abbates, qui quasi episcopali jurisdictione aucti sunt, ex nova disciplina judices sedent; ceteri vero non decernendi, sed consulendi potestatem habent.

Ne

(a) *Trid. sess. XXIV. de ref. cap. 2.* (b) *Conf. Bingham. orig. eccles. lib. II. cap. 19. § 12.* (c) *Cap. X. ex. de his, quae fiunt a prael. sine consensu capit.*

(d) *Conf. Esphen. par. I. tit. 20. cap. 1.*

Ne quis in concilio loquatur, inquit synodus Londinensis anno CIO LXXV (a), *praeter licentiam a metropolitano concessam, exceptis episcopis & abbatibus*. Ita descivimus a veteri disciplina, quae etiam presbyteros & diaconos ad plenum suffragium admittebat, quod ex subscriptionibus Habertus probat (b).

Obligatio frequentandae synodi pendet ab ordinatione.

§. IV. Jus autem, quo episcopi adigebantur ad provinciae suae synodum frequentandam, ab ordinatione, quam a metropolita accipiebant, nascebatur; ordinatio enim ordinatos subiciebat ordinatori: & hinc profectum est, ut *pertinere ad synodum & ad consecrationem* promiscue & passim dicantur episcopi, qui a primatibus suis pendunt. Proponit hanc regulam Justinianus, apud quem synodos patriarchales etiam complectitur (c). *Convenire debent apud beatissimos patriarchas illi, qui ab ipsis ordinati sunt, & qui non habent jus alios episcopos ordinandi, ut apud sanctissimos metropolitas cujusque provinciae illi, qui ab eis sunt ordinati*. Sed quoniam sunt episcopi, qui non habent jus alios ordinandi & tamen ad synodum patriarchae debent convenire? Eos interpretatur Balsamon archiepiscopos, quibus nulli suberant episcopi (d): at aetate Justiniani ignota erat nupera illa & a

F f 2

po-

(a) *Ap. Harduin. collect. concil. tom. VI. par. 1.*

(b) *Habert. not. in lib. pontif. Graec. p. 175.*

(c) *Novel. CXXXVII. cap. 4* (d) *Balsamon in supplem. ad canon. synod. in Trullo.*

posterioribus principibus Graecorum excogitata archiepiscoporum dignitas, qui a metropolitana synodo resecti nullis episcopis praeerant Rectius ergo ex Photio observat Petrus de Marca ex verbis Justiniani particulam *non* expungi debere (a), ita ut sensus sit, apud patriarchas convenire, & qui ab eis ordinati sunt, & qui jus habent alios episcopos ordinandi. Quidquid vero hujus rei sit, labentibus annis episcoporum consecrationes in Occidente ad pontificem devolutae sunt, at interim metropolitanae jure habendae synodi non ceciderunt: quod cum antiquis regulis non bene cohaereret.

Alienae provinciae episcopi quando ad synodum accedunt.

§. V. Quando autem conventus episcoporum provinciae jure ordinationis cogebatur, non licebat profecto metropolitanis pro potestate sua episcopos, qui ad alias provincias spectabant, ad synodum cogere. Et merito Augustinus Hipponensis in Numidia episcopus, tamquam canonum temeratorem traduxit Victorinum Numidiae primatem, qui in provincia sua synodum agere volens, etiam duarum Mauritaniarum episcopos evocavit tractoria ad singulos missa (b). Aliud vero est, si metropolita amice conjuret alienae provinciae episcopos ad synodum, ut dissidium, quod in aliqua causa distrahit provinciae episcopos, simul expendant, & junctis suffragiis tollant; tum enim metropo-

(a) *Pet. de Marca de C. S. & I. lib. I. cap. 7. n. 3.* (b) *Augusti. ep. CXVII.*

litano roganti non sunt negandae suppetiae (a), & synodus provincialis accessu finitimorum episcoporum augustior evadit. Quo spectat unus Antiochenae synodi canon, qui habet, metropolitani, dissidente synodo provinciali, alterius provinciae episcopos debere convocare, qui controversiam tollant, & quod cum provinciae episcopis probatum fuerit, confirmet (b). Et secundum canones Sardicenses, ubi iudicium contra episcopum in synodo latum renovandum est, finitimae provinciae episcopi evocantur (c). Plures quoque metropolitani ex consensu concilia sua provincialia conjunxerunt, ut unum inde facerent, junctisque suffragiis canones eederent, qualia concilium Avenionense habitum, anno cccccxxvii & concilium Vavrense anno cccclxviii videntur fuisse.

Synodus provinciae bis, aut semel in anno celebratur.

§. VI. Ex veteris disciplinae regulis synodum provincialem semel & iterum quotannis in singulis provinciis celebrari oportebat, quamvis de tempore celebrationis non una fuerit ecclesiarum doctrina. Et quidem secundum patres Nicaenos prima synodus habenda erat ante quadragesimam, ut omnibus animi sordibus sublatis purum munus Deo offerretur, altera per autumnum (d). Sed canones sic dicti Apostolici & Antiocheni primum conventum agi jubent quar.

ta

(a) Conc. Sardic. can. III. (b) Conc. Antioch. can. XIV. (c) Conc. Sardic. can. VII. apud Dionys. Exiguum. (d) Conc. Nicaen. can. V.

ta hebdomada pentecostes, hoc est quarta hebdomada post festum paschae, (nomine enim *pentecostes* apud veteres veniebant quinquaginta dies, qui a pascha ad festum pentecostes intercedunt) alteram mense Octobri, seu autumnii tempore (a). Sed patres Chalcedonenses statuerunt quidem bis in anno celebrari synodum provincialem secundum sanctorum patrum canones (b), sed nihil de tempore celebrationis addiderunt, atque adeo varietatem illam temporis probasse videntur, ita nimirum ut pro varia locorum ratione liceret metropolitibus, vel ante quadragesimam, vel tempore pentecostes conventum agitare. Deinceps Justinianus edixit, ut saltem quotannis in quavis provincia synodus haberetur (c); quam disciplinam etiam Gregorius M., synodus Trullana & Nicaena II & Innocentius III in concilio generali amplexi sunt (d). Cura demum etiam fuit patribus Tridentinis de synodis provincialibus edito canone, quo provinciae episcopi saltem tertio quoque anno convenire jubentur (e).

Synodi provinciales fere desuetae.

§. VII. Verum enimvero nec in Oriente, nec in Occidente stetit disciplina, quae bis, aut saltem semel in anno synodum provincialem ha.

(a) *Can. apost. XXXVIII., conc. Antioch. XX*

(b) *Conc. Chalced. can. XIX.* (c) *Novel. CXXXVII. cap. 4.* (d) *Gregor. M. lib. VII. ep. 112., conc. Trullan. can. VIII., conc. VII. can. 6., cap. XXV. ex. de accus.* (e) *Trid. sess. XXIV. de ref. cap. 2.*

haberi jubebat. In Oriente postquam invaluerunt concilia patriarchalia, quae a patriarcha & metropolitibus quotannis habebantur, necessario synodi provinciales impediri debuerunt. Synodus quoque octava generalis tacite concessit libertatem abstinendi a conciliorum provincialium celebratione edito canone, ut si utraque concilia haberi non possint, metropolitani patriarchalia praeferant, in quibus causae totius patriarchatus judicentur (a). Receptae etiam sunt appellationes a judiciis synodi provincialis contra presbyteros ad synodum patriarchalem: quae disciplina ingentem perniciem synodis provincialibus creavit. Ita paullatim per Orientem synodi istae celebrari desierunt, earumque aetate Zonarae magnus erat contemptus. At in Occidente diutius celebratae sunt, earumque potestas integra usque ad nonum saeculum stetit; nec enim in Occidente statim temporibus dioecesanarum synodi habebantur. Inde ubi a sententiis synodorum provincialium ad sedem apostolicam receptae sunt appellationes, episcopi omnem earum celebrandarum curam abjecerunt, quae nihil aliud illis adferebat, inquit Petrus de Marca (b), quam sumtus & dedecus. Et quamvis concilium Lateranense sub Innocentio III & longo post tempore Tridentinum celebrationem synodorum provincialium sustinere curarint; tamen canones isti effecta caruerunt, quando synodalia judicia suprema esse non permittebantur, & caus-

(a) Conc. VIII. can. XVII. (b) Petr. de Marca de C. S. & I. lib. VI. cap. 15. n. 8.

causae majores solius pontificis Romani cognitioni cesserant.

Quae tractanda in synodo provinciali.

§. VIII. Synodus provincialis supremum provinciae auditorium in veteri disciplina constituebat, in quo causae contra episcopos & omnia negotia majoris momenti, quae in provincia emergebant, tractabantur, sive ad disciplinam, sive ad fidem pertinerent. Nicaeni patres in conventu provinciali expendendas voluerunt eorum querelas, quos episcopi extra communionem projecissent (a). Et patres Antiocheni synodum provinciae celebrandam ajunt *propter usus ecclesiasticos, & pro dirimendis controversiis* (b). Quae omnia unico verbo synodus Chalcedonenfis expressit τὰ ἀνεύρεττα, quae emerferint (c), ut vertit Dionysius Exiguus, idest negotia, quae incidunt. Clarius Justinianus in synodis provincialibus tractari docet de fide & canonicis quaestionibus, de administratione rerum ecclesiasticarum; item de episcopis, presbyteris, diaconis & ceteris clericis, de abbatibus & monachis, de accusata vita, & de aliarum rerum emendatione (d). Itaque fidei quaestiones, disciplinae emendatio, judicia contra episcopos, eorum translationes, cessiones, novarum cathedrarum erectiones, aut antiquarum divisiones, coadjutorum episcopalium constitutio, & cetera omnia majoris momenti negotia

(a) *Conc. Nicaen. can. V.* (b) *Conc. Antioch. can. XX.* (c) *Conc. Chalc. can. XIX.*

(d) *Novel. CXXXVII. cap. 4.*

tia, quae in provincia inciderent, in concilio provinciali tractabantur. Haec origine sua erat synodi provincialis potestas, at per antiquos canones fidei causae, & quae ad plures provincias spectabant, ad synodos dioecesanæ delatae sunt (a); & in nova disciplina causae majores solius pontificis iudicio reservantur. Hinc multum decrevit synodi provincialis potestas, & ferme circa disciplinae emendationem & minuta episcoporum crimina versatur.

Synodus provincialis pro jure suo canones condit.

§. IX. Tanta autem potestate synodus provincialis instructa pro jure suo canones condit, quibus ecclesiastica negotia dirigantur, & disciplina instauretur, modo canonibus generalium conciliorum non adversentur; auctoritas enim canonum condendorum pendet ab ecclesiae regimine, quod episcopis Christus demandavit. Hinc in antiquis monumentis passim prostant canones, quos episcopales & provinciales synodi condiderunt (b). Tantum concilia provincialia in causis dubiae fidei & disciplinae sedem apostolicam consulebant, idque ante vel post conciliarem definitionem, prout episcopis visum esset. Et profecto errat Gratianus, dum docet, integrum esse conciliis episcopalibus causas judicare, & criminibus debitas poenas irrogare, non tamen novos canones condere, *sunt invalida ad definiendum & constituendum*, ut ipse loquitur. *Inst. jur. can. T. VI.* G g tuf

(a) *Conc. Tolet. IV. can. III.* (b) *Conf. Petr. de Marca de C. S. & I. lib. VI. cap. 15. n. 12.*

tur (a). Itaque auctor glossae eum aperte redarguit, qui ad Gratiani locum ita scribit; *illud non est verum: quia episcopi bene condere possunt canones episcopales; & archiepiscopus provincialis*. Videtur in hunc errorem Gratianus incidisse male accepta Symmachi pontificis, seu potius Ennodii Ticinensis mutila sententia, qua asseritur, majoris momenti negotia, quae ad collationem occurrerint, sedis apostolicae arbitrio fuisse reservata (b). Nimirum bonus monachus inde regulam fecit generalem, non posse synodos episcopales canones condere. Sed Ticinensis causas tantum episcoporum, (provocat ad canones Sardicenses) non generaliter causas omnes majoris momenti intelligit, idque ex forma per synodum Sardicensem praescripta.

Et sine auctoritate pontificis recte celebratur.

§. X. Jam vero ut concilia provincialia rata & legitima sint, sufficit metropolitani indictio & auctoritas, qua τὸ κρῖν *firmatas* rebus gestis tribuatur; nec ex antiquis regulis ad ea celebranda jussu aut assensu pontificis opus erat. Et quæ quæso secundum canones spiritum Dei conditos quotannis semel & iterum episcopi provinciae poterant convenire, si pontificis assensus praecedere debuisset (c)? At ubi in scenam prodierunt falsae decretales, auctoritas metropolitano-
rum frangi coepit, nova proposita doctrina, non esse rata concilia sine pontificis aucto-

(a) *Grat. initio D. 18.* (b) *Can. VI. D. 17.*

(c) *Conf. Fleuryus disc. IV. in hist. eccles.*

toritate celebrata . Sane sub Julii papae nomine docet falsus Isidorus , secundum canones *sine pontificis auctoritate concilia fieri non debere* (a) : quod dogma etiam sub Marcelli pontificis nomine proposuit (b) , ut tanta novitas pluribus suffulta testibus prodiret . Generalis erat doctrina ista , utpote quae omnes synodos adprehenderet ; & tamen ex veteribus regulis tantum in generalibus conciliis pontificis auctoritas erat necessaria . Una cum falsis decretalibus doctrina de synodis sine auctoritate pontificis non habendis in usum versa est , praesertim post Gratianum , a cujus tempore vix ulla concilia provincialia , aut dioecesana habita sunt , sine Romani pontificis auctoritate , cujus legati in Occidentis ecclesias frequentes missi & conciliis praesidebant , & negotia ferme omnia pro arbitrio procurabant (c) . Sed tandem decreto synodi Tridentinae antiqua libertas restituta est ; nulla enim injecta mentione assensus sedis apostolicae datum fuit metropolitani , synodos provinciales singulis trienniis pleno jure celebrare (d) .

Origo doctrinae de synodis sine pontifice non habendis .

§.XI. Illud vero nunc inspicere pulchrum est, unde falsus Isidorus generalem doctrinam de synodis sine auctoritate pontificis non habendis hauserit , & sub Julii pontificis nomine proposuerit .

G g 2

sue.

(a) *Can. II. D. 17.* (b) *Can. I. eod.*

(c) *Conf. Petr. de Marca de C.S. & I. lib. VI. cap. 30.* (d) *Trid. sess. XXIV. de ref. cap. 2.*

suerit. Vix dubitandi locus esse potest, novitatem istam ex verbis Socratis (a) profluxisse, qui memorat, antiquum quendam canonem, tamquam ab Julio papa in causa Athanasii patribus Antiochenis objectum, quo statuebatur μή δεῖν παρὰ τὴν γνώμην τῶν ἐπισκόπων Ῥώμης τὰς ἐκκλησίας κανονίζειν, non debere absque sententia Romani pontificis concilia celebrari, ut habet vetus versio in historia tripartita. Exstant genuinae litterae Julii ad Antiochenos (b), unde Socrates relationem istam hausit; sed apud Julium canon, prout a Socrate descriptus est, desideratur, quod Valesius observat (c). Et profecto canon ab Julio objectus Antiochenis spectabat judicia episcoporum sedium primarum, de quibus jus fuisse adfirmat, ut relatione ad sedem apostolicam finirentur. *An ignari estis*, inquit Julius in causa Athanasii episcopi Alexandrini & Marcelli Ancyran, quos Orientis concilia inconsulto pontifice damnaverant, *hanc consuetudinem esse, ut primum nobis scribatur, ut tunc postea quod justum est, definiri possit?* Quin si vera Petrus de Marca observat, nec ab Julio productus canon exstabat; alii enim nomine τοῦ ἰδοῦ Julium intellexisse factum clericorum Alexandrinorum, qui suspicantes, Dionysium episcopum suum a recta fide aberrare, ad summum pontificem litteras dederunt (d): Ceterum ex Latina verborum

(a) Socrat. lib. II. cap. 17. (b) Ap. Athanas. apol. II. (c) Vales. in cit. Socrat. locum:

(d) Petr. de Marca de C. S. & I. lib. VII. cap. 4. n. 8.

rum Socratis versione primum Pelagius II papa generaliter docuit, concilia non posse celebrari sine auctoritate pontificis (a); deinceps vero ex eodem fonte falsus Isidorus doctrinam hausit suam, bellamque sibi oblatam occasionem vidit, novam sub Julii pontificis nomine consarcinandi decretalem.

Synodica de fide decreta ad pontificem missa.

§. XII. Videamus modò, an concilia provincialia, quae pro jure suo canones condunt, & incio pontifice etiam in nova disciplina celebrantur, saltem ante publicationem confirmatione pontificis indigeant. Sollemne fuit in veteri disciplina, decreta fidei in synodis provincialium condita ad summum pontificem transmitti, ut ejus auctoritate firmarentur (b). Ita synodi Carthaginensis & Milevitana anno ccccxvi celebratae damnatis Pelagii & Caelestii erroribus ad Innocentium pontificem retulerunt, ut synodici decretis etiam apostolicae sedis adhiberetur auctoritas (c). Et ut alia multa mittam Caesarius Arelatensis synodum Arausicanam II, quae Pelagianos damnavit, a Felice papa confirmari petiit, quo praemortuo Bonifacius II petitam confirmationem impertivit (d). Confirmatione autem pontificia conciliorum particulari.

(a) *Can. V. D. 17.* (b) *Conf. Thomass. diss. IX. in concilia.* (c) *Epist. conc. Carthag. ap. Hardain. tom. I. collect. pag. 1214. & epist. conc. Milevit. eod. p. 1221.* (d) *Auctor. vit. S. Caesarii lib. I. sub fin. apud Mabillon. in sac. I. Benedict.*

larium de fide decretis robur sedis apostolicae accedebat, quo in summum auctoritatis culmen attollebantur. Sed in rebus disciplinae mos non fuit in conciliis provinciarum editos canones ad pontificem transmitti, etsi ubi illa dubia erat, ante synodicum decretum consultationes ad sedem apostolicam, praesertim ab ecclesiis Occidentis, mitterentur. Disciplina pro locorum & temporum varietate poterat esse multiplex & diversa, atque adeo sola conciliorum auctoritate plenum robur sortiebatur.

Synodus provincialis non eget pontificis confirmatione.

§. XIII. Moribus praesentibus synodi provinciales ferme de solius disciplinae articulis canones condunt, & inde si res ad veteris disciplinae formam exigatur, nulla videtur opus esse pontificis confirmatione. Et reapse suae libertati patres Tridentini concilia provincialia restituerunt, dum singulis trienniis earum celebrationem nullis circumscriptam limitibus addixerunt (a). At hanc libertatem Sixtus V quodam modo infregit, qui acta synodorum ante publicationem ad congregationem cardinalium, qui praesunt concilii Tridentini interpretationi, mitti praecepit, non quidem ad confirmationem, sed ad emendationem (b), ut nempe corrigerentur, si opus esset correctione. Fortasse timebat Romana curia, ne in conciliis provincialibus ali-

(a) *Trid. sess. XXIV: de ref. cap. 2.* (b) *Sixtus V. const. CXVII. tom. 4. Bullar. par. 2.*

aliquid receptis novitatibus adversum statuere-
tur. Ita per Sixti constitutionem *vis aperta* sy-
nodo Tridentinae illata est, quod Petrus de
Marca observat (a). Ergo in ecclesiis Occiden-
tis invaluit, ut concilia provincialia Romam an-
te publicationem mitterentur, inde vero ut plu-
rimum emendata redirent, quamvis metropoli-
tae in publicatione aliquando nullam adjectarum
emendationum rationem habuerint (b). Multi
quoque metropolitani ulterius progressi sunt, &
suis synodos Romam a pontifice confirmandas
transmiserunt, quod productis monumentis Be-
nedictus XIV observat (c). Quae quidem con-
firmatio robur addit synodis, at eas ultra fines
provinciae non extendit, nisi pontifex aliud ex-
prefferit (d).

Qui obligantur decretis synodi provincialis.

§. XIV. Synodi provincialis constitutiones
de more publicatae per universam provinciam
obligant, totius enim provinciae administratio
metropolitae ejusque synodo competit. Ipsi
exempti ab episcoporum jurisdictione in rebus
non exemptis & in omnibus casibus, quibus vel
jure communi, vel synodi Tridentinae decretis,
vel speciali sedis apostolicae constitutione sub-
sunt episcopis, etiam statutis synodi provincia-
lia

(a) *Petr. de Marca de C. S. & I. lib. VI. cap.*
14. n. 12. (b) *Conf. Espen. par. I. tit. 20. cap 3.*
(c) *Bened. XIV. de syn. dioc. lib. XIII. cap 3.*
n. 4. (d) *Conf. Fagn. in cap. canonum statuta*
ex. de constit. n. 13.

lis, obedire tenentur (a). Ceterum non defuerunt postremis temporibus regulares, qui suorum privilegiorum obtentu etiam in rebus non exemptis, aut universum provinciae regimen spectantibus, decreta synodi provincialis declinare conati sunt. Et fortasse ad tantam audaciam comprimendam episcopis placuit, synodorum decreta pontificis auctoritate confirmari, ut ita omne effugium regularibus eriperetur. Publicari autem oportebat decreta synodi provincialis in synodis episcopalibus (b), quas, non secus ac concilia provincialia, singulis annis oportebat celebrari. Verum publicatio facienda non est, nisi praevis regio assensu & confirmatione.

C A P U T XII.

De conciliis dioecesanis.

Quae sint synodi dioecesane.

§. I. **S**YNODOS provinciales excipiunt dioecesanæ, quæ ex unius dioecesis, seu plurium provinciarum inter se adnexarum episcopis habentur; dioecesis enim in hac causa est non unius episcopatus territorium, sed plurium provinciarum adunatio: quo sensu in codice & novellis Justiniani & in canonibus Graecis vox dioecesis frequens occurrit. Sunt vero hujus-
mo.

(a) Conf. Fagnan ad cap. Et si membra ex. de his quæ fiunt a prael. sine conf. capit. (b) (cap. XXV. ex. de accusat.

modi synodi aliae patriarchales, aliae in specie dioecesanae, prout nempe dioeceses habebant, aut non habebant patriarchas. Patriarchales erant in Oriente, cujus dioecesibus praeerant patriarchae: contra in Occidente dioecesanae erant synodi Gallicanae & Hispanienses, & fortasse etiam Carthaginienses; nam olim dioeceses Occidentis, excepta Romana praefectura, sic proprie dictos patriarchas habuisse non videntur: Synodi dioecesanae in antiquis monumentis dicuntur etiam *μικτοὶσ majorēs (a)*, & concilia *universalia (b)*, *plenaria (c)*, *generalia (d)*, totius nimirum dioecesis: quin saepe additur epitheton, quo amplitudo illa ad dioecesim restringitur. Ita Augustinus secundam synodum Africanam *plenariam totius Africae* dixit (e). Dicuntur etiam *regionales*, & post concilium Constantiense *nationales*, quasi ex unius nationis episcopis celebratae. Equidem ubi dioeceses imperii Romani aliam formam induerunt, & ex illius ruinis varia regna exorta sunt, concilia dioecesana etiam aliam formam induerunt, & ab unius aut plurium regnorum, seu nationis episcopis coeperunt haberi.

Earum origo ex divisione imperii in dioeceses.

§. II. Institutio synodorum dioecesanarum a partitione imperii Romani in dioeceses per constantinum facta videtur repetenda, saltem eo

Inst. jur. can. T. VI.

H h

prae.

(a) *Conc. Antioch. can. XII.* (b) *Can. XIX, LXXVII. C. Afric.* (c) *Can. XCIV. C. Afric.*

(d) *Cont. Tolet. IV. can. 3.* (e) *August. ep. CCXV. ad Valentin.*

praeiudicio deinceps illae invaluerunt. Nimirum administratio civilis in unaquaque dioecesi vicario praefecti pretorio, aut proconsuli, aut alteri summo magistratui commissa est, qui jus dicebat de more veteri in publicis provinciarum conventibus, *agitando conventus juridicos*. Itaque ecclesiastica politia civilem imitante sensum provinciae ecclesiasticae uniùs dioecesis strictiore nexu inter se adstringi coeperunt. Hinc imperatores Valens, Gratianus & Valentinianus anno CCCLXXVI. concesserunt, ut de modo causarum civilium causae ecclesiasticae *locis suis & a suae dioeceseos synodis audiantur* (a). Probant his verbis imperatores non tantum episcopalem & synodi provincialis audientiam in causis ecclesiasticis, verum etiam totius dioecesis; permittuntque iurè ordinario dioecesis conventus agitari, quum antea extraordinario principis imperio ejusmodi conventus agebantur. Sanctio ista ad Occidentem spectavit, praecipue vero ad dioecesim Galliae, quod constat ex subscriptione, quae Treverim exhibet. Verum Occidentis episcopi minime curarunt concessam facultatem in meliorem formam redigere, & exarchum totius dioecesis constituere, qui indicendae synodi eique praesidendi jus haberet, excepta dioecesi Africana, quae in ordinarium concilii corpus praefide episcopo Carthaginienfi coaluit.

Forma synodorum dioecesanarum in Oriente.

§. III. Sed in ecclesia Orientali dioecesanarum synodi in sollemnem & ordinariam formam in con-

(a) L. XXIII. C. Th. de episc. & cleric.

concilio Constantinopolitano redactae sunt, non quidem (ut opinor) Gratiani legis praejudicio, sed quia episcopi Orientales optimum judicaverunt, civilem politiam in causis ecclesiasticis exprimere. Et quidem patres Constantinopolitani integram Orientis ecclesiam, quae quinque civilibus dioecesebus continebatur, in quinque etiam dioeceses ecclesiasticas partiti sunt, & uniuscujusque dioeceseos synodo auctoritatem tribuerunt regendi & administrandi omnia negotia ecclesiastica provinciarum, quae ea dioecesi continebantur, sed sub exarchi dioecesis, seu patriarchae gubernatione (a). Synodus novae politicae confirmationem a Theodosio petit, ut constat ex epistola synodica, at non videtur impetrasse, quod imperator jura imperii in indicendis synodis dioecesanis noluit abrogare. Deinceps vero Theodosius junior innovationi consentit, ordinarium dioecesis Illyrici orientalis concilium haberi permittens (b). Hinc in actis concilii Ephesini memoratur *sancta synodus dioeceseos orientalis*; & *synodus ex dioecesi Aegyptiaca Alexandriae congregata*. Et in concilio Chalcedonenſi veluti jam receptae hujusmodi exhibentur, dum permittunt patres, ut metropolitae pro arbitrio conſueſcentium vel apud proprium exarchum, vel apud thronum Constantinopolitanum deferantur & accusentur (c).

Hh 2

Do.

(a) *Conc. Constantinop. can. II.* (b) *L. XLV. C. Theod. cod.* (c) *Conc. Chalced. can. IX. & XVII.*

§. IV. Doctrina hæcenus proposita de synodorum dioecesanarum origine Petro de Marca debetur (a), nisi quod iste statuat, synodum Constantinopolitanam præjudicio legis Gratiani ecclesiam Orientalem in quinque dioeceses partitam esse; ego vero contra sentiam, nullam patres Constantinopolitanos illius legis rationem habuisse, sed potius ex civilis politiae forma ecclesias Orientis ordinasse. At Jac. Gothofredus (b) tenet, etiam ante Gratianum jure ordinario synodos dioecesanæ habitas fuisse, ut docet, inquit, jam triginta quinque ante hanc legem annis canon XII. Antiochenus anno D. 341., & ostendunt tot synodi dioecesanæ ante hanc legem habitæ. Verum unde habet vir summus, synodos dioecesanæ ante Gratianum habitas jure ordinario, nec præcedente rescripto principis coaluisse? Majoris ponderis est argumentum ex canone Antiocheno desumptum, eo enim permittitur episcopis damnatis in synodo provinciali, ut ad majus episcoporum concilium provocent, in quo rursus de accusatione judiceretur. Fateor equidem, majorem istam synodum ex pluribus provinciis coaluisset; at certe non jure ordinario; ex canonibus enim Antiochenis judicia conformibus episcoporum provinciae suffragiis lata omnino suprema erant, nec in majori synodo ex receptis regulis rescindebantur.

(a) *Petr. de Marca, de C.S. & I. lib. VI. cap. 26.*

(b) *Gathof. ad cit. l. XXIII.*

tur (a). Hinc ne canones Antiocheni se mutuo destruant, canon XII. accipiendus est de extraordinariis synodis, quas principes pro jure suo ad judicia ecclesiastica iterum expendenda concedebant, quod pluribus monumentis constat (b). Ita canon tantum damnat clericos in provincia concilio damnatos, si preces imperatori offerant, ut ejus auctoritate restituantur, non item si synodum postulent, ubi eorum causa retractetur.

Qui conveniunt in synodum dioecesis.

§. V. Synodus dioecesis ex metropolitae & episcopis dioecesis coalescit, eique praestit patriarcha, si dioecesis praeter metropolitae patriarcham seu exarchum habeat. Conveniebant autem metropolitae in Oriente & Romano patriarchatu jure ordinationis, quam a patriarcha accipiebant (c); in veteri enim disciplina manuum impositio ordinatori ejusque synodo addicebat. Verum in Galliae & Hispaniae dioecibus, ubi nulli erant patriarchae, qui metropolitae consecrarent, non jure ordinationis metropolitae conveniebant, sed potius jussu principis, qui concilium indicebat: in Africa vero ad synodum primates cogebantur confoederationis instituto; primates enim Africani ab exarcho Carthaginiensi non ordinabantur, nec jussu principis invitabantur ad concilium. Ceterum non omnes metropolitae

&

(a) *Conc. Antioch. can. XV.* (b) *Conf. Petrus de Marca de C.S. & l. lib. VII. cap. 2.* (c) *N. vel. CXXXVII. Justin. cap. 4 Conf. superius dicta cap. XII. §. 4.*

& episcopi ad synodum conveniebant , sed qui nullo impedimento detinebantur . Quia in Africa ubi singulis annis plenariam synodum haberi placuerat , ne episcopi toties & tamdiu suis ecclesiis abesse cogerentur , statutum est , ut omnes provinciae , quae primas sedes habent , ad generalem synodum de concilis suis binos , ut plures episcopos mittant (a) . Quod si res magni momenti tractanda esset , praeter legatos provinciarum maxima pars episcoporum conveniebat , ut videre est in synodo sexta Carthaginensi , in qua ad tractandam causam de appellationibus ad sedem apostolicam septemdecim supra ducentos episcopi adfuerunt .

Synodi dioecesis a quo indictae .

§. VI. Jam vero concilia patriarchalia in Oriente ubi in ordinariam & assiduam jurisdictionem abierunt , a patriarcha indicebantur , nec necessarius erat specialis principis assensus . Similiter summi pontificis erat indicere synodum Italiae , quae a quinto saeculo ex duabus dioecesibus , praefectura nempe Romana & Italica dioecesi stricte sic dicta , coepit coalescere : quod Theodorico regi , qui ad discutiendam Symmachi pontificis causam concilium indixerat , episcopi provinciarum Liguriae , Aemiliae & Venetiarum suggererunt : *ipsum Symmachum , qui dicebatur impetitus , debuisse synodum convocare* (b) . Erat nimirum ea aetate summus pontifex in illis duabus dioecesibus veri nominis pa-

(a) Can. XVIII. C. Afric. (b) Conc. Roman. anni 121. sub Symmacho ap. Jusiel. biblioth. jur. canon. vet. p. 264.

patriarcha . Item synodum generalem Africae primas Carthaginienſis indicebat (a) , quod jus non ordinatione metropolitānorum , ſed potius conſenſu epiſcoporum illi quaſitum eſt . Sed in Gallia & in Hiſpania principes ipſi concilia generalia indicebant (b) ; non enim dioceſes illae habebant patriarchas , nec placuit tantum jus alicui metropolitānorum tribuere . Et quamvis concilium Arelatenſe II. ſtatuere , ut *ad Arelatenſis epiſcopi arbitrium ſynodus congregetur* (c) ; tamen canon iſte velut ab ambitione Hilarii Arelatenſis proſectus uſum non habuit : quin aperte Leo M. Hilario interdixit conventus indicare ſynodales (d) . Nec vicariatus apoſtolicus , quo etiam indiſtio conciliorum dioceſanorum continebatur , epiſcopis Arelatenſibus communicatus , eos poteſtate indicendi ſynodos generales auxit , Certe , inquit Petrus de Marca (e) ; *nullum regni generale concilium reperitur ab iis (epiſcopis Arelatenſibus) convocatum fuiſſe , prohibentibus nimirum regibus & reliquis metropolitānis* .

In Occidente ſaepe habitae auctore pontifice.

§: VII. Quamvis autem in Gallia & Hiſpania generales ſynodi juffu regis haberentur , non tamen vetabatur ſummus pontifex praecipere , ut concilium dioceſanum haberetur , ſi eccleſi-

ſi-

(a) *Can. XCV. C. Afric.* (b) *Conf. Petr. de Marca lib. VI. de C. S. & I. cap. 17. ſeqq. & Thom. de antiq. & nova eccleſ. diſcipl. par. II. lib. 3. cap. 48.* (c) *Conc. Arelat. II. can. XVIII.* (d) *Leo M. ep. X. ad epiſc. Viennens. ed. Q.* (e) *Petr. de Marca loc. cit. cap. 19. n. 8.*

fae necessitas postularet. Ita Leo M. in Hispania generale concilium haberi iussit adversus haereticos Priscillianistas, cujus promovendi sollicitudinem Turribio Asturiensi episcopo demandavit (a). Et Gregorius M. cupiens abolere nundinationes ordinationum, quae in regnis Burgundiae & Austrasiae invaluerant adversus canones, synodum haberi in Gallia iussit litteris ad aliquot metropolitanos datis (b). *Fraternitatem vestram auctore Deo volumus synodum congregare.* Sed sancta pontificum consilia de habendis in Gallia & Hispania synodis effectum habere non poterant, nisi principes etiam assentirentur, & conventum iudicerent, quod ex Gregorio M. constat; qui in Galliis synodum haberi exoptans, etiam assensum regis & indicationem obtinere studuit (c). Et profecto praecepta pontificum de habendis conciliis regiam auctoritatem non excludebant; quin potius eidem adjungebantur, ut utraque potestate in eundem finem conspirante, eo melius negotia ecclesiastica procederent.

Quoties synodus dioecesis habenda.

§. VIII. Quousque majores plurium provinciarum synodi fuerunt extraordinariae, arbitrio principum, prout causae gravitas exigebat, indicebantur; at ubi evaserunt ordinariae statim temporibus haberi coeperunt. In Oriente ex Justiniani constitutione quolibet anno celebrari debebant, quam disciplinam inde synodus octa-

va

(a) Leo M. ep. XV. ad Turrib. ed. Q. (b) Greg. M. lib. VII. ep. 10. (c) Greg. M. loc. cit. ep. CXIII. seq.

va generalis confirmavit (a). Similiter synodum Africae generalem quotannis celebrandam concilium III Carthaginense *secundum statuta Nicœna* statuit (b): qua in re Africani patres potius mentem canonis Nicœni de necessitate synodorum, quam ipsam canonis sententiam expresserunt; canone enim Nicœno tantum synodum provincialem bis in anno habendam edicitur, altumque in eo est de conciliis dioecesanis silentium. Verum quoniam annua celebratione episcopi fatigarentur, inde placuit patribus Africanis, ut tum solum generale concilium Africae cogeretur, si dioecesis totius necessitas postularet (c). Canones quoque & pontifices concilia generalia in Gallia & Hispania semel in anno celebrari jusserunt (d): sed regula ista in usum deducta non videtur, ut nec decretum synodi Matisconensis, quo singulis trienniis celebratio synodorum Galliae praecipitur: Ita generalia Galliae & Hispaniae concilia, quemadmodum Africana, pro necessitate ecclesiae, non stato tempore ferme celebrata sunt.

Quae in synodo dioecesana tractanda.

§. IX. Quod vero spectat ad negotia, quae in conciliis dioecesanis tractari solebant, ea in primis fuerunt causae communes. Itaque patres Africani tum concilium generale celebrandum statuerunt, *quoties exegerit causa communis*, *Inst. jur. can. T. VI.* *li* *idest*

(a) *Novel. CXXXVII. ep. 4., conc. VIII. can. XVII.* (b) *Can. XVIII. C. Afric.* (c) *Can. XCV. eod.* (d) *Conc. Agath. can. LXXI., Hilarius papa ep. VIII, ad episc. Galliae.*

idest totius Africae (a). Idem habent capitularia regum Francorum, *caussae, quae communes non sunt, in suis provinciis judicentur.* Causae autem communes non erant solae dogmaticae, verum etiam quae totius dioecesis aut regni disciplinam respiciebant. *Si causa fidei est,* inquit patres Toletani (b), *aut alia ecclesiae generalis, totius Hispaniae & Galliae synodus convocetur.* Et profecto controversia de appellationibus inter Romanos pontifices & episcopos Africanos occasione Apiarii presbyteri exorta in conciliis generalibus Africae disputata est. Ea vero ratione tantum causae communes ad synodos dioecesanæ spectabant, quia singulis annis etiam concilia provincialia celebrari oportebat; atque adeo ad synodum generalē causae singularū provincialiū non erant pertrahendae. Synodi quoque dioecesanae canones, quibus ordinabatur disciplina, condebant, & definitiva supremaque sententia terminabant causas omnes ecclesiasticas, quae in synodis provincialibus difficiles visae essent. Porro in Oriente & Africa in causis episcoporum ad synodum patriarchalem, aut Africae generalem a sententiis concilii provincialis appellabatur (c).

Synodus patriarchalis Romani pontificis.

§. X. Jam Romanus pontifex, non secus ac reliqui Orientales patriarchae, suam habebat or.

(a) *Can. XCV. C. Afric.* (b) *Conc. Tolet. IV. can. 3.* (c) *Novell. CXXIII. cap. 22. & novell. CXXXVII. imper. Just., Epist. conc. Afric. ad Cae. lest. in C. Afr. can. CXXXVIII.*

ordinariam patriarchalem synodum, quae ex Italiae metropolitibus & episcopis coalescebat. Et quidem longo annorum cursu synodus Romani pontificis episcopi solius Romanae praefecturae, quae in decem provincias extendebatur, complexa est. Quod vero provinciae hujus dioecesis praeter Romanum pontificem alios non haberent metropolitibus (a); synodus pontificis potius metropolitana, quam patriarchalis fuisse videtur, eoque conveniebant episcopi jure ordinationis, quam a pontifice accipiebant (b). Dioecesis Italica stricte sic dicta, cujus metropolis erat Mediolanum, ad synodum Romanam non pertinebat, (nec enim Mediolanenses antistites a pontifice consecrabantur) sed peculiarem synodum videtur habuisse. At quinto exunte saeculo Romanae praefecturae & Italiae synodi in unam abierunt, & synodus Romani pontificis patriarchalis evasit. Sane in concilio Romano sub Symmacho anno 1311 etiam Mediolanensis & Ravennas antistites subscripserunt (c). Et episcopi provinciarum Liguriae, Aemiliae & Venetiarum Theodoricum regem, qui generalem Italiae synodum ad judicandam Symmachii pontificis causam indixerat, convenerunt, ei-que significarunt, ipsum Symmachum, licet reus esset, synodum indicere debuisse, ipsum, qui di-

(a) *Conf. dicta par. I. cap. 4. §. 10.* (b) *Leo M. ep. XVI. cap. 1. & 7. univers. episc. per Siciliam const. ed. Q.* (c) *Conc. Romani. Symmachii papae op. Jusse. in Biblioth. jur. can. veter. pag. 263.*

cebatur impetitus, debuisse synodum convocare (a). Nimirum hac tempestate jam receptum erat, ut Mediolanensis & Aquilejensis antistites ex consensu pontificis ordinarentur (b), quod probat eos ad Romanam synodum pertinuisse.

Per totum Occidentem non extendebatur.

§. XI. Ceterae Occidentis generales synodi comiter quidem Romanum pontificem venerabantur; at ad ejus ordinarium concilium non pertinebant; metropolitae enim Occidentis non a Romano pontifice, sed a suis provinciarum episcopis solebant consecrari. Primus Nicolaus I Galliae & Germaniae episcopos ad synodum Romanam evocavit (c), ut ea ratione eandem in Gallia & universo Occidente patriarchalis potestatis amplitudinem constitueret, qua patriarchae Orientis in sua quisque dioecesi potiebantur. Sed evocatio ista effectu caruit intercedente regia potestate, & episcopis tantae innovationi non consentientibus. Ergo synodus VIII generalis statuit, ut metropolitani, qui impositionem manuum aut pallium a patriarcha acceperint, ad ejus concilium accedere teneantur, nihil obstantibus mandatis principum, quibus episcopi ad synodum accedere vetarentur (d). Hic canon urgentibus Romanis legatis conditus videtur ad ampliandam pontificis patri-

(a) *Conc. Roman. an. 101. apud cit. Jusiel. p. 264.* (b) *Can. XXXIII. C. 24 q. 1., Gregor. M. lib. II. ep. 31.* (c) *Epist. XXVI. ad Ludovic. Germaniae & Carolum Calvum reges.*

(d) *Conc. VIII. can. XVIII.*

triarchalem potestatem & ejus synodum ordinariam, oppositusque est Gallicanis episcopis, qui ne ad concilia ordinaria Romani patriarchatus convenire cogerentur, excipiebant, se a pontifice non accipere manuum impositionem, & impediri mandatis principum, ne ad synodos illas convenirent. Itaque synodus, quod jure ordinationis non poterat obtineri, tribuit pallio, quod tum Occidentis metropolitae passim a pontifice accipiebant, eoque accepto veluti pontificis vicarii censebantur (a): & praeterea contra juris publici principia statuit, nihili facienda principum mandata, quibus episcopi ad synodum patriarchae convenire impedirentur. Sed synodus ista in Gallia recepta non est, utpote quae receptos ibi mores & regia jura petere videbatur, quod ex antiquis monumentis Petrus de Marca observat (b).

Plenarium Occidentis vel Orientis concilium.

§. XII. Quamvis autem dioecesanae Occidentis synodi a se mutuo non penderent, nec ordinaria pontificis synodus per totum Occidentem extenderetur; tamen per consultationes in rebus fidei, & saepe etiam disciplinae, singulae cum Romana synodo connectebantur. Immo si res tanti erat, omnia Occidentis plenaria concilia cum Romano coalescebant; missis ad Romanum legatis, qui decreta provinciarum referrent. Atque haec erat plenaria Occidentis synodus, quae decretorum collatione in causis com-

(a) *Conf. dicta par. I. cap. 9. §. 4.* (b) *Petr. de Marca de C. S. & I. lib. II. cap. 17. §. 3. & lib. VI. cap. 15. §. 2.*

communibus coalescebat. Certe Hilarius diaconus hujus concilii mentionem facit, ubi ait, Leonem pontificem *cum omni Occidentali concilio* reprobare omnia, quae in Epheso contra canones per tumultus & odia saecularia a Dioscoro episcopo gesta sunt (a). Et synodus, quae sub Agathone pontifice contra Monothelitas habita est, testatur, omnia illa concilia, quae per Occidentis & septemtrionis provincias ad Oceanum usque porrectas coguntur, ad synodum apostolicae sedis, pertinere (b). Similiter ecclesia Orientalis, saltem aetate Ambrosii, plenarium concilium habuisse videtur; ait enim ille in synodo Aquilejensi, *consuetudinem hujusmodi esse, ut in Oriente Orientalium esset concilium, intra Occidentem occidentalium*.

Synodi dioeclesanae celebrari desierunt.

§. XIII. Concilia dioeclesana in Occidente summa auctoritate negotia ecclesiastica usque ad nonum saeculum administrarunt, inde sensim nullius usus evaserunt. Principio huic mutationi multum contulerunt novae disciplinae regulae ope fallarum decretalium tandem in ecclesiis Occidentis receptae; concilia etiam provinciarum haberi non posse sine sedis apostolicae auctoritate; itemque ad Romanum pontificem pertinere etiam ordinariam episcopalem omnium ecclesiarum sollicitudinem. Itaque Romani pontifices a tempore Nicolai I extra Italiam indicare

coe.

(a) *Hilar. diac. ep. ad Pulcheriam par. I. conc. Chalced. n. 24.* (b) *Epist. Agath. & synodi Roman. aet. IV. concil. VI.*

coeperunt generales provinciarum synodos neglecta regum iussione ; & ferme omnia regionum Occidentalium concilia praesidentibus sedis apostolicae legatis haberi coeperunt , sive quod legati tantum ut illis praesiderent , mitterentur ; sive quod ad explicandam per ecclesias ordinariam & episcopalem pontificis sollicitudinem magno numero missi in suae legationis provinciis concilia celebrarent (a). Praesidebant autem synodis legati summa auctoritate , facileque iis erat , negotia ferme omnia provinciarum sedis apostolicae iudicio reservare ; etenim unicuique legati suffragium aequivalebat collectis totius concilii suffragiis : atque ita sententiarum divisione introducta , negotium tamquam difficile ad sedem apostolicam devolvebatur (b). Sic demum & tantum non deleta episcoporum potestate , & frequentibus causarum ad sedem apostolicam devolutionibus synodorum auctoritas vix aliqua erat , & episcopi earum celebrationem negligebant . Praeterea iudicia a legatis lata in synodis per appellationem Romam deferbantur , ubi interdum parte altera inaudita mittebantur in irritum : quod ferme nullius usus synodos provinciarum reddebat , ut Ivo Carnotensis observavit (c) : *quid ultra valebunt celebranda concilia , quorum per unius personae delationem irrita fient , quantalibet auctoritate fulta iudicia ?*

Quin

(a) *Conf. dicta par. I. cap. 13. §. II. seqq.*
 (b) *Petr. de Marca de C. S. & l. lib. VI. cap. 30. n. 4.* (c) *Ivo Carnotens. ep. XCV.*

Quin postquam appellationes a conciliis provinciarum ad sedem apostolicam receptae sunt, pontifices ultra processerunt, sibi quae omnem de causis majoribus auctoritatem, quam nulli communicarent, vindicarunt: atque ita generalia concilia provinciarum celebrari desierunt; quod in specie de Gallicanis Petrus de Marca observat (a).

C A P U T XIII.

De conciliis generalibus.

Concilia generalia olim ex imperio Romano coacta.

§. I. **V**ENIO ad concilia generalia, quae a totius christiani orbis episcopis celebrantur. Ea Augustinus concilia *plenaria ex universo orbe christiano* (b). Graeci vero dicunt *ἐκ τῆς οὐνικῆς* id est *ἐκ τῆς οὐνικῆς*, *ex terra, quae habitatur*. Orbis autem christianus & *οὐνικὸν* apud veteres saepe ipsum Romanum imperium designant. Certe *πᾶσα ἡ οὐνικὴ* *universus orbis* apud Lucam (c), & *κόσμος* *mundus* in Antonini imperatoris rescripto (d) ipsum sunt Romanum imperium. Et ut alia multa mittam, quae

(a) Petr. de Marca loc. cit. n. 12. (b) Augusti, lib. II. de bapt. contra Donatist. cap. 3.

(c) Luc. cap. II. v. 1. (d) L. IX. D. ad L. Rhodiam de jactu.

quae in hanc sententiam Suicerus (a) congefſit, in concilio ſub Menna Juſtinus & Euphemia dicuntur *διεσπότεαι τῆς ὀνὸς διακρίνης*, *domini univerſi orbis* (b). Hinc oecumenica concilia veteribus erant, quae ex omnibus imperii Romani tam Orientis, quam Occidentis provinciis habebantur, quod Juſtellus alique viri docti obſervant (c). Sane Gelafius Cyzicenus ait (d), ſynodum Nicoenam coactam fuiſſe *ἐκ πατρῶν τῶν τῆς Ῥωμαίας κῶςμς ἐπαρχιῶν*, *ex omnibus orbis Romani provinciis*. Et Cedrenus oecumenica concilia ita dicta ſcribit, quod ad ea *οἱ κατὰ πᾶσαν τὴν Ῥωμαίαν πολιτείαν ἀρχιερεῖς*, *qui eſſent in Romano imperio, antiſtites* convocarentur. Concinaunt Innocentius papa & Auguſtinus, qui oecumenicam ſynodum fieri adfirmant, ſi *Orientis & Occidentis* ſacerdotes congregentur (e), utique imperii Orientalis & Occidentalis: quo ſenſu voces iſtae paſſim occurrunt. Qui erant in barbarico epifcopi, non facile poterant convenire, quamvis Nicoeno concilio Perſidis epifcopus & Scythae adfuerint (f).

Inde ex ſolis Occidentis epifcopis coacta.

§. II. Verum enimvero labentibus annis
Inſt.jur.can.T.VI. K k am-

(a) *Suicer. v. διακρίνη*. (b) *Conc. Conſtan- tinop. ſub Menna aet. V.* (c) *Juſtell. not. in C. eccleſ. Afric. can. XVIII.* (d) *Gelaſ. Cyzicen. lib. I. aet. conc. Nicoeni.* (e) *Innocent. l. ap. Pallad. de vita Chryſoſt. cap. III., Auguſt. lib. III. contra duas epiſt. Pelagian. cap. 12.* (f) *Eufe- b. de vit. Conſtant. lib. III. cap. 6.*

amplitudo generalis concilii ad angustiores fines redacta est, & ferme ex solius Occidentis episcopis coepit celebrari. Nimirum dissipato in varias partes & veluti dissecto per Orientalium schisma ecclesiae corpore, quod consequens erat, interrupta est inter Orientis & Occidentis ecclesias communio, & catholicus orbis ecclesiae Occidentis finibus censeretur coepit. Et quamvis deinceps in synodis Lugdunensi II & Florentina Graeci cum Latinis in concordiam redierint; tamen concordia ista diu non stetit. Deinceps solido Graecorum imperio per Turcas occupato, etiam novi imperii status non permisit, Graecam ecclesiam cum Latinis communicare. Ita concilium plenarium ferme ex solius Occidentis episcopis habitum est, quod & ipsum ob recentiores haereses minus frequens evasit. Et multae Occidentis synodi, quibus Graeci non interfuerunt, generales eo sensu sunt, quod ab Orbe catholico, qui cum Romano pontifice communicabat, coaluerunt; nam alias potius patriarchales, quam generales videri possunt, quod cardinalis Cusanus & Christianus Lupus observant (a). *Sacro sancto Tridentino concilio*, inquit Lupus, *nullus adfuit patriarcha, nullus Graecus episcopus . . . : proinde ipsum videtur non generale fuisse aut oecumenicum, sed dumtaxat patriarchale*. Ceterum minoris auctoritatis non sunt habenda ecclesiae Romanae & Occidentalis decreta in rebus fidei, quod ecclesiarum Ori-

(a) Cusan. de concord. lib. II. cap. 20., Lupus in diffat. Greg. VII. can. XVI. tom. 5. E. V.

Orientalium consensu & concordia destituantur. Etenim innituntur & sustinentur sedis apostolicae auctoritate, quae verae fidei depositum majorumque traditiones sincerius conservat.

Non omnes episcopi concilio generali debent interesse.

§. III. Secundum veteres regulas ad generale concilium universi christiani orbis episcopi debent invitari; at non est necesse, ut omnes conveniant. Sufficit multorum ex omni ecclesia praesentia: omnes congregari ecclesiasticum ministerium, mala valetudo aliaeque causae non patiuntur. Certe Theodosius Junior indicto concilio Ephesino, quod erat oecumenicum tertium, & inde Marcianus indicto Chalcedonensi divalibus litteris praeceperunt metropolitae, ut certum episcoporum numerum pro arbitrio secum ad concilium adducerent, rursusque alios pro ecclesiastico ministerio in provinciis relinquerent (a). Praesertim vero adesse generali synodo debebant majorum gentium patriarchae (b); qui si interesse vetebantur, satis erat mittere legato & litteras dogmaticas, quibus se & suas patriarchales synodos omnibus actis & agendis communicare & consentire profitebantur. Et reapse indicta generali synodo in provinciis praesertim remotioribus peculiare synodi cogeantur, in quibus de generali synodo

K k 2

mox

(a) *Epist. Theod. ad Cyril. Alexandr. par. I. conc. Ephes. cap. 32., epist. Marciani par. I. conc. Chalced. n. 56.* (b) *Anastasi. Biblioth. praef. synodi VIII.*

mox habenda tractabatur, & eligebantur legati, qui synodo omnium nomine secundum mandatorum formulam adessent. Episcopi Occidentis exiguo admodum numero conciliis generalibus in Oriente celebratis adfuerunt longo itinere impediti, eorumque vices ipsi Romani legati saepe sustinebant.

Auctoritas pontificis synodo generali necessaria.

§. IV. Illud vero constat inter omnes, jure non haberi generalia ecclesiae comitia, si summus pontifex non consentiat, & praestet auctoritatem. Hoc nomine in concilio Chalcedonensi Lucentius, unus ex Romanis legatis, redarguit Dioscorum, quod repudiata pontificis auctoritate synodum Ephesi coactam peregisset: *quod nunquam factum est, nec fieri licet* (a), utique ex receptis regulis, quae id habebant, legitima non esse generalia concilia, quibus papa non interesset, aut consentiret. Hinc prima Constantinopolitana synodus, quod nec ex consensu pontificis celebrata esset, nec ejus legationem praesidentem habuisset, oecumenica non fuit, nisi postquam sedis apostolicae auctoritas accessit. Et quinta synodus, cui nec Vigilius papa, tum Constantinopoli praetens, nec alius ejus nomine interfuit, omnium consensu inter generales convaluit, postquam peculiari constituto eam pontifex probavit & recepit. Ex regulis vero ecclesiasticis non est necessaria pontificis praesentia, sed sufficit ejus legatos adesse: & reapse conciliis in Oriente celebratis summus pon-

(a) *Conc. Chalced. act. 1.*

pontifex numquam interfuit, etsi in loco concilii verteretur, sed potius legatos mittere consuevit. Ceterum in quibusdam casibus extraordinariis concilium generale absque papa recte habetur, idque non modo in schismatis casu, si papa sit dubius; sed etiam extra schisma, si sit haereticus, si detentus, si mentecaptus, si aperte simoniacus, aliisque similibus casibus, quos evenire posse theologi juxta ac canonistae docent (a).

Imperatores olim concilia generalia indicebant:

§. V. Quo autem ex toto orbe christiano episcopi conveniant, & synodum celebrent, indictio legitima praecedat, oportet. In veteri disciplina synodos oecumenicas indicebant christiani imperatores missis divalibus litteris ad metropolitanos aut patriarchas, qui sibi subiectis episcopis mox celebrandam synodum denuntiabant. Sane concilium Nicaenum Constantinus M., Constantinopolitanum Theodosius M., Ephesinum Theodosius Junior, Chalcedonense Marcianus, & deinceps reliqua in Oriente celebrata imperatores convocarunt: quod argumentum Launojus fuscè pertractat (b). Hinc ubi pontifices necessitatem concilii esse intelligebant, precibus adibant imperatores, ut ecclesiae laboranti suppetias ferrent, & concilium indicerent (c). Tanta vero potestate hac in re,
olim

(a) *Conf. Bossuet. defen. declarat. lib. III. cap. 1.* (b) *Launojus epist. lib. VI. ep. 1. & seq.*
(c) *Leo M. ep. XXIII. ad Theodos. ed. Q.*

olim utebantur imperatores, ut concilia ipsi pontificibus non petentibus indicerent, contra illis petentibus denegarent. Ita ad iterum examinandam Eutychetis causam, qui a Constantinopolitana S. Flaviani synodo damnatus majus concilium appellaverat, Leo M. novam synodum necessariam non censebat: contra Theodosius imperator ab Eutychetis fautoribus circumventus eam indixit. Et ad emendationem Latrocinii Ephesini concilium Leo M. habebat necessarium, idem vero Theodosius non concessit.

In nova disciplina pontifices indicunt concilia generalia.

§. VI. Quidquid vero sit de veteri disciplina, post octavum saeculum reipublicae non minus quam ecclesiae statu mutato, summi pontifices concilia generalia veluti proprio jure indicare coeperunt. Nimirum Occidentis imperio ab Orientali distracto, itemque ipso Occidente in varia regna dissecto, non erat amplius in unius principis potestate omnes christiani orbis episcopos in unum congregare, quin nec solidi Occidentis, in quo multa regna imperialem excusserant potestatem. Concilii quoque oecumenici congregatio ad solum Occidentem per schisma Graecorum redacta erat: nam si ex utraque ecclesia concilia coalescere perrexissent, vix erat; ut Graeci conciliis sine auctoritate imperatoris indictis consentirent: Ita post saeculum decimum nullo adversante generalia Occidentis concilia pontifices indixerunt, jamque inter decreta Gregorii VII illud extat, nullam synodum, absque praeepto papae, hoc est absque pontificis

in

indictione, posse generalem vocari (a). Ceterum conciliis a pontifice indictis etiam principes debent consentire, quo facilius sit eorum celebratio, episcopis regnis & provinciis egredi liceat, & spiritualis ecclesiae auctoritas temporalis gladio fulciatur. Dantur vero aliqui casus, quibus etiam sine pontificia indictione concilia, alias ecclesiae necessaria, celebrantur, veluti si summus pontifex infirmitate laboret, aut si inter duos pluresve pontifices ecclesia scindatur: quibus casibus concilium indicunt cardinales, sed principalibus adsentientibus. Nec dubitatur, quin ipsa generalis synodus antequam dissolvatur, aliam sequentem possit indicare (b).

*Richerius jus indicendae synodi generalis
imperatorii vindicat:*

§. VII. Jam non levis disputatio est, quo jure olim imperatores synodos generales indixerint. Graeci scriptores, quibus adstipulantur recentiores haeretici, & ex catholicis Richerius & Febronius (c) contendunt, imperatoris, non pontificis esse synodum generalem congregare: & hinc inter alias causas, cur synodum Tridentinam non recipiendam Molinaeus docuerit, haec profecto fuit, quod a pontifice, non ab imperatore, indicta esset: Provocant ad jura principum, quorum interest exortas in ecclesia de fide controversias quam cito finire, ut legitima-
an.

(a) *Dictat. Gregor. VII. can. XVI.* (b) *Conf. Febron de statu eccles. cap. VI. §.* (c) *Richer. hist. concil. cap. II., Febron. de statu eccles. cap. VI. §. 2.*

auctoritate compositae ecclesiam & rempublicam non perturbent. Addunt varia antiquitatis testimonia, in primis vero consistunt in Leone M. *(a)*, qui Latrocinii Ephesini infelicem exitum emendaturus, a Theodosio juniore exorat concilii celebrationem, & quidem talibus verbis, quae aperte videntur contestari, id jus imperatoris, non pontificis fuisse. *Si pietas vestra*, inquit pontifex, *suggestioni ac supplicationi nostrae dignetur annuere, ut intra Italiam haberi jubeatis episcopale concilium, cito (auxiliante Deo) poterunt omnia scandala, quae in perturbationem totius ecclesiae sunt commota, refecari*. Exstant alia Leonis M. similia loca, quae exhibiturus Zieglernus praefatur *(b)*: *petebant igitur, pontifex nimirum, ab imperatore, ut id fieret, & quidem verbis talibus, quae auctoritativam imperatorum in convocandis conciliis potestatem satis clare describunt*.

Contra plerique catholici id tribuunt pontifici.

§. VIII. Ex adverso Baronius, Bellarminus, Thomassinus, Nat. Alexander, Christianus Lupus alique multi tenent, omni aetate jus fuisse summi pontificis, non imperatoris generalia concilia convocandi; in quam sententiam multa proferunt argumenta, sed potiora huc redeunt. Concilia oecumenica universam repraesentant ecclesiam; atque adeo tantum in nomine, seu auctoritate Christi convocanda: jure igitur ab eo indicenda, cui Christi auctoritas per universam

fam

(a) Leo M. ep. XXIII. ad Theodos. ed Q.

(b) Ziegler. de episcop. cap. XVIII. n. 25.

sam ecclesiam concedita est. Synodus quoque Constantinopolitana I. Pelagius II summus pontifex; Maximus Martyr & capitularia regum Francorum id habent expresse, pontificis esse synodos indicere generales (a). Praeterea primis saeculis solius ecclesiae iudicio atque auctoritate, non imperatorum jussu multa concilia, etiam numerosissima, convocata sunt: cumque quod ab ecclesia gestum est prioribus saeculis, quae apostolica vocantur, norma sit eorum, quae sequentibus fieri oportebat; consequitur, concilia pacatis temporibus iudicio ecclesiae convocari debuisse (b). Item imperator Valentinianus aperte profitetur, non esse sui juris negotiorum ecclesiasticorum tractationem & conciliorum indictionem (c). Quod si concilia oecumenica priora ab imperatoribus indicta sint, id facto potius quam jure gestum hujus doctrinae patroni interpretantur, & facto quidem, cui ecclesiae, aut pontificis auctoritas praeluxit, aut accessit. Facile enim non erat in veteri disciplina sine imperatoris auctoritate concilia generalia celebrari: per publicas leges conventus agitare princeps non concedente erat interdictum, litteris tractatoriis ab imperatore datis ad iter faciendum & necessarias impensas episcopis opus erat, &

Inst. jur. can. T. VI. L 1 1a.

(a) *Conc. Constantinop. ep. synod. ad Damas. ap. Theodoret. lib. V. cap. 9., Peleg. II. ep. VIII., Maxim. Martyr in collat. cum Theodosio episc., Capit. reg. Franc. lib. IV. cap. 12. & lib. VI. cap. 287.* (b) *Conf. Thomass. de concil. diss. III.*

(c) *Ap. Sozom. lib. VI. cap. 7.*

sacra antistitum potestas temporali imperio erat sustinenda. Hinc factum, ajunt, ut ecclesia ipsa synodos ab imperatoribus impetraret, vel principibus eas indicientibus assentiretur, non quod imperatorii juris indictionem esse crederet, sed potius quod ministerio principis indicta synodus facilius & promptius coalesceret (a).

Launojus ad disciplinam pertinere docet.

§. IX. Medius inter has sententias Jo. Launojus docet, indictionem non pertinere ad naturam conciliorum, ac plane disciplinae, non dogmatis esse, & inde vetera generalia concilia per imperatores indicta; recentiora vero, quod jam disciplina mutata esset, per pontifices fuisse congregata. *Conciliorum generalium indictio*, inquit (b), *& convocatio res est disciplinae, non dogmatis*. Id probat auctoritate Gelasii papae (c), qui legitimae, & falsae synodi recensens characteres, personam congregantis synodum & synodi congregationem praetermittit, quippe qui tenebat, parum interesse, quis synodum convocasset, aut qua ratione convocata esset, modo secundum scripturas, traditionem patrum & ecclesiasticas regulas celebraretur. Nec Launojum moratur Marcelli papae decretalis ad Maxentium, qua ea synodus legitima habetur, quae apostolica, aut regulari auctoritate convocetur; nam decretalem istam veluti a Mercatoris officina

na

(a) *Conf. N. Alexander saec. IV. hist. dissert. XI.* (b) *Launojus epistolar. lib. VI. ep. 11.*

(c) *Gelas. ep. XIII. ad episcop. Dardaniae.*

na profectam explodit (a): quod omnino verum est. Hac posita doctrina Parisiensis theologus non minus eos refellit, qui aliquid auctoritatis detrahunt antiquis synodis, quod ab imperatoribus indictae sint; quam qui recentiora concilia & ipsum Tridentinum repudiant, quod a pontificibus fuerint convocata.

Summus pontifex conciliis generalibus praesit.

§. X. Jam vero auctoritas summi pontificis generalibus conciliis necessaria, ei jus tribuit si-
ve per se, siue per legatos conventui praeside-
di quae *πρὸς πλὴν* in veteri disciplina, quae spi-
ritualia erant, spectabat: Concilium oecumeni-
cum universalem repraesentat ecclesiam, cujus
ecclesia Romana centrum est; atque adeo qui
inter episcopos speciali praerogativa condeco-
ratur, etiam generali concilio debet praeside-
re. Sane synodo Nicoenae Osius Cordubensis
episcopus, Vitus & Vincentius Romani prae-
sbyteri praefuerunt, vicem Silvestri pontificis
sustinentes. Et quamvis plures docti viri Osi-
um non vice pontificis praesedis-
se teneant; tamen quum de Osi-
o praesidente loquantur antiqua
monumenta, nisi demonstretur, illum vel prin-
cipis, vel synodi delegatione praefuisse; neces-
sario dicendum est, vices pontificis sustinuisse;
nam ratione ecclesiae suae (erat episcopus Cor-
dubensis in Hispania) tanto honore augeri non
poterat (b). Constantinopolitanae synodo nulli

L. I. 2

(a) *Lauraeus lib. VI. epist. i.* (b) *Conf. Petr. de Marca de C. S. & I. lib. V. cap. 3.*

Occidentis episcopi interfuerunt, at synodus ista potius ex sequenti receptione, quam origine sua universalis censetur. Ephesino concilio Cyrillus Alexandrinus vices agens Caelestini pontificis, tresque alii eidem adjuncti legati a pontifice missi praesuerunt (a); & in concilio Chalcedonensi Paschasius & Lucentius episcopi, & Bonifacius & Basilius presbyteri loco Leonis papae *προεδρία* occuparunt (b). Sequentibus conciliis in Oriente & Occidente habitis etiam pontifices praesuerunt; at Orientalibus semper missis legatis, Occidentalibus vero saepe ipsi pontifices praesentes clavum tenuerunt. Tantum quintae synodo defuit pontificis *προεδρία*, nam Vigilius summus pontifex, tum Constantinopoli praesens, & si amplissimis legationibus invitatus, noluit adesse, & praesidere, maluitque seorsum a synodo sententiam dicere: verum synodus ista tum sine controversia concilii oecumenici nomen praetulit, ubi auctoritas & constitutum pontificis accessit, quod sexta universalis synodus observavit.

Cum relationis & suffragii praerogativa.

§. XI Sed pontifici Romano in conciliis generalibus competens *προεδρία* non meram sedendi praerogativam importat, sed jus relationis cum praerogativa suffragii habet adnexum. Qui in confesso omnibus praest, procul dubio in omnibus negotiis primus referre & censere debet. Ita in concilio apostolorum de legalibus

om-

(a) *Caelest. epist. ad cler. & popul. CP. & epist. ad concil. Ephesin., conc. Ephes. act. 1.* (b) *Leo V, 17. is. LXXII. ed. Q,*

omnium primus Petrus sententiam dixit (a). Et deinceps in conciliis ante quam ad res propositas definiendas gradus fieret, litterae pontificis, quae in confesso episcoporum coram beatissimo apostolo Petro conditae erant, legebantur. Tantaë autem auctoritatis erat haec praerogativa relationis & suffragii, ut in synodo Chalcedonenſi eo praesertim nomine dignitati ecclesiae Constantinopolitanae legati pontificii obſtiterint, quod Leo pontifex ejus rei auctor non fuerat, quemadmodum auctor fuerat rectae fidei statuendae: quam legatorum sententiam non omnino synodus rejecit, sed ob temporis adjuncta sine pontificia relatione decernendum fuisse respondit (b). Referre autem & censere oportet pontifices secundum receptam fidem & antiquam traditionem, quae sincerius in ecclesia Romana vigent.

Litterae pontificis in synodis expensae.

§. XII. Praerogativa autem suffragii, qua Romanus pontifex in synodis generalibus pollet, tanta non est, ut reliquorum episcoporum sententias & suffragia tollat, & ulteriorem inquisitionem abrumpat; constat enim ex antiquis monumentis tum receptas per synodos litteras pontificis, si instituto examine constaret, illas ex recta fide & disciplinae regulis conceptas fuisse. *In plenariis conciliis*, inquit cardinalis Cusanus (c), *gesta & judicata per Romanos pontifices*

(a) Act. XV. 7. (b) *Epist. synod. conc. Chalced. ad Leonem*. (c) *Cusan, de concord. lib. II. cap. 17.*

ces etiam synodice inveniuntur repetita & examinata, ut in Chalcedonensi concilio iudicium Leonis contra Dioscorum. Et in sexta synodo iudicium synodicum Martini papae contra Pyrrum & Serqium. Et in octava universali iudicium Nicolai & Hadriani contra Photium. Quinta quoque synodus ex actione illa concilii Chalcedonensis, qua litterae Leonis M. nonnisi post resoluta aliquot dubia ab omnibus admittae sunt, collegit, quaecumque apud synodos proferuntur, ab iis non simpliciter, sed cum inquisitione approbari, nempe si cum expositione & doctrina patrum congruant. Quod si aliquoties lectis pontificis litteris statim iis veluti catholicis acclamatum sit ab omnibus; id contigit, quod ex ipsa lectione constabat, pontificis doctrinam rectae fidei consentire.

Quo nomine edita conciliorum generalium decreta.

§. XIII. Quamvis vero in synodis generalibus decreta praelucentibus relatione & litteris pontificiis condi solerent; tamen in veteri disciplina sub concilii, non pontificis nomine edebantur, idque ad exemplum synodi de legalibus ab apostolis habitae, ubi definitio totius conventus nomine prodiit, *visum est spiritui Sancto & nobis* (a). Contra in posterioribus conciliis in Occidente celebratis major relationis pontificiae ratio habita est, atque adeo decreta saepe concepta sub nomine pontificis de synodi consensu, veluti, *nos hoc sacro approbante concilio.*

(a) *Actor. XV. v. 28.*

cilio damnamus. Nova ista formula praesidio antiquitatis non destituitur; in concilio enim Chalcedonensi Dioscorus damnatus est per legatos pontificios auctoritate Leonis *sancta synodo consentiente* (a). Nec videtur dubitandum, novam formulam etiam opportunam esse, nam ex auctoritate pontificis & consensu patrum semper definitiones in synodis processerunt, & procedere debent (b). Ceterum inscriptiones decretorum conciliarium, quas codices decretalium exhibent, amplius pontificias extollunt relationes, veluti, *Alexander III. in concilio Lateranensi*, *Innocentius III. in concilio generali*; dicere nimirum videntur potius per pontifices in concilio, quam probante concilio decreta illa concepta fuisse.

*Causae habendarum synodorum
generalium.*

§. XIV. Generalia concilia celebrari debent ex gravi & necessaria causa, quae magnas inter se ecclesias scindit, nec pax aliter restitui posse videtur, nisi ecclesiae universae auctoritate. Quid magis rationi contrarium, quam ob leves quaestiones sollicitari christianum orbem, & ecclesias suis pastoribus destitui? Prudens & aequum consilium est remedia morbis accommodari. Certe in actis apostolorum concilium convocatum videre licet, non tam quod suborta esset quaestio, quam quod post quaestionem *se-*
di.

(a) *Conc. Chalced. act. III.* (b) *Conf. Thomass. diff. XII. in concilia n. 32.*

ditio non minima coepisset (a). Et ad configendas haereses Menandri, Ebionis, Cerinthi, Marcionis, Nicolaitarum & simillum nullo opus fuit concilio etiam particulari; contra haereses de baptismo haeticorum, Arianorum, Macedonianorum & similium nonnisi coactis generalibus synodis suffocari potuerunt. Consonat Paulus III. in ipsa Tridentini concilii indictione; ubi hae tres generalis concilii habendi causae recensentur, ad tollenda in religione dissidia; ad reformandos mores, ad suscipiendam contra infideles expeditionem; quod ultimum non facile veteres patres admisissent. Et Petrus de Alliaco cardinalis postquam observavit ad tollenda schismata celebrari debuisse generalia concilia; subjungit (b): item aliqui sunt casus ardui necessario reformandi, in quibus non potest commodius quam per generale concilium provideri: sicut patet primo de reformatione curiae Romanae, quae necessaria est.

De tempore celebrandae synodi generalis.

§. XV. Ex veteribus regulis nullum certum tempus habendis generalibus ecclesiae comitiis definitum est; sed tantum extra ordinem emergentibus causis indici consueverunt; nec enim ulla certa regula poterat definiri, quod ab extraordinariis causis pendebat. Sed postremis saeculis lapsa omnino ecclesiastica disciplina, frequens & veluti ordinaria conciliorum generalium celebratio in ecclesiis Occidentis necessaria visa est, ut malis, quae disciplinam penitus

(a) Actor. XV. 2. (b) Card. Alliac. in canonib. reformandi eccles. conc. Constantiensi oblatis cap. 1.

tus corruperant, occurreretur. Itaque statuit synodus Constantiensis, ut concilium generale *de decennio in decennio* celebraretur (a). Decretum hoc patres Basilienses ita habent necessarium, ut oculos in capite (b), nec in summi pontificis potestate esse voluerunt, ut illud tolleretur & vanum redderet, *esset enim*, inquit, *contra mentem ecclesiae, quae illud pro universali ecclesiae statu conservando edidit, de quo pontifex non disponit, aut dispensat*. Ceterum frequens conciliorum adunatio patribus Constantiensibus necessaria visa est spectata ejus aetatis disciplina, quae etiam in ipsa omnium principe ecclesia adeo corrupta erat, ut sine plurium conciliorum sibi consequentium celebratione vix restitui posse videretur. Sed decretum effectum caruit contra stantibus iis, quibus restauratio disciplinae curae esse debuisset.

Synodus generalis universam ecclesiam repraesentat.

§. XVI. Synodus generalis universam repraesentat ecclesiam; coalescit enim ex christiani orbis episcopis, & ecclesiae particulares in episcopis sunt. Inde docet Tertullianus in conciliis totius christiani nominis repraesentationem celebrari. *Aquantur*, inquit (c), *per Graecias illa certis in locis concilia ex universis ecclesiis, per quae & altiora quaeque in commune tractantur, & ipsa representatio totius nominis christiani magna veneratione celebratur*. Et August. jur. can. T. VI. M m gu

(a) Conc. Constant. sess. XXXIX. (b) Conc. Basil. ep. ad Eugen. papam ap. Harduin. tom. VIII. col. 1341. (c) Tertull. de jejuniis cap. XIII.

gustinus universam ecclesiam in plenatio concilio adunatam agnoscit (a). *Nec nos tale aliquid auderemus adserere*, (loquitur de jam finita in plenario concilio controversia de vi & efficacia baptismi ab haereticis collati *nisi universae ecclesiae concordissima auctoritate firmati*, cui & ipse, Cyprianus nempe, *sine dubio cederet*, si jam illo tempore quaestionis hujus veritas eliquata & declarata per plenarium concilium solidaretur. plura quoque concilia recentiora in primis Pisanum, Constantiense, Senense & Basileense, & pontifices numero tres Martinus V., Eugenius IV. & Leo X. conceptis verbis habent, in synodo oecumenica universalem ecclesiam exhiberi; quae eadem est Tridentinae synodi doctrina (b), etsi in ejus decretis adhibita non fuerit formula, *oecumenica synodus universalem repraesentans ecclesiam*.

Atque adeo in rebus fidei errare non potest.

§. XVII. Decreta synodi generalis rite & ordinae celebratae in rebus fidei & doctrina morum certam fidem faciunt; synodus enim generalis universam ecclesiam, contra quam ex Christi promissione portae inferi non prevalebunt, repraesentat. *Visum est spiritui sancto & nobis*, inquit synodus Hierosolymitana apostolorum (c): quibus verbis constat, Spiritum sanctum in conciliis praesidere, & fidei decreta dirigere. Hinc Gregorius M. protestatur, se veluti evangelii quatuor libros quatuor priora

con.

(a) *August. lib. II. de bapt. cap. 4.* (b) *Trid. sess. XIV. cap. 5.* (c) *Act. XV. v. 28.*

concilia suscipere & venerari (a). At si patres in conciliis de quaestionibus facti, aut rebus politicis & physicis tractent, & decreta condant; non divina, sed humana auctoritate definitiones nituntur; spiritus enim sanctus tantum in rebus fidei decreta conciliorum sustentat, nec patribus adest, dum quaestiones facti, aut res politicas, physicaeque perscrutantur (b). Itaque nullo negotio scire licet quanta sit auctoritas canonis illius, qui ab Innocentio III. in concilio generali propositus perhibetur, ubi supponitur Romanum pontificem potestatem habere privandi dominos tum beneficiarios, tum directos suarum rerum dominio, si haereticos inde expellere neglexerint (c). Eiusdem generis est etiam dogma illud ab eodem Innocentio III. ex iudicio synodi generalis propositum, nullam valere usufructuam tam canonicam, quam civilem, si possessor in aliqua temporis parte fuerit in mala fide (d). Nimirum res temporales & politicae civilis potestatis sunt, & si concilia etiam generalia de iis aliquid statuunt, extra fines propriae potestatis evagantur, & decreta prorsus diverso a regulis fidei jure censentur.

Canones de disciplina etiam generales mutabiles sunt.

§. XVIII. Diverso a regulis fidei ingenio sunt de disciplina canones etiam in synodis generalibus conditi: hi enim, non secus ac ipsa

Mm 2

di-

(a) *Can. II. D. 15.* (b) *Conf. Petr. de Marca lib. 2. de C. S. & I. cap. 16. n. 9 & Dupin. de antiq. eccles. discipl. diff. VII. cap. 3. § 4.* (c) *Conc. Lateran. IV. can. 4.* (d) *Cap. XX. ex. de praescript.*

disciplina, perpetui non sunt, sed a posterioribus conciliis mutari possunt, vel contrariis moribus desuescere. Quo spectat Augustini doctrina, concilia nempe plenaria a posterioribus emendari, quando aliquo experimento, quod clausum erat, aperitur (a). Emendantur vero a posterioribus conciliis disciplinae canones, si minus utiles facti sunt, aut si meliores regulae antiquioribus substituantur. Vere enim observat Didacus Payua Lusitanus, unus ex melioribus synodi Tridentinae theologis, concilia generalia circa leges ad ecclesiam componendam lutas posse errare, & non semper salubriora statuere (b). Nimirum pro humana conditione fit, ut homines nisi post multas experientias meliora non adsequantur: & praeterea ubi semel corrupta est disciplina, & abusiones longe lateque diffusae, cogitur ecclesia aliquid ad tempus dissimulare & tempori deservire, ne evellens zizania, evellat simul & triticum. Ipsi tridentini patres professi sunt, pro temporum iniquitate integram disciplinam non posse restitui (c). Et inde factum, ut ecclesia saepe multa ad tempus tolerarit potius, quam perpetuo valitura statuerit: quod non intelligentes homines a spiritu ecclesiae alieni veluti stabiles regulas habuerunt, quae illa ad tempus tolerabat, meliori tempore emendatura (d).

Ra-

(a) Aug. de bapt. lib. II. cap. 3. (b) Payua de sens. Trid. fidei lib. I. de conciliis: quoniam auctoritas.

(c) Trid. sess. XXV. de regul. cap. 21. (d) Conf. Epen. tract. hist. canon. par. I. cap. 1. §. 4.

*Receptio ecclesiarum an decretis synodicis
necessaria?*

§. XIX. Auctoritas conciliorum generalium per universam ecclesiam extenditur; sed non omnia eorum decreta pari donantur vi, ut post sollemnem publicationem ex aequo ecclesias omnes particulares adstringant. Nimirum distinguere oportet fidei decreta ab iis, quae disciplinae sunt. Fidei decreta sine ecclesiarum acceptatione omnes christianos adstringunt, sunt enim ipsa christiana doctrina clarius per ecclesiam explicata; atque ideo ipsi Spiritui sancto resistunt, qui fidei decreta non recipiunt, aut in dubium revocant. Verum disciplinae canones non ante incipiunt obligare, quam ecclesiarum expresso aut tacito consensu recipiantur (a). Disciplina est ex eo genere rerum, quae liberas habet observationes, nec eo spectantes canones facile sic concipi possunt, ut institutis & moribus particularium ecclesiarum conveniant. Hinc integrum est ecclesiis; quae minus apte judicaverint, respuere, & novis regulis antiqua instituta praeferre. Quod ipsa concilia non aegre tulisse videntur; nec enim eorum sententia fuit, utilia ecclesiarum instituta novis canonibus convellere. Passim exstant in antiquis monumentis exempla canonum generalium conciliorum, quos ecclesiae non receperunt, ut exemplo esse possunt aliquot synodi octavae canones ab ecclesia Gallicana rejecti, & canon Chalcedonenſis de Constantinopolitanae ecclesiae

(a) *Conf. Petr. de Marca lib. II, de C. S. & I. cap. 16.*

fiac patriarchatu , cujus auctoritatem Romani pontifices diu non admiserunt . Hinc nihil mirum est , si multi Tridentinae synodi canones , qui ad disciplinam pertinent , ab omnibus ecclesiis non recipiantur , quamvis in fide omnes orthodoxi conveniant (a) .

Variae sententiae de supremo ecclesiae auditorio .

§. XX. Jam vero utrum synodus oecumenica supremum in ecclesia auditorium constituat , cui summus pontifex etiam subiaceat ; an potius pontifex supra synodum sit , magnis animis controvertitur . Clerus Gallicanus sollemni edita professione tenet , supremam in ecclesia potestatem esse penes concilium generale , atque ideo ipsum summum pontificem ab eo judicari posse in causis haeresis , schismatis & aliis , quae universae ecclesiae statum spectant : quam doctrinam multis congestis argumentis Launojus , Nat. Alexander , dupinus , Bossuetius aliique plures confirmare adgressi sunt . Contra antiquiores ex schola theologi , & deinceps alii magno numero pontificem supra concilium extollunt , & quidem tanta potestate , ut non possit se subicere concilii sententiae , utique si de proprio judicio agatur ; idque *esse fere de fide* Bellarminus pronuntiat (b) . Inter has sententias veluti medium tenet iter cardinalis Cusanus (c) ,

do-

(a) *Conf. Franc. Florens diff. de orig. jur. canon. par. I.* (b) *Bellarmin. de concil. lib. II. cap. 17.*

(c) *Card. Cusan. de concord. lib. II. cap. 20.*

docerque, synodum oecumenicam universi christiani orbis seu ex quinque patriarchatibus coactam, qualis in vetere disciplina coalescebat, pontifice esse superiorem, non vero synodum plenariam Occidentis, quae origine sua patriarchalis tantum est, sed propter schisma Graecorum generalis censetur. Quaestio ista Bellarmino exorta videtur tempore concilii Pisani; dum enim in duas factiones ecclesia scissa erat, nec dissidentes pontifices serio de tollendo schismate cogitarent, utriusque partis cardinales tractare coeperunt, an sibi liceret concilium generale invitis pontificibus convocare, & pontifices deponere: quae observatio nescio an vera sit. Illud tamen non videtur dubitandum, rem ipsam in ecclesia semper agnitam fuisse, etsi in utramque partem more scholarum non disputaretur.

Summi pontifices olim in conciliis generalibus judicati.

§.XXI. Instituti mei ratio non patitur theologia ista pertractare, paucis tantum dicam, qui fuerit veteris ecclesiae usus, ubi agebatur de pontificibus judicandis, & inde referam recentiorum conciliorum decreta, idque potius historici, quam theologi partes agens. Et ad primum quod spectat, videtur constare, synodus oecumenicas de summis pontificibus potuisse judicare. Nimirum ex veteribus regulis clerici omnes, etiam ipsi pontifices, subiecti erant sacris canonibus, atque adeo propter gravia crimina etiam occulta a canone erant alieni, &

offi-

officiis suis & sacerdotio cadebant (a). Itaque si summus pontifex in crimen aliquod incideret, nec se pontificatu abdicaret, iudicio ecclesiae extrudebatur. Certe sexta synodus Honorium pontificem, etsi fato functum, tamquam monothelitam anathemate percussit: quod si mortuum anathemate introduxit, etiam vivum episcopatu deiecit. Et synodus octava manifeste supponit, concilii generalis auctoritatem pontificia esse superiorem, siquidem controversias & quaestiones Romanam ecclesiam, adeoque & summum pontificem ei praesidentem, spectantes, a concilio judicari statuit, servata tamen erga ipsum reverentia, ita ut *audacter* contra eundem sententia non dicatur, hoc est, non praemissa diligenti inquisitione & maturo iudicio (b). Ipsi quoque pontifices in primis Gregorius IV & Innocentius III fatentur, se propter gravia crimina posse deponi (c), utique a synodis generalibus: quod omnino admittendum est, quando Gregorius dicit, se propter gravia crimina a synodo particulari deponi posse & iudicari. Sed dum synodi generales eos graviorum criminum pontifices iudicabant, proprie sic dictam jurisdictionem exercebant, an potius eos pontificatu deiectiones declarabant? Qui pontificem supra concilium extollunt, synodos tantum declarasse asserunt, non vere iudicasse: quae re-

(a) *Conf. Christ. Lupus schol. in dict. Greg VII. can. XIX.* (b) *Conc. VIII can. XXI.* (c) *Greg. IV. epist. ad episcop. Galliae, Innocent. III. lib. III. ep. 104.*

responsio tamquam merum ludibrium a theologis Parisiensibus exploditur,

Synodi tres concilium generale supra pontificem extollunt.

§. XXII. Alterum, quod observandum nobis est, spectat recentiora concilia, quae de supremo ecclesiae auditorio decernunt. Id fecerunt concordibus suffragiis concilia Pisanum, Constantiense & Basileense, quorum doctrina est, concilium generale esse supra pontificem. Sit instar omnium decretum Constantiense, quo habetur, concilium generale universam repraesentans ecclesiam, potestatem suam immediate habere a Christo, cui quilibet cujuscumque status vel dignitatis, etiamsi papalis existat, obedire, tenetur in his, quae pertinent ad fidem & extinctionem schismatis, & reformationem ecclesiae generalem in capite & in membris (a). Decreta ista a tribus conciliis generalibus condita sunt, & quidem causa cognita post excitatam de supremo ecclesiae auditorio controversiam, eademque a pontificibus fuisse confirmata theologi Parisienses tradunt (b). Equidem gesta concilii Pisani Alexander V, qui tum ab omnibus pro legitimo pontifice habebatur, confirmavit; docetque Bossuetius, concilii Pisani auctoritatem sine temeritatis nota rejici non posse (c). Decreta Constantiensia probavit Martinus V, qui illa

Inst. jur. can. T. VI. N n tan.

(a) *Conc. Constant. sess. IV. & V.* (b) *Conf. Dupin. diss. VI. de antiq. eccles. discipl. §. 5.*

(c) *Bossuet defens. declar. lib. IX. cap. 12.*

tantum exceptit, quae sejunctim per nationes definita fuerunt: decreta vero de concilio supra papam per nationes primum probata, inde per universam synodum definita sunt. Et demum Eugenius IV post varios casus acta concilii Basileensis probavit, & ea omnia confirmavit, quae ab initio decreta fuerunt usque ad decimam sextam sessionem, in qua bulla confirmationis continetur.

Exceptiones contra proposita conciliorum decreta.

§. XXIII. Apertis trium synodorum generalium decretis finita videri possit controversia de concilii auctoritate supra pontificem: at qui pontificis partes tuentur, nihil inde metuunt, saltem decreta illa variis exceptionibus enervant, ut supremæ pontificis potestati non officiant. Principio Pisanam synodum tamquam incertæ fidei & auctoritatis traducunt, eam enim S. Antoninus tamquam minus legitimam habuit (a): itemque Alexander V in ea electus ejusque successor Joannes non temere a multis ea tempestate velut illegitimi pontifices respuebantur: de quorum tamen legitima electione ambiendi locus non erat, si Pisana synodus certo tamquam legitima haberetur. Deinde concilium Constantiense, quo tempore condidit decreta de suprema concilii potestate, tamquam minus generale prædicant; ei enim aderat tantum tertia ecclesiæ pars, nimirum ii tantum praelati, qui Joanni XXIII obediebant, non ve-

(a) S. Anton. par. III. tit. 22. cap. 5. §. 2. seq.

ro qui Gregorio XXII & Benedicto XIII erant addicti. Alii exceptionibus istis non acquiescunt, atque adeo decreta Pisana, & Constantiensia, ad casum schismatis restringunt (a); & revera quo tempore schismate concussa erat ecclesia, condita sunt. Ad hæc, contra decreta sessionis IV synodi Constantiensis Schelestratus novam exceptionem excogitavit, quæ ea tamquam vitiata & corrupta accusat. Demum contra decreta synodi Basileensis de concilii potestate supra pontificem excipiunt, a nullo pontifice fuisse probata, nec ab ecclesia recepta, quin potius in concilio Lateranensi V reprobata, ubi bulla Leonis V ab universo concilio adgnita Romanum pontificem supra conciliū extollit (b). Quanti vero habendæ sint hujusmodi exceptiones, theologi Parisienses disquirunt.

Sententia, quæ fert, synodos generales vi propria consistere.

§. XXIV. Exposita in utramque partem doctrina præjudicialis est, inservitque alteri quæstioni, utrum generalia concilia rite celebrata, quo rata & firma sint, summi pontificis speciali confirmatione indigeant, an potius vi sua consistant. Parisienses theologi tenent, generalia concilia Spiritus Sancti auctoritate, qua universa ecclesia regitur, sustineri, nec opus habere pontificis approbatione. Provocant ad decreta & canones conciliorum, quæ talibus formu-

N n 2 lis

(a) *Campeg. de potest. Romani pontif. cap. XXII. , Sonder. de visib. monarch. lib. VII.*

(b) *Conf. Bellarmin. lib. II. de concil. cap. 19.*

lis concepta sunt, ut vi sua consent, nullo prorsus addito futurae confirmationis indicio (a). Deinde antiqua concilia vi sua sterisse pronuntiant sine speciali pontificis confirmatione; nam etsi de rebus gestis patres subinde relationes ad pontifices miserint; tamen id factum est, ut in gestorum notitiam pontifices venirent, & ea in usum deduci curarent, non quod confirmatio necessaria censeretur. Ita synodi Ephesinae patres rei gestae mittunt relationem ad Caelestinum, nullam actorum petunt confirmationem (b). Et synodus Chalcedonensis litteris ad Leonem M. datis gesta de fide narrat, nullaque expositae doctrinae petita confirmatione, tantum confirmari petit praerogativam Constantinopolitani patriarchatus, quam synodus repugnantibus Romanis legatis decreverat (c): quae diversa agendi ratio plane probat, decreta conciliorum consentientibus Romanis legatis & ex sententia litterarum apostolicarum condita sine pontificia approbatione vi sua constituisse. Synodus quoque septima generalis gesta etiam milit ad pontificem, at nihil in litteris exstat, unde constat, confirmationem petitam fuisse (d). Exstat quidem sub nomine synodi Nicoenae epistola ad Silve-

ve-

(a) *Conf. Bossuet, defens. declarat. lib. XXIII. cap. 10* (b) *Epist. synod. conc. Ephes. ad Caelest. ap. Harduin. tom. 1. conc. col. 1503.* (c) *Epist. synod. conc. Chalced. ad Leonem ap. eund. Hard. tom. II. col. 655.* (d) *Epist. Tarasii patr. Constantinop. ad Hadrian. ap. Harduin. tom. IV. col. 507. 511.*

vestrum pontificem, qua concilii confirmatio postulatur, exstatque etiam sub nomine Silvestri responsio, qua petitam confirmationem impatitur; at utrumque hoc opus ex criticorum sententia posteriorem manum redolet.

Contra docent alii, indigere pontificis confirmatione.

§. XXV. Ex adverso theologi Itali, qui Romanum pontificem supra concilium extollunt, & ex Gallis Thomassinus docent, eas tantum generales synodos legitimas esse, quas summus pontifex probaverit, nullius vero esse roboris, quas ille rejecerit. Certe synodus sexta & octava generales, & ex recentioribus Tridentina confirmationem a pontificibus petierunt, in cujus postremae confirmatione Pius IV asseruit, id fecisse patres de more veterum conciliorum. Multa quoque concilia vim suam perdiderunt, quod a sede apostolica rejecta sunt, veluti Ariminensis & Ephesina II a Dioscoro habita. Item Leo M. auctoritate sua irritum fecit & cassavit canonem Chalcedonensem, quo ecclesiae Constantinopolitanae repugnantibus Romanis legatis patriarchatus praerogativa decreta est (a). Porro aperta sunt veterum testimonia, quibus constat, generalia concilia per pontifices debere confirmari. *Prima sedes*, inquit Gelasius papa (b), *unamquamque synodum auctoritate sua confirmat*. Et Nicolaus papa I (c), *non ergo dicatis, non eguis*.

(a) *Leo M. ep. LXXIX. ad Pulcher. edit Quesn.*

(b) *Gelas. papa ep. XIII. ad episcopos Dardaniae.* (c) *Nicolaus I. ep. VIII.*

*eguisse vos in causa pietatis Romanae ecclesiae, quae collecta concilia sua auctoritate firmat, sur-
moderatione custodit. Unde quaedam eorum,
quae consensum Romani pontificis non habuerunt,
valetudinem perdiderunt.*

Hujus sententiae rationes quæ dilui solent.

§. XXVI. His aliisque Itatorum argumentis theologi Gallicani nihil moventur, iisque tam facile responderi posse putant, quam vulpes pirum comest. Et in primis contendunt, concilia generalia in ecclesiasticis monumentis dici a pontificibus confirmari, non quatenus inde roborentur, & canonica fiant; sed quatenus pontifices iis adfuerint, eadem promulgent, custodiant, & in usum deducant: quo sensu confirmationem decretorum saepe stylo ecclesiastico denotare multis congestis exemplis Bossuetius probat (a). Et quæ alias accipi potest, quando ipsa generalia concilia antiquiora ab aliis generalibus, aut particularibus synodis confirmata leguntur? quando ipsa pontificum synodica decreta a synodis particularibus & ab ipsis episcopis dicuntur confirmari? Addit N. Alexander, pontificias confirmationes etiam haberi posse tamquam declarationes, quibus constet, concilia jure fuisse celebrata (b): quo sensu confirmatio pontificia gestis conciliorum per se valituris vim novam non addit, quod probat exemplo scripturarum, canonicarum, quae divinitus suam habent auctoritatem.

(a) Bossuet. *defens. declarat. lib. XIII. cap. 2.*

(b) N. Alexand. *diff. IV. in 15. & 16. saec.*
n. 46.

toritatem; & tamen ecclesia decernit, quae divinae & canonicae censerentur debent. Praeterea docent theologi isti, reprobata per pontifices concilia perdidisse quidem vim suam, at non tam auctoritate pontificum, quam intrinseco vitio; nam concilia illa, utpote contra regulas celebrata, initio nulla & irrita erant: atque adeo definitiones pontificias id tantum effecisse, ut tales haberentur. Quo eodem sensu reprobatum a Leone M. dicunt canonem Chalcedonensem, quo ecclesia Constantinopolitana patriarchatus praerogativa augebatur. Nimirum summus pontifex canonem illum ab Anatolii ambitione profectum, & contra canones Nicaenos spiritu Dei conditos reputabat, atque adeo intrinseco vitio laborare. Ita vocabulum *cassamus*, quo utitur pontifex (a), idem sonare docent, ac irritum, declaramus, & cassum pronuntiamus.

CAPUT XIV.

De regia in synodos potestate.

Consensus principis synodis habendis necessarius

§. I. **Q**UAMVIS decreta conciliorum ad fidem & res spirituales pertinentia ecclesiae potestati innitantur; tamen civilis potestas non uno nomine iis adhaeret, & in eorum celebratione partem habere debet. Principio ad synodos cogendas consensus principis requiritur; con.

(a) Leo M. cit. ep. LXXIX. edit. Quaesn.

conventus enim hominum & collegia legibus non probata jure publico haberi prohibentur (a), ne de coëuntibus privatorum consiliis publicum aliquando malum erumpat; & ne comessationum & computationum intemperantia, qua collegia redundabant, civitati noxia esset (b). Itaque ad principis majestatem spectat collegia probare, & videre num coitiones permitti debeant. Consensus autem principis ad synodos habendas necessarius aut expressus, aut tacitus est. Et expressus quidem requiritur, ubi extraordinariae synodi indicuntur; tacitus vero sufficit, si jure ordinario & statis temporibus habeantur; quando enim legibus publicis probati sunt canones, qui statis temporibus synodos habendas decernunt, legitinae sunt ejusmodi coitiones ex generali legum concessione. . . Quid quod Gratianus imperator lata lege concessit, ut clerici locis suis, & a suae dioecesis synodis in causis ecclesiasticis judicentur (c)? Ceterum in Occidente mediis saeculis canones concilii Meldensis & Emeritensis etiam ad habendas statis temporibus provinciales synodos concessionem principis exorant (d), fortasse quod antiquarum legum vis nulla erat. Moribus hodiernis quum ipsae ordinariae synodi raro habeantur, ad eas habendas etiam regius adensus videtur necessarius

(a) L. I. & seqq. D. de colleg. (b) Conf. Cujac. lib. VII. observ. cap. 30. (c) L. XXIII. C. Th. de episc. (d) Conc. Emeritense anno 15CLXVI. can. VII., Concil. Meldense anno 15CCCXLV. can. II.

rius. Et reapse in Gallia & Belgio postremis
saeculis synodi provinciales ex principis concessione habitae sunt (a).

*Concilia ab apostolis habita ex legum
concessione.*

§. II. Sed permolesta hic se offert objectio ;
cui nescio an aliquis hactenus satisfecit , aucto-
ritas nimirum & exemplum apostolorum , qui
sine ullo publici imperii assensu concilia agita-
runt : quo praepjudicio constare potest , ad syno-
dos habendas principis consensum non requiri .
Vereor certe , ne huic ratiocinio plus pompae ,
quam soliditatis insit . Sane dum Judaei in di-
tationem Romanam transierunt , integrum reti-
nuerunt suae religionis exercitium , & eorum
collegia , quae *synedria* etiam vocabantur , im-
probata non sunt , quod ex Josepho scire licet ,
qui ex actis publicis refert , C. Caesarem inter-
dictis in urbe coetibus & coitionibus , solis Ju-
daeis non prohibuisse χρήματα συνάγειν ἢ τι συνδαι-
να ποιεῖν , pecunias inferre & simul agere convivia
(b) , hoc est collegia habere ; collegiorum enim
indicia erant pecuniae collatio & convivia quod
recte Cujacius observat (c) . Permissa vero fue-
runt Judaeis collegia , quod non erant crapulae
& vinolentiae , nec seditionum conventicula ;
sed scholae virtutis & temperantiae , quod Au-
gustus in suis edictis apud Philonem expressit .
Jam vero Romani primaevos christianos cum ip-
sis

(a) Conf. Elpen. par. I. tit. 20. cap. 4. (b) Jo-
seph. lib. XIV. antiquit. (c) Cujac. lib. VII. ob-
servat. 30.

Is Judaeis confundebant, eosque veluti quamdam Judeorum sectam habebant, atque adeo ex generali legum concessione, prima christianorum concilia habita sunt. Et quidem dum Svetonius scribit: *Judeos impulsore Chresto* (ita gentes Christum appellabant) tumultuantes Roma per Claudium ejectos (a), certe nomine *Judaeorum* christianos intelligit: quod Lipsius, Petavius, Seldenus aliique observarunt (b). Similiter *Judaei* illi, in quorum mores transferat cum aliis Acilius Glabrio vir consularis, ac propterea atheismi accusatus, & ad supplicium raptus (c), christiani fuerunt.

Primis saeculis habita concilia ex principum tolerantia.

§. III. Hoc apostolorum praejudicio suffulti apostolorum successores, ubi per persecutiones licuit, concilia agitarunt, de assensu civilis potestatis parum solliciti, etsi christianorum res a Judaeis omnino diversae & privatim & publice haberentur: qua in re agebantur illi conscientiae puritate, quod ab eorum coetibus aberant impudicitiae & crapulae omnes, & de rebus novis molitiones. Ita christianorum conventus non adversabantur legum rationi, quae ob merum factionum & comessationum collegia interdicebant. Quid quod primis saeculis christianorum synodi si non expresse, saltem tacito principum consensu & tolerantia habitae sunt? Quamvis enim

(a) *Sveton. in Claudio cap. XXVI.* (b) *Selden. de synedr. lib. I. cap. 8.* (c) *Dion. in Domitiano.*

enim ea tum fuerit multorum imperatorum & magistratum in ecclesiam & christianos saevitia, ut nullum omnino eorum conventum, ne in coemeteriis quidem, haberi finerent; tamen saepe tempora quietis & pacis adfulgebant, quibus omnia exercitia christianae religionis scientibus prudentibus magistratibus explicabantur; idque praesertim eo nomine, quod jam constabat, conventus christianorum nihil mali continere. Facta de christianis inquisitione Plinius II Bithyniam regens, eorum mores puros & castos invenit; nihil ab iis impie, nihil adversus leges agitari, sanctoque foedere se mutuo adstringere, ne scelera patrarent: qua de re ad Trajanum retulit (a). Si itaque minus placeat conscientiae puritate & legum ratione tueri concilia, quae primis saeculis neglecto summae potestatis assensu celebrata sunt; praesto erit tacitus imperatorum & magistratum consensus, qui christianae religionis exercitia quietis tempore tolerabant: quod ipse Thomassinus non obscure fatetur (b).

Principes indicunt concilia extraordinaria.

§. IV. Sed non tantum synodis habendis venia civilis potestatis, sive tacita, sive expressa opus est; verum etiam, postquam christiani publica pace frui coeperunt, concilia extraordinaria jussu principum indicta sunt. *Passim in*

O o 2

hi.

(a) *Plinius lib. X. ep. XCVII.*, *Tertullian. apol. cap. II.* (b) *Thomass. de concil. diff. III. n. 4.*

historia, inquit Socrates (a), *imperatorum mentionem propterea fecimus, quod ex illo tempore, quo christiani esse coeperunt, ecclesiae negotia ex illorum nutu pendere visa sunt, atque adeo maxima concilia de eorumdem sententia & convocata fuerunt, & adhuc convocantur*. Extraordinaria concilia erant plenaria ex toto orbe, item plenaria Occidentis aut Orientis, & dioecesana, quae ex pluribus provinciis inter se nexu civili adjunctis coalescebant; nec enim horum omnium conciliorum celebratio statis temporibus erat addicta, sed potius pro ecclesiarum necessitatibus haberi solebat. Successu temporis dioecesanae Orientis synodi evaserunt patriarchales & ordinariae, hoc est statis temporibus addictae; atque adeo non amplius jussu principis, sed patriarchae congregatae sunt. At in dioecesibus Galliae & Hispaniae, quae nullos receperunt patriarchas, jussu regum haberi perrexerunt (b). Fortasse indicio & congregatio non pertinet ad concilii naturam & constitutionem, quae in eo posita, ut coacti episcopi rite & recte de rebus ecclesiasticis judicent. Hinc quum extraordinaria concilia, utpote majora, sine imperii & regnorum concussione, & magnis sumptibus vix haberi possent, eorum indicendorum curam principes ad se revocarunt. Et hinc episcopi, si quando ea necessaria reputarent, principes adire debebant, quibus pro jure suo vota illo-

rum

(a) *Socrat. praef. lib. V.* (b) *Conf. Petrus de Marca de C. S. & l. lib. VI. cap. 17. seqq. & cop. 23.*

rum rejicere licebat. Verum postquam nulla superstitie principatus communione dissociatum est Occidentis imperium ab Orientali, convocatio conciliorum generalium ad pontificem transiit, qua de re superius dictum est.

Principes synodis extraordinariis praesident.

§. V. Porro synodis a se indictis etiam principes praesidebant, quod pluribus productis monumentis Thomassinus probat (a). Sane ipse Marcianus imperator praefuit concilio Chalcedonensi (b). Et sextae synodo praefuit Constantinus Pogonatus, quod in ipso actorum vestibulo dicitur, & Leo papa ad eundem scribens proficitur, *sancta & universalis sexta synodus, quam nutu Dei studiose vestra clementia convocavit, & cui pro Dei ministerio praefuit*. Synodo septimae Irene imperatrix cum filio, & octavae Basilius imperator praefederunt (c). In conciliis Occidentis saepe praesentes ipsi reges adfuere, ac raro iis praesuisse leguntur, & nisi necessitas urgeret. Ita synodus Francofurtiensis habita est *praecipiente & praesidente Carolo M.*, ut habet epistola synodica ad episcopos Hispaniae; sed id factum videtur importunis Elipandi suspitionibus, qui episcopos praesides, ut suspectos detrectabat, quod ex ipsa Caroli ad Elipandum epistola constat. Ergo in Occidente jus hoc regium oblanguit, haecenus ut synodos generales

ibi

(a) *Thomass. de concil. diff. X. n. 14. seqq.*

(b) *Conc. Chalced. in relat. ad Leonem papam ap. Harduin. tom. 2. col. 655.* (c) *Conc. VII. act. 8., conc. VIII. act. 7.*

ibi celebratas ferme sola pontificis *prospici* moderata sit.

Sed tamquam exterioris ordinis & disciplinae vindices.

§. VI. Verum enimvero jus hoc imperatorum conciliis a se indictis praesidendi longe distabat a *prospici* illa, quae antistitibus & Romano pontifici competeat. Praefuit imperator conciliis velut episcopus exterior, ut ecclesiae & synodi defensor, seditionum propulsator, pacis & ordinis vindex. Praefuit autem summus pontifex, ut episcopatus & fidei princeps, ut apostolicae cathedrae heres, ut episcopus interior & Petri successor. Ita in synodis extraordinariis duplex erat *prospici*, interior una & episcopalis, quae conciliis inerat; altera exterior & civilis, quae externum ornatum spectabat (a). Utriusque meminit synodus Chalcedonensis in relatione ad Leonem pontificem (b): *Tu vocis sancti Petri constitutus interpres . . . Tu sicut membrum caput praerans in his, qui tuum tenebant ordinem, benevolentiam praefers: imperatores vero fideles ad ornatum praerant: sicut Zorobabel & Jesus, ecclesiae, tamquam Hierosolymae, uedificationem renovare circa dogmata enitentes*. Similiter imperatoris in concilio Chalcedonensi *prospici* ad interiorem concilii compagem non spectasse ipse docet Marcianus synodum adloquens (c), *nos ad fidem confirmandam, non ad potentiam ostendam*.

(a) Conf. Thomass. de concil. diff. X. n. 14. seqq. (b) Conc. Chalced. relat. ad Leonem op. Harduin. tom. 2. col. 655. (c) Conc. Chalced. act. IV.

ostendendam, exemplo religiosissimi principis Constantini, interesse synodo volumus.

Principes synodis rerum tractandarum ordinem dicant.

§. VII. Jure tunc apostolice aucti imperatores in conciliis ordinem rerum tractandarum praescribebant, secundum quem synodi actiones dirigi & haberi oportebat, quod pluribus Thomassinus & Petrus de Marca probant (a). Certe Theodosius junior ordinem praescribit, quo synodus Ephesina negotia pertractaret, quod ex divalibus ad Cyrillum Alexandrinum & metropolitanos, itentque ex divalibus ad synodum ipsam missis constat. Hinc statim in ipso concilii vestibulo Juvenalis episcopus ait, *legatur piissimorum imperatorum edictum ad omnes metropolitanos destinatum, rebusque, quas nunc tractare incipimus, veluti fax praeluceat.* Sequentes quoque synodi generales ex ordine ab imperatoribus dicto negotia tractarunt, at praescriptus ordo pro eorum arbitrio nunc strictior, nunc liberior fuit. In Occidente Clodoveus rex etiam synodo Aurelianensi I, quae ceterorum, forma & exemplar esse debet, ordinem praescripsisse videtur; in synodica enim epistola patres tractant *de titulis* seu capitibus a rege propositis, cujus judicio submitunt canones per synodum conditos. Ordini autem praescripto sic synodi adhaerebant, ut contra aut praeter illum nihil facerent, ne mandati fines excessisse viderentur.

Ita

(a) Thomass. de concil. diff. X. n. 19 seqq., Petr. de Marca de C. S. & I. lib. IV. cap. 3. n. 5. seqq.

Ita synodus Constantinopolitana sub Menna damnato Antimo ex forma ordinis praescripti, noluit anathema & damnationem contra Antimi complices pronuntiare, quia nihil ea de re imperator edixerat (a). Nihil autem praerogativae suffragii, qua utebantur in synodis generalibus Romani pontifices, aut libertati ceterorum episcoporum impedimento erat series istarum tractandarum ab imperatore praefixa; nam liberum erat omnibus, ubi ex ordine res proponebantur, sententiam dicere, & suffragium ferre.

Acta contra ordinem imperio principis rescissa.

§. VIII. Quod si contra ordinem rerum tractandarum divalibus praescriptum concilia procederent, integrum erat principibus in irritum mittere, quae ordine neglecto gesta erant, quod Petrus de Marca & Stephanus Baluzius docent (b). Et profecto Theodosius junior rescripto suo rescidit synodi Ephesinae acta omnia eo nomine, quod concilium integrum non fuisset, & ab ordine in divalibus expresso patres discessissent, praecepitque propterea, ut omnia ex integro discuterentur, atque ex communi omnium sententia regula fidei constitueretur. His litteris acceptis synodus Ephesina de usurpata jurisdictione cum imperatore non agit; sed conqueritur, a Candidiano, qui vice sacra synodo praesederat, principi obreptum fuisse, antequam
 ly-

(a) *Conc. CP. sub Menna aet. IV.* (b) *Petr. de Marca de C. S. & I. lib. IV. cap. 3. n. 5 seqq. Baluz. not. in citat. Marcae locum.*

synodica epistola in aulam pervenisset. Itaque principem obsecrat, ut Candidianum una cum episcopis quinque a concilio delegandis evocet, qui ejus pietati comprobent omnia canonice fuisse peracta. Etenim princeps judicabat, an ordo canonicus & legitimus in synodo a patribus retentus erat. Precibus concilii inde excitus princeps examen instituit, & ubi cognovit, synodum canonice Nestorii causam discussisse, acta ejusdem statim edicto confirmavit. Sic vero principes irrita facientes, quae synodi non servato ordine legitimo gessissent, potius canones custodiebant, quam jura sacerdotum usurpabant; judicia enim ista canonum custodia, quae principibus incumbit, continebantur, tantumque ipsa facta expendebant; nec juris quaestionem attemptabant, quod constat ex ipso Theodosii rescripto, quo rescindantur quidem, quae ordine non servato per synodum Ephesinam gesta essent; sed causae principis cognitio ipsi synodo integra relinquitur.

Magistratus ex delegatione principis synodis praesident.

§. IX. Ut vero jura τῆς πρὸς τὴν ἐκκλησίαν sibi competentis imperatores explicarent, ad concilia mittere consueverunt praecipuos magistratus, quorum propterea munus erat, synodi providere securitati, arcere subortos tumultus, & praesse servando ordini jam praescripto. Certe Constantinus M. ad synodum Tyriam in causa Athanasii indictam misit Dionysium Cemitem, ut animadversor esset & custicia conservandae aequilae.

Inst. jur. can. T. VI. P p qua.

quabilitatis & ordinis (a). Et Theodosius junior retinendi ordinis curam in synodo Ephesina Candidiano comiti demandavit, sed angustioribus finibus ejus mandatum coërcuit, nimirum ad arcendos tumultus monachorum & laicorum, mutuas episcoporum conventiones impediendas, & suffragium cujusque liberum conservandum. Item synodo Ephesinae secundae praefuit Elpidius Comes cum Theodosii mandatis amplioribus, nempe ut tranquillitate episcopis conservata, cognitiones *ἐκ τῶν ἐξ ὁρίων* ex ordine instituerentur (b). Et in concilio Chalcedonensi eminentissimi magistratus, quo quidque ordine gerendum sit, praescribant. Magistratus isti a principe delegati de ordine cognoscebant, eumque interlocutionibus integrum servabant, quaestiones eo spectantes decidebant, & praeterea si quid ad civilem potestatem in synodalibus disceptationibus occurreret, cognoscebant. Hinc aliud fortasse agebat Benedictus XIV, dum scripsit, *gloriosissimos judices*, qui in actis concilii Chalcedonensis occurrunt, ita dictos, non quod munus judicandi in concilio haberent, sed quod ita extra synodum honoris causa appellarentur (c).

Magistratus judiciis canonicis non interfunt.

§. X. Jam vero magistratum in synodis *ἐκ τῶν ἐξ ὁρίων* nulla erat, ubi canonica contra episcopos & clericos judicia agitantur. Qua regula
Ce-

(a) *Epist. Constantini ap. Baron. an. CCCXXXIV. §. 2.* (b) *Commonit. Elpidio datum. act. I. conc. Chalced.* (c) *Bened. XIV. de synodo dioec. lib. III. cap. 9.*

Cecropius episcopus in concilio Chalcedonensi Dioscori exceptionem, qua iste criminalibus in se quaestionibus magnificentissimos iudices adesse postulabat, explosit: *quando regularia tractantur*, idest episcoporum & clericorum in regulas crimina, *neque iudices, neque alios laicos adesse oportet* (a). Et Nicolaus I Michaëtem imperatorem arguit, quod criminali in S. Ignatium patriarcham iudicio, & quidem numerosissima palatinorum & populi turba stipatus, interfuisset (b). Praeivit huic disciplinae Constantinus Augustus, qui sibi oblatos ab episcopis adversus episcopos accusationum libellos nec inspicere sustinuit, sed palam in ignem coniecit, sacrilegum esse dicens, terrenum principem iudicare de episcopis, qui a Deo iudices constituti sunt (c). Causa vero ea videtur fuisse, quod incongruum videretur laicos vitia propria clericorum noscere, ne clericis debita reverentia, quidquam minueretur, quod synodus octava oecumenica non obscure subindicat: *neque enim fas est saeculares principes spectatores fieri rerum, quae sacerdotibus Dei nonnumquam eveniunt* (d). Ceterum in Gallia etiam regularibus contra clericos quaestionibus principes interesse consueverunt.

Principes suspendunt conciliorum decreta.

§. XI. Alio quoque jure Romani imperatores in synodos utebantur, quo earum senten-

P p 2

tias

(a) *Conc. Chalced. aet. VIII.* (b) *Epist. VIII. ad Michaëlem August.* (c) *Rusin. lib. I. hist.*

(d) *Conc. VIII. can. 17.*

tias suspendebant, si ipsis videretur minus recte fuisse judicatum, quod Petrus de Marca & Stephanus Baluzius pluribus probant (a). Et profecto Leo M. cum concilio Romano precibus egit apud Theodosium juniorem, ut executionem sententiae a synodo Ephesina secunda latae suspenderet, usque dum oecumenicum concilium congregaretur, idque eo nomine, quod nullo servato ordine, & per vim & minas Dioscori Alexandrini patriarchae, qui ex rescripto principis praesidebat, synodus illa judicasset. *Ecce ego christianissime & venerabilis imperator, cum sacerdotibus meis . . . obsecramus . . . ut omnia in eo statu esse jubeatis, in quo fuerunt ante omne judicium, donec major ex toto orbe numerus sacerdotum congregetur* (b). Justa erat petitio ista, at princeps etsi pietate insignis, adduci non potuit, ut res semel in concilio judicatas iterum refricari sineret; stetitque adeo in Oriente Latrocinium Ephesinum (sic enim synodus Ephesina secunda audit) usque ad Marcianum, qui auctore Leone indixit concilium Chalcedonense, & acta Latrocinii Ephesini rescidit. Profert quoque illustrissimus archiepiscopus in eandem sententiam ejusdem Theodosii divalem, qua indicto concilio Ephesino executionem sententiae a synodis Romana & Alexandrina adversus Nestorium decretae suspendit, ne praejudicium aliquod concilio oecumenico crearetur. Verum qui.

(a) *Petr. de Marca de C. S. & l. lib. IV. c. p. 4.*, Baluz. *not. in cit. Marcae locum*. (b) *Epist. Leonis ad Theodos.*

quidem est, vetuisse principem indicto Ephesi concilio, *ne quidquam in nulla prorsus re privatim a quoquam innovetur* (a); at plane vereor, ut divalis illa spectarit etiam Romanae & Alexandrinae synodi sententias; nam synodus Ephesina indicta est antequam conciliorum illorum decreta Nestorio, atque adeo ipsi Theodosio, innotuissent, quod Joannes Garnerius probat (b), cujus argumenta etiam post Baluzii exceptiones viribus constant.

Principes decreta conciliorum confirmant.

§. XII. Regiae quoque potestatis est, decreta conciliorum, sive ad fidem, sive ad disciplinam spectent, confirmare: quod optimi quique principes Constantinus M., ambo Theodotii, Marcianus, Justinianus aliique fecerunt (c), idque ipsis synodis exorantibus. Ita patres concilii oecumenici secundi in epistola synodica ad Theodosium M. prostantur, se ex officio teneri ad relationem eorum, quae in synodo gestaerant, principi mittendam; statimque addunt haereses a se damnatas fuisse, ac porro quasdam regulas pro ecclesiae disciplina constituenda decretas, quae omnia firmari a principe obnixè petunt: *rogamus itaque tuam clementiam, ut per litteras quoque tuae pietatis confirmetur concilii decretum; ut sicuti litteris, quibus nos convoca-*
sti

(a) *Epist. Theod. par. 1. conc. Ephes. cap. 32.*

(b) *Garner. par. II. oper. Marii Mercator. pag. 82.* (c) *Conf. Thomass. de conc. diff. X. n. 26. seqq. & Petr. de Marca de C. S. & I. lib. II. cap.*

fi, ecclesiam honore prosecutus es, ita etiam finem eorum, quae secuta sunt, obsignes (a). Et concilium Ephesinum Theodosium juniorem obsecrat, ne pro synodo habeat Joannis Antiocheni episcopi conventiculum, qui a sacro concilio decedens, sententiam adversus Cyrillum & Memnonem tulerat, concilii vero oecumenici decretum adversus Nestorium confirmet: jubeatis ut ea, quae constituta sunt ab oecumenico & sancta synodo ad pietatis confirmationem contra Nestorium, & ejus impium dogma, suum robur obtineant, consensu vestrae pietatis constabilita (b).

Sed praevia causae cognitione.

§. XIII. Verum enimvero non sine praevia causae cognitione synodalia decreta a principibus confirmari consueverunt, licet inquisitio diverso modo procederet, prout de fide & judiciis canonicis, vel de disciplina ageretur. Decreta fidei & canonica judicia extraordinaria disquisitione expendebantur, tantum ut innotesceret, an synodi in hoc rerum genere ordine canonico servato cognovissent; de fide enim disquirere & canonicis delictis tantum episcoporum est. *Quum illa decreta, fidei nempe, inquit Petrus de Marca (c), principes confirmabant, non res judicatas iterum tractabant, sed de consensu episcoporum & suffragiorum libertatem ad summam, cognitione extrojudiciali, inquirebant. Ita Theodosius junior decreta synodi Ephesinae confirmavit,*

(a) Conc. Constantinop. I. ep. synod. ad Theodos.

(b) Conc. Ephes. act. V. (c) Petrus de Marca loc. cit. n. 9.

vit, ubi ipsi constitit ordine canonico Nestorii causam fuisse discussam. Et longe ante Constantinum M synodum Tyriam, in qua Athanasius inique damnatus erat, examini subicere testatus est, ut de perverso judiciorum ordine cognosceret (a). Contra canones exterioris disciplinae, quibus ritus sacramentales non continentur, maturo examine discussos principes confirmarunt; hujusmodi enim canones res civiles saepe tangunt, & aliquando etiam novam disciplinae exterioris formam constituunt, quae publicae tranquillitati & receptis moribus adversatur.

Principes disciplinae exterioris canones limitant.

§. XIV. Jam vero disciplinae exterioris a synodis editos canones, dum principes confirmabant, limitationes & modificationes quasdam addere solebant in iis praesertim capitibus, quae vim auctoritatis regiae & jurisdictionis saecularis infrangebant, quod constat ex celebri edicto Clotarîi regis, quo multa capita concilii Parisiensis V. ad regis jura & temporalem jurisdictionem spectantia in novam formam redacta sunt (b). Id vero fecit Clotarîus non per vim, sed ex sententia & consilio episcoporum & optimarum regni, ut ex ipsius edicti verbis constat. Quin ipsae synodi dum editos canones principibus confirmandos offerebant, eos rogabant, ut quae minus recta viderentur, emendarent.

Ita

(a) *Ap. Athanas. apol. II.* (b) *Conf. Petr. de Marca de C. S. & I. lib. VI. cap. 22. n. 7.*

Ita concilium Moguntinum anno 1000. xiii. petit a Carolo M., canonum editorum confirmationem & emendationem: & *quidquid in eis emendatione dignum reperitur, vestra magnifica imperialis dignitas jubeat emendare* (a). Et synodus Cabilonensis II. eodem anno habita canones a se editos offerens eidem Carolo ad confirmationem, ita praefatur, *quatenus ejus prudente examine, ea quae rationabiliter decrevimus, confirmantur; sicubi minus aliquid egimus, illius sapientia suppleatur* (b). Praeter Clotarii non extant edicta alia, quibus Occidentales principes synodos confirmarunt; at id factum, quod sufficere saepe crederent, si eas verbo confirmarent; earumque executionem permitterent; & fortasse etiam, quod intererat ecclesiasticorum ea edicta non conservari, ut disciplinae status potius ex canonibus, quam ex edictis principum cognosceretur.

Confirmatione principis vis civilis conciliis accedit.

§. XV. Regia autem confirmatione fidei decreta & canones vim civilem & publicam nanciscuntur, & in nomo-canonem abeunt, quatenus ecclesiastica & civili potestate nituntur. *Sancimus, vicem legum obtinere*, inquit Justinianus (c), *sanctos ecclesiasticos canones, qui a sanctis quatuor conciliis expositi sunt, & confir-*
ma-

(a) Conc. Mogunt. in praefat. ad Carolum M.

(b) Conc. Cabilon. in praef. ad eumd. (c) Novel. CXXXI.

mati. Hinc qui in canones per leges confirmatos impingebant, duplici crimine peccare censebantur, quod ecclesiasticam & civilem laederent potestatem, atque adeo duplici poena, & ecclesiastica & civili puniebantur, quod idem Justinianus expressit (a). *Neque civiles leges crimina* (contra canones nempe legibus confirmatos) *inultum relinquant*, eo quod a praecedentibus nos imperatoribus & a nobis ipsis recte dictum est, oportere sacras regulas pro legibus valere. Qua legum vi canonibus communicata credebant principes, se magis obstringi ad sacras regulas, quam ad leges custodiendas (b). Quin tanta principis erat auctoritas, ut canones disciplinae exterioris legibus confirmati suis viribus starent, etsi illos Romani pontifices non admitterent: quod constat exemplo canonis XXIII. Chalcedonensis, qui auctoritate imperatoris constitit, etsi a Leone M. rejectus fuerit, quod Liberatus observat, *licet sedes Apostolica nunc usque contradicat*, quod a synodo firmatum est, imperatoris patrocinio permanet quodammodo (c).

Quo jure potestas principum in synodos nititur.

§. XVI. Quae quum ita sint, satis profecto ampla erat regia in synodos potestas, nam si excipias de fide quaestiones & decreta, item judicia canonica, & disciplinae interioris constitutionem, quae ad episcopos pertinebant, reliqua ferme omnia ab arbitrio & potestate

Inst. jur. can. T. VI, Q q prin-

(a) *Novel. VI cap. 1. §. 8.* (b) *Novel. CXXXVII.* (c) *Liberat. breviar. cap. XIII.*

INSTITUT. JUR. CAN. PARS III.

principum pendebant : Et hinc merito observavit Socrates, negotia ecclesiastica ferme imperatorum arbitrio processisse, ex quo isti christianam religionem amplexi sunt (a). Haec vero principum in synodos potestas non erat sacerdotalis, (illi nimirum jure clavium destituuntur) sed potius civilis & regia, qua armati ad religionis & ecclesiae defensionem adstringuntur (b), eoque nomine Deo rationem reddere tenentur (c). Eccur principes & magistratus in rebus fidei sententiam non dicebant? Eccur judiciis canonicis non intererant? Quod nempe sacerdotio non initiati de ipsis rebus sacris judicare vetarentur. Ipse imperator Marcianus professus est, se non jure sacerdotis synodo Chalcedonensi interfuisse, sed potius, ut episcopus exterior, ut ecclesiae & fidei defensor. *Nos ad fidem confirmandam, non ad potentiam aliquam exercendam, exemplo religiosissimi principis Constantini, interesse synodo voluimus (d)*. Hinc ubi principes synodis praesidebant; ubi rerum tractandarum ordinem dictabant, ubi de eo servato, vel neglecto cognoscebant, ubi eas confirmabant, suspendebant, aut rejiciebant, sacra non attentabant; sed religioni inserviebant, inermique ecclesiae viribus imperii praebebant auxilium : idque clarius apparebit, si concedatur, concilii naturam in eo positam esse, ut episcopi in unum collecti rite de rebus ecclesiasticis

(a) *Socrat. lib.V. in praefat.* (b) *Conf. dicta in prolegom. cap.III.* (c) *Can.XX.C.23.q.5.*
(d) *Conc. Chalced. a. 451. VI.*

sticis tractent, & decernant; indictionem vero, rerum tractandarum seriem, iudicium de ordine servato, & confirmationem exteriora esse, nec necessario ecclesiae auctoritate niti.

Quo sensu imperatores dicti pontifices.

§. XVII. Summa itaque cautione accipiendae sunt acclamationes illae in antiquis conciliis, quibus imperatoribus sacerdotium adferitur. Ut ecce in concilio Constantinopolitano sub Flaviano Theodosio acclamatum est, *Orthodoxo, pio imperatori, pontifici imperatori* (a). Et in concilio Chalcedonenſi Marciano itidem acclamatur, *sacerdoti, imperatori multos annos ecclesias tu erexisti, hostium victor, doctor fidei* (b). Item in hac eadem synodo lecta est epistola Agapiti Rhodi episcopi ad Leonem imperatorem haec habens, *vere namque sacerdos & natura imperator existis*. Nimirum haec & hujus generis alia imperio sacerdotium adgnatum demonstrant; at sacerdotium hoc longe distabat a Christi sacerdotio, quod per manuum impositionem communicatur. Erant christiani imperatores, & nunc etiam sunt reges, episcopi & sacerdotes exteriores; quippe qui pro jure sua ecclesiae opitulari tenentur, & religioni consulere, sed quatenus reges sunt, quatenus imperio pollent, & publicae ultionis terrore efficere possunt, quod inermis ecclesia doctrina & caritate consequi non valet (c). Origo autem

Qq 2

hu.

(a) *Conc. Constantinop. act. VII. in act. I. conc. Chalced.* (b) *Conc. Chalced. act. VI.* (c) *Conf. Thomass. de conc. diss. XII. n. 40. s. 77.*

hujus sacerdotii imperio adgnati a Constantino M. repetenda videtur, qui se tamquam episcopum exteriorem gloriabatur; refert enim Eusebius (a); eum tamquam *communem episcopum* synodos indixisse, iisdem interfuisse, cum episcopis tractasse, & communem procurasse concordiam. Et si christiani imperatores usque ad Gratianum *pontifices maximi* etiam audierunt, titulus iste ad ethnicam superstitionem spectabat, eumque coacti fortasse christiani principes retinuerunt; quod ad regendam rempublicam religio illa necessaria videretur (b).

Regia potestas in synodos decrevit.

§. XVIII. Tanta principum potestas in synodos praesertim jussu regio indictas sensim in Occidente decrevit, ubi dissociata prorsus imperii communione, Occidentis regiones, quae adhuc Graeco imperio parebant, Graecorum imperatorum principatum excusserunt, & domesticos imperatores coeperunt habere, quod sub Carolo M. primum factum est. Nimirum ab hoc tempore maximopere crevit pontificis Romani, etiam in res civiles, potestas; adeo ut ipsi reges pontifici etiam in rebus civilibus subesse crederent. Hinc nefarium visum est, principes conciliis praeesse, seriem rerum tractandarum praescribere, magistratus ordini servando adesse, principes sententias in synodis latas suspendere, & earum acta & decreta in irritum mittere. Et si Sigismundus imperator sessioni

XIV

(a) Euseb. lib. I. de vit. Constant. cap. 37.

(b) Conf. Gravina de Ro. n. imperio cap VII.

XIV Concilii Constantiensis praefuerit; momento paene temporis imperator dignitatem illam occupavit, & quidē extraordinaria & inusitatissima causa, quod Gregorius XII, unus ex contententibus pontificibus, non alias, quam in manibus Sigismundi pontificatum deponere voluerit. Quin principum in synodos potestas aetate posteriori adeo oblanguit, ut Romani pontifices a conciliis provincialibus ipsos regios legatos vellent exclusos. Sane sacra Congregatio decreta concilii Toletani anno **MDLXXXI** habiti praesente regio legato probare detrectavit, nisi prius legati nomen ex actis expungeretur (a). Hinc Romani pontifices coeperunt synodos generales in Occidente coactas moderari, & munia illa exercere, quae in veteri disciplina principes eorumque magistratus exercebant. Et quod spectat reliquas Occidentis synodos, Romani pontifices eas missis legatis ferme per omnia suo arbitrio subjecerunt.

Hodiernus usus regiae potestatis in synodos.

§. XIX. Per Occidentem oblanguit quidem regia in synodos potestas, at non per omnia defecit; nullum enim hodie concilium forte potest celebrari, nisi principes consentiant: nec hisdem denegatur magistratus delegare, qui synodis intersint, nihil obstantibus Romanae congregationis decisionibus. Item conciliorum decreta non publicantur, & in usum deducuntur, nisi ex prin.

(a) *Conf. Benedic. XIV. de syn. dioces. lib. III. cap. 9. n. 6.*

principis concessione, quae praevia cognitione, & additis limitationibus solet impertiri, aut omnino denegari. Sane ipsa Tridentina synodus, quod spectat disciplinam, in Gallia publicata non est, impediēte regia potestate, quod multa contineret vetustis moribus, juribus regiis & ecclesiae Gallicanae libertatibus adversa (a). Contra in Hispania & Belgio, & in regno Apuliae synodi illius publicationem praevio examine Philippus II concessit, at ea moderatione, ut nullius ulus essent, quae regia jura & vassallorum laederent: quae limitatio quāvis ipsi publicationi addita non ut; placuit enim Regi in proponendo populis concilio nihil quidquam excipi; tamen principis ea mens & sententia fuit, concilii decreta juribus regiis & provinciarum legibus & moribus cedere debere (b). Hinc in regnis catholici Regis passim a magistratibus & regiis censoribus adnotata capita, quae ex Regis sententia admissa & probata non erant. Ita capita apud nos regens Villanus recensuit (c), qui tamen aliqua omisit, cujus generis illud videtur, quo nullae redduntur renuntiationes, aut obligationes candidatorum vitae monasticae, nisi intra duos menses proximos ante professionem cum episcopi, vel ejus

vi.

(a) *Conf. Petr. de Marca de C. S. & I. lib. II. cap. 17 n. 6.* (b) *Conf. appendix ad hist. concilii Tridentini Sorpi ad calcem ejusdem hist. edit. an. 1715 CCLVII.* (c) *Conf. Jannon. hist. civil. lib. XXXIII. cap. 3.*

vicarii venia fiant (a). Non est ecclesiae, sed civilis potestatis modum contractibus & obligationibus addere. Ceterum ex sententia Regis non tantum adnotata capita, sed generaliter quae regis juribus adversa erant, admissa non censentur; etsi non adnotatis capitibus per usum auctoritatis conciliata videatur.

De Regia synodos cogendi potestate penitus nullum in jure siculo vestigium: tantum legimus in Capitulo 10. Regis Philippî Primi in requi comitiis habitis anno 1563. die 16. Aprilis penitus, ut statis temporibus, singulo nempe triennio, synodi provinciales haberentur; quod temporis intervallum provinciis synodis celebrandis non multo post præfinitum fuit a Concilio Tridentino; ut apparet ex sess. 24. cap. 2. de reformatione; quæ quidem sessio celebrata fuit 3. idus Novembris. 1563. De jure vero synodos confirmandi extat tom. 3. prog. tit. 8. pragmatica 7., qua expresse cautum, decreta quæcumque sacrosanctæ Tridentinæ synodus regiam jurisdictionem, ac monarchiæ præeminentias non lædentes, illisque nec directè, nec indirectè adversantia omnino servari.

CA-

(a) Trid. sess. XXV. de regul. cap. 16.

CAPUT XV.

*De judicibus ordinariis .**Judex generaliter definitur .*

§. I. **N**omine judicis passim venire solet vir bonus ad lites dirimendas publica auctoritate constitutus. Comprehendit definitio ista iudices omnes, qui in legibus Romanis occurrunt, tam qui cum jurisdictione & imperio, tam qui nuda notione sine jurisdictione funguntur (a). Nimirum generali vocis usu etiam magistratus, qui imperio & jurisdictione praediti sunt, iudices jure Romano dicuntur: quae generali notione *maiores iudices* apud Paulum sunt ipsi *maiores magistratus* (b). Sed plerumque magistratus & iudices separantur, & magistratus quidem dicti, qui jurisdictioni & tribunali praesunt, & jus dicunt: iudices vero, qui nudam notionem tantum habent, atque adeo cognoscunt & sententiam ferunt in causa, ubi a magistratu iudices dati sunt, non item sententiam exsequuntur: & hi *iudices dati* & *speciales iudices* & *pedanei* & *delegati* promiscue appellantur (c). Haec ex regulis juris antiqui; at ubi per Diocletiani legem magistratus ipsi judicare jussi sunt, nisi publicis occupationibus, aut

ca.

(a) *Conf. Cujac. in L. II D. de judic.* (b) *L. XXXII. §. 7. D. de recept. qui arbitr.* (c) *Conf. Huber. praelect. par. I. lib. 4. tit. 17.*

causarum mole impedirentur (a); dandorum judicum usus oblauguat, & judex & jurisdictio aequè late patere coeperunt, ipsique judices & magistratus promiscuè audierunt: quo spectat titulus C. *de jurisdictione omnium judicum*. Quod vero dictum, judicem esse virum bonum, id intelligendum ex legum sententia, quae viros bonos judiciis praeficiendos edicunt, etsi (quae est misera hominum conditio) saepe minus boni judicis officio fungantur.

Quis judex ordinarius.

§. II. Judices jure decretalium alii sunt ordinarii, alii delegati, exstatque de utroque judicium genere duplex in decretalibus titulus: unus *de officio judicis delegati*, alter *de officio judicis ordinarii*. Desumpta videtur partitio ista ab jure Romano, quo jurisdictio in propriam seu ordinariam, & mandatam dividitur. Judices ordinarii jure civili ut plurimum vocantur praesides provinciarum, qui ex ordine clarissimorum eliguntur, & quidem ex infimo ordine clarissimorum, ad differentiam spectabilium & illustrium, ex quibus proconsules, praefecti praetorio, comites Orientis, praefecti urbi deligebantur, qui dignitate & ordine praecedebant ordinarios, ut Cujacius tradit (b). At jure decretalium ampliori sensu dicuntur judices ordinarii, omnes nempe, qui vi sui officii &

Inst. jur. can. T. VI. R r *qua.*

(a) *L. II. C. de pedaneis judiciis*, (b) *Cujac. in paratit. C. de offic. rector. provinciae, & in novel. XX.*

quasi propriam jurisdictionem obtinent. Id autem duplici ratione contigit; nam alii non ex speciali delegatione seu commissione, sed vi suae ordinationis aut dignitatis jurisdictione augentur, & tales iudices quasi nascuntur, quales episcopi, metropolitani, summus pontifex, alii vero habent quidem jurisdictionem vi officii, quod certa & perpetua lege, vel moribus constitutum est, at ipsum officium ex alieno beneficio competit, quales in republica sunt magistratus, in ecclesia legati pontificis. Jurisdictio ordinaria, quae non ex alieno beneficio competit, sed ordinationem aut dignitatem consequitur, alicui sine iusta causa & citra juris ordinem adimi non potest, immo nec restringi; adhaeret scilicet ipsi dignitati, quae perpetua & individua est. Ceterum licet omnes, qui in dioecesi perpetua jurisdictione augentur, dici queant iudices ordinarii; tamen ordinarii nomine episcopus venire solet.

Olim ipsi episcopi in presbyterio judicabant.

§. III. Multis sane saeculis penes unum episcopum stetit judicandi potestas, atque adeo ipse causas discentiebat & judicabat. Verum ex veteris disciplinae regulis ut plurimum ad causas judicandas cogeatur presbyterium seu senatus ecclesiasticus. *Judicio*, inquiunt sic dictae constitutiones apostolicae (a), *assistant diaconi & presbyteri, qui citra acceptionem personarum, tamquam homines Dei, juste judicent*. Conveniebant autem in presbyterium presbyteri & dia.

(a) *Const. apost. lib. II. cap. 47.*

diaconi civitatis, factaque corona episcopus in medio & sublimi throno sedebat, ad utrumque latus in sedibus depressioribus sedebant presbyteri, adstabant vero diaconi; veluti turba sinistra (a). Itaque summus presbyterii moderator erat episcopus, partem sollicitudinis presbyteri habebant, atque adeo judicabant, diaconi vero ministrabant, non judicabant: sedere enim debebant iudices, quum causis & cognitionibus vacabant. Et si in multis vetustatis monumentis dicatur, diaconos quin & clericos omnes in tractandis negotiis partem habuisse, id factum videtur indulgentia & oeconomia, qua ecclesia pro varia temporum ratione disciplinam moderatur. Quod si causae majoris momenti inciderent, episcopus non tantum clerum civitatis, sed etiam totius paroeciae cogebar, atque ita plenius evadebat auditorium, quod *synodum dioecesanam* hodie dicunt.

Archidiaconi & decani evadunt iudices ordinarii.

§. IV. Verum labentibus annis a rebus spiritualibus multum episcopi distracti, vel in amplioribus ecclesiis copia negotiorum obruti, non amplius in presbyterio causas tractarunt, sed eas committere coeperunt archipresbyteris, decanis ruralibus, praesertim vero archidiaconis: idque tum magis frequentatum est, ubi iurisdictione ecclesiastica causas civiles laicorum occupavit, & ecclesiae feudis & latifundiis auctae.

R r 2. sunt

(a) *Gregor. Nazianz. serm. de eccles. Anastasiae, Hieronym. ep. LXXXVII. ad Evagr.*

sunt. Initio vicaria erat archidiaconis & decanis commissa jurisdictio, non enim jure officii, sed delegationibus competeat. At lapsu temporis assiduis delegationibus, episcoporum absentia & oscitantia, quae erat vicaria jurisdictio, in ordinariam convaluit, & archidiaconi & decani judices ordinarii evaserunt, qui pro jure suo cognoscerent, & judicarent; qui mores saeculo XIII jam recepti erant (a). Sane respondit Innocentius IV ab archidiaconis aliisque inferioribus praelatis, qui episcopo subjecti erant, appellandum esse ad ipsos episcopos, non ad metropolitanum (b): quod demonstrat auditorium archidiaconi aliorumque inferiorum praelatorum ordinariam fuisse; nam si vicarium esset, potius ad metropolitanum, quam ad episcopum appellari debuisset. Ceterum archidiaconis & decanis competens jurisdictio, utpote quae moribus accesserat, non eadem ubique fuit; idque ratum fixumque erat Honorio III. dum rescriptis archidiacono Senonensi, nil aliud licere jurisditionis & auctoritatis, in monasteria exercere, quam cotiterit decessores ejus *de pacifica sic obtenta consuetudine* exercuisse (c).

Ar-

(a) *Conf. dicto par. I. cap. 16. § 9. & cap. XVII. §. 12.* (b) *Cap. II. de appellat. in 6.* (c) *Cap. X. de off. archid.*

§ V. Ordinaria jurisdictione aucti archidiaconi & decani labētibus annis contumaces in episcopos esse coeperunt, & ad coacervandas opes solliciti. Hinc tandem exciti episcopi paullatim jurisdictionem vindicarunt suam, decrevitque adeo archidiaconorum & decanorum ordinaria jurisdictio: cui episcoporum consilio concilia vires addiderunt, quae variis decretis inferiorum praelatorum coarctarunt jurisdictionem. Et quidem synodus Tridentina cavet, ut causae matrimoniales & criminales non per decanos & archidiaconos, sed tantum per episcopos cognoscantur & judicentur (a). Quo decreto & beneficiarias & majores omnes causas contineri interpretes tradunt (b). Item eadem synodus statuit, ut clerici concubinatus rei non ab archidiaconis, aut decanis, sed ab episcopis puniantur (c). Et quod spectat jus visitandi ecclesias, quod archidiaconis & decanis competebat, edixit, ut illi ecclesias, ubi haecenus visitationem jure exercere consueverunt, deinceps per se ipsos, & assumpto notario de consensu episcopi perlustrarent (d). Ita sensim decrevit ordinaria archidiaconorum & decanorum jurisdictio, paucique hodie sunt, qui pristinae jurisdictionis vestigia retinent.

CA.

(a) *Trid. sess. XXIV. de ref. cap. 20.* (b) *Conf. Barbosa coll. II. VI.* (c) *Trid. sess. XXV. de ref. cap. 14.* (d) *Trid. sess. XXIV. de ref. cap. 3.*

CAPUT XVI.

*De vicario generali.**Episcopi vicarius generalis describitur.*

§. I. **N**omine vicarii generatim venit, quo in aliquo munere alterius vicem sustinet: atque adeo vicariorum tot sunt species quot officia alterius opera impleri possunt. In specie vero episcopi vicarius generalis, qui alias *officialis* dici solet, ille est, qui vice episcopi contentiosae ac voluntariae jurisdictioni praest. Moribus Italiae nullum discrimen est inter vicarium generalem & officialem, nam unus idemque & contentiosam & voluntariam episcopi jurisdictionem procurat: quos mores expressit synodus Tridentina, dum officialem & vicarium confundit. (a). At in Belgio aliisque transalpinis ecclesiis vicarius generalis ab officiali distat. Officialis nimirum tantum contentiosae jurisdictioni praest: vicarius vero tantum voluntariam jurisdictionem exercet, & hinc limites suae jurisdictionis excederet, si servata judicii forma partes coram se venire juberet, aut alios judiciales actus explicaret (b).

Vicarii generales in nova disciplina instituti.

§. II. In veteri disciplina archidiaconi, ubi adhuc vice episcopi negotiis ecclesiasticis praerant

(a) *Trid. sess. XXIV. de ref. cap. 16.* (b) *Conf. Elpen. par. 1. tit. 12. cap. 4. seq.*

rant, vicarii generalis loco videntur fuisse. At postquam archidiaconi & decani auditoria sua fecerunt ordinaria, & contumacia elati in ipsos episcopos insurgere coeperunt; episcopi paulatim jurisdictionem revocarunt suam, atque adeo novos instituerunt officiales, quibus illam mandarent, non tamen in perpetuum sed quousque ipsis mandantibus placeret. Hic mos saeculo decimo secundo coepit. Petrus enim Blesensis de officialibus tamquam in Gallia receptis loquitur (a). Generatim vero usus constituendorum vicariorum videtur invaluisse post concilium IV Lateranense, ubi Innocentius III episcopos hortatur, ut si negotia omnia per se expedire nequeant, eligant presbyteros, qui eorum vice fungantur. Hinc nihil mirum, si nec in decreto Gratiani, nec in Gregoriana decretalium compilatione vicariorum generalium exstent vestigia (b). Tantum in sexto decretalium distinctius proponitur vicarii officium, quando enim ferme omnium episcoporum usu vicarii constitui coeperant, opportunum visum est, ejus officium explicare. Ceterum necessitate quadam adacti videntur episcopi ad vicarios constituendos; jam enim ecclesiastica auditoria tricis saeculis perstrepebant, nec decebat episcopos fori cavillationibus implicari.

Institutio vicariorum viris bonis displicuit.

§. III. Nova haec disciplina, quae administrandae episcopali jurisdictioni officiales, seu

vi.

(a) *Petr. Blesens. ep. XXV.* (b) *Conf. Thomass. par. 1. lib. 2. cap. 7.*

vicarios generales praeficit, ipso initio viris bonis & prudentibus minus placuit, fortasse propter abusiones, quae tum in fora ecclesiastica irrepserant. Scilicet judicia ecclesiastica in turpem quaestum versa erant, & causae ecclesiasticae non amplius ex bono & aequo finiebantur, sed tricus forensibus erant involutae. Petrus Blefensis saeculi decimi secundi scriptor in litteris ad officialem episcopi Carnotensis vivis coloribus depingit, quanto fastidio simplicitatis pristinae cultores tum exortos officiales exceperint (a). Principio testatur officiales quam maxime studere ad opes episcopis parandas. *Tota officialis intentio est, ut ad opus episcopi suae jurisdictioni commissas miserrimas oves quasi vice illius tondeat, emungat & excoriet. Isti enim sunt episcopi sanguisugae, evomentes alienum sanguinem, quem biberunt.* Item a fori versutis depingit officiales, quasi qui ad perdendam justitiam instituti essent. *Officium officialium, quorum te numero aggregasti, hodie est jura confundere, suscitare lites, transactiones rescindere, innectere dilationes, suppressere veritatem, fovere mendacium, quaestum sequi, aequitatem vendere, initiare exactionibus, versutias concinnare.* His aliisque causis veluti ecclesiae graves Blefensis officiales depingit, & non illepida allusione eorum nomen interpretatur: *credo hujusmodi officiales non ab officio nomine, sed ab officio verba mutasse vocabulum.* Vereor certe, ne deinceps & hac nostra aetate plerique vicarii ex officio

(a) Petr. Blefens. ep. XXV.

ficio quaestum fecerint, faciantve, & causas superfluis tricis & dilationibus foveant.

Vicarius generalis praest ordinariae episcopi jurisdictioni,

§. IV, Constituitur vicarius generalis auctoritate episcopi, qua alicui sub generali officii commissione mandatur episcopalis jurisdiction in foro explicanda; ubi enim in assiduum abiit usum, ut episcopi alterius ministerio jurisdictionem exercerent, sensim quoque emerfit vicarii officium, quod peculiari titulo in sexto decretalium explicatur. Ita constitutus vicarius ordinariam episcopi jurisdictionem administrat, atque adeo episcopi & vicarii unum censetur auditorium (a). Hinc causae episcopo reservatae etiam per vicarium cognosci & judicari possunt, nisi nominatim exprimatur, episcopum per se de causa cognoscere & judicare debere. Inde etiam est, quod a vicario in causis generalis commissionis non ad episcopum, sed ad metropolitanum appellandum sit (b): quando enim episcopus & vicarius unam audientiam constituunt, quæ fieri potest, ut a vicario ad episcopum appelletur? Interim non vetatur episcopus, illud ipsum vicarii officium restringere, & aliqua officio comprehensa sibi reservare, aut ad certos actus, locum, aut tempus vicarium constituere, quibus casibus fines commissionis servandi sunt.

Licet episcopo plures vicarios creare.

§. V. Liberum vero est episcopo non modo
Inst. jur. can. T. VI. § s unum

(a) *Conf. Espen. par. III, tit. 5. cap. 1.*

(b) *Cap. III. de appellat. in 6.*

unum, sed & plures eodem tempore vicarios generales creare: quin plurium constitutio aliquando videtur necessaria, veluti si duas simul iunctas episcopus regat dioeceses, vel unam Latinis simul & Graecis christianis mistam. Etenim in causis Italo-Graecorum, quibus tantum episcopus Latinus praest, vicarius Graecus ipsis Graecis non invisus & eorum salario sustentandus constitui debet (a). Sed ubi episcopus pro arbitrio plures vicarios constituit, id ecclesiae bono faciendum est, non lucri cupiditate: injuria enim ad corradendas opes & ad vexandos subditos pluribus officialibus episcopus uteretur. Et merito olim Galliae proceres coram Philippo Valesio etiam hoc nomine de episcopis conquesti sunt, quod plures officiales uni dioecesi ad vexandos subditos & emungendam pecuniam obtruderent. Diversa interim ratione episcopus plures vicarios creat, nam vel dioecesim ipsam in minores regiones partitur, & singulis vicarium praeficit, vel ipsam jurisdictionem partitur, & uni voluntariam, alii contentiosam demandat, vel uni spiritualia, alii temporalia committit. Ceterum in Gallia & Belgio non licet episcopis duos pluresve officiales constitueri, nisi dioecesis ultra provinciae fines extendatur, quo casu singulis provinciis auditorium dari oportet (b).

Quae

(a) *Benedict. XIV. bul. et si pastoralis LVII. §. 9. num. 21. tom. 1. Bullar.* (b) *Conf. Espen. cit.*

Quae denegantur vicario sine speciali mandato.

§. VI. Quamvis vero vicarius generalis ordinariae episcopi jurisdictioni praesit, multa tamen sunt, quae generali officio non continentur, eaque facere vetatur, nisi ex speciali concessione; generali enim mandato haud illa veniunt, quae non esset quis verosimiliter in specie concessurus (a). Ita vi generalis mandati vicarius generalis non exercet, quae ordinis potestatem spectant, qualia sunt chrisma conficere, ecclesias & altaria consecrare, aut pollutis sanctitatem restituere (b). Nec litteras dimissorias ad ordines concedit, nisi episcopus in longinquis regionibus diu moretur (c). Item sine speciali mandato criminales causas non cognoscit (d), nec matrimoniales (e), nec quaslibet alias soli episcopo delegatas. Praeterea nec beneficia confert (f), nec eis permutandis, coniungendis & fundandis assensum impartitur. Non visitat dioecesim, nec synodum cogit (g): vetatur etiam collegium canonicorum indicere, eique interesse, aut praesidere (h). Mandato quoque generali non continetur absolutio a casibus episcopo reservatis (i), nec relaxatio irregularitatum, quae

S s 2

ex

(a) *Cap. III. de off. vic. in 6.* (b) *Conf. Sbroz. de vic. episc. lib. II. q. 5.* (c) *Cap. III. de temporib. ordinat. in 6.* (d) *Cap. II. de off. vic. in 6.* (e) *Trid. ses. XXIV. de ref. cap. 20.* (f) *Cit. cap. III. in 6.* (g) *Conf. Alteserra de jurisd. eccl. lib. VII. cap. 5.* (h) *Trid. ses. XXV. de ref. cap. 6.* (i) *Cap. II. de poenitentis & remiss. in 6.*

ex occulto crimine proveniunt (a). Ad haec, metropolitani vicarius generalis in provincia aut non longe ab illa archiepiscopo existente suffraganeos non suspendit; aut interdicat, excommunicatve; idque ob reverentiam pastoralis officii ab Innocentio IV in concilio Lugdunensi statutum est (b). Haec ferme sunt quae vicarii officio inesse non censentur, atque adeo ad ea explicanda speciali mandato opus est: quod si datum fuisse dubitetur, id antequam aliquid geratur, ostendi oportet, talem enim se quisque debet ostendere, qualem se dicit.

Vicarius aliquam dignitatem videtur habere.

§. VII. Jam vero vicarius generalis jure communi aliquam dignitatem habere videtur; quandoquidem ei rescriptis apostolicis causae committi possunt (c): quae ex Bonifacii VIII constitutione nonnisi canonicis cathedralis ecclesiae, aut aliis in dignitate constitutis debent demandari (d). Et quoniam jure decretalium dignitas non tantum jurisdictione, verum etiam honoris praerogativa censetur; hinc vicarius generalis in synodis, processibus & choro omnes canonicos praecedat, adfueritque vel in consuetudine fixaque, vel mobili sede, nisi canonicus etiam sit, velitque quotidianas distributiones lucrari; in hoc enim casu in stallis suis vestitus canonicis communi inter eos sedere & procedere debet (e).

Haec

(a) *Trid. sess. XXIV. de ref. cap. 6.* (b) *Cap. I. de off. ordin. in 6.* (c) *Clement. II. de rescript.*

(d) *Cap. XI. de rescript. in 6.* (e) *Conf. Laurentius de vicar. tract. I. cap. I. qu. 61. & Sborz. de off. vic. lib. I. q. 25.*

Haec vero dignitas officio vicarii adhaerens nec ut beneficium, nec proprie in titulum possidetur, quo differt ab archidiaconi, decani & similibus dignitatibus, & cum alia dignitate recte retinetur (a), & cum ipso vicarii officio finitur.

Jurisdictio vicarii ordinaria censetur.

§. VIII. Utrum vicarii generalis jurisdictio ordinaria, an potius delegata sit, non una est omnium sententia. Sed magis est, esse ordinariam, quatenus jure officii per legem seu canonem probati exercetur, seu quod lege perpetua ad instar regulæ constituta & efformata est. Et profecto vicarius constituitur ad universitatem causarum, nec habet jurisdictionem ab episcopo, sed a lege seu canone, episcopi tamen facto & ministerio, & semel constitutus jurisdictionem tuetur veluti ab lege seu canone datam, ut *Altefer* recte observat. (b). Nec quod vicarius pro episcopi arbitrio potest revocari, id facit, ne ejus jurisdictio ordinaria censeatur; nam quid prohibet, officia ordinario jure ad tempus aut pro arbitrio mutabilia constitui? Ipsi legati pontificis ordinaria jurisdictione potiuntur, & tamen pro arbitrio pontificis privantur legatione. Habet vero vicarius ordinariam jurisdictionem in his, quae veniunt ex generali mandato, delegatam vero in his, quae speciali commissione indigent. Quod si ordinariam jurisdictionem eo sensu intelligas, quae jure consecrationis, aut per-

(a) *Conf. Rebus. in praxi de vicariis episcoporum* n. 4. & 7. (b) *Conf. Altefer. de jurisd. lib. VII, cap. 5.*

perpetuae dignitatis competit, procul dubio vicarius alterius jurisdictionem exercet.

Qui in vicarios assumendi.

§. IX. Eligi autem debent in vicarios viri idonei, & in utroque jure, saltem canonico, versati, qui ab omni avaritia sunt alieni, & amore justitiae & pacis inter fideles conciliandae officium exercent; qui litium tricas & forenses strepitus averfentur, nec his nisi coacti & amore justitiae inducti, se implicari sinant. Certe minus convenit ei, qui vices episcopi sustinet, ex officio quaestum facere, & lites superfluis tricis & dilationibus fovere. Porro ordinibus ecclesiasticis, saltem prima tonsura, debet esse initiatus, qui ad vicarii munus eligitur; absurdum enim est, laicos in ecclesia judicare, & poenas ecclesiasticas & censuras infligere. Item ne vicarii ullis sanguinis aut necessitudinum vinculis in explicando officio in transversum agantur, potius exteri, quam illius dioecesis, ubi officium exercent, constitui debent, quod S. Carolus edixit, passimque receptum est (a). Nec eligi in vicarios debent regulares ex ordine mendicantium (b), clerici conjugati, digamique (c), minores annis viginti quinque, consanguinei episcopi, item parochi, canonici poenitentiarum, licet exteri, & quotquot animarum curam habent.

Qui:

(a) *Conc. Mediol. V. par. III. tit. de episcopo & episc. jurisd.* (b) *Clement. I. de regularib.*

(c) *Conf. Barbosa lib. I. de jure eccles. cap. 15.*

Quibus modis finitur vicarii officium

§. X. Vicarius semel constitutus titulo perpetuo officium non exercet, sed pluribus modis esse definit. Et quidem certi juris est, vicarii potestatem exspirare mortuo episcopo, vel alias episcopatu abeunte, seu jurisdictione privato; vicarius enim ordinariam episcopi potestatem exercet, atque adeo illa desinente, nullum est vicarii auditorium. Vicarius quoque officio abire per episcopi revocationem; constitutio enim vicarii etsi ordinariam jurisdictionem elargiatur, tamen nudum mandatum est, quod nuda voluntate pro mandantis arbitrio revocatur (a): quin mandatum hoc illud peculiare habet, quod etiam rebus non integris recte solvatur. Constat enim iudicium solvi vetante eo, qui majus imperium in ea jurisdictione habet (b). Ubi vero contingit, vicarium ab episcopo sua potestate exui, revocatio evulganda est, & ipsi vicario denuntianda, alias interim gesta viribus constant, etsi revocatio illi innotescat, & alias publice nota sit, quod post Rebuffum, Boërium aliosque Garzias (c) docet. Revocatio vicarii pro arbitrio ferme in omnibus provinciis usu obtinet, etiam in Gallia, ubi explosa est Feuretii sententia; quae habet officialem non posse revocari, nisi ex causa & causa cognita. Demum vicarius esse definit, si ipse officio renuntiaverit.

De

(a) *Altefer. de jurisd. lib. VII. cap. 5.* (b) *L. LVIII. D. de judic.* (c) *Garzias de benef. par. V. cap. 8.*

§. XI. Praeter vicarium generalem, qui toti praestit dioecesi, alii ab episcopis in singulis paroeciae oppidis creari solent peculiares vicarii, *foranei* dicti, ut ex commissione jus dicant in quibusdam levioris momenti negotiis, & jurisdictionem exercent ad certos dumtaxat actus restrictam. Veteribus moribus nulli erant vicarii foranei, vices enim episcopi per dioecesim chorepiscopi, archidiaconi & decani rurales sustinebant. Sed ubi chorepiscopi esse desierunt, & archidiaconorum & decanorum ferme concidit potestas; episcopi non contenti unius vicarii generalis constitutione, etiam speciales inspectores per dioecesim constituere coeperunt; quae disciplina saeculo decimoquarto jam recepta erat; aperte enim Clemens V de vicariis foraneis tamquam receptis loquitur, eosque a *principali officiali* distinguit (c). Pro episcopi arbitrio negotia vicariis foraneis demandantur; at in regno Apuliae iisdem veluti perpetua lege datur, ut in suis regionibus veniam concedant magistratui, qui reos ab asylo abstrahere intendit; item ut arma receptis in asylum adimant implorato, si opus fuerit, brachio saeculari, vel ea adimendi ipsi magistratui veniam concedant; & porro veniam concedunt, ut res furtivae, & regis vestigali-
bus obnoxiae (vulgo *controbanda*) aliaeve a contumacibus aliisve in fisci fraudem abditae perquirantur in locis immunibus, praeterquam in claustris monialium aliisque seminarum recep-
ta-

(a) *Clement. II. de rescript.*

taçulis (a). Ceterum a sententia vicarii forane ad ipsum episcopum appellatur: quae est communis sententia.

CAPUT XVII.

*De iudicibus delegatis.**Descriptio iudicis delegati.*

§. I. **O**rdinario iudici opponitur delegatus, qui jurisdictionem non proprio jure, sed alterius mandato & beneficio exercet; atque adeo nihil proprii habet, sed ejus, qui mandavit, vice fungitur. Sic ab interpretibus decretalium iudex delegatus describitur, qui tamen in jure Romano iudex, cui mandata est jurisdictio passim audit, etsi delegata jurisdictio apud Ulpianum occurrat (b). Sunt vero mandatarii jurisdictionis vel universales, vel particulares, quatenus universa jurisdictio, vel species una, seu pars jurisdictionis, veluti in certas personas, aut certa causarum genera, aut in quandam specialem causam mandatur. Nimirum poterat jurisdictio vel in totum, vel pro parte mandari (c), quin in unam speciem seu causam, quod postremum tum praesertim fieri potuisse docet Ulpianus, si justa ratio subesset (d). Si universa jurisdictio mandetur, omnia, quae

Inst. jur. can. T. VI. T t ju

(a) *Concord. cap. II. n. 1. 24. & 25.* (b) *L. I. D. de damno infecto.* (c) *L. XVI. & seq. D. de jurisdict.* (d) *Cit. L. XVII.*

jure magistratus competunt, translata censentur, non item quae speciali legis beneficio conceduntur; si pars tantum mandata sit, quatenus mandatum est, transiit. Ceterum jurisdictionis mandatarii proprie magistratus non sunt; quamvis enim juri dicundo praesint, tamen id non proprio nomine, sed alterius vice exercent.

Judices dati & mandatarii jurisdictionis differunt.

§. II. Multum vero distant ex regulis Romani juris judices, quibus mandata est jurisdictio, & judices pedanei, qui alias *dati & delegati* jure civili etiam dicuntur. Judices dati judicabant in causis praesertim facti, & nudam notionem, quae causae cognitionem & sententiae dictionem complectebatur, habebant, non item jurisdictionem, qua a se dictam sententiam exsequi possent. Numero causarum Romae obruti magistratus, ipsi per se omnia expendere non poterant: hinc placuit, certum numerum judicum seligere, ex quibus magistratus in singulas facti controversi causas unum daret, qui secundum formulam judicaret, hoc est cognosceret & sententiam diceret, non item judicatum exsequeretur (a). Pedanei dicebantur judices isti, quod judicabant non pro tribunali, sed in subselliis & quasi ad pedes praetoris, eorumque officium publicum erat, quod semel in judicum numerum cooptati, si inde judices darentur, injectum onus

(a) *Conf. Gerard. Noodt de imperio & jurisd. lib. I. cap. 8. & 13.*

nus sine justa causa excutere vetabantur (a). Hinc constat, in multis datos judices a mandataris jurisdictionis deferre: illi enim jurisdictionem non habebant, nec judicem dabant (b); isti vero jurisdictioni praeerant, & judicem dare poterant (c); datio enim judicis jurisdictionis effectus est (d). Praeterea a sententia judicis pedanei ad dantem appellabatur; contra a mandataris jurisdictionis non provocatur qui mandavit, sed qui a mandante ipso provocaretur (e). Verum si qui judices a principe dentur ad certas causas, hi jurisdictionem potius, quam notionem habere videntur, & a se dictas sententias exsequuntur (f), quin & alios judices dare possunt (g).

Qui jurisdictionem mandare possunt:

§. III. Jus delegandae jurisdictionis iis praecipue competit, qui constituendi creandique magistratus potestatem habent, a quibus jurisdictionis tamquam a proprio fonte dimanat; itemque ipsis magistratibus, quorum propria jurisdictionis est. Hinc certi juris est, episcopos, metropolitanos, patriarchas, summum pontificem jurisdictionem mandare posse suam, idque omni tempore in ecclesia obtinuit, nec enim unus episcopus toto pastoralis officio explicando sufficiebat. *Si quis contra quemlibet clericum causam*

T t 2

ha.

(a) Conf. Heinec antiq. lib. IV. tit. 17. §. 3.

(b) L. V. & XV. D. de re judic., L. V. C. de judiciis. (c) L. XII. §. 1. D. de judic. (d) L. I. D. de jurisdict. (e) L. I. D. quis a quo appell. L. XXI. §. 1. D. de appellat. (f) L. V. C. de fructib. & litium expensis. (g) L. V. C. eod.

habuerit, inquit Gregorius M. (a), *episcopum ipsius adeat, ut ipse cognoscat, aut certe ab eo iudices deputentur*. Nemo unus ignorat, olim pontifices jurisdictionem patriarchalem illustrissimarum civitatum episcopis demandasse, qui initio fuerunt mandatarii jurisdictionis; quamvis temporis lapsu ordinarii evaserint (b). Item ipsi archidiaconi & decani postquam ordinaria jurisdictione aucti sunt, eam suis officialibus mandarunt. Ceterum moribus praesentibus delegati pontificii frequentiores sunt, reliquorum vero iudicum ecclesiasticorum ferme desierunt, quod Espenius observat (c): & vicarii generales tantum quosdam actus, puta testium examen, non jurisdictionem delegant.

Pontificii delegati in causas particulares quando coeperunt.

§. IV. Delegati pontificii ferme dantur ad decidendas causas singulares, quae ex regulis novae disciplinae in Romanam curiam magno numero confluebant. Nimirum post saeculum decimum ex omnibus Occidentis provinciis causae ad sedem apostolicam per appellationes devolutae sunt; ipsa sedes apostolica veluti ordinarius iudex omnium exemptorum ab episcopali potestate haberi coepit; & porro ingens esse coepit causarum numerus, quae primo iudicio apud pontificem, qui ordinarius in universa ecclesia iudex putabatur, agitari poterant. Tot
caus.

(a) *Con. XXI. C. 11. q. 1.* (b) *Conf. di. Et par. 1 cap. 13. §. 6.* (c) *Conf. Espen par. III. tit. 5. cap. 2.*

caussis discutiendis Romana curia impar erat, immo nec Romae ob locorum distantiam, a quibus probationes peti debebant, facile instrui poterant. Ergo necesse fuit causas iudicibus in partibus delegare, qui iis iudicandis & finiendis vice pontificis praeesse: quae disciplina saeculo decimosecundo antiquior non videtur, supponit enim causas ecclesiarum Occidentis etiam minimas sive per appellationem, sive primo iudicio in Romanam curiam devolvi. Et recte observatum Espenio in Gregorii IX compilatione non reperiri decretalem, quae de iudicibus delegatis agat, antiquiorem Alexandro III, qui sub finem saeculi decimisecondi pontificatum gessit (a); manifesto indicio ignotos fuisse veteribus patribus delegatos pontificios, qui causas ecclesiarum Occidentis in partibus cognoscerent. Sic mutata rerum facie Romanorum pontificum multa prodierunt responsa, quibus potestas iudicum delegatorum explicatur, & difficultates & dubia proposita resolvuntur: qua in re pontifices sapiunt ex iure civili ejusque glossatoribus, & subinde etiam contra ipsum ius civile statuunt.

Delegati pontificis plenam habent jurisdictionem.

§. V. Jam vero iudices a summo pontifice, delegati plena donantur jurisdictione; a se enim delegatos iudices iisdem praerogativis pontifices auxerunt, quibus a principe iudices delegati iure civili utebantur. Hinc habent assessores, & in causa delegata iudicem dant, etiam episcopos

pos

(a) *Espen. loc. cit.*

pos. Coërcitione quoque utuntur & poenas irrogant, ut ea, quae ad causam faciunt, expediant, quod ex certis regulis constitutum, ne iurisdicção delegati iusforia & nullius momenti sit: cui enim iurisdicção semel data est, ei etiam concessa intelliguntur, sine quibus illa explicari non potest. *Ex eo enim*, inquit Alexander III (a), *quod causa cuidam committitur, super omnibus, quae ad causam ipsam spectare noscuntur, plenariam recipit potestatem*. Utuntur vero delegati pontificis coërcitione & poenarum irrogatione non solum adversus litigantes, sed etiam adversus quoslibet impediētes delegationis executionem (b): qua quidem in re tanta praerogativa pollent, ut etiam in episcopos poenas infligere queant, modo in coërcitione modum servant & dignitati deferant (c); delegatus enim pontificis in causa sibi commissa maiorem ordinario habet iurisdictionem. Item delegati pontificis, utpote plena iurisdictione instructi, sententiam exsequuntur suam, & hoc amplius retinent per integrum annum potestatem (d), quo facilius eam executioni mandent. Solent vero delegati executionem sententiae ordinariis mandare, qui eis obtemperare tenentur, etiamsi dicant, sententiam esse injustam; executor enim, exceptis paucis speciebus, causae cognitionem non habet (e).

Eam.

-
- (a) *Cap. V. de off. deleg.* (b) *Cap. V. ex. eod.*
 (c) *Cap. XI. ex. eod. & cap. II. eod. in 6.*
 (d) *Cap. XXVI. ex. eod.* (e) *Conf. Franc. Florens in tit. de off. deleg.*

*Eamque sive totam sive pro parte possunt
subdelegare.*

§. VI. Sed non tantum judices a summo pontifice delegati in causis sibi commissis judicem dare possunt; verum etiam sibi mandatam jurisdictionem sive in totum, sive pro parte alteri mandare, quod *subdelegare* passim dicunt, nisi personae qualitas electa fuerit (a). Jure civili a principe judex delegatus tantum judicem in causa, qua datus erat, dare poterat (b); non item sibi mandatam jurisdictionem, ne pro parte quidem, alteri mandare, puta litis contestationem, causae instructionem, aut sententiam. Tantum magistratibus urbanis, qui ex mandato principis judicarent, licebat peculiares litium examinationes suis assessoribus committere, idque licere voluit Justinianus (c), quod saepe contigebat, eos negotiis publicis implicari. At pontifices non contenti a se delegatos judices dare judicem posse exemplo eorum, qui codicillis principum judicabant; id etiam amplificandae potestatis suae contra regulas juris civilis statuerunt, judicibus a se delegatis licere alteri mandare jurisdictionem, sive universam, sive partem, veluti litis contestationem, causae instructionem, aut sententiae prolationem. Novi istius juris delineatio Alexandro III debetur (d), perfectio Innocentio III, qui nihil mo-
ra-

(a) *Cap. ult. ex. de off. deleg.* (b) *L. V. C. de judiciis.* (c) *Novel. LX. Conf. Franc. Florens com. ad tit. de off. judic. deleg.* (d) *Cap. XVIII. ex. eod.*

ratus Justiniani novellam constitutionem, generaliter licere voluit iudicibus a sede apostolica delegatis & universam jurisdictionem & ejus partem alteri mandare (a). Ita iudices a pontifice delegati distant a delegatis principum, qui etsi iudicem dabant, non tamen mandabant jurisdictionem. Licet vero iudicibus, qui ex mandato pontificis judicant, alteri vices suas mandare, etiam si nullo impedimento detineantur; utum enim Alexander III iusti impedimenti mentionem iniciat (b), tamen id spectat quod frequentius accidit, non quod tantum ex impedimento mandare possint, quod Gonzalez docet (c).

Quibus a pontifice causae delegandae.

§. VII. Jure decretalium iudices a summo pontifice delegati nullis specialibus qualitatibus affecti esse debebant, atque adeo etiam simplicibus clericis pontificia jurisdictio mandabatur: quod dignitati sedis apostolicae parum conveniebat. Ergo Bonifacius VIII statuit, ut tantum dignitate aut personatu praeditis, aut ecclesiae cathedralis canonicis causae ab apostolica sede, ejusve nuntiis delegari possint (d). Ut vero, qui minus idonei essent, a iudicandi munere arcerentur, (nec enim sedes apostolica de singulorum prudentia & peritia cognitionem poterat habere) statuerunt Tridentini patres, ut in synodo provinciali aut dioecesana designentur aliquot personae, quae habeant qualitates per

Bo.

(a) *Cap. XXVII. ex. eod.* (b) *Cap. III. ex. eod.* (c) *Gonzalez in cit. cap. III. n. 12. seq.*
 (d) *Cap. XI. de rescript. in 6.*

Bonifacium expressas, & alias idonei sint, quibus tantum locorumque ordinariis & praeterea nemini sedes apostolica ejusque legati causas judicandas committant (a). Atque hi sunt judices sic dicti *synodales*, quod in synodo designandi sunt, quorum saltem quatuor in singulis dioecesis esse debent, electorumque nomina ad sedem apostolicam transmittenda sunt. Designatio synodalis irritam cassamque fecit Alexandri III decretalem, quae id edicebat, successorem dignitatis etiam succedere in delegatam jurisdictionem, quae sub nomine dignitatis, non vero personae nominatim expressae facta est (b); non enim sufficit dignitatem in ecclesia habere, ut quis pontificius delegatus esse possit, sed praeterea requiritur synodalis designatio. Quod si ipsi judices synodales jam ad causas delegati velint vices suas alteri committere, non alios quam judices synodales eligere possunt; nec enim ipsi delegati ipso mandante melioris conditionis habendi sunt, modo integra causae cognitio a delegato committatur (c). Ceterum quod synodi hodie admodum raro celebrantur, episcopi ex venia sacrae congregationis extra synodum, sed cum consensu capituli, judices designant (d).

Quibus in locis constituendi pontificii delegati.

§. VIII. Quemadmodum vero primitus pontifices non ex certis clericis tenebantur judices
Inst. jur. can. T. VI. V v de-

(a) *Trid. sess. XXV. de ref. cap. 10.* (b) *Cap. XIV. ex. de offic. deleg.* (c) *Conf. Vucemeli in analysi ad constitut. l.* (d) *Conf. Bened. XIV. de syn. dioecesis. lib. IV. cap. 7. n. 5. & 7.*

delegatos eligere: ita etiam in quibuscumque locis eos constituebant, adeo ut ipsi litigantes coram eis, etiam in locis remotioribus, se sistere cogerebantur. At Innocentius III in concilio generali commode litigantium & iudiciorum facilitati consuluit, statuit enim *ne quis ultra duas dietas extra suam dioecesim per litteras apostolicas ad iudicium trahi possit* (a). *Dieta*, seu iter unius diei, jure civili continet viginti milliaria (b); at in hac causa potius locorum mores inspiciendos glossator docet, & dierum itinera peculiari- bus moribus aestimanda. Verum deinceps Bonifacius VIII novam huic juri formam dedit, voluit enim, ut si actor & reus sint ejusdem civitatis aut dioecesis, extra ipsas causa non committatur, nisi ab episcopo contra aliquem suae dioecesis, vel ab aliquo contra episcopum, aut contra ejus capitulum, seu contra loci universitatem actio instituenda sit, vel nisi actor eamdem civitatem vel dioecesim ingredi non audeat, aut sui adversarii potentiam merito perhorrescat: in quibus casibus permittit extra civitatem vel dioecesim iudicem delegari, sed non ultra iter unius diei a dioecesis finibus computandum. Et si actor & reus sint diversarum dioecesium, voluit, ut causa committatur in rei dioecesi, vel in alia actoris non propria, modo locus iudicis delegati non absit ultra iter unius diei a dioecesis rei finibus (c).

An

(a) *Cap. XXVIII. ex. de rescript.* (b) *L. III. D. de V. S.* (c) *Cap. XI. de rescript. in 6.*

An causae a pontifice necessario extra curiam delegandae?

§. IX. Quamvis causae in dioecesi, ubi exortae sunt, aut non ultra iter unius diei per sedem apostolicam sive ejus legatos committi debeant; non tamen jure decretalium vetitum est, de iisdem in ipsa Romana curia judicium institui. At in Gallia, Belgio, Hispania causae pontificiae cognitionis necessario per iudices in provinciis delegatos tractandae & finiendae sunt, etiamsi de appellationibus cognoscendum sit; in his enim regionibus non sunt recepti mores, aut populis concessa privilegia, ut civium causae extra provinciam aut regnum pertractentur (a), praestoque est regia potestas ad emendandam abusionem, si quis citetur, ut extra provinciam aut regnum se sistat (b). Itaque decretalis Bonifacii, quae habet, in dioecesi, aut non ultra iter unius diei iudices in causis dari debere, ea moderatione servatur, modo judicia in provincia aut regno instituantur. Minus disciplinae veteris regulis congruum visum est, causas longe a locis, ubi exortae erant, pertractari; & permittendum non erat, cives litium causa patriae finibus egredi, aut saltem opes suas in iudicii locum transmittere. Sed in Italia causae extra Romanam curiam committi necesse non est, ac proinde pro arbitrio pontificis delegati iudices dantur, exceptis causis epi-

V v 2

sco.

(a) *Conf. Espen. par. III. tit. 5. cap. 3.*

(b) *Rebus. concordata tit. de causis, Salgado de supplicat. ad sanctiss. par. II. cap. 11. n. 38.*

scoporum criminalibus, quae depositione aut degradatione dignae sunt; hae enim tantum ab ipso pontifice judicari debent, tantumque metropolitanis aut episcopis causae & facti instructio potest demandari, ut Tridentini patres habent (a): quae eadem disciplina in causis sanctorum obtinet.

Unus aut plures in unam causam delegati.

§. X. Mos fuit summorum pontificum ad causas decidendas & unum, & plures, certos tamen, iudices dare. Et plures quidem vel simpliciter nulla adjecta clausula, qua mandatum modificaretur, vel definite certis adjectis clausulis, quae procedendi modum constituerent. Ubi plures simpliciter delegati constituti sunt, conjunctim dati censentur, nec unus sine altero recte procedit (b), nisi unus alteri delegato vel alii vices suas commiserit (c). Sed si pluribus definite & adjectis clausulis causa commissa sit, interest, utrum clausula sit conditionalis, veluti, *si non omnes interesse velint, aut possint, reliqui in negotio procedant*, an absoluta, *ut omnes, aut duo, vel unus sine altero procedat*: quas aliasve consimiles clausulas, ut facilius lites disceptarentur, saepe pontifices rescriptis suis addere solebant. Priore casu uno impedito, quod vel non possit, vel nolit iudicio interesse, reliquis pro jure suo exsequi mandatum licet (d), modo per litteras constet de alterius impotentia vel

VO-

(a) *Trid. sess. XXIV. de ref. cap. 5.* (b) *Cap. XVI. & XXII. de off. deleg.* (c) *Cap. VI. ex. col.*
 (d) *Cap. XIII. ex. de rescript.*

voluntate. Altero, quilibet ex delegatis, etiam ceteris non expectatis, procedere potest, censentur namque omnes & singuli in solidum delegati, & inde cuique mandatum exsequi licet, ita tamen ut si qui mandatum primus occupavit, postea progredi impediatur, vel noluerit, reliqui causam continuare queant (a). Sic vero per unum mandato occupato, & lite contestata vetantur reliqui se intromittere, aut subdelegare, nisi adjectum in mandato sit, quod praevenientis conditio melior non efficiatur (b).

Delegatus mandati fines servare tenetur.

§. XI. Quoniam vero delegatus non proprio jure, sed alterius mandato iudex sedet, ante omnia de mandato constare debet, eoque suscepto ad causam procedere potest; & quo partibus ejus auctoritas innotescat, citationi ipsum delegationis exemplum inferi necesse est, alias citatus non tenetur comparere. Causam inde cogniturus, mandati fines servare tenetur (c): atque hinc delegatio ultra expressas personas vel articulos produci non potest, nisi communi partium praesentium consensu, nec enim sufficit, per procuratorem consentire (d): & si semel ex rescripto se jurisdictionem non habere pronuntiaverit, non poterit, ne partium quidem consensu, amplius judicare (e). Hoc ipso tamen haud

(a) Cap. VIII. de off. deleg. in 6. (b) Cap. VI. de procur. in 6. (c) Cap. XIII. XV. XXI. & XXXII. ex. de off. deleg., cap. XXII. ex. de rescript. (d) Cap. XXXII. ex. de off. deleg. (e) Cap. XXXVIII. ex. eod.

haud veratur delegatus de connexis cognoscere, aliaque peragere, sine quibus delegatio ad exitum deduci nequit. Ita ad instantiam actoris delegatus etiam de reconventionem cognoscet, utpote sine qua causa conventionis peragi nequit, quamvis in mandato ejus mentio nulla existat (a). Item si delegationis rescripto obreptionis aut subreptionis vitium obiciatur, de eo etiam delegatus cognoscet (b); antequam enim ad causam procedat, constare oportet, an ipsi competat jurisdictio, quae non aliter mandata censetur, quam si preces veritate nitantur. Et si dolo aut fraude alterius partis fiat, quominus in locum litteris rescripti expressum secure & tuto partes convenire queant, delegatus locum idoneum eligere poterit (c).

Delegati judicis recusatio.

§. XII. Licet vero judicem delegatum, qui merito suspectus est, recusare, puta si sit dominus impetrantis, aut ejus propinquus, aut advocatus fuerit in eodem negotio, vel sit familiaris, aut officialis alterius partis. Solent causae recusatationis opponi ante contestationem: possunt tamen etiam postea, si de novo emergant (d): & quidem libello, qui ipsi delegato judici offerri debet. Recusatationis autem causa, varie cognoscitur; nam si contra nnum ex duobus ab apostolica sede delegatis suspicionis causa

(a) *Cop. I. ex. de mutuis petitionib.* (b) *Cit. cap. XXXVIII.* (c) *Cop. XIII. ex. de off. deleg. in 6.* (d) *Cop. XXV. ex. de off. deleg., cap. IV. ex. de exceptionib.*

sa proponatur, siquidem illa clausula appositum sit, *quod si ambo interesse non possunt, alter in causa procedat*, coram non recusato iudice expedienda erit. Ubi vero non est dicta clausula in rescripto, arbitros eligere oportet, qui de ipsa recusatione cognoscent, quod Gregorius IX statuit (a). Qua quidem in re discessit summus pontifex ab jure civili, quo statuitur, ut recusato per principem iudice delegato necessitas litigantibus imponatur, arbitros eligendi, non ad causam recusationis, sed ad ipsum principale negotium pertractandum (b): quod etiam servandum imperator jubet, si vel maxime ab inferiore iudice delegati recusentur. Electis arbitris intra certum tempus debet causa recusationis probari; quo termino si causa non probetur, jurisdictione sua utetur delegatus (c); dicta vero sententia ad pontificem licet appellare. Quod si delegatus episcopi recusetur, recusationis causa coram episcopo probanda erit, licet coram ipso, qui recusatur allegari debeat (d).

Quis appellatur a iudicibus delegatis.

§. XIII. Jam a sententia per iudicem delegatum dicta licet provocare; appellatio enim jure conceditur non minus si iudex jure proprio, quam si ex alterius delegatione procedit. Et quidem a delegatis pontificis ad ipsum pontificem provocatur (e), quod juris civilis principis convenit (f).

Quod

(a) Cap. XXXIX. ex. de off. deleg., cap. IV. eod. in 6. (b) L. XVI. C. de judiciis. (c) Cap. XLI. ex de appellat. (d) Cit. cap. IV.

(e) Cap. XI. de off. deleg. in 6. (f) Conf. Gonzalez in cap. XXVII. ex. eod.

Quod si pontificis delegatus alteri vices suas commiserit, interest, utrum totam jurisdictionem mandaverit, an quamdam litis partem, sibi sententia vel alia parte reservata. Illo casu etiam ad ipsum pontificem provocatur (a), hoc vero non ad pontificem, sed ad delegatum, qui mandavit (b), idque ea ratione, quod subdelegati partiales cum iudicibus pedaneis videntur convenire, a quibus ad eum, qui dedit provocatur; nisi delegatus, qui dedit mortuus sit, aliasve impeditus, quo minus de appellatione cognoscere queat (c). At a sententia iudicis, cui ab ordinariis mandata est jurisdictione, non appellatur qui mandavit, sed qui a mandante ipso provocaretur (d). Appellatur vero a sententia iudicis per summum pontificem delegati, etiam si in litteris appellatio rejiciatur; formula enim illa in delegationibus pontificum sollemnis, *remota appellatione, sublato appellationis effugio*, non necessarias & gravibus causis innixas, sed tantum moratorias appellationes, quae jure decretalium admittebantur, excludit, quod Franc. Florens pluribus docet (e).

Quibus modis finitur iudicis delegati officium.

§. XIV. Pluribus vero modis finitur iudicis delegatorum officium. In primis finitur morte delegantis re adhuc integra (f), nam lite jam coepta delegatorum jurisdictione evadit per-

(a) *Cap. III. eod. in 6.* (b) *Cap. XXVI. ex. eod., cap. VII. eod. in 6.* (c) *Cap. X. eod. in 6.* (d) *L. I. D. quis a quo appelletur.* (e) *Florens in cit., tit. de offic. delegati.* (f) *Cap. XXX. ex. de off. deleg., cap. VI. eod. in 6.*

petua : res vero. definit esse integra per citationem, quod Urbanus III statuit (a), & hinc abrogata est Lucii III decretalis, qua per litis contestationem res esse integra definebat (b). Porro finitur delegati morte, nec enim delegatio ad heredes transit. Desinit quoque delegati officium finito negotio, & si quidem delegatio ad totam causam facta est, sententiae executione (c): quod tantum locum habet. in delegatis a pontifice, qui insuper per annum integrum retinent jurisdictionem post sententiam excommunicationis prolatam adversus contumaces, qui latae sententiae non obtemperant (d): nam si iudex ab ordinariis, puta episcopo, delegatus est, sententiae prolatione ejus officium desinit, quod Franc. Florens docet (e). Temporis quoque lapsu, quo delegatio inclusa est, desinit officium delegati, nisi communi partium consensu prorogetur (f); item revocatione, quae principi deleganti semper permissa est (g), delegatis vero pontificiis, qui vices suas in totum aliis commiserunt re non integra tantum conceditur revocare mandatum, si revocandi pro arbitrio sibi potestatem reservarint (h); & demum recusatatione proposita & admissa (i).

De delegatione vi canonis competente.

§. XV. Praeter pontificias delegationes,
Inst. jur. can. T. VI. X x quae

(a) *Cap. XX. ex. eod.* (b) *Cap. XIX. ex eod.*

(c) *Cap. IX. ex. eod.* (d) *Cap. XXVI. ex. eod.*

(e) *Franc. Florens in tit. de off. deleg.* (f) *Cap. IV. ex. eod.* (g) *Cap. XXVIII. §. 2. ex. eod.* (h) *Cap. VII. eod. in 6.* (i) *Cap. V. eod. in 6.*

quae expresso mandato nituntur; datur etiam delegatio vi ipsa canonis sine speciali commissione, qualem delegatam potestatem exercent episcopi in pluribus casibus, quos nova disciplina pontifici addixit. Multiplicatis exemptionibus ab episcopi potestate plura incommoda in rem ecclesiasticam irrepperunt, & praeterea episcopi de propria jurisdictione diminuta conquesti sunt, eamque suae integritati restitui pluries postularunt. Hinc speciosum juris theorema excogitatum est, quo salvis exemptionibus episcopalis jurisdictio locum haberet; statutum nempe, ut episcopi in casibus pontifici reservari tamquam sedis apostolicae delegati procederent. Haec nova delegatae jurisdictionis species praesertim in concilio Tridentino consecrata est. Magnis animis adnitebantur meliores episcopi ad abolendas, vel minuendas monachorum exemptiones; at contra stabant, qui curiae Romanae novitates integras cupiebant (a). Praesto fuit inter haec contraria studia Sebastianus Pighinus, unus ex Rotae Romanae auditoribus, qui salutarem formulam suggessit, ut *episcopi tamquam apostolicae sedis delegati* abbates cefantes, atque inertes cogerent ad instituendam in monasteriis sacrae scripturae lectionem (b). Ita primum utrique parti satisfactum, deinceps vero in similibus casibus etiam salvis exemptionibus delegata jurisdictio episcopis concessa. Ceterum in his casibus appellationes ab episcopis
ad

(a) *Conf. Wiesner tit. de offic. & potest. judic. deleg.* (b) *Sarpus hist. conc. Trid. lib. II. n. 62.*

ad summum pontificem instituuntur; vicarii generales vi generalis mandati non procedunt, & demum vacante sede haec delegata jurisdictio ad capitulum non devolvitur.

Olim principes dabant iudices in causis ecclesiasticis.

§. XVI. Haec de iudiciis delegatis ex novae disciplinae regulis; at ad pernoscentiam; antiquitatem addere oportet, consuevisse olim Romanos imperatores a sacerdotibus interpellatos rescriptis suis dare iudices, clericos tamen, qui in causis ecclesiasticis iudicarent. Certe Constantinus M. a Donatistis interpellatus in causa Caeciliani, qui per summam injuriam a septuaginta episcopis Donati schismate infectis damnatus, ecclesiam retinebat, iudices dedit tres Galliarum episcopos, qui una cum Melchiade Romano pontifice illam terminarent (a): Rursus quum Donatistae sententiae Melchiadis non acquiescerent, quasi iudicium indicta causa, & clanculum latum esset, & imperatoris iudicium postularent, Constantinus novum iudicium episcopale concessit, indixitque Arelatense concilium (b). Et Marcianus causam Bassiani, qui de sede Ephesina depulsus erat, synodo Chalcedonenfi demandavit, quam delegationem ipse Bassianus libello a principe exoraverat (c). Delegabant autem imperatores iudicia ecclesiastica non tantum iis episcopis, qui ordinario jure intra provinciam suam cognoscere poterant, sed etiam extra provinciarum fines alienis episco-

Xx . 2

pis

(a) *Ap. Euseb. lib. X. cap. 5.* (b) *August. ep. LXVIII.* (c) *Conc. Chalced. act. XI.*

pis jurisdictionem prorogabant : & hinc si quis episcoporum de metropolitani, aut patriarchae jurisdictione quereretur, litteris suis iudicium ab ea sede avocabant, & in aliam provinciam transferabant (a). Quod vero damnati clerici delegationibus causarum a principe impetratis ad efugendas poenas abuti possent, Archadius & Honorius edixerunt, ne episcopi rescripta impetrent; quæ nulla esse ipsi imperatores pronuntiant, si damnatio ob justam causam facta sit. *Sit hujusmodi personis tenore præsentis legis illicitum, sacra nostra adire secreta, & impetrare rescripta. Omnia dejectis per culpam sacerdotio personis, quæ impetrata sunt, infecta permaneant* (b).

Quæ delegatio etiam ab ecclesia probata.

§. XVII. Sacris rescriptis dum ecclesiasticas causas imperatores delegabant, nihil faciebant sacerdotii juribus, aut receptæ disciplinæ adversum. Equidem eam auctoritatem aperte principibus asseruit concilium Milevitanum II, quod Gratianus suæ concordiae inseruit (c). *Placuit, ut quicumque ab imperatore cognitionem publicorum judiciorum petierit, honore proprio privetur: si autem episcopale iudicium ab imperatore petierit, nihil ei obsit.* Tantum damnant patres Africani clericos, qui in causis suis publica iudicia ab imperatoribus postulabant, non item si episcopale iudicium peterent: mani-

(a) *Conf. Petr. de Marca de C.S. & I. lib. IV. cap. 2. n. 3 seq.* (b) *L. II. in append. C. Theodos.*
 (c) *Can. XI. C. II. q. 1.*

nifesto argumento disciplinae ejus aetatis adversum non fuisse, si principes in causis ecclesiasticis clericos judices delegarent. Porro tempore Augustini Donatistae sententiam Melchiadis refellere solebant, quod ab episcopis transmarinis lata esset, quibus ex Africanæ ecclesiæ privilegio judicia Africanarum causarum etiam ex appellatione usurpare non licebat. Excipit Augustinus, Melchiadem debuisse judicium illud usurpare, quod ab Afris septuaginta erat terminatum, additque, non usurpasse, quando ex principis delegatione cognitionem susceperat, quod probat, jure principes causas ecclesiasticas etiam extra provinciam delegare potuisse. *Quid, quod nec ipse usurpavit?* sunt verba Augustini (a). *Rogatus quippe imperator judices misit episcopos, qui cum eo viderent, & de tota illa causa, quod istum videretur, statuerent.*

Qui exortae principum in causis ecclesiasticis delegationes.

§. XVIII. At interim sacris canonibus, immo evangelio ipso, vetitum erat laicos etsi dignitate eminentissimos in causis ecclesiasticis judices sedere, aut in iis aliquid directe statuere. Ipsi Constantino M. apertissime notum fecit Cordubensis episcopus Osius, nefarium omnino esse, si principes spiritualia negotia sibi vindicarent. Qua ratione ductus Thomassinus docet, christianos principes non jure, sed potius facto & quadam oeconomia in causis ecclesiasticis judices dedisse, idque primo ad perduelles quomo-

(a) Aug. ep. CLXII.

modocumque revocandos indultum, inde ecclesiam probasse, aut tolerasse (a). Ego vero contra crediderim, hoc jûs principum antiquae disciplinae regulis convenire, & inde originem habuisse suam. Nimirum vetus disciplina non patiebatur, causas in synodis provincialibus definitas iterum per appellationes tractari in conciliis majoribus, nisi principes concilia ipsa concederent & indicerent (b). Concilia enim extraordinaria, qualia erant oecumenica & dioecesana, seu ex pluribus dioecesibus coacta, non statis temporibus habebantur, sed quando principes illa cogi permittebant. Hinc videtur profluxisse jûs illud principum, ut causas ecclesiasticas judicibus ecclesiasticis delegarent, synodis nempe, quas una opera concedebant: quod jûs semel inductum pro rerum humanarum conditione novis accessionibus crevit.

C A P U T XVIII.

De fidei inquisitoribus.

Episcopi primigenii fidei inquisitores.

§. 1. **I**Nter judices, qui praesunt ecclesiasticae jurisdictioni, jam inde a multis saeculis fidei censentur inquisitores. Ergo ratio susceptae tractationis postulat, ut etiam fidei inquisitionem enarremus, non quod in hoc Apuliae

(a) *Thomas. diff. XII. in concilia n. 54.* (b) *Conf. Petr. de Marca de C. S. & I. lib. VII. cap. 2.*

liae regno inquisitio ista vigeat, sed ut ejus origo, mores, ingenium & procedendi methodus cognoscantur, & inde judices ecclesiastici sibi caveant. Episcopos jure officii sui id in primis curare debere, ut in sibi commissis ecclesiis fides catholica vigeat, & ab omni erroris labe pura, & integra conservetur, in compertis est; eis enim Christus ipse praedicationem, & doctrinae depositum commisit. Hinc sunt primigenii fidei inquisitores, atque adeo pro potestate & officio suo in haereticos, aut de haeresi suspectos, qui fortasse in suis ecclesiis fuerint, inquirunt, inventosque reos debitae & canonicis poenis castigant. Et profecto per duodecim ferme saecula praeter episcopos ecclesia nullos speciales agnovit fidei inquisitores, nullam specialem audientiam, cui id negotii datum esset, ut extraordinariis modis in haereticos inquireret, & inventos ad mortem usque persequeretur. In ipso concilio Lateranensi sub Innocentio III, ubi multa singularia in haereticos statuta sunt, adhuc episcopi veluti primigenii fidei vindices & inquisitores habeantur; eisque praecipiuntur, ut per se, aut alias idoneas personas bis aut semel saltem in anno paroecias suas, ubi fama est haereticos immorari, circumeant, ad eos inquirendos & puniendos (a).

Pontificii inquisitores quando instituti.

§ II. Post saeculum undecimum multi in Occidente emerferunt haeretici, qui erroribus suis

(a) Cap. XIII. §. 7. ex. de haeretic.

suis christianam doctrinam conspurcabant, in
 primis vero ecclesiasticam potestatem & corru-
 ptos clericorum mores proscindebant. Albigen-
 ses inter novos haereticos praecipui, quorum
 error favore comitis Tolosani late sese diffude-
 rat, & multas Franciae provincias infecerat.
 Hinc Innocentius III satis non esse episcopos ra-
 tus ad hanc hydram obtruncandam, aut eos
 seigniores, quam fidei negotium postularet, ani-
 madvertens, contra Albigenes Tolosam, & in
 vicinas provincias triumviros misit, nempe Pe-
 trum de Castronovo, Rodolphum & Arnaldum
 monachos Cistercienses plena instructos potesta-
 te, qua in haereticos inquirerent, inventosque
 castigarent. Parum feliciter legatio cessit epi-
 scopis, & magistratibus hos novos legatos aegre
 ferentibus, nec necessaria auxilia suppeditanti-
 bus (a). Animum non despondit pontifex, quin
 potius legatis addidit calcaria, increpavitque
 episcopos, qui missis suis auxilium denegave-
 rant. Inde Didacum episcopum Oxoniensem &
 Dominicum ejusdem ecclesiae canonicum, qui
 Romam venerant, pari auctoritate pontifex To-
 losam misit, ut junctis viribus fidei negotium
 procurarent. Episcopus Didacus non multo post
 in ecclesiam suam reversus est, Dominicus vero
 fortius operi incumbens aliquot presbyteros sibi
 socios adscivit, quibus anno ferme cccccv epi-
 scopus Tolosanus ecclesiam S. Romani, quae
 Tolosae erat, cum omnibus redditibus concessit,
 ubi

(a) *Conf. Bolland. ad diem V Martii in com-
 ment. hist. de vita & gestis B. Petri de Castro-novo.*

in Dominicani ordinis prima fundamenta jacta sunt. Ita Dominicani sodales ab ipsa origine inquirendis haereticis addicti sunt; ac in illis initiis nulla aucti jurisdictione, ad haereses extirpandas circumibant regiones & civitates: qua in re voce & scriptis utebantur, quam muneri suo assidui essent episcopi, inquirebant; magistratus, principes, populos ad perdendos haereticos poenis, aut inita belli sacri societate concitabant, quarum expeditionum sociis easdem indulgentias, quibus profecti in terram sanctam potiebantur, promittebant; de omnibus ad pontificem referebant.

Fridericus II. fidei inquisitiones promovit.

§. III. Sed nova fidei & haereticorum inquisitio augmentum & severitatem suam praesertim Friderico II imperatori debet, qui immania edicta contra haereticos edidit, & in terris imperii valere praecepit (a). His edictis imperii magistratibus praecepit, ut haereticos ab ecclesia judicatos punirent; obstinatis mortis poenam & ignem proposuit; haeresim inter crimina publica recensuit; poenas adversus perduelles & majestatis reos ad haeresim produxit, atque adeo praeter ultimum & igneum supplicium bonorum publicationem & memoriae damnationem haereticis indixit, aliaque plura ad perdendos haereticos edixit. Fidei quoque quaesitores tuendos recepit, eos enixe commendavit, praecepitque omnibus imperii episcopis, ducibus & magistratibus.

Inst. jur. can. T. VI.

Y y

ti-

(a) *Conf. Philip. Limborch. hist. inquisit. lib. I. cap. 12.*

tribus, ut eos omni auxilio foverent, & ab infidiis haereticorum tuerentur. Mirum interim videri debet, qui potuerit Fridericus alias a novitatibus curiae Romanae alienus, tam immantiter in humanitatem saevire; praesertim quando veteres patres poenas sanguinis in haereticos non probarunt. Edidit has constitutiones imperator Patavii anno CCCCXXIV, ubi in concordiam cum Honorio III pontifice redierat, & ita fortasse in haereticos desaevit, ut fidei defensor strenuus videretur, & reconciliationem ex animo factam indicaret. Sed magis est, Fridericum non tam studio pietatis, quam perdendi eos, quos odio habebat, tam severas leges edidisse, qua de re Raynaldus multa congescit (a). Quo spectavit Gregorius IX eum admonens, ne perdendis fidelibus, sed delendis perfidis operam daret. Quidquid vero hujus rei sit, non bene humanitati Fridericus consuluit; nam ejus auctoritate Romani inquisitores latius sese diffuderunt, pontifices ejus constitutionibus inquisitionem inaedificarunt, & inde etiam ignes & publicationes bonorum adversus haereticos decretae.

Dominicani inquisitores jurisdictione aucti.

§. IV. Jurisdictione proprie sic dicta Dominicani inquisitores primum sub Gregorio IX aucti videntur. Nimirum hic pontifex summo zelo contra haereticos animatus in Galliae provincias, erroribus Albigenfium contaminatas, Romanum diaconum cardinalem misit, qui anno

CIO.

(a) Raynaldus ad an. CCCCXXIII. §. 33. seq.

CIOCCXXIX Tolosae frequens concilium habuit; ubi consilio episcoporum, procerum & militum sexdecim decreta edita sunt, ad inquirendos & puniendos haereticos spectantia, auctoritas vero inquirendi & puniendi episcopis, tamquam primigeniis fidei vindicibus, tributa est (a). Verum Gregorius ratus, episcopos non quo par erat rigore, in haereticos armari, biennio post inquirendi officium & potestatem solis fratribus Dominicanis per illas regiones demandavit, qui tanto rigore jurisdictionem sibi datam exercere coeperunt, ut comes & populus Tolosanus e re sua esse duxerint, civitate expellere non tantum fidei quaesitores, verum etiam omnes Dominicanos, ipsumque Tolosanum episcopum, qui & ipse Dominicanus illis impense favebat. Ipsos inde quaesitores Joannes Viennensis archiepiscopus auctoritate apostolica iterum Tolosam restituit, at inquisitionem exerceri jussit adjuncto collega ex ordine Fratrum Minorum, qui praedicatorum rigorem sua mansuetudine temperaret, ut Guillelmus de Podio Laurentii loquitur (b).

Perpetua & stabilis inquisitio instituitur.

§. V. Verum audientia inquisitionis, seu tribunal, ut passim dicunt, certis regulis ordinata & perpetua jurisdictione instructa praecipue Innocentio IV pontifici debetur, qui leges Fredericianas contra haereticos confirmavit, Dominicanos & Fratres Minores, qui fidei & ec-

Y y 2

ce.

(a) Conf. Espen. par. I. tit. 22. cap. 3.

(b) Chron. cap. VIII. Conf. Spond. ad annum CIOCCXXXIV. n. 3.

clesiae utilissimam navasse operam videbantur, eximia auctoritate, & episcopis, quibus cognitio de haereticis comperebat, adjunxit; simul etiam magistratibus mandavit, ut judicio episcoporum & inquisitorum apparitores condicerent, a quibus haeretici in carcerem compingerentur, & eorum bona occuparentur. Hac forma Innocentius in Lombardia, Romaniola & Marchia Trevisana inquisitores ex ordine Dominicanorum instituit, quorum officio sustinendo ad rectores & consilia earum civitatum anno 1200 bullam dedit, qua unum supra triginta capita continentur, omnia ad explicandum inquisitionis officium spectantia, capitum observantiam iisdem rectoribus & magistratibus injunxit, auxitque etiam quaesitores potestate excommunicandi rectores, & interdicendi civitates, quae capita non observarent. Hanc constitutionem tantisper mitigatam idem pontifex septennio post renovavit, ejusque successor Clemens IV confirmavit. Ex Lombardia perpetua & ordinaria fidei inquisitio labentibus annis in alias Occidentis provincias & regna permeavit, sed non ubique parem fortunam experta est, quae de re plura habent Sarpus & Limborchius in historia inquisitionis, & nos ipsi inferius aliqua exsequemur.

Potestas episcopi post institutam inquisitionem.

§. VI. Institutis inquisitoribus, qui pontificis auctoritate veluti ordinario jure fidei negotium procurarent, episcoporum contra haereticos potestas non cessavit; etenim sive conjunctim, sive seorsum ab inquisitore etiam super eodem negotio pro jure suo possunt procedere.

Ve.

Verum quando episcopus & inquisitor seorsum, judicium instituunt, sibi mutuo acta debent communicare, ut hac ratione veritas melius elucescat; utrique vero sententiam dicunt, si id magis elegant, & unus alterius sententiae accedere nolit: quod si in dicenda sententia non conveniant, negotium ab utrisque satis instructum ad sedem apostolicam remittendum est. Episcopi vero siue propria, siue delegata potestate in causis fidei judicium instituunt, modum procedendi, quem ex recentioribus regulis inquisitores tenent, servare tenentur: quae omnia Bonifacius VIII constituit (a). Itaque episcopi ex novis decretalium placitis in eo tantum distant ab inquisitoribus, quod jure proprio jurisdictione augentur, nec speciali pontificis delegatione indigent. Ceterum plus inquisitori quam episcopo curia Romana defert: & ubi conjunctim procedunt, primas partes inquisitor tenet. Quin, in Hispania exclusis episcopis, soli inquisitores procedunt (b), quo ipso episcopatus in vilem conditionem coniectus est.

Jurisd. & origo inquisitionis.

§. VII. Fidei inquisitio origine sua tantum in haereticos & fidei causas jurisdictione armatur; atque adeo negotium omnium maximum exercet. Hinc ut tantam provinciam curis aliis soluti eo melius inquisitores procurarent, vetiti sunt de divinationibus & sortilegiis quaerere, modo haeresim manifeste non saperent; itemque de

(a) Cap. XVII. de haeret. in 6. (b) Conf. Cortiada decid. XXX. n. 24.

de quaestionibus usurarum, aliisque criminibus, quae a pertinaci in fidem errore longe absunt; quod Alexander IV statuit (a). At lapsu temporis haeresibus ferme confossis inquisitores jurisdictionem suam produxerunt ad alia crimina, quae revera ab haeresi longe distabant, machinis vero & interpretatione inquisitorum quadam haeresis macula aut suspicione adsparguntur. Ita blasphemiae contra Deum aut sanctos ad inquisitionem tractae, etsi ira, ignorantia, aut malo habitu prolatae; itemque sortilegia, divinationes, nocturnae compotationes, digamia, quae omnia ferme non ad haeresim pertinent, & ignorantia potius & humana fragilitate, quam pertinaci in fidem errore committuntur. Quae quidem in re adeo ultra modum itum est, ut inquisitorum manus non effugerent, qui sono campanarum offensi eas maledicerent, aut emphasi dicendi vinum bonum laudaturi tale praedicarent, quod Christus ipse bibere posset (b). Ceterum inquisitionis jurisdictio in omnes christianos se extendebat quacumque dignitate eminentes, tantumque exempti erant nuntii pontificii, episcopi & alii quaesitores; ubi vero episcopi de haeresi suspecti erant, inquisitores ad papam referre tenebantur (c).

Inquisitio fidei multis ministris instructa,

§. VIII. Inquisitores, qui praesunt fidei
au-

(a) Cap. VIII. §. 4. seq. de haeret. in 6.

(b) Conf. Auctor hist. civil. regni Neapolit. lib. XXXII. cap. 5. (c) Cap. XVI. eod.

audientiae, pluribus officialibus instructi sunt; quos omnes, ut & eorum officia; Philippus Limborchius exsequitur (a); nec enim solus inquisitor tantae provinciae, quanta est haereticorum persecutio, satis erat. Si in plures regiones diffusasque S. Officii potestas extenditur, inquisitor constituere potest delegatos, sibi met vero vicarium generalem adjungere: habet praeter ea assessores & consultores, promotorem, seu fiscalem, item notarios, qui acta judiciorum excipiunt, pluresque familiares; qui suae & inquisitoris securitati arma gerunt, suspectos in vincula rapiunt, secretique plerumque sunt denuntiatores. Sed officium inquisitionis pro locorum moribus plures, aut pauciores ministros habet, cumque in Hispania plurimum possit, duodecim ministrorum speciebus stipatur; quo ipso ejus jurisdictio augetur mirifice: omnia enim illa officia in causis civilibus & criminalibus inquisitori subsunt, immo & coram eodem alios conveniunt (b). Quod vero praeclarum est, ipsi civitatum magistratus & consilia tamquam officiales inquisitoris reputantur; ei enim omne auxilium praestare debent, suppleantque, quod ipsi quaesitores facere impediuntur.

Ordo judicarius ab inquisitione usurpatus,

§. IX. Ordo judicarius, qui in fidei inquisitione obtinet, omnino singularis est, & ab ordinariis judiciorum regulis recedit, quod in gratiam

(a) *Philip. Limborch. histor. inquisit. lib. II. cap. 2. & seqq.* (b) *Conf. Director. inquisit. par. III.*

flam fidei receptum est. Principio non desideratur libellus, seu sollemnis accusatio, quia *simpliciter & de plano* proceditur (a), nec accusator in crimen inscribit: quin, quod accusatio litibus implicat, ex *Directorii inquisitorum* placitis tantum denuntiatione, aut inquisitione iudicia instituenda. Ipsa accusatio aut delatio, etsi alias libera, in causa fidei evadit necessaria; & hinc quilibet tenetur accusare, aut deferre, etiam fratrem, uxorem, patrem, filium (b). Ubi ad sunt gravia indicia rei in obscurum carcerem detruduntur, omni aliorum commercio privantur, & longis jejuniis exercentur: raro adhibetur citatio; & si id fiat, causa citationis non exprimitur, sed in genere decernitur citatio, ut reus examini quaestoris se sistat (c). Non requiritur litis contestatio, quod in delictis enormibus procedi potest lite non contestata, nec parte citata (d). Confuso examini reus subjicitur, admoneturque generatim, ut conscientiam suam excutiat, & sponte fateatur, si quod crimen contra religionem admiserit: nec inquisitores parcunt blanditiis & dolis ad confessionem eruendam: adhibentur etiam tormenta, si rei convicti sint, & fateri nolint, aut vehementi suspicione gravantur. Nomina accusatorum, & te-

fi

(a) *Cop. ult. de haeret. in 6. Conf. Limborch. hist. inquis. lib. IV. cap. 7.* (b) *Conf. de Royas de singul. in favor. fidei sing. III.* (c) *Simanc. de cathol. instit. tit. 44.* (d) *Royas sing. CXVII.*

stium publicari non solent (a) : admittuntur ad testimonium omnes etiam excommunicati, socii criminis, perjuri (b). Non omnis advocatus ad rei defensionem admittitur, nisi sit vir gravis quaesitoris judicio, & juret prius, se abstinere patrocinio quamprimum reum esse haereticum noverit (c). Quin admissi advocati summa eloquentia valere dicuntur, ut reis apertam confessionem suadeant, & humanitari quaesitoris se ex fide bona committant. Contra sententiam nullum remedium, ne appellationis quidem, competit (d). Haec & alia multa hujus furfuris judicium inquisitionis complectitur, quae late exsequitur Joannes Royas, & *singularia in favorem filii* appellat.

Poenae ab inquisitione irrogari solitae.

§. X. Sic instructo judicio ad sententiam devenitur, quam inquisitor adhibito episcopo, vel ejus vicario generali in antecessum disponit, praeparatque, variasque poenas irrogat, prout rei diffamati, suspecti, convicti, item poenitentes, aut perveracesprehenduntur. Qui sola fama sine alia probatione haereticis notam contraxit, addicitur canonicae purgationi (e), quae jurejurando adhibitis sacramentalibus, seu aliis testibus juratis, peragitur. Qui levi suspitione laborat, veluti qui per annum in excommunicatione obdormierit, sed non ob fidei causam, sa.

Inst. jur. can. T. VI.

Z z

lu-

(a) *Conf. Limborch. loc. cit. cap. 20.* (b) *Cap. V. de haeret. in 6.* (c) *Conf. Pegna in Director. inquisit. par. II. com. 10.* (d) *Cap. XVIII cod.*
(e) *Conf. Director. inquisit. par. III. n. 38.*

lutari poenitentiae subjicitur, & abjurare cogitur. Contra qui violenta suspicione gravati, veluti si haereticorum conventicula frequentaverint, aut haeresis convicti sint, si resipiscant, & errorem ejurent, damnantur ad condignam poenitentiam, vel ad perpetuos carceres, ut per omnem vitam in pane & aqua poenitentiam agant (a). Et hi *saccum benedictum* (Hispanice *sanbenito*) etiam debent induere, quousque vivunt, aut tempore poenitentiae gestandum, vestem nempe poenitentiae suboscuro coloris & a tergo & in pectore crucibus distinctam. Porro de haeresi convicti & impenitentes, vel relapsi, etiamsi poenitentiam agant, praevia degradatione si clerici sint, curiae saeculari traduntur, cujus auctoritate in flammam ultrices projiciantur (b). Omnes vero de haeresi convicti, aut confessi, etiamsi poenitentes sint, bonorum publicationem patiuntur. Hisce poenis etiam in mortuos utitur inquisitio; etenim si quis post mortem haeresis damnetur, ejus statua cum inscriptione nominis, itemque ossa exhumata iudici saeculari traduntur comburenda, & bona a die commissi criminis ipso jure fisco addicta declarantur (c).

Sollemnitatis actus fidei.

§. XI. Sententia pronuntiatur in loco publico & magno sollemnitatum apparatu, quem vivis

(a) *Cap. IX. ex. de haeret.* (b) *Cit. cap. IX. & cap. IV. de haeret. in 6.* (c) *Cit. Director. par. III. n. 43*

vis coloribus Limborchius depingit (a) . Atque hoc est quod dicunt *actum fidei* (Hispanice *auto de fe*), quem , ut multo celebriorem reddant , ad multos annos differunt , ut ita plures rei haberi possint , qui pompam faciant celebriorem . Ordinatis omnium sententiis certum diem festum inquisitor indicit , pridie vero ejus diei captivi coma & barba raduntur , ut ita demonstretur , haereticos in eam formam , qua nati sunt , hoc est in filios irae , rediisse . Dicto die post solis ortum ecclesiae cathedralis major campana sonat , omnesque ad spectaculum invitat . Inde notarius S. Officii nomina reorum recitat eo ordine , quo singuli in processione ire debent , simulque fidejussores ex honoratioribus designat , qui eorum latera cingant . Pompam Dominicani cum vexillo inquisitionis praeceunt , magnus est populi concursus , (invitantur enim omnes quadraginta annorum indulgentia) comitatur clerus , item civitatis magistratus , quin & regius senatus , si ibi sit . Rei procedunt ordine suo nudis pedibus , rasis barba & capitibus , & quidem peculiari veste induti ; gestant nimirum poenitentes vestem suboscram ante & retro crucibus distinctam , nigram vero impenitentes , quae flammam & diabolum habet depictos . Ubi ventum est ad locum , qui ecclesia aliqua , aut locus ei proximus esse solet , inquisitore cum suis ministris pro tribunali sedente , sollemnis habetur sermo de fide & officio inquisitionis , in quo actus fidei praecipue consistere creditur : inde senten-

(a) *Limborch. hist. inquis. lib. IV. cap. 41.*

tiae pronuntiantur, abjurantur errores, & excommunicati absolvuntur, relapsi & pertinaces magistratibus, qui praesentes sunt, consignantur: discedunt inquisitores, & rei statim in flammis ultrices ex sententia legum imperialium conjiciuntur: Quae quum ita sint, recte observat Franc. Pegna, in Hispania *horrendum ac tremendum spectaculum* in fidei actu exhiberi (a),

Traditio reorum ad mortem an irregulares faciat inquisitores?

§. XII. Magistratibus autem reos comburendos tradunt inquisitores nulla irregularitatis formidine perculsi, etsi traditione illa longe eant a mansuetudine illa, quam christianos sacerdotes decet. Nam creditum est; evitari notam illam immanitatis praevia intercessione, quam inquisitor & episcopus reos tradituri, magistratus exorant, ut citra mortis periculum sententiam moderentur (b). Sed intercessio ista mera formula est, & dicis causa adhibetur: magistratus nimirum sunt meri executores, nec illis licet mitigare supplicium, aut tantillum differre; siquidem quaesitor executionem urget, morososque per excommunicationem compellit, ut ex legibus imperialibus contra judicatos haereticos procedant (c). Num animi illa mansuetudo, quae christiano sacerdotio adgnata est, in solis verbis consistit? Jampridem consueverunt ecclesiastici canonum verba captare, de sententia parum

(a) Pegna in Director. par. III. com. 45.

(b) Cap XXVII. ex. de V. S. (c) Conf. Fleuryus in sit. jur. eccles. par. III. cap. 10. n. 4.

rum solliciti. Quam longe ab his moribus, seu fictionibus distabant veteres patres, qui alienum a christiana mansuetudine reputantes, haereticos morti tradi, apud magistratus ex animo & enixis precibus intercedebant, ut eos a morte liberarent, praesertim si illi etiam crimina contra ecclesiam admisissent. At quando in nova disciplina antistitibus placuit, haereses bello & igne extirpari, necessario alii mores debebant invalescere, quibus species mansuetudinis servaretur, etsi reapse animo severitas insit; nam alias certum est, male cedere magistratui, si quaesitoris precibus aliquid tribuat. Quid quod in *Directorio inquisitorum* edicitur, licere quaesitoribus capitalem in haereticos & eorum fautores sententiam proferre?

Inquisitio fidei parum congruit christianae mansuetudini:

§. XIII. Officium inquisitionis etsi nomine ipso sanctitatem praeferat, tamen viris plis & sapientibus, etiam inter catholicos, christianae mansuetudini adversum semper reputatum est, & judiciorum forma & poenarum severitate. Et quidem judicandi forma omnino praepostera est, nec naturalem aequitatem redolet. Quae enim aequitas, quae justitia esse potest, ubi indiscriminatim omnes ad accusandum, ubi omnes ad testificandum admittuntur? ubi accusatoris, ubi testium nomina ad defensionem reis non communicantur? ubi miseris contra sententiam denegatur appellatio? Auget horrorem immanitas tormentorum, quibus plerumque contra veritatem quidquid inquisitoribus libet a miseris & innocentibus reis, ut se cruciatibus eximant, per

per vim extorquetur. Et quamvis alias magistratus quaestiones in gravibus criminibus ad extorquendam a reis veritatem adhibeant; tamen alia ratio provinciae, alia ecclesiae est; illius terribiliter gerenda est administratio, hujus clementer commendanda est mansuetudo. Nec tacendi doli, fraudes, simulata humanitas, quibus inquisitores solent reos deludere, & quandoque etiam veluti adigere, ut confiteantur, quod numquam admiserunt, spe vana delusi fore, ut ingenua confessione carceribus & ulterioribus cruciatibus liberentur. Nec minus odio est inquisitio severitate poenarum, flammis ultricibus, & multitudine reorum, qui tragœdiam tristiores faciunt. Et quamvis rogius sententia inquisitorum non decernatur; tamen quando magistratus sibi traditos reos necessario in ignem conjicere tenentur, etiam ipsi inquisitioni merito imputatur.

Et ignorantiam & hypocrisin promovet.

§. XIV. Fidei inquisitio suis singularibus instructa sinceram fidem non multum videtur promovisse, contra vero regiones, ubi dominatur, ignorantia & hypocrisis opplevit, quod Fleuryus observat (a). Timor, quo omnes concutuntur, ne ad inquisitionem denuntientur, quandoque sola suspitione, quae saepe indiscretis verbis nec ex animo pronuntiatis nititur, facit, ut quisque taceat, nec de rebus ad religionem spectantibus dubia sua proponat, & instrui studeat, contentus loqui & operari, ut communi-

ter

(a) *Fleuryus disc. VII. in hist. eccles. n. 13.*

ter alii loquuntur & operantur, parum curans; an satis in religione instructus sit. Christianus quoque, qui in vitio occalluit, in paschate eucharistiam manducat, ne ad inquisitionem, tamquam haereseos suspectus, deferatur; interim vero vitiis haeret, & exterius pietatem simulat. Porro lectio, quae instructioni quam maxime inservit, ubi regnat inquisitio, difficilis est. Scriptura sacra tantum Latina non vernacula lingua permittitur, nec evadit Judaismi suspicionem, qui Hebraicum textum domi servat. Plures quoque patrum & aliorum ecclesiasticorum librorum editiones prohibentur, tantum quod ab haereticis, aut suspectis auctoribus factae sint; saltem integrae non permittuntur, quod videre est in indice Hispaniae inquisitionis, ubi praefationes, notas, commentaria & in ipso textu versus aliquos, aut verba deleri praecipitur. Abundant vero civitates inquisitioni obnoxiae casuistis & novellis de re ascetica libellis, quorum illi morales disciplinae corruptioni inserviunt, isti novo pietatis generi & cortici religionis assuescunt.

Multis in locis sanctum Officium receptum est.

§. XV. Jam vero sancti Officii audientia, seu tribunal, ut vocatur, firma & perpetua in multis Occidentis provinciis instituta est, sed petentibus & adnitentibus summis imperantibus; semel vero recepta turbas excivit, & non nisi maximo labore & publica auctoritate retineri potuit; nam praeterquam quod ipsum Officium abnorme est, inquisitores sibi data potestate saepe ad emungendas opes, ad vindictam privatam, & ad seditiones excitandas abusi
sunt

sunt, quod Fleuryus observat (a). In Italia stabili inquisitio primum ab Innocentio IV instituta est, eique Lombardia & adjacentes provinciae subiectae. Inde anno cccccviii in Tusciam commigravit, eique praefecti sodales Divi Francisci terrae illius alumni: commigravit etiam Venetias Nicolao IV pontifice, sed Veneta inquisitio a Romana non pendet, nec soli inquisitores procedunt; in urbe enim tres senatores, extra urbem rectores civitatum in judiciis adhibendi sunt (b). Item Gallia precibus Ludovici Regis anno cccclv ab Alexandro IV inquisitionem admisit, eique prior Parisiensis ordinis praedicatorum praepositus est. Porro sancta inquisitio in Aragonia anno cccccxi suadente S. Raymundo a Pennaforti sedem posuit, at deinceps elanguit, nec in reliquis Hispaniae regionibus cognita videtur usque ad Ferdinandum catholicum, qui anno cccccclxxxi eam a Sisto IV impetravit ut sancto inquisitionis igne quidquid, eiectionis Mauris & Judaeis, exoticae superstitionis superesset, purgaretur. Initio tantum regnum Castellae inquisitionem recepit, quae non multo post in reliquas Hispaniae regiones Regi catholico subiectas permeavit; atque adeo variis in locis quaesitores instituti. Omnibus praest inquisitor generalis, qui etiam est consilii inquisitionis praeses, regemque assidue comitatur. Consilium hoc leges inferioribus dictat, ab eorum sententiis accipit appellatio-

(a) *Fleuryus inst. jur. eccles. par. III. cap. 9. n. 2.*

(b) *Conf. Sarpus in hist. inquisitionis.*

tiones, solumque regem superiorem adgnoscit; nullum enim jus in Hispanicam inquisitionem pontifici relictum dicitur (a), nisi quod inquisitorem generalem a rege nominatum confirmet. Hispanicae inquisitioni similis est Lusitanica, quam petente Joanne III rege anno MDLXXXIII Paulus III instituit. Ceterum in Gallia sanctum Officium non diu stetit, vixque hodie tanti facinoris superest vestigium.

Romana inquisitio seu congregatio sancti Officii.

§. XVI. Splendore non minus quam auctoritate ceteras longe praestat Romana inquisitio, quae *Congregationis sancti Officii* nomine venit. Romanae etiam post receptam in aliis regionibus inquisitionem nulli fuerunt peculiares delegati negotiis fidei praepositi, sed ipse pontifex in haereticos inquirebat, adscitis pro arbitrio ministris & adiutoribus (b). Inde exorta haeresi Lutherana Paulus III congregationem cardinalium instituit cum summa & absoluta potestate de haeresi similibusque criminibus cognoscendi, inquisitores instituendi & destituendi, eisque officii normam praescribendi (c). Successores pontifices Pius IV & Pius V institutam fidei congregationem confirmarunt & novis praerogativis auxerunt. Et Sixtus V institutis pluribus cardinalium congregationibus primum

Inst.jur.can.T.VI.

A a a

10-

(a) *Conf Salgado de supplic.ad sanctiss.par.II. cap.33.* (b) *Card.de Luca relat.curiae Roman. disc.XIV.n.3.* (c) *Bul. licet ab initio XXXIV. in bul.Rom.*

locum congregationi sancti Officii dedit. Constat ea ex Pii IV. decreto cardinalibus sex aut octo & diversis ministris, veluti commissario, assessore; consultoribus, fiscali, notario, ipsumque pontificem praesidentem habet (a), ejusque auctoritas ex pontificiis decretis per totum orbem christianum extenditur. Et quoniam rebus fidei adhaeret lectio librorum, hinc sancti Officii congregatio libros expendit, & censura dignos proscribit, aut a doctrinis noxiis expurgat: item veniam concedit legendi libros, quorum lectio interdicta est: qua de re exstat Gregorii XV constitutio, qua edicitur, ejusmodi veniam tantum a Congregatione sancti Officii posse concedi (b). Ceterum Neapoli hujus Congregationis auctoritas non agnoscitur, nec pro ea parte, quae decreta librorum interdictorum spectat. *Neapolitana fidei inquisitio sub Svevis & Andegavensibus.*

§. XVII. Sed non qua facilitate sanctum Officium in Hispania institutum est, eadem etiam in omnibus regnis & provinciis regi catholico subjectis institui potuit, etsi ipsi reges illius receptionem promoverent juberentque. Belgium Carolo V & Philippo II regibus non sine omnium ordinum commotione sanctum Officium omnino rejecit (c), Neapolitani vel ipso inquisitionis nomine audito exhorruerunt. Et Mediolanenses sub Philippo II passi non sunt, inquisitionem Hi-

spa.

(a) *Conf. Espen. par. I. tit. 22. cap. 3.* (b) *Bul. apostolatus officium XL. in bull. Roman.*

(c) *Conf. Espen. par. III. tit. 4. cap. 2.*

spanicæ similem Mediolanum inveli (a). Sed quidquid Neapolitanam inquisitionem spectat, distinctius ab origine sua oportet enarrare. Principio Fridericus II fidei inquisitionem promovit, eamque exercentes tuendos recepit; at id in regionibus imperii præcipue obtinuit, non in Siciliae regno, ubi Romanos inquisitores non admisit; sed integram contra hæreticos juris cognitionem episcopis secundum canones reliquit, magistratibus vero mandavit, ut in hæreticos inquirerent, & in damnatos ab episcopis animadverterent (b): qui mores etiam sub Manfredi obtinuerunt. Quin si opus erat, ab ipsis principibus delegabantur antistites, qui una cum regis iudicibus provincias ad inquirendos & puniendos hæreticos circumirent. Deinceps regno ad Andegavenses, qui sedi apostolicæ erant addicti, translato, Romani inquisitores regnum ingressi sunt, & sub regiam tuitionem recepti; non tamen firmam & stabilem audientiam habuerunt, sed provincias circumire ad hæreses inquirendas & extirpandas permittentur, eisque magistratus præsto esse debebant. Publicis quoque expensis eorum plures una cum officialibus Carolus I aluit (c): at Carolo II placuit, ut publicanda reorum bona tres in partes dividerentur, quarum una inquisitori pro alimentis expensisque, altera pro negotiis

Aaa 2

(a) *Conf. auct. hist. civil. regni Neap. lib. XXXII. cap. 5. §. 2.* (b) *Const. inconstitutum tit. de hæret. & patur.* (c) *Conf. auct. hist. civil. regni Neap. lib. XIX. cap. 5. §. 4.*

fidei peragendis, tertia fisco regio cederet, quod ex regis litteris apud Chioccarellum constat (a).

Neapolitani sanctam inquisitionem rejiciunt.

§. XVIII. Regno deinceps ad Aragonenses Hispanos translato, coeperunt Neapolitani odio plus quam Vatiniano sanctam inquisitionem avversari, & ad eam patriis finibus excludendam tamquam pro aris & focis sibi pugnandum esse decreverunt: Ferdinandus catholicus expulsos Hispania Mauros Judeosque etiam regno profligaturus, sanctum Officium Neapoli instituere adgressus est Hispano subjectum; at resistere Neapolitani, eorumque cognita obstinatione, Rex ab incepto destitit, promisitque etiam, se non permitturum Neapolim umquam inquisitionem invehi, quod Zurita & Mariana tradunt (b). Non multo post Carolus V opera usus Petri de Toletis, qui vice sacra imperabat, Neapoli inquisitionem instituere curavit, ut regnum a novis Lutheri doctrinis, quae in dies gliscere credebantur, purgaretur. Videbat Caesar, quae incendia & populorum strages in Germania exciverant novae Lutheri doctrinae, timensque ne sibi in Italia subjectae provinciae paribus motibus concuterentur, credidit, rebus novis ministerio inquisitionis obviare. Sed populus aperta vi & armis, & tantum fide Regi debita non conculcata depugnavit ad invisum onus avergendum, nec per omnia conquievit,

ni-

(a) *Chioccarel. tom. VIII. arch. Regiae jurisdict.*

(b) *Zurita ann. Aragon. lib. IV. cap. 70. & lib. IX. cap. 76.; Mariana hist. lib. XXX. cap. 1.*

nisi post auditam Caesaris voluntatem de non instituénda inquisitione (a). Rerum novarum timor iterum incescit Neapolitanos sub Philippo II, qui Hispanicam inquisitionem ad summam severitatem extulit; deditque timori causam summus rigor & exquisitae poenae, quibus in haereticos Neapoli defaevitum est (b). Ergo enixe exoratur rex, ut procul omnino esset sanctum Officium, & deinceps bona haereticorum non publicarentur. Benigne rex Philippus annuit, concessitque, ut in causis religionis ordinaria & canonica forma judicia instituerentur.

Romana inquisitio in Neapolitanos exercet jurisdictionem.

§. XIX. Verum enimvero Neapolitani tot tantisque moribus & obstinato animo nec per omnia voti compotes per longam aetatem facti sunt: tantum obtinuerunt, ne stabilis & perpetua inquisitio in regno institueretur; at interim Romani inquisitores sensim jurisdictionem suam in regiones nostras extenderunt (c). Reges nostri assueti moribus Hispaniae sanctum Officium fortasse necessarium reputabant, atque adeo potius populi pervicaciae cessisse, quam illud vere rejecisse videntur, dum patribus nostris concesserunt, nullam in regnum invehiri inquisitionem. Exercebant vero Romani inquisitores jurisdictionem suam ministerio episcoporum, aut missis

(a) *Conf. Ubert. Foglietta de tumultu Neapolit. & Jo. Ant. Summonte tom. IV. hist.* (b) *Conf. Summonte loc. cit.* (c) *Conf. auctor hist. civil. regni Neapolit. lib. XX. XII. cap. 5. §. 1. seqq.*

sis delegatis : qui mores Carolo V. rege jam cogniti erant, deinceps vero ferme ad Carolum VI continuarunt. Capti rei saepe Romam missi, aut nummaria praestita cautione apud Romanam inquisitionem se sistere tenebantur. Huiusmodi iudicia assensu & auxilio civilis potestatis nebant, quae tantum intercedere consuevit, ubi regius assensus negligebatur, sed non tam odio inquisitionis, quam quod regia iura laesa viderentur. Philippo IV & Carolo II regibus male haberi coeperunt Romani inquisitores & regno expulsi sunt; cognita enim eorum potestate populus proregibus protestatus est, se nulla ratione extraordinaria fidei iudicia pati velle. At Romani inquisitores animum non desponderunt, quin potius episcopos in totidem inquisitores vertere curarunt, siue editis Romae edictis, quibus forma in causis fidei procedendi, ab episcopis & inquisitoribus servanda, continebatur, siue clam editis delegationibus, quibus episcopi ex forma inquisitionis iudicia instituere jubebantur. Ingemuit hisce malis populus Neapolitans usque ad Carolum VI., qui anno 1309 omnem inquisitionem contrivit litteris, quibus precepit, ut in causis fidei tantum locorum ordinarii & ordinaria forma in aliis delictis & causis ecclesiasticis consueta procedant, ut vero omnis novarum rerum timor abesset, placuit, quotannis ex quinque equitum ordinibus & populo Neapolitano creari deputatos, qui contra sanctam inquisitionem invigilarent.

Neapoli sanctum Officium omnino aboletur.

§. XX. Quamvis vero litteris Caroli VI fidei inquisitio in regno Apuliae omnino cessare de-

debuisset ; tamen episcoporum nonnulli eam retinuerunt , saltem deinceps iterum ejus singularia adoptarunt , in primis curia archiepiscopalis Neapolitana. Judicia quoque in monasteriis contra monachos instructa inquisitionis singularia sapiebant , idque eo facilius , quo rarius ejusmodi acta in publicum edebantur. Ergo anno MDCCXLVI iterum exciti rumores , quorum certior factus Carolus tum Rex noster toties obtruncatum & semper pullulans S. Officium ita contrivit , ut , nec si velint , deinceps episcopi possint ejus placita retinere . Edixit nimirum , ut episcopi reos haereseos , aut alterius criminis ecclesiastici non citent , aut carceri tradant , nisi ipse Rex visis prius informationis actis citationem aut prebensionem concedat ; nec inde plene instructo judicio sententiam exsequantur suam , nisi iterum visis actis Rex ipse annuat. Item edixit , ut rei dato defensionis termino statim a secretiori carcere ad exteriorem & civilem educantur , ubi commoda sit eis libertas scribendi & colloquendi : ut deputati sancti officii advocatum reos defensurum in singulis causis nominent , rex vero confirmet ; & demum ut in omnibus citationibus , sive principalium , sive testium causa , propter quam citantur , exprimat. Quae omnia anno MDCCCLXI etiam Rex noster confirmavit . Ita etiam ipsa ordinaria episcopalis jurisdictio in causis ecclesiasticis restricta est ; sed sibi vitio episcopi vertant , qui quum pro jure suo possent canonica & ordinaria forma in haereticos procedere , malebant in publicae pacis everfionem invisa inquisitionis forma judicia instituire .

§. XXI. Illud vero mirum multis est, quā potuerint Neapolitani, alias supra modum religiosi, sanctam inquisitionem, qua pietatem niti credebatur, odisse, & omnino repellere, praesertim quando reliquas curiae Romanae novitates receperant. Tantis Neapolitanorum adversus inquisitionem horror non inde profluxit, quod illi nollent haereses exstirpari, & haereticos puniri; (legitimam formam nusquam respuerunt) sed potius ab abnormi procedendi forma & severitate poenarum, quibus illa utebatur, seu potius abutēbatur (a). Exhorruerunt nimirum Neapolitani, ubi audierunt obscuros carceres, occultos testes, exilia, bonorum publicationes, mortes, rogos, quibus Ferdinando rege catholico Hispanica inquisitio Maurorum & Judaeorum reliquias persequebatur: praecipue vero, ubi audierunt, inter initia illius inquisitionis homines promiscuae aetatis ac sexus ad duo millia fuisse crematos quod Mariana testatur (b). Nec sane erat, cur aliter cogitare possent Neapolitani, apud quos facile inveniebantur, qui odio & vili quaestu falsa testimonia deponerent; atque adeo quisque intelligebat, arcanam inquisitionem ad evertendas omnium fortunas & flammās excitandas inservire. Sic animo conceptus horror veluti hereditate ad posteros transiit, crevitque

(a) *Conf. auctor. civil. regni Neapolit. lib. XXXII. cap. 5* (b) *Mariana de reb. Hispaniae lib. XXIV. cap. 17.*

que deinceps Philippo II rege, quando eadem Hispanica inquisitio ad persequendas novas Lutheri doctrinas severior evasit, nulli personarum generi, nec ipsis mortuis parcens; ut constat exemplo Constantini Pontii, qui Carolo V a confessionibus fuerat, inde haeresis accusatus & post mortem damnatus ignem non evasit, in quem ejus statua coniecta est. Accessit ad confirmandum patrum nostrorum odium inquisitio Romana, quae non minus desaeuere coepit Paulo IV & Pio V pontificibus, qui natura ad duritiem facti illius severitatem summopere auxerunt.

¶ *Iisdem rationibus, quibus olim Neapolitanorum animos ad Tribunal Inquisitionis fidei abolendum incitatos fuisse auctor noster arbitretur; permotus feliciter gubernans Ferdinandus IV postrema lege die 10. Aprilis an. 1782. lata praedictum Tribunal omnino in hoc regno suppressum voluit; veteri Episcoporum jure quoad fidei causas adjudicandas restituto. Vide quae supra diximus ad Caput VI. de Foro Competenti pag. 118. ubi fusius de hac re egimus, ac praecipua capita hujus Regiae constitutionis exscripsimus.*

CAPUT XIX.

*De arbitris.**Arbitri qui, & quot eorum species.*

§. I. **N**on solum per iudices, sed etiam per arbitros lites finire consueverunt. Arbitrarius in libris juris civilis saepe est iudex a praef. *Inst. jur. can. T. VI.*

tores datus, quandoque ab iudice distinguitur (a). Nimirum a praetore dati iudices pro diversa iudiciorum ratione modo *arbitri*, modo *iudices* dicuntur. Qui in iudiciis bonae fidei aut arbitrariis dabantur *arbitri*; qui vero in stricti juris iudiciis proprie *iudices* dicebantur. Et arbitri quidem ex bono & aequo arbitrabantur, iudices vero formulae erant addicti, nec poterant vel hilum ab ea discedere (b). Item iure civili arbitri etiam dicuntur, qui a contrahentibus ad definiendum pretium in emtione, venditione, aut alias conditiones in contractibus definiendas assumuntur (c). Verum in praesenti arbitrorum nomine veniunt iudices extraordinarii ad finiendas decidendasque lites litigantium voluntate electi, sive electio ista ex libera partium voluntate, sive ex juris dispositione fiat. Hinc arbitrorum alii sunt voluntarii, alii necessarii, seu juris, quorum illi ex libera partium voluntate, nullo cogente eliguntur; isti sumuntur quidem ab ipsis partibus, sed legis iussu praecedente.

Compromissum quomodo fiat.

§. II. Arbitri sic dicti voluntarii ad lites cito finiendas partium compromisso sumuntur, & hinc *compromissarii* dicti sunt (d). Compromissum est conventio, qua uterque litigantium promittit, se stare sententiae, quam electus arbiter dixerit. Promissio ista etiam iure civili & stipu-

la-

(a) *Conf. Briss. de V. S. v. arbiter.* (b) *Tull. orat. pro Q. Roscio cap. 4* (c) *L. VII. D. de contrah. emtion.* (d) *L. IV. D. de tutorib.*

latione & nudo pacto fieri consuevit (a). Additur etiam jure civili pro partium arbitrio poena, qua compromittentes fidem suam vinculo firmitiori adstringunt; quando enim ex compromisso actio rei judicatae non nascitur, placuit, metu poenae firmitatem arbitriis conciliare (b). Jure quoque Romano jurisjurandi religionem compromissa muniebantur, tum id fieri Justinianus interdixit, ne homines qui stare arbitrio sua interesse non putarent, pejerare cogerentur (c). Jure decretalium poena compromisso etiam addi potest, non tamen necessario (d), nam illud utroque jure ex consensu partium vires sumit. Porro eodem decretalium jure posthabita Justiniani constitutione jusjurandum in compromissis admititur, iisque major vis conciliatur (e): quo ipso jurandi extra judicium usus contra veterum simplicitatem excrevit. Mediis saeculis obsides etiam accedebant compromissis (f), qua ratione non temere a promissis discedere licebat.

Qui possunt compromittere.

§. III. Compromittere possunt in arbitros quicumque rerum suarum liberam habent administrationem; non vero qui domini non sunt, aut si quidem sint, non tamen libere administrant. Quapropter vetantur compromittere pupilli & minores (g), item procuratores in causa

Bbb 2

ipsi

(a) L. XI §. 3. D. de recept. qui arbitr., L. penult. C. de recept. arbitr. (b) L. II. & L. XXVII. §. 7 D. eod. (c) Nov. I. LXXII. cap. II. (d) Cap. IX. ex de arbitr. (e) Cap. II. & IX. ex eod. (f) Cap. XI. ex eod. (g) L. XXXV. D. de recept.

ipsis commissa, nisi speciale mandatum habeant; alioquin arbitri sententia non quidem principalem, sed procuratorem stringit, & quidem ad poenam, si haec adjecta sit, alias ad id quod interest (a). Praelati quoque & episcopi nequeunt compromittere sine capituli consensu, qui toties necessarius est, quoties de ardua causa ecclesiae cathedralis agitur (b). Item electi arbitri alios instituere vetantur, nisi facultas ista iis concessa fuerit (c); arbitri enim electione industria hominis electa censetur.

Qui possunt in arbitros eligi.

§. IV. Omnes, qui iudices esse non prohibentur, ferme in arbitros partium compromisso eligi possunt, nisi quod jure civili etiam libertinus & infamis in arbitros eligi possint (d), & filius in causa patris (e). Possunt etiam jure Romano ordinarii magistratus in arbitros eligi, non vero pedanei iudices in causis, de quibus iudices dati erant; hi enim addicti erant formulae, & necessario judicabant; tum vero recipere poterant arbitrium, si commissae notioni ex voluntate magistratus renuntiabant (f). Sed de suis jam iudicibus pedaneis, jure decretalium non minus in iudices ordinarios, quam in delegatos licet compromittere (g). Vetantur quoque.

(a) *Cap. IX. ex. eod.* (b) *Cap. I. ex. de his quae fiunt a prael. sine cons. capit.* (c) *Cap. XIII. ex. de arbitr.* (d) *L. VII. D. de recept. qui arbitr.*

(e) *L. IV. D. eod.* (f) *Conf. Boehn. jur. eccles. lib. I. tit. 43. §. 4.* (g) *Cap. V. VII. X. XIII. ex. de arbitr.*

que jure civili esse arbitri servi , pupilli , minores , item mulieres (a) , quae a publicis officiis remouentur , si vel maxime summae opinionis existant ; nihilominus mulieres jure decretalium arbitrium recipere possunt , si ordinaria jurisdictione augeantur (b) . Laici quoque in causis ecclesiasticis & spiritualibus vetantur in arbitros eligi , quia non decet , ut laicus in talibus arbitretur (c) . Et si apud Innocentium III in rebus ecclesiasticis *vicedominus* arbiter constitutus invenitur (d) ; *vicedominus* iste clericus erat , qui tractandis rebus ecclesiasticis vice episcopi praesidebat , quod Cujacius observat (e) . Sed non videtur denegatum , ut cum clericis etiam laicus arbiter in rebus ecclesiasticis constituatur , si sedis apostolicae aut ejus legati auctoritas interveniat (f) .

Pluribus electis arbitris arbitrium quomodo expeditur .

§. V. Compromitti potest tam in unum , quam in plures , & si in plures , consultius est , ut in impares numero compromittatur , ut si dissentiant , plurimorum sententia litem finiat . Si in plures compromissum sit non adjecta clausula , ut si unus absit , reliqui procedant ; omnes conjunctim judicare debent , nullumque est latum arbitrium , si unus , etiam legitimo impedimen-

to-

(a) *Conf. Huber. prael. par II. lib. 4. tit. 8. n. 3.*

(b) *Cap. IV. ex. de arbitr.* (c) *Cap. VIII. ex. eod.* (d) *Cap. VII. ex. de confirm. utili.* (e) *Cujac. in cap. XV. ex. de judic.* (f) *Cap. IX. ex. de arbitr.*

to detentus, absit, licet praesentes omnes consentiant; stricte enim adhaerendum est compromisso, & praeterea absens omnes alios in suam sententiam poterat adducere (a). Est haec civilis jurisprudentia, & quidem satis proba; at nihilominus ab ea Bonifacius VIII recessit, qui statuit, posse praesentes arbitros in causa procedere, si unus ex tribus citatus, nec impeditus adesse velit, idque ut quaestionibus seu controversiis celerius finis imponatur (b): qua tamen ratione posthabita in iudiciis delegatis ratum fixumque esse voluit, ut si eorum unus absit, reliqui non procedant. Quod si duo arbitri sumti sint, & in iudicando inter se dissentiant, an alium arbitrum eligere possunt, cujus sententiae pareatur? Jure civili tantum id licuisse videtur, si in ipso compromisso tertius nominatus sit, qui in casu dissensus in arbitrum sumi debeat; nam eo non nominato compromissum nullum censetur, quia possent arbitri in eligendo dissentire (c). Sed moribus praesentibus semper licet arbitris, quo casu in iudicando non conveniant, alium arbitrum sumere, etsi novus arbiter nominatus non fuerit.

Quae causae arbitros non admittunt.

§. VI. Tantum vero in causis, quae privati arbitrii sunt, quaeque privata notione componi possunt, non generatim in omnibus causis licet arbitros assumere: quae enim tantum a juris-

(a) L. XVII. §. 7. de recept. qui arbitr. (b) Cap. II de arbitr. in 6. (c) (it. L. XVII. §. 5. & 6. Conf. Boehm jur. eccles. lib. I. tit. 43. §. 6.

jurisdictione dependent, aut jus publicum spectant, non admittunt arbitri notionem. Ita nullum est compromissum in causis restitutionis in integrum, quae jurisdictionem, qua arbitri destituuntur, requirunt (a). Item arbitri notio ad causas matrimoniales non extenditur (b); nec enim pro arbitrio suo licet compromittentibus de matrimonio abire, & praeterea istiusmodi causae certis iudicibus addictae sunt. Diversa vero ratio est sponsaliorum sic proprie dictorum, quae mutuo consensu dissolvi queunt (c), atque adeo arbitris recte committuntur. Nec arbitri notionem admittunt causae status (d), videlicet ingenuitatis, libertatis, natalium, quae majores iudices requirunt. Praeterea nullum est in causis criminalibus & famosis compromissum (e); imperii nimirum est poenas irrogare, nec in delinquentium potestate esse debet excutere magistratum imperium, & se subjicere arbitrorum notioni. Excluditur vero in criminibus compromissum, si ad publicam vindictam agatur; nam ubi civiliter agitur ad poenam parti laesae applicandam, licet arbitris cognoscere: nec tamen, quamvis crimen sit famosum, arbitri sententia irrogatur infamia (f). Nec valet compromissum de statu ecclesiae, vel

(a) *L. ult. C. ubi & apud quem cognitio in integr. restit. agitata sit, cap. IX. ex. de in integr. restit.*

(b) *Cit. cap. IX.* (c) *Cap. II. ex. de sponsalib.*

(d) *L. XXXII. §. 7. D. de recept. qui arbitr., cit. cap. IX.* (e) *Cit. L. XXXII. §. 6., cit. cap. IX.*

(f) *L. XIII. §. 5. D. de his qui notantur infam.*

luti de exemptione, quia de jure alieno, pontificis nempe, agitur (a).

Arbiter sponte receptum arbitrium cogitur implere.

§. VII. Compromisso electus arbiter non nisi volens recipit arbitrium, est enim haec res libera & soluta & extra necessitatem jurisdictionis posita (b). Recipere promittere est, & in hac causa proprie ad arbitrum, qui suscipit arbitrium, refertur, non ad litigatores, qui arbitrum non recipiunt, sed eligunt, sumunt, capiunt. Hinc recte Gerardus Noodt (c) observat, in titulo DD. vulgatae editionis *de receptis arbitris* potius legendum *de receptis arbitriis*. Videntur vero arbitrium recepisse, qui iudicis partes suscepit, finemque sua sententia controversiis impositurum pollicetur: nam qui hactenus se negotio immiscuit, ut partes arbitrio suo componat, arbitrium non recipit (d). Semel vero receptum arbitrium necessario implendum est; & si arbiter implere detrectet, praetoris jurisdictione compellitur (e); nec enim justum est, eum, qui litis intima cognovit, & utriusque partis secreta comperta habet, arbitrium deferere, & ob gratiam aut sordes nolle sententiam dicere. Magistratus non tantum cognoscit judicatque, sed etiam judicare jubet. Tum vero ad judicandum arbiter compellitur, si nulla arbitrii detrectandi cau.

(a) *Cap. V. ex. de arbitr.* (b) *L. III. §. 1. D. de recept. qui arbitr.* (c) *Gerard. Noodt comm. ad cit. tit. DD.* (d) *L. XIII. §. 2. D. eod.* (e) *Cit. L. III. §. ult., L. XXXII. §. 12. D. eod.*

caussa subsit; nam cessat coactio, si compromissum nullum aut incertum sit; item si justam excusationis causam arbiter habeat, veluti si litigantes eum infamaverint, si sprete ejus auctoritate ad alium arbitrum aut judicem ierint, & deinde ad eundem redire velint, quae aliaeque non implendi arbitrii causae legibus consignatae sunt (a). Quod si locus sit coactioni, & plures sint arbitri, omnes coguntur, quia in omnes compromissum est (b).

Arbitri compromissarii jurisdictionem non habent.

§. VIII. Arbitri quocumque modo partium compromisso sumti nullam sic proprie dictam habent jurisdictionem; privatorum scilicet voluntate, quae judicem non facit, capiuntur. Hinc proprie judices non sunt, sed partes judicis suscipiunt (c), & dicuntur *judices compromissarii* (d), ut intelligatur, eos non vi jurisdictionis, sed voluntate partium de lite cognoscere; itemque ab arbitris dicta sententia proprie sententia non est; proprie vero vocatur *arbitrium* (e), (quamvis alias *arbitrium* & causae cognitionem & ipsam arbitrorum sententiam denotet, quo spectant *arbitria recepta*) & praesenti usu fori laudum audit, idque a *laudare*, quod sequiore latinitatis aevo erat judicare (f). Nec arbitri-

Inst. jur. can. T. VI,

C c c

tri-

(a) *Conf. Huber. praelect. par. II. lib. 4. tit. 8.*

n. 5. (b) *L. XVII. §. 2. D. de recept. qui arbitr.*

(c) *L. XIII. §. 2. D. eod.* (d) *L. V. §. 1. C. de recept. arbitr.* (e) *L. IX. D. qui sol. sd. cogant.* (f) *Conf. Hotoman. de verb. feudalib.*

trium habet rei judicatae auctoritatem (a), nec inde datur actio judicati, nec irrogatur infamia (b). Ceterum etsi arbitri jurisdictione destituantur; tamen arbitria sollemni judiciorum more instituuntur: idque est quod ait jurisconsultus, compromissa ad instar judiciorum esse redacta (c): quamvis non omnia, quae in judiciis usurpantur, apud arbitros locum habeant, quae de re interpretes consulendi (d).

Notio arbitri ex compromisso pendet.

§. IX. Quae quum ita sint, arbitri puram notionem habent, qua de causa cognoscunt & arbitrantur; notio vero ista & potestas ex compromisso pendet, nec aliud iis facere licet, quam quod ibi compromissum est, & quatenus placuit. De officio arbitri tractantibus sciendum est, inquit Paulus (e), omnem tractatum ex ipso compromisso sumendum: nec enim aliud illi licebit, quam quod ibi, ut efficere possit, cautum est. Ergo si quae negotia inter compromittentes postea emerferint, arbitrio non subjacent (f). Nec apud arbitros institui potest reconventio, quod Innocentius III rescripsit, & quidem ea summa ratione, quod arbitris judicare non licet, nisi de causis compromisso expressis (g). Locum habet

id

(a) Paulus lib. V. sententiar. tit. 5. §. 1., L. III. C. eod. (b) L. XIII. §. 5 D. de his qui notant. infam. (c) L. 1. D. de recept. qui arbitr.

(d) Conf. Gonzalez in cap. 1. ex. de arbitr.

(e) L. XXXII. §. 15. D. de recept. qui arbitr.

(f) L. XLVI. D. eod. (g) Cap. VI. ex. de arbitr.

id jus si res omnino differant ab iis, de quibus in compromissum itum est; nam si aliquid emergat a principali negotio pendens, recte de eo arbitri cognoscent: quemadmodum etiam arbitria ferent de iis, sine quibus causa principalis decidi non potest, quaeque ipsi causae adeo connexa sunt, ut nisi una decidantur, causae plenaria cognitio haberi nequeat (a).

Compromittentes arbitrio stare coquantur..

§. X. Quamvis vero arbitri sententia rei judicatae auctoritatem non habeat, nec inde iudicati actio detur; tamen tenentur compromittentes arbitrio stare, sive illud aequum, sive iniquum sit (b); sibi enim debent imputare, qui compromiserunt, danturque propterea actiones, quibus illi per indirectum sententiae stare compelluntur. Veteri Romano jure si compromissum stipulatione initum esset & quidem adjecta poena, actio ex stipulatu ad poenam dabatur; poena vero non adjecta, agebatur in incertum, id est ad id, quod intererat (c). Si vero arbitri nudo pacto electi essent, nec actio, nec exceptio dabatur: quamvis enim ex nudo pacto exceptio daretur, tamen exceptum est compromissum, quia absurdum videbatur, ut arbitrium in uno litigantium ratum esset, non item in alio. Tantum dabatur exceptio, si par esset utriusque litigantis conditio, veluti si ambo essent debitores, qui paciscebantur, ne peterent, quod si-

Ccc 2

bi-

(a) *Conf. Tulden. in C. tit. de recept. arbitr.*

(b) *L. XXVII. §. 2. D. de recept. qui arbitr.*

(c) *Cit. L. XXVII. §. 7.*

bi debitum contendebant (a); tum enim quicumque agebat, exceptio competeat. Inde Justinianus compromisso per nudum pactum inito dedit actionem in factum ad sententiae executionem, itemque exceptionem, modo decem dierum spatio partes expresse vel tacite eam probaverint; nondum vero decem diebus exactis, licere voluit utrique impune resilire (b). Ita pactum nudum legitimum evasit tantum in specie, qua litigantes sententiae consentirent. At jure canonico vi majori arbitria donantur; siquidem adjecta compromisso poena, ejus metu partes sententiae stare coguntur (c); sin minus, & actio in factum ad ejus executionem, & exceptio statim dantur (d), etiamsi nudo pacto compromissum sit; receptior enim sententia est, jure decretalium ex pactis nudis actionem nasci.

Appellatio non datur ab arbitri sententia.

§. XI. Quaecumque vero actione litigantes arbitrio stare coguntur, appellationis auxilio non juvantur; non enim ab arbitri compromisso sumti sententia datur appellatio, quod non minus jure civili, quam sacris canonibus cautum est (e); repugnat enim rationi, qua arbitri eliguntur, appellatio; itur nempe ad arbitros, ut lites citius & expensarum compendio finiantur:
item

(a) L. XI. §. 3. D. cod. (b) L. V. C. de recept. arbitr. (c) Cap. IV. & IX. ex. de arbitro.

(d) Cap. V. IX. ex. cod. (e) L. I. C. de recept. arbitr., can. XXXIII. C. 2. q. 6.

itemque sibi imputare debet, qui compromisit & velut transegit, si minus aequum arbitrium videatur (a). Obstat videtur canon quidam concilii Carthaginienſis III, prout exstat apud Gratianum, ubi edicitur, ut *ex consensu partium si judices electi fuerint, liceat provocare* (b). At & non iste addita negatione legendus est, non licet provocare, quemadmodum legitur apud Dionysium Exiguum & Ivoſem & in ipſo concilio Carthaginienſi tam impreſſo, quam manuſcripto cum variis exemplaribus collato, ut Romani correctores obſervant. Et deinde conſtans eſt canonum Africanorum ſententia, a judicibus communi conſenſu electis (ſic in Africa dicebantur arbitri voluntarii) non dari appellacionem (c). Ceterum uſu fori paſſim receptum eſt, ut ſententia judicis compromiſſarii, ſi iniqua videatur, reducatuſ ad arbitrium boni viri: quae reductio parum ab appellacione diſtat, & ita arbitria apud judicem ordinarium deferuntur. Hinc factum, ut compromiſſa potius lites diſſerant, quam citius componant, idque contra arbitrorum inſtitutionem (d).

Quibus modis ſolvitur compromiſſum.

§. XII. Compromiſſum ſemel jure initum, pluribus modis exſpirat, etiam arbitrio recepto. Et primo quidem id evenit per ſententiae prolationem, modo de omnibus ad compromiſſum

C c c 3

ſum

(a) L. XXVII. §. 2. D. de receptis, qui arbitri. (b) Can. XXXIV. eod. (c) Citat. can. XXXIII. & can. CXXII. C. Afric. (d) L. XXXVII D. de recept. qui arbitri.

sum spectantibus arbitrium dictum sit; lata enim sententia arbitri officio suo defuncti sunt, nec eam mutare possunt, etsi per errorem prolata (a). Finitur quoque arbitrorum potestas mortuis compromittentibus, aut eorum uno, nec enim compromissum transit ad heredes, nisi id specialiter caveatur (b); itemque mortuis arbitris, aut eorum uno (c), nisi placuerit, ut uno mortuo reliqui procedere valeant (d). Praeterea solvitur arbitrium, si dies compromisso adjecta lapsa sit, nisi consensu partium prorogetur; rei item interitu, si lis transactione, aliave ratione sublata sit (e), & si litigantes a compromisso recesserint, non modo si uterque, sed etiam si alter invito adversario, relictis arbitris, ad judicem eat; nec enim ibi conventus litis pendens habet exceptionem; sed judicis additione arbitrium finitur, & poena ex compromisso peti potest (f).

Arbitrorum juris exempla.

§. XIII. Haec de arbitris voluntariis, dicendum deinceps de arbitris juris, qui citra compromissum a partibus eliguntur, at jussu legis, seu canonis, qui eos assumendos jubet. Ita jure civili si delegati judices suspecti esse dicantur, eligi debent arbitri, qui de ipsa causa principe cognoscant (g): quemadmodum etiam eodem ju-

(a) L. XIX. §. 1. & 2. & L. XX. D. eod.

(b) L. XXVII. §. 1. & L. XLIX. D. eod., cap. X. ex. de arbitr. (c) Conf. Gonzalez in cap. XIV ex. eod. (d) Cap. XLII. ex. de off. deleg.

(e) L. XXXII. §. 3. & 5. D. eod. (f) L. XXX D. eod. (g) L. XVI. C. de judic.

jure eligi debebant ad articulos incidentes definiendos, veluti ad probandos fidejussores (a). Ius canonicum similiter in quibusdam causis arbitros requirit, veluti in ecclesia Africana, ubi placuit quotannis non celebrari synodum universalem, eligi debebant arbitri, qui de appellatione a sententia synodi provincialis cognoscerent (b). Et jure decretalium si delegati iudices tanquam suspecti rejiciantur, eligi debent arbitri, qui de suspitione, non de causa cognoscant (c), contra quam jure civili cavetur: item, que quaestio an per litteras secundas, quibus alii delegati dati sunt, priores litterae sint revocatae, si iudices inter se non conveniant, per arbitros communiter electos sopienda est (d). Arbitri autem isti necessarii jure civili originem suam ducunt a iudicibus, qui olim in negotiis bonae fidei dabantur, saepe ex voluntate litigantium, quique ex bono & aequo arbitrari potius, quam judicare debebant (e).

Arbitri juris veri iudices sunt.

§. XIV. Arbitri juris, utpote jussu legis, seu canonis ab ipsis partibus constituti, veri iudices sunt, consentur enim ab eo, qui electionem jussit, principe nempe, vel praetore dati. Sane aperte habet Justinianus, arbitros, qui eligi debent, quo casu iudices delegati tanquam suspecti rejiciantur, perinde esse, quasi fuerint

ab

(a) L. IX D. qui satisf. cogant. (b) Can. XCVI. C. Afric. (c) Cap. XXXIX. ex. de off. deleg. (d) Cap. XIV ex. de rescript. (e) Conf. Boetium, lib. I. jur. ecclesiast. tit. 43. §. 1.

ab imperiali culmine delegati (a). Hinc quo casu a principe ipso subditi censentur, veram jurisdictionem habent; notionem vero si a magistratu dati censentur, non secus ac iudices ab ipso praetore dati. Cujusve vero generis sunt, eorum sententia auctoritatem rei judicatae habet, & inde recte appellatur. *Arbitro ad fidejussores probandos constituto*, auctoritate nempe magistratus, inquit Gajus (b), *perinde ab eo atque ab iudicibus, appellare licet*. Eadem est decretalium sententia, habent enim electis arbitris, qui cognoscerant de suspicione iudicum delegatorum, aut de revocatione litterarum apostolicarum ad sedem apostolicam appellandum (c), quod scilicet ejusmodi arbitri auctoritate illius sedis subditi censentur. Cur vero arbitri dicuntur, non iudices? quia scilicet communi consensu partium eliguntur, ideo arbitri nomen datur, quum tamen veri iudices sint, ut arbiter pro socio, tutelae (d).

Explicatur disciplina ecclesiae Africanae de iudicibus electis.

§. XV. In veteri disciplina arbitri juris praesertim in usu erant in ecclesiis Africanis, ubi *iudices electi* dicebantur. Sed illud negotium facessit, quod synodus Carthaginiensis anno ccccvii habita appellari non permittit a iudicibus, qui eligi praecipiuntur ad cognoscendam

a de-

(a) L. XVI. C. de judiciis. (b) L. IX. D. qui satisfacere cogantur, l. XXIII. D. de appellat.

(c) Cap. XI. de off. deleg. in 6. (d) Conf. Cuius jac. in L. XVI. C. de iudic.

a decretis synodi provincialis appellationem ,
ut ab ipsis nulli deinceps liceat provocare (a) ,
quod receptis regulis & ipsi naturali aequitati
adversari videtur . Nodus iste ex peculiaribus
Africanæ disciplinae regulis recte enodatur , &
miror profecto , neminem , quod sciam veram
patrum Carthaginensium sententiam fuisse ad-
secutum . Placuerat huic ipsi Carthaginensi
concilio , ut synodus plenaria totius Africae
quotannis de more non haberetur , sed quoties
caussa communis exigeret (b) . Hinc ne auxilio
appellationis carerent , qui in synodis provincia-
libus damnabantur ; placuit quidem ab earum
decretis appellari , sed simul eligi iudices , qui
de appellatione cognoscerent , ulterius vero non
dari appellationem . Et recte quidem , nam sy-
nodus plenaria non habebatur , nisi in causis
communibus , & transmarina iudicia Afri omnino
repudiabant . Ita patres Africani a iudicibus ,
qui elegebantur ad cognoscendam appellationem
a decretis , quae a synodo provinciae in-
terponuntur , appellari non permittunt , quod
aliud supremum non erat auditorium : & rea-
pse ubi iudices eligebantur contra episcopi sen-
tentiam , Africani patres ad Africana concilia ,
vel ad primates provinciarum concedunt ap-
pellationem (c) . Haec est genuina patrum Car-
thaginensium sententia , errantque profecto non
minus Gratianus (d) , quam Zonaras & Ariste-
nus

(a) *Can. XCXV. & XCVI. C. Afr.* (b) *Cit. can. XCV.* (c) *Can. CXXV. C. Afr.* (d) *Grat. ad can. XXXIX. C. 2. q. 6.*

nus (a), quorum ille canonem, qui a iudicibus electis vetat appellationem, accipit ex sententia juris civilis, quasi ab uno eodemque litigantium tertio provocari prohibeat; hi vero interpretantur de arbitris voluntariis; a quorum arbitrio ex juris civilis & canonum sententia non datur appellatio. Sane canon Carthaginienfis secundam, non tertiam appellationem rejicit; & deinde non de arbitris compromisso sumtis, sed de iudicibus jussu canonis ab utraque parte eligendis conceptus est.

F I N I S.

(a) Zonar. & Aristen.com. in can. concilii Carthag.can. XCIX. ap. Bevereg.tom. I. pand. canon.











